



7  
16-E  
54

~~K~~  $\frac{4}{26}$



Ex Bibliotheca  
majori Coll. Rom.  
Societ. Jesu

M

78.3.34  
78.3.34

7-16-E-54







IOANNIS MEVRSI  
**HISTORIÆ**  
**DANICÆ**  
Libri III.

*In Quibus*

Res commemorantur gel-  
tæ à CHRISTIANO I; ac Io-  
ANNE, eius filio: & nepote,  
CHRISTIANO II.



*Bibliotheca*

*Levr.*

*Dom.*



*Jac. Refu*



*Cum Gratia & Privilegio Ser. Reg. Maj.*

**H A F N I Æ,**  
Apud IOACH. MOLTKENIUM  
Bibliopolam ibidem.  
Anno clō. lōc. xxx. c



THE  
LIBRARY OF THE  
MUSEUM OF MODERN ART  
1000 MUSEUM AVENUE  
NEW YORK, N. Y. 10028

Serenissimo, ac Potentissimo,  
Principi;

## CHRISTIANO IV.

Daniæ, Norvegiæ, Gothorum, & Vandalorum regi: duci Slesvici, Holsatiæ, Stormariæ, & Dithmarsiæ: comiti Oldenburgi, ac Delmenhorsti: &c. regi,  
& domino, clementissimo.



**R**Egum sortem reputanti, Rex Serenissime, illud verum apparebit, quod à Tito Imperatore olim coniuratis dictum: *Principatus fato dari.* Ne exempla mihi petam ex Historiâ, sacrâ pariter ac profanâ, quæ permulta illic obuia, ex his tribus, quos humillimè Maiestati

a 2

tux



*PRAEFATIO.*

tua offero, duo abundè fidem facient. Ecce enim, mortuo Christophoro Bauaro, cum Adolpho Slesvicensi, regis Valdemari IV. pronepoti, regnum proceres deferrent, studium præ se ferentes in profapiam illam regiam, Deus Christianum ostendit, Diderici Oldenburgici filiorum natu maximum, itidem à matre Heduige, Adolphi sorore, genus regium contingentem, & hunc solio imposuit: nempe ut virtutem eius, quam legatis etiam pater commendabat, muneraret. Ille verò, sicut regna, quibus artibus parantur, iis optimè asseruntur, quod à Deo ob virtutem accepisset, per eandem cum ingenti laude suâ diu habi-

*PREFATIO.*

habitum, mox decedens, filio Iohanni tradidit: isq; rursum, in vestigiis patris hærens, Christiano, item filio, eius nominis secundo. Verùm hic, neglecto Deo, per quem reges omnes regnant, cùm defleceret à virtute, illo animum, & consilia, perturbante, regno temerè ipse excedens, nec redire in id potens, didicit experiendo; regem nullum adeò potentem esse, quin iratus illi Deus, quando ita visum fuerit, sceptrum frangat. Itaque ab isto solo, rege regum, dominoq; dominantium, regna vniuersa pendent. Ille ea dat, & adimit; ineffabili consilio, & arcanâ providentiâ: quam humana ratio nulla comprehendere, aut inuestigare

*PREFATIO.*

valet. Nec dat tantum, eripitq; ; verum etiam nec deponere permittit, semel data. Sic Augusto, bis remp. reddere animum inducenti, quia monarchiam eam diuturnam esse vellet, cogitationem eripuit, ac, quod posse ei dederat, non concessit vti faceret; & inuito conseruauit. Alios autem sic tuetur, vt eripere nemo vnquam externus possit: quod Maiestas quoq; tua nuper admodum est experta. Nam, cum hostis potentissimus extorquere conaretur, iam redacta in potestatem Cimbria, Holsatiaq; penè omni; exiguo freto interposito, velut obice obiecto, regno reliquo prohibitum, stitit Deus, vultq; vltra progredi. Nec hoc solum

*PREFATIO.*

lùm; verùm & coëgit reddere, quæ  
biennium tenuisset: etiam pacem  
vltro offerre, adeò certè glorio-  
sam, quàm id bellum graue fuerat.  
Nempe Maiestatis tuæ pietati id  
acceptum referendum; quæ vt ra-  
ra est in regibus, ita in Maiestate  
tuâ sic excellit, vt Dauidem nostro  
seculo repræsentes. Atq; ea Maie-  
statem tuam mouit, vt Germaniæ  
libertatē, ac religionem in eâ, quâ  
nil piis viris prius, illâ opem im-  
plorante, defendendam existima-  
res. Ac successus quanquam animo  
non responderit, deserentibus fœ-  
deratis, ac prodentibus etiam tuis,  
maximè in pugnâ Lutherensi, ac  
Bremenſi episcopatu, dum Ger-  
maniæ peccata, Daniæq; castigare  
Deus

PREFATIO.

Deus cupit ; tamen pietatem eximiam tota adeò posteritas, quæ sine odio gratiaq; iudicabit, ex conatu tam insigni metietur : sicut animi illam inuictam magnitudinem præsens æuum , & inprimis ipse hostis, admiratur, prædicatq;. Habes verò, Rex Serenissime, quâ belli casum leuiùs feras, bonam omninò conscientiam ; tum exempla Principum quoq; aliorum perillustrium, qui, eodem planè modo magnum aliquid agentes, votum non obtinuerunt. Ita enim comparatum est; vt divina providentia, etsi interdum bonæ causæ, quam odisse nunquam potest, minus æqua videatur, eam tamen, propter hominum peccata, non deserere quidem



PREFATIO:

dem velit, sed differre: atq; ita evenire est necesse, vt consilia humana, quamuis recta, malè cadant. Quod quandoquidem ita habeat, nulli tamen vnquam regum ideò PIETAS deferenda: quæ, vt habet Maiestatis tuæ symbolum, illud longè augustissimum, ac dignissimum rege verè Christiano, vna maximè REGNA FIRMAT. Testimonium vnum, atq; alterum, dabo, omni exceptione maius. Ob hanc David vir secundum Dei cor pronuntiatur, minimusq; natu fratrum rex eligitur; & inuito quamuis Saule, plurimumq; obnitente, confirmatur: atq; regnum annos quadraginta tenet. Eius filium Salomonem cum offensu, quod à  
b pie-

pietate ipse defecisset, solio Deus  
 deturbare statuisset, in Dauidis  
 patris gratiam viuo parcens, pœ-  
 nam distulit in filium: & huic  
 etiam vnam tribum de duodecim  
 reliquit, idque ipsum item in Da-  
 uidis gratiam. Audiant ergo re-  
 ges omnes, principesque; & à Ma-  
 iestate tuâ istud discant, qui ig-  
 norant, REGNA FIRMARI PIETATE.  
 Neque ea tantum est in Maiesta-  
 te tuâ planè singularis, sed iusti-  
 tia, caritasque in subiectos, pa-  
 ri passu comitantur. Et vt illa Deo  
 te, Rex Serenissime, gratum fa-  
 cit, ita istæ populo tuo. Cuius  
 sic vicissim affectum vniuersi ob-  
 strictum tenes, vt in sinum vniuf-  
 cuiusque etiam reclinare caput.

li-



tissimè item excipias , admodum demisso animo Maiestatem tuam rogo. Facies id, Rex Serenissime, regum maximorum exemplo: qui ut viros eruditos in honore haberunt, sic ingeniorum quoq; monumenta, sibi oblata, blandâ fronte acceperunt. Et profectò, quantum studijs tua Maiestas pretium ponat, satis clarè in hoc ostendit; quod ut ipsa egregiè Latinis Literis est imbuta, item principem Serenissimum, Christianum, successorem designatum, atq; duces illustrissimos, Fridericum, & Ulricum, filios suos, ijsdem imbui summo studio curauerit. Nec contenta eâ laude, ut nobilitas quoq; regni adulescens itidem instrueretur, A-  
ca-

*PREFATIO.*

cademiam hanc Soranam erigendam existimavit; vt deberet Christiano Quarto Dania, quantum antea Primo debuit, qui instituit Hafniensem: quam & ipsam maxime Maiestas tua exornatam plurimis quoque beneficijs obligauit. Affirmo, Rex Serenissime, vnum istud non minorem Maiestati tuæ gloriam apud exteras nationes & inpræsens peperisse, & deinceps pariturum, quàm præclarè belligesta: immo ista per hoc ipsum famam suam habitura. Etenim sic constitutum est, vt cognitio nullarum, quamvis præclarissimarum, aut memoria, apud posteros sit futura, nisi Literarum eæ monumentis consecrentur. Illud Archelaus

sciuit, rex Macedonum; & vt scire, atq; dignitatem quoq; Literarum æstimare, se ostenderet, Ioui Mûsas exæquauit; & commune ipsi illisq; festum instituit: quod per nouem totos dies celebratum, de earum singularum nomine in dies singulos diceretur. Nempe sic existimabat rex egregius; regna quidem summi Dei, quem credebat Iouem esse, beneficio, à maioribus obuenerit, verùm morte ferè obscurâ terminari: at virtutum gloriam tum demum sempiternam esse, cùm victuris eam scriptis viri docti ab obliuione vindicant: Etenim quis nunc Achillem, Alexandrum, licet cognomento Magnum, Iulium Cæsarem, aut

*PREFATIO.*

aut heroas plures alios, fortitudi-  
ne, ac gestarum rerum laude, excel-  
lentes, vnquam natos esse sciret,  
in memoriam eorum Literæ ad po-  
steritatem transmisissent? Quan-  
tum regum, etiam sua, quondam  
ætate maximorum, pariter cum  
rusticis ignobilissimis ignoratur?  
quorum sceptræ & hâc in parte  
mors ligonibus verè æquasse dici  
potest. Apud Romanos Fuluius  
Nobilior, allata Ambraciâ Musa-  
rum signa Herculi, communi æde  
constitutâ, dedicauit: eâ re testa-  
tum cupiens, hunc, & illas, mutuâ  
omnino operâ indigere: & vt Her-  
culis virtutem illarum ore prædi-  
candam, sic earum dignitatem illi  
defendendam esse. Ac, ne vetera  
tan-

PREFATIO.

tantum dicam, quæ proferre multa  
possem, auctorum memoriâ, Galliæ  
rex Franciscus I. celebratur: & in-  
ter laudes eius plurimas illa sibi  
primas vendicat, quod in Literas,  
& earum studium præ se ferentes,  
maximopere propenderet. Con-  
uocauit Professores, qui Lutetiæ,  
in Collegio Camerarensi, omnis  
generis scientias iuventutem edo-  
rerent. Bibliothecam quoque strux-  
it luculentam; missis per Italiam,  
Græciam, Asiamque, qui impensâ  
longè maximâ libros quosque, aliàs  
incomparabiles, vndiquaque quære-  
rent, describerentque, & in Galliam  
importarent. Insuper, quia sine ty-  
pis, planè uti sine libris, Literæ sub-  
sistere nequeunt, etiam Typogra-  
phi-



phiam, toto orbe adeò celebratam, instituit: & Robertum Stephanum illi præposuit. Eoq; facto, industriâ huius, maius multo ad ipsum decus, quàm ex tot præclarè bello, ac pace, gestis, redundauit: sicut iudicat & vir maximus, Iacobus Thuanus, Operis nunquam sat laudati lib. xxiii. Ac profectò istis rebus id omninò est adeptus, vt, cùm principes ferè alij titulis ambitiosis, aliunde conquisitis, vanam gloriam sectarentur; ipse, veram solidamq; consequutus, PARENS LITERARUM dici meruisse censeretur. Huius hæres, quanquam aliquo interuallo, Henricus IV, iure Magnus cognomento appellatus, cuius vim inuictam animi, & peritiam rei bellicæ, Maiestas tua repræsentat, cùm

c

Per-

Perronius Cardinalis, vt narrantem ipsum audiui, Lutetiæ Parisiorum ante annos duos & vigintiagens, admoneret, cum hoc solo à Francisco I. vinci, quod non Literas, quarum ille summum sese Mæcenatem præbuisset, promoueret; vt impleret tandem gloriam, quam & imperfectam esse agnoscebat, & ingenuè fatebatur, animum quoq; hucaduertit: & in Academia Parisiensi, quasi nouam Academiam, regium Collegium ædificare mox constituit; in quo viri, famâ clari, vndecunq; stipendijs amplissimis evocati, iuuentutem erudirent. Sed propositum tam præclarum execrandus parricida interceptit. Tu vero, Rex Serenissime, qui in alijs non iniuria comparari ipsi potes, hâc in  
par-

*PREFATIO.*

parte superas felicitate: qui absolueris, quod huic cogitare potius, quàm perficere, datum fuit. Vnum restat, quod demisso, quantum possum, animo precor; vt Maiestas tua Soram, adeò à se illustratam, meq; in eâ, cui, è patria evocato, aliquem illic inter Professores locum clementissimè esse voluit, porrò regiâ clementiâ complectatur. In hoc desino; & Deum Opt. Max. veneror, vti Maiestatem tuam diutissimè incolumem in verâ pietate seruet: ad nominis sui sanctissimi gloriam, & regni tui incrementum. Soræ, ad diem VII. Augusti, clō. Ioc. XXX.

Maiestati tuæ

humillimè subditus

**Ioannes Meursius.**



IOANNIS MEVRSI  
HISTORIÆ  
DANICÆ

Liber I.

Qui complectitur regnum

CHRISTIANI I.



istoriam Daniæ scribere, consilium  
cepi; sine gratiâ, odioq; : quorum causas,  
homo Batavus, nulli caritate obnoxius,  
aut offensâ inimicus, procul habeo. Prin-  
cipium verò, à Christiano I. erit; qui regnorum plu-  
rium sceptrâ in familiam Oldenburgicam primus  
intulit: & virtute suâ effecit, ut procures Danici, qui-  
bus nil virtute prius, eam in ipso amplectentes, reg-  
num, quanquam electione semper solitum confer-  
ri, quasi hæreditarium facerent. Quippe homines  
animo planè generoso, quiq; regibus ipsi suis, quibus  
regna tribuissent, nil debere cupiebant, sic omninò  
existimabant: non se gratiam meliorem reddere  
benè meritis posse, quàm, si filios eorum, quos, præ-  
ter paterna merita, virtus quoq;, regibus digna,  
commendabat, ad fastigium idem eyherent. Quâ

A

re



re factum, ut plus minus centum octoginta annis familia una Daniam omnem, & conjunctas regiones, suâ in potestate habuerit; tantâ quidem moderatione animi, ut res duas, vix conjungi posse creditas, libertatem, ac principatum, conjunxisse cum ingenti suâ gloriâ visâ fuerit: nisi quatenus nebulam quandam intersparsit solus Christianus alter, primi, à quo mihi initium, ex Ioanne filio nepos. Ille enim, nec fortunæ, neq; animi sui potens, cùm, virtutem insuper habens, quæ potissimum regum omnium firmamentum est, potestate abuteretur, regno excidit. Sed de eo proprius dicendi locus sese dabit, cùm ad istud tempus venero: nunc ad Christianum I. nostra se oratio vertet.

Id. cccc  
XLVIII,

Mortuo Christophoro III. in Elfsingburgensi arce, anno Id. ccc XLVIII. mox tumultuari Sveci. Siquidem illi, qui Christophori mandato Ianicipiæ convenerant, cum de morte ejus rumor increbesceret, perturbati, & consiliorum incerti, comitia Stocholmum transferunt; illic die præstituto adfuturi, & suffragia de constituendo sibi novo rege collaturi. Priùs tamen, quàm discederent Ianicipiâ, Benedictum, & Nicolaum, Ionæ FF. dum id tempus expectarent, regnum gubernare jubent: ac Ioannem Salistæum, Benedicti ejus F. in defuncti pridem Nicolai locum, summum præfulem constituunt. Isq; statim ipsam arcem Stocholmensem, regum sedem, & munitiones quasq; validissimas regni, invadit. Ad hæc Sveci, Carolo Canuti F., qui Finlan-

landiam tunc tenebat, summæ ambitionis homine, concitante, quæ regina Margareta de regnorum unione statuisset, abolere moliuntur. quæ ut Dani accepere, magis seriò de creando novo rege in senatu consultatum est. Etenim, nec liberi ulli à Christophoro relictî; nec Dorothea, ejus vidua, Sveciâ tumultuante, tutò regnum ex decreto tradi posse videbatur. Erat quidam, vir equestri dignitate, opibusq; inter Danos, & auctoritate, præstans: is & nuptias Dorothea, & per eas etiam regnum, appetebat. Verùm, quia exemplum hætenus nullum erat, eligendi ex nobilitate regis; & Dorothea, generosi animi fœmina, nuptias planè recusaret, aut è principum sanguine virum dari sibi postularet: ac nupturam se promitteret, cui regnum à senatuda tum foret, frustra fuit. Itaq; , Svecis jam secessionis suæ manifestis, cùm nec spei quicquam esset de concordia faciendâ, senatus è re publicâ censuit, regem externum ad regnorum Daniae Norvegiæq; gubernacula advocare; habitoq; mox concilio, in Adolphum, ducem Slesvicensẽ, inclinat: qui, accepto à Christophoro hoc ducatu, regno jam obnoxius esset. Verùm ille, impar sibi ipse visus, & sub Margareta pariter, atq; Erico, bello diuturno fractus, raro principum exemplo, honorem oblatum cùm modestè recusaret, ut gratificari tamen Danis se paratum ostenderet, Christianum his commendat, Diderici comitis Oldenburgici filium, ac nepotem è sorore Hedvige suum, quem à puero educasset.

*cl. cccc* Hæc de causâ cùm legati Didericum adiissent, is re-  
*xlviil.* spondet : *tres se filios habere, sed ingenio differentes.*  
*Vnum enim, alea pariter, ac luxuria, studiosum; alte-*  
*rum, ad bella iusta, aut iniusta, animo, & manu, promp-*  
*tum: tertium, metiri ratione cuncta, nec quid inconsultò*  
*gerere; bella, nisi necessaria, detrectare; pacem ante omnia*  
*ferre; liberalitate deniq., fortitudine, & clementiâ, nemi-*  
*ni secundum esse. Hæc senatui referrent; se, quem ipse præ-*  
*zulisset, mox missurum.* Quæ legati cùm reversi nun-  
 tiassent, Christianum, cujus hæc virtutes erant, adeò  
 à Diderico ipsis patre prædicatæ, postulare visum  
 fuit. Nam, dum hæc à Danis fiunt, Sveci, qui defe-  
 ctionem instituerant, ac, præfectis jam duobus con-  
 stitutis, à decreto Margaretæ sese palàm segregave-  
 rant, ad comitia, quæ Stocholmi indicta erant men-  
 se Majo, perfrequentes convenere. Inter illos Ca-  
 rolus Canuti F. etiam fuit, regno inhians, militumq.;  
 ac clientum, magno numero stipatus. Atq., cum  
 hospitium gubernatoris sibi in arce, apud novum  
 archiepiscopum, Salistæum, occupasset; omnia ur-  
 bis ædificia, magis ampla, & munita, invadebat: spe-  
 cie quidem, ut familiam in his suam collocaret; sed  
 reverâ, uti adversantes sibi in petitione regni, si res  
 arma fortè posceret, ex iisdem oppugnaret. In con-  
 ventu, dum consilia agitantur, dissedere; parsq.; sic  
 existimabant, *neq. utile, nec honestum, in præsens poste-*  
*rumve esse, ut electio novi regis eo tempore, sine ullo proce-*  
*rum Danie, ac Norvegiæ, consensu, haberetur. Quin hanc*  
*differendam esse, dum regnorum trium procures, juxta fæ-*  
*duis,*

*duſ, ſub reginâ Margaretâ conſtitutum, convenirent, idq. c. l. cccc  
 omninò faciendum; cum ut iſtâ ratione publica tranquil- XLVIII.  
 litati, tum ut etiam conſcientia, quam obſtrinxerant, con-  
 ſulatur. Etenim juraſſe omnes, uti, decedente rege trium  
 horum borealium regnorum, mox Halmſtadium eorun-  
 dem quoq. proceres, ad creandum ſucceſſorem, conveni-  
 rent: & hoc conſcientia vinculum non tam temerè negli-  
 gendum ſibi eſſe. Si quis inhoneſtè agat, cum fama apud ho-  
 mines ſua detrimentum ferre: at perjurij, cerò Deum ul-  
 torem fore. Quod ſi tamen contra fidem, & juſjurandum,  
 ſeorſim ſibi regem conſtituere velint, ſaltem ne tam calidè  
 agant: ſiquidem in re tam gravi, in quâ ſubditorum ſalus,  
 aut perniciēs, verſaretur, nil precipitandum eſſe. Itaq. ſe-  
 dulò providerent, ne quid imprudenter ſtatuant, cujus  
 poſtea partim ipſos, tum indigenas regni omnes, panitere  
 ſemper poſſit. Hanc ſententiam tuebantur, Benedic-  
 tus, unus è gubernatoribus, & Ioannes Salixtæus, ejus  
 filius, archiepiſcopus Upſalienſis designatus, & epi-  
 ſcopus Strengeneſius: aliq. item plures, viri cum  
 auctoritate, tum prudentiâ excellentes. Verùm  
 contra vehementer contendebant, Carolus Canu-  
 ti; F. & Ericus, alter è gubernatoribus. Iſq. primò in-  
 vehi in Salixtæum; quod negotium, toti Svecia ſalutare,  
 impedire conaretur: nam electionem regis, quò celerius  
 peragatur, hoc utilitatis amplius univerſis allaturam. Pe-  
 riculum in morâ eſſe; & paratis nocuiſſe, quod differrent:  
 nec deinceps alium conventum ullum exſpectari oportere.  
 Ita Danos, cum Ericus Pomeranus, regno profugus, in Goth-  
 landiam ſe reciperet, in decretum hoc peccaſſe: & Chriſto-*



*et cccc XLVIII-* *phorum, nec comitiis indictis, nec consensu Sueciae proce-*  
*rum expectato, è Bavaria advocasse.* Sed postremum,  
 per calumniam illi Danis impingebant; cum con-  
 staret, antequàm Christophorum ipsi regem elige-  
 rent, Svecos jam gubernatores sibi duos Ianicipiæ  
 designasse: ac decreti negligendi sic exemplum præ-  
 buisse. Et hæc quidem cum contentione tantâ ani-  
 morum agitata, ut se partes in apertum sæpe cam-  
 pum, ad rem pugnâ dirimendam, provocarent.  
 Tandem, cum hi prævalerent, qui creari novum re-  
 gem, neque moram interponi, cupiebant: novo  
 exemplo constituti Quatuor-viri, duo episcopi, to-  
 tidemq; è proceribus, quibus cura, & potestas, novi  
 regis eligendi demandata. Ac, cum illi tres legissent,  
 atq; inter istos Carolum, tertio loco; is, ut erat maxi-  
 mâ cupiditate regni flagrans, clam effecit, ut suffra-  
 gia, & cum iis regnum quoque, interverteret: Sali-  
 stæo, qui habendam patris sui Benedicti rationem  
 hic fuisse ante cæteros censebat, indignante, & Up-  
 sâliam abeunte, neque regem salutare cupiente.  
 Quanquam tamen, ut collegij sui sodalibus, valdè il-  
 lud postulantibus, morem gereret, & Stocholmum  
 mox redierit, & in verba item ejus iusjurandum ex-  
 hibuerit: etsi presso potius in tempus odio, quàm  
 deposito. Quæ Stocholmi postquam gesta, Upsâ-  
 liam profectus Carolus, mense Junio extremo ejus-  
 dem anni, ad Moraften, ubi Svecis reges suos olim  
 legere usitatum, rex Svecorum, Gothorumq; , salu-  
 tatur; Iulioq; insequente incunte, Upsâliæ à Salistæo

ar-

archiepiscopo coronatur. Inde, Stocholmum regressus, milites bis mille legit; ac his duces, Magnum Grenum, ac Birgerum Trollum, imponit: simul mandat, ut Ericum, pridem regem, in Gothiâ insulâ commorantem, aggrediantur. Iam Ericus novum illic annum agebat; ex quo, regno, cui pareni se non ultra agnoscebat, abdicato, Daniâ excesserat: quin & multa inde damna Svecis dederat. Ideoq; jubet Carolus, *si succederet conatus, in id sedulò incumbere, uti arma, & thesaurum omnem regium, quem is secum exportasse credebatur, recuperarent: neq; pacem, aut inducias ullas facerent, nisi se, & sua omnia, sine exceptione dederet.* Summâ cum alacritate expeditio hæc suscipitur; atq; lætabantur Sveci, tandem advenisse diem, quo suorum tot injurias, ab Erico rege illatas, spoliaq; ultum irent. Itaq; conscensis navibus, cum in portum Flenavicum appulissent, ociùs in terram exscendunt: & objectos ab Erico, qui exscensu prohiberent, levi pugnâ in fugam agunt. Inde longiùs progressi, profligatis, quotquot arma contra ferrent, demum ad Visburgum urbem castra ponunt, eamq; obsidione cingunt. Inter ista, postquam acceperant Dani, quæ in Gothiâ gererentur, Carolo legatos mittunt, in Olandiâ tunc agenti; quo auxilia, si res posceret, suis promptiora essent. Postulatum à legatis, *uti copias revocaret, neq; porro Gothiam infestare vellet.* Quippe eam, à rege Valdemaro IV. bello victam, ac redemptam à Margaretâ, postquam illam rex Albertus Teutonici ordinis militibus pignoraasset,

Da-

415. cccc XLVIII. *Dania, non Svecia, juri subjacere. Itaq;, si postulata recu-  
 saret, neq; exercitum deduceret, Christianum ad injuriam  
 propulsandam, armis experiri certum. Quibus Carolus  
 respondere; Gothiam, de qua contendebant, Svecica di-  
 tionis esse. Itaq;, religione juramenti, pridem regno Svecia  
 dati, se teneri, si quæ interversa essent, aut erepta, nec re-  
 stitui aliter possent, ea armis ut repeteret. Quâ de causâ  
 ita nunciarent suis, se exercitum revocare neq; posse, neq;  
 velle, antequam Gothiam, quam ad Sveciam pertinere, &  
 ademptam ei esse, persuasissimum haberet, recepisset. Quo  
 responso, placuit proceribus Daniæ, Christianum,  
 paullo ante regem electum, advocare. Isq; post-  
 quam advenisset, IV. Kalend. Octobreis, ante Lun-  
 diam, in Trollebarolbio colle, prisco electionis lo-  
 co, frequentissimo conventu, accepto ab omnibus  
 juramento, & vexillo item regni ab Ivone archiepif-  
 copo, rex à cunctis Daniæ, Norvegiæq;, salutatur.  
 Dum hæc fiunt, Sveci oppidum Visburgum, item  
 arcem, arte, & naturâ loci, permunitam, obsidere  
 non desistunt. Rex Ericus, qui exilij voluntarij se-  
 dem sibi hanc elegerat, & futurum id præviderat, ut  
 tueri sese posset, commeatum non exiguum, & præ-  
 sidium, imposuerat. Itaq;, quanquam summis viri-  
 bus oppugnatus, diu impetum sustinuit: verum ta-  
 men, cum deficere commeatus tandem inciperet,  
 civibus tueri urbem suam jussis, ipse in arcem, hanc  
 quàm posset diutissimè defensurus, se recepit. Eo  
 facto, fatigati tot laboribus, & vigiliis, oppidani,  
 animis quoque fatiscences, neq; ultra hosti pares,  
 cunc-*

cuncta negligentius agere: nec frequentes, uti antè, *clj. cccc*  
in munitionibus suis apparere. Quæ ut Sveci adver- *XLVIII.*  
tere, pridie nonas Decembreis, quartâ jam vigiliâ  
noctis, scalis clanculûm admotis, muros scandunt.

Et in potestatem suam urbem redigunt, antequam  
id scirent cives, aut ad arma convenirent. Quin &  
arcem expugnassent, ni Ericus, hostium clamore  
excitus, illicò jussisset suos arma capere, & pro vallo  
excubare. Itaq; illi, capto oppido contenti, arce  
adeò munitâ abstinuere. Rex, cùm dies illuxisset,  
urbem in hostis potestate esse videns; neq; sibi, ad  
ferendam obsidionem, commeatus sat restare;  
convocatis statim suis, quid deinceps faciendum  
quisq; putet, percunctatur. Ac, collatis mox consi-  
liis, ipse statuens, quod periculo tam præsentis ex-  
pedire videretur, cùm exercitus Svecici duces ad  
colloquium evocasset, in hunc modum verba facit.

*Non exiguam se debere Danis gratiam; qui, cùm regnum,  
suo potius consilio, quàm illorum ullâ injuriâ, reliquisset;  
& quietis suæ causâ, post labores tot annorum, in hanc in-  
sulam secessisset, nunquam bellum intulissent, neve inde  
ejicere conati essent, contrâ, de Suecorum in se perviciaciâ,  
pariter atq; levitate, non immeritò queri posse; qui in  
ipsum, modò Engelberto duce, modò aliis concitantibus,  
toties insurrexissent: idq; nullâ juramenti, quod dedis-  
sent, ratione. Deniq; nunc item Carolo, in opprobrium  
ingens Suecia, violato juramento, regni decus affectanti,  
adherentes, quietem suam, medio degentis mari, præcul  
regno, perturbare voluissent. Multò melius, & honestius*

cIs. cccc illis fore, si quietem cupienti regi suo, cui fidem, & obse-  
 XLVIII. quium, olim omnes obstrinxissent, pacem darent: neg, in-  
 sulam tam exiguam, quam ad vitam ex dignitate transi-  
 gendam elegisset, manu armata creptum irent. Cumq;  
 responderent Sveci; non misericordiam ullam, aut ef-  
 fugium, dari posse, nisi se, & sua omnia, statim dederet:  
 blandiore oratione ita eos delinivit, ut induciæ  
 concederent. Per quas, undiq; comportato com-  
 meatu, ita arcem communivit, ut obsidionem in-  
 de, quamvis longam, facile sustinere posset: Magno  
 Greno, uno è Svecorum ducibus, sortem regis mi-  
 ferante, & ad omnia connuente. Cumq; finem  
 jam induciæ penè habituræ essent, pacem ipsi con-  
 ditione æquiore obtulerunt. Nempe, ut excedere ar-  
 ce, seg, cum thesauro suo, alijsq; rebus omnibus, ac fami-  
 liâ, in quemcunq; vellet locum, transportaret. Quippe  
 Carolus, postquam suos oppidum cepisse accepit,  
 crebris literis imperaverat, ut de arce cum Erico qua-  
 libet conditione paciscerentur. Etenim sic existimabat;  
 hâc receptâ, gloriam insula regno Suecia restituta suam  
 fore. Sed Ericus, qui jam arcem com meatu copioso  
 instruxisset, ideoq; etiam animum confirmasset, in-  
 super habitis, quæ offerrent, clam à rege Christiano  
 auxilium petit: quod si mittat, multò se libentius Danis,  
 ad quos insula ipso jure pertineret, arcem dediturum esse.  
 Nullo modo in Svecos animum inclinari; qui, cum à com-  
 muni fœdere, contra jusjurandum suum, deservissent;  
 etiam sibi, curis ac laboribus fracto, arma infesta intulif-  
 sent. Aliæ præterea causæ, cur Ericus arcem tradere  
 Danis

Danis mallet, ferebantur. Quidam, Caroli arrogan- cIs. cccc  
 tiam, odiumq; in Ericum, memorabant. Quippe duci- XLVIII.  
 bus eum suis imperasse, uti, arce insulaq; expugnatis, dili-  
 genter providerent, ne Ericus quoquam evaderet: quin  
 captivum, cum thesauro universo, ad se ducerent. Insuper,  
 in Bornholmio arce, in Oelandiâ, generum suum Ericum,  
 quod faveret regi Erico videretur, comprehendi, & custo-  
 diâ detineri, præcepisse. Deniq; ipsius quoq; odium Erici in  
 Carolum; qui rebellionem variè, cum sub eo, tum Christo-  
 phoro successore, & nunc etiam Christiano, concitasset.  
 Christianus, cognito Erici studio, non id negligen-  
 dum ratus, neve ipsum, adeò graviter laborantem,  
 deferendum; expeditâ statim classè, & instructâ,  
 Olaum Eschilli, equitem auratum, magnæ tunc  
 auctoritatis, ducem addit: cum mandato, ut in Go-  
 thiam eam duceret; & Erico illic regi, artè admodum  
 obseſso, opem contra Svecos ferret: tum ab eo arcem ac-  
 ciperet, ac præsidio communiret: ipsum verò, cum familiâ,  
 ac thesauro, sarcinisq; quibuscunq;, vel in Daniam, vel in  
 suam Pomeraniam, si id mallet, salvum abduceret. Atq; cIs. cccc  
 is, ut iussus erat, anno proximo, circa Pascha oram XLIX.  
 solvens, cum ad insulam appulisset, evocato in na-  
 vem suam Magno Greno, Svecici exercitus duce,  
 ac sermone benignè aliquamdiu collato, mox ad  
 portum classem applicat, & in arcem inde ascendit.  
 Quam Ericus postquam ei tradidisset, isq; acceptam  
 commeatu, ac præsidio, muniisset, & abductum in-  
 de Ericum Burundiam vehit. Ubi paullum quiescen-  
 tem procures Daniæ quidam adeunt, ac demissis

cId. cccc

XLIX.

verbis orant, ut redire illuc velit; Falstria, insulam multò fertilissimam; silvis, agris, pabulo, & pecore excellentem; ac ad vitam, uti rege dignum erat, transigendam sufficientem, aliaq; multa offerunt. Et acquievissè eum in principio, sunt qui tradant; sed mutassè mox sententiam, atq; parvo cum suorum comitatu, sive, uti alij volunt, Danis ipsum honorificè deducunt, Rugenvaldiam Pomeraniæ concessissè: ac, quod vitæ reliquum erat, in tranquillitate summâ, nullâ unquam cuiquam lite de regnorum jure motâ, exegissè. Et est certè vero simile, animi generosi principem, abdicato semel regno, noluisse huc redire; ut, contentus parvâ quadam ejus insulâ, quanquam bonâ, ac foecundâ, prius universi dominus, lege alienâ viveret, ubi suâ consuevisset: ideoq; terram patriam, quæ, quantumvis inamana, sterilisq;, ferè gravior esse solet, ad privatam illic vitam sine curis exigendam, prætulissè. Postquam verò, abducto è Gothiâ Erico, Dani acceptam ab illo arcem muniissent, iterum eam arctè Sveci obsedere: frustra Carolum admonente Christiano, ut à sui juris arce vim, & arma, abstineret. Dani, qui præsidio erant, cum in mediam usq; ætatem tenuissent, ac deficere commeatus jam acciperet, nuntiant regi, *in quorum statu essent; si maturè subveniret, tolerari obsidionem aliquandiu ultra posse: sin diutius cunctaretur, in discrimen omnes summum adductum iri; & evadere minimè posse, quin se, atq; arcem, dedant.* Indignatus Christianus, armis coercendum sta-

sta-

statuit, cui nullâ ratione persuadere potuisset, ut deponere arma vellet. Itaq;, conscripto exercitu, quem ad hostem debellandum satis esse existimaret, cum ducentis navibus bellicis pariter atq; onerariis, Gothiam petit. Adducebat veteranum regni militem, & Holsaticæ iuventutis etiam florem; cum Adolpho, duce Slesvicensi, avunculo. Cùm appropinquaret insulæ, Olaum, Eschilli F. quo in liberando Frico, & accipiendâ arce, uti dixi, usus fuerat, ad Suecorum duces mittit; exploratum, *an ad se transire vellent: sin id obtinere posset, saltem insulâ decederent, sine iniuriâ incolarum.* Isq;, sicut iussus erat, mox in portum Vester garnium navem appellit; ac, vocatis ad se ducibus, & in istis Magno Greno, quæ mandata à rege, exponit. Illi, postquam intelligerent, advenisse cum armatâ manu regem, inducias sibi in XXIV. Iunij, diem S. Ioanni sacrum, dari petunt; hæc conditione quidem, *uti Sueci urbem, & insulam, Dâni arcem, ut possidebant, sic interea possiderent: tum utrinq;, dandos iudices, qui de iure partium pronunciarent. Id si ratum ipsi vellent, se habere: sin abnuerent, alias conditiones, quas vel ferrent, vel acciperent, nullas esse.* Irritatus hoc responso Christianus, ferro experiri statuit; itaq; arma expedire, & ad pugnam se parare suos iubet. Tum, admotis propius ad arcem navibus, copias in terram exponit: & in hostem, qui subiectam arci urbem occupaverat, inde ducit. Diu utrinq; acriter pugnatum fuit; donec tandem Christianus ignem injicere in urbem jubet. Vnde,



CL. cccc cum hæc passim arderet, consternati animis Sveci, stationibus discedentes, in munitiora quæq; ædificia, quæ permulta illis erant, solido extructa lapide, cum fenestris; januisq; ex ære factis, se recipiunt. Inde Dani, muro effosso, nullo prohibente, irrum-punt; & in potestatem suam urbem, atq; hostem, redigunt: cæsis mille octingentis, captis pluribus, & in his non paucis item è nobilitate primâ. Quos benignè cum haberet Christianus, & ad fædus Margarete reparandum hortaretur; atq; illi adiuturos se sponderent, si incolumes dimitteret: induciis in Maium anni insequentis constitutis, ut benevolentiam eorum omnium sibi obstringeret, sine pretio liberos abire sinit. Post quæ, rebus ordinatis, & præsidio opportunis insulæ locis collocato, Daniam suam victor repetit. Atq; hæc gesta mense Julio desinente, & Augusto ineunte. Insecuto inde Octobri, ad XXVIII. diem, à Tychone, summo Daniæ antistite, rex sacratus Christianus, & Dorotheam viduam Christophori regis, matrimonio sibi jungit; celebratis magno apparatu nuptiis, in conventu legatorum principum extraneorum, & Vandalicarum urbium, procerumq; item regni, frequentissimo. Quæ dum fiunt; Carolus, uti cladem, pridem in Gothiâ acceptam, vindicaret, militum paratâ manu, in Norvegiam magnis itineribus tendit: atque ibi, conciliatâ in nobilitatem plebe, id effecit, uti ea, Svecorum exemplo vsa, contra priscum regni fædus, quanquam validè obnitente nobilitate, id Nidrosiensis

rosiensis urbe regem ipsum constitueret, fideiꝫ; *cl. cccc*  
iusiurandum exhiberet. Quo peracto, cum Dano- *XLIX.*  
rum in Sveciam irruptionem pertimesceret, ordi-  
natis omnibus rebus, ac mandatâ Ivaro Flogæ, & Af-  
lacho Turonis F. præfecturâ, quâ celeritate venerat,  
retro cedit. Hæc cum essent Christiano nunciata;  
isq; Danis, bello Holfatico sub Frico, ac discordiâ  
intestinâ sub Christophoro, valdè afflictis, nihil ma-  
gis pace expedire crederet; & hanc ipsis, in princi-  
pio regni sui, procuratam planè cuperet: à Carolo  
per legatos petit, ut *Halmstadij*, ad consilia de consti-  
tuendâ pace conferenda, fide publicâ adesse velit. Se para-  
tum, si accedat, & conditiones aquas non recuset, pacis ac  
concordiæ causâ, quidvis facere: nec futurum dubitare,  
quæ iniqua nunc putentur, si exactè in conventu perpen-  
dantur, quin utrinq; æquiora sint censenda. Quod si ipse  
adesse haud posset, tum à suis plenâ potestate instructos ab-  
legaret, quorum fidei, ac prudentia, universam rem com-  
mitteret. Id si faceret, sese curaturum esse, ne concor-  
diæ sarcinæ defuisse iudicari à quoquam possit. Insuper  
mandatum addit; agerent cum senatoribus, ut ad eam  
amplectendam Caroli animum conformarent: tum sua-  
derent, ut ad præstitutum tempus aut adesse sine morâ ipse  
vellet, aut legatos suos mitteret. Quæ cum illi in sena-  
tu exposuissent, is respondet; Carolum quidem, quo  
minus adesset ipse, negotiis regni prohiberi: at legatos ta-  
men adfuturos esse. Hæc reversi cum referrent, Chri-  
stianus mox ad iter se parare; Carolus verò, evoca-  
re regni proceres Arbogam: & duodecim ex his le-  
gere,

CL. CCC  
XLIX.

gere, qui Halmstadium, ad conventum ibi indic-  
tum, se conferrent. Postquam utrinq; convenis-  
sent, graviter expostulare Christianus; quare Caro-  
lus, non necessitate ullâ, sed libidine dominandi, contra  
fœdus, literasq;, omnium ordinum iuramento confirma-  
tas, regnum Suecia occupasset. eâ re effectum esse, ut de-  
inceps factionum, & bellorum intestinorum, semina sint  
habitura. Etenim, exemplo isto, unumqueng; inter ipsos,  
ut potentiâ eminuerit, ita, ceteris oppressis, regnum in-  
vasurum esse. Prestitisse, si concordia inter tria ista reg-  
na facta tecta, & decretum Margareta, de coniunctione  
eorum, in quod sese iuramento obstrinxissent, inviolatum  
permanisset. Ita futurum fuisse; uti domi, melius legum  
maiestatem à superbiâ & contemptu, transgressorum vin-  
dicarent: foris verò, propulsatis hostium armis, aut cohi-  
bitis, publicam quietem suam, & existimationem, tueren-  
tur. Insuper iniuriâ summâ nuper adeò Norvegiam, qua  
hereditario iure ad coronam regni Dania pertineret, oc-  
patam: ut appareat, quando nulla belli causa iusta exstet,  
etiam injustam quari. Quasi verò, qui à Carolo pridem in  
Sueciâ conciliati motus essent, contra procerum volunta-  
tem, regno in potestatem suam, per suorum vim, & frau-  
dem, redigendo, ad movendum bellum aliquod intestinum  
non sufficerent. Potius cogitandum fuisse, tria hac regna  
à reginâ Margaretâ, summo omnium consensu, non idcirco  
federe tam sancto iuncta, uti, dissoluto illo, homo aliquis  
privatus, avaritiâ, & ambitione, praeceps, pro libidine ani-  
mi sui, hac disjungeret, ac seorsim sibi quæreretur: verùm  
ut, defuncto rege, lecti è singulis regnis viri quadraginta,  
loco

loco ad id designato, convenirent: ac, collatis mox consiliis, c13. cccc  
 unum universis regem, de sententia plurimorum, consti- XLIX.  
 tuerent: qui & subditos certis legibus gubernaret, & ad-  
 versus vim externam qualemcunq; tutaretur. Itaq; hortari  
 ipsos, ut, in medium consulentes, bellum imminens, quaq;  
 illud ferè comitari solent, cades, atq; vastitates, pro pruden-  
 tiâ suâ egregiâ, averruncet. Hæc cum gravi oratione  
 Christianus explicasset, Sveciâ jam pertæsi Carolum,  
 qui ad solium vi, & fraude, etiam invitis plurimis,  
 certè non consentientibus, pervenisset, ac sic reg-  
 num administraret, publicæ utilitati ut privatam  
 anteferreret; potiusque vi imperium stabilire, quàm  
 benevolentia, veller: Christiano sic respondent.  
*Pace sibi, & concordia, nihil sanè prius esse; & factu-  
 ros, ut Norvegiâ, nullo jure occupatam, Carolus red-  
 dat: tum & Sveciæ regno cedat, modò præfecturam  
 ejus indulgere ipsi velit. Ad quæ rursus Christianus;  
 se, in primis publicæ tranquillitatis studiosum, ejus causâ  
 quidvis cupere: modò ipsi, quod promitterent, mox in Sve-  
 ciâ reversi, etiam effectum darent. Illi, qui se plenam à  
 Carolo potestatem accepisse reputarent, & hæc Sve-  
 ciæ expedire existimarent, iterum ea pollicentur,  
 atq; addunt; aut se Carolum, ut subscribere hisce abs se  
 actis velit, inducturos: aut in Daniâ, ad custodiam, re-  
 dituros. Sed, ad Carolum reversi, postquam gesta re-  
 tulissent, ille, in majorem modum irâ incensus, apud  
 omnes clamitare; in negotio regni publico minùs bonâ  
 fide actum: & inscipulam sibi positam, ut vel caperetur  
 eâ, vel, quocunq;, vellent tempore, Sveciâ ejiceretur. Itaq;*  
C
caven-

*cl. cccc* *L.* *cavendum sibi summo studio, ut insidias, quas parassent, evitaret.* Inde, palam eos taxans, quos Halmstadium ablegaverat, Calmariaë conventum indicit: ac, neglectis iis omnibus, ceteros regni senatores, quos addictos sibi sciret, illic convenire jubet. Tum & novo eos juramento obstringit: neq; quicquam, muniendo principatui necessarium, prætermittit. Inde Nicolao Ionæ arcem primò Orebroensem, paullo ante ipsi traditam, mox Nicopiensem adimit. Quam rem cum & archiepiscopus, & complures optimates regni alij, ægrè ferrent, captâ hinc occasione, ad Christianum transiere. Erant in eorum numero, Magnus Grenus, copiarum contra Ericum pridem ductor; Tycho, episcopus Scarenfis; Benedictus Jonæ F. ante coronationem Caroli gubernator regni; Gustavus Olai, Gustavus Laurentij; aliiq; viri loco, & ordine, summi. Qui deinceps, bello in Carolum concitato, operæ clari evasere. Protestati, *non se perfidè quicquam egisse; sed, ut cause nihil erat, cur à sacrosancto fadere, quod majores, pro se, posterisq; suis, ad regnorum borealium firmamentum, sempiternum voluissent; ita jure longè optimo obedientiâ Caroli omnia ad suam tantum utilitatem referentis, & extorto juramento, recessisse.* Christianus, dum responsum super iis, quæ Helmstadij gesta erant, expectaret, Rothnabij, quæ urbs est Scaniq; aliquamdiu commoratus, postquam nihil adferretur, hinc in Sialandiam redit. Ubi habito Senatu, dum deliberat, quam ratione posset indies crescentem Caroli insolentiam coercere, visum fuit;

non

non aperto bello petere, sed excursione variâ terras  
 ejus infestare. Itaq; anno insequente, adultâ hieme,  
 admodum intenso frigore, duce Olao Eschilli, terrâ  
 ac mari copias ingentes mittit; Sveciam, quacunq;  
 possent, vastaturas. Quæ, excursione factâ, cum Stoc-  
 holmum usq; ipsum jam progressæ, prædam ingen-  
 tem coegissent, Sveci, sumptis properè armis, occur-  
 rentes, facto in palantes impetu, postquam eos cecî-  
 dissent, aut cepissent, mox in reliquum agmen ver-  
 si, illud fugant. Verùm id, regressum à fugâ, post-  
 quam sese collegisset, plurimis incensis pagis, & ab-  
 ductâ inde prædâ non exiguâ, mox in Daniam pe-  
 dem refert. Dum hæc fiunt, peregrè Vilshaci a-  
 gere Christianus, quæ urbs Megapolitana; sive  
 voto exsolvendo, quo se ante obstrinxisset; sive  
 ut Germaniæ principes, quibus ibi diem dixerat,  
 conveniret: & cum illis contra Carolum fædus  
 faceret, ut Vandalicas civitates, quarum opem il-  
 le literis, ac legatis etiam missis, imploraverat, ne  
 à tergo fortè invaderent, prohiberent. Itaq; dum  
 regno abest Christianus, & constrictum magno ge-  
 lu mare Balticum, Carolus, illatæ sibi pridem cla-  
 dis ulciscendæ occasionem dari ratus, ocijûs collec-  
 to milite, anno *cl. cccc. lii.*, mensè etiam Februa-  
 rio, Scaniam invadit; diripitq;, & incendit: om-  
 niâq; pro libidine suâ agit, nullâ sexus, aut ætatis,  
 ratione. Qui evadere rabiem hostilem poterant,  
 trepidi in rupes sese, & quæ alia inaccessa loca erant,  
 conferebant, ut salutis sic consularent. Nec direp-

*cl. cccc**li.**cl. cccc**lii.*

*cl. cccc* ti pagi tantum, & exusti, verum ipsæ quoque urbes:  
*LII.* inter quas tam Helsingburgum, quam Landscrona,  
 aliaque, Quin metropolin item Scania, Lundiam,  
 eodem impetu aggressus, cum suburbij ædes quas-  
 dam incendisset, & in urbem vi erumpere conare-  
 tur, à Tychone archiepiscopo, qui ad primam rei fa-  
 mam se præsidio communiverat, fortiter repulsus  
 fuit. Inde, magnâ clade acceptâ, in Daleboen-  
 sem agrum castra movet: &, suorum strage asper,  
 mercatores, qui tutandi sui causâ huc confugerant,  
 contrucidat. Eo facto, copias suas retrò ducit; tam  
 festinè, ut similior fugienti videretur. inter viam,  
 monasteria duo incendit; &, Verschæflam arcem  
 aggressus oppugnare, cum clamore horrendo ob-  
 fessos perterrere conaretur, domina arcis, animi  
 virilis foemina, evestigio arma capere, & in hostem  
 tela jacere, suos jubet. Qui cum impigrè iussâ ex-  
 sequuti essent, reducere copias obsessorem, & omit-  
 tere oppugnationem cæptam, coegere. Isque, velut  
 Panico terrore actus, nusquam restans, prius sibi,  
 quam in fines regni Sveciæ pervenisset, quiescen-  
 dum non putavit. Et sic finem expeditio illa habuit;  
 ut initio, impetu tam repentino, ac sævitiâ, formi-  
 dabilis, ita exitu ridicula. Quippe quam retuderit  
 primum archiepiscopus, inde, cum majore oppro-  
 brio, etiam fœmina: iste, vitæ suæ genere, & hæc  
 sexu, planè armorum insolentes. Christianus, post-  
 quam nuntium hujus rei accepisset, angî quidem ve-  
 hementer in suorum subditorum tantâ clade; ve-  
 rum,

verum, peregrè profectus, uti dixi, neq; opem laborantibus ipse ferre, neq; etiam illi posse, quibus curam regni sui, & tutelam, per absentiam demandaverat: cum, constricto gelu freto, Scaniâ prohiberentur. Quam ob rem, ejusdem anni proximè insequutâ ætate magnam classẽ, sub Olao Eschilli F. & Magno Greno, in Sveciam mittens, hanc Stocholmum, regni caput, mari oppugnare jubet: ipse, terrâ exercitum ducens, & ingressus Visigothiam, mox Ludosiam, non munitam per id tempus, properè fofsâ, ac vallo, munit. Vbi dum diutiùs paullo, ad perficiendum opus inchoatum, commoratur, evocatis ad colloquium præfectis, quos vicinis arcibus Carolus imposuerat, cum his pacem hæc conditione facit; ut, cum Sveciæ bonam partem armis sibi subjecisset, ipsi quoq; sese dederent. Quod cum illi se facturos receperant, quidam etiam sine morâ præstiterunt. Inter ista nil omittit, quod ad Caroli detrimentum pertinere existimaret: missis sæpè, qui infestas excursione terras ejus, & eorum, qui addicti ipsi erant, devastarent. Sveci, adventu hostis territi, undique profugientes, se in silvas, quibus tutiores essent, abdidere: unde interdum, postquam per exploratores, de Danorum multitudine cognovissent, in palantes, pabuli, aut prædæ, causâ, erumpentes, non minorem, quam acceperant, cladem illis intulerunt. Qui, edocti malis suis, ut insidias vitarent, in apertum eos campum ad certamen provocabant, acriterq; loco æquo contra ipsos dimicabant: ac

cl. cccc.

LII.

C 3

postre-





475. cccc  
LII.

postremum debellatis, qui potissimum resistebant, Caroli præfectis, tota ad occidentem Gothia potestati Christiani se submittit, & in ejus verba jurat. Id cum Carolus accepisset, ocijus collectâ manu, partem in Tivvediâ silvâ, per quam transiturus foret Christianus, in insidiis esse jubet: sed, de classe, quæ Stocholmum oppugnare jussa erat, & tunc fortè imminerebat, certior factus, pedem ipse retrò ferre, & insidias revocare; ut primariam regni urbem, in quâ adeò regni summa vertebatur, ante omnia lucretur. Cum ad eam accessisset, latus illud, quod ad mare adjacebat, jam ab hoste oppugnari deprehendit. Itaq; ab alterâ parte intromissus, naves instruit: & imposito illis milite, ad vim repellendam educit. Sed, cum Dani, partim navium magnitudine, partim numero pugnatorum, antecellerent, propè urbem, ut paratum contra impetum hostilem auxilium esset, anchoras jaciens, eminus tormenta belli sine fructu ullo explodit. Cumq; illi, pugnae copiam facturi, propius naves admove-  
rent, hærentibus ad urbis suæ muros Svecis, nec movere inde ausis, retrò in apertum mare vela flectunt, obviasq; eorum naves deprædantur. Dum hæc ad Stocholmum fiunt, Christianus, occupatâ Visigothiâ, & præsidiis passim positis, Ianicopiam pervenit, inde in Daniam copias suas reducturus. Cumq; ad silvam Holovvediam, valdè insidiis opportunam, accessisset, cum majore exercitus parte paulum subsistit; & cohortes levis armaturæ aliquot,

ac

ac locorum gnaros duces, viam tentaturos mittit. Lb. cccc  
 Qui, ut silvam ingressi erant, cum non satis circum- LII.  
 spectè latebras investigarent, periculum aliis præ-  
 dicturi, ipsi in illud imprudentiâ suâ incidunt. Quip-  
 pe Ericus Niparius, qui cum rusticorum manu insi-  
 debat, impetu in illos facto, ampliùs trecentos cæ-  
 dit, cæteros capit: & in his nonnullos ex equestri or-  
 dine, quos ad Carolum sub custodiâ duci jubet. Ille,  
 quod Erico insidiæ successissent, & in Daniam Chri-  
 stianus recessisset, animosior, mox, profectus ad Va-  
 stenium monasterium, evocat Tardonem Bondium;  
 imperatq; , ut cum lecto peditatu in Visigothiam  
 contendat, & Ludosiam recuperet, paullò ante à  
 Christiano occupatam, ac munitam. Neq; ille segnis  
 imperata facit; scribit militem expeditum, Visigo-  
 thiam magnis itineribus petit: & , ut fallere hostem  
 posset, per silvarum opaca ducit, rupiumq; inaccessa.  
 Hinc nec opinantes opprimit, & Ludosiam noctu  
 invadit. Quadraginta è præsidiariis primis, quorum  
 nutu, ac consilio, geri omnia Christianus impera-  
 verat, altum dormientes capit; prædam diripit,  
 quam ingentem comportaverant, & militibus di-  
 stribuit: deniq; in verba Caroli cives iterum obstrin-  
 git. Carolus, ad rei nuntium, Bondij fortunâ usurus,  
 mox cum copiis Visigothiam ingressus, arces quas-  
 dâm limitaneas, à præfectis Christiano pridem eradi-  
 tas, bello repetit: ac recuperatas munit. Quibus cog-  
 nitis, Christianus, non tam Visigothiam recupera-  
 re, quam ad fæderis communis observantiam revo-  
 care

c. l. cccc

LII.

care Sveciam totam, animum inducit. Itaq; , ut sine bello deinceps Svecos debellaret, solers princeps, famâ potiùs, quàm armis, bellum gerere constituit: subditosq; , qui in regni limite essent, accolas, rumore sparso, brevi sese cum exercitu adfuturum, perterrere semper jubet. Vt perpetuâ exspectatione belli trepidantes, atq; ad tutelam regni usquequaq; concurrentes, fatigaret: ac postremùm, summâ adeo rerum necessariarum egestate divexatos, rædio præsentis status, ad defectionem impelleret. Frant quippe Christiano milites quidam Veterani, cùm in Scaniæ confinio, tum in Gothiâ. Hi, ut iussi, se in Sveciam magno agmine irrupturos minabantur. Idque seriò dictum rati, qui tuendo limiti præfecti erant, sæpe auxilia ab extremis usque finibus advocabant. Quod cùm crebrò eveniret, toties, tam longo itinere, & id frustra, ad suppetias evocari, & molestum ipsis erat, & damnosum valdè incolis, qui à copiis transeuntibus insolentiâ militari vexabantur. Præter ista, equi Caroli magno numero pabulatum toto regno ducebantur, ab ingenti stabulariorum turbâ: qui non minus, quidlibet postulare ausi, & per vim, si recusarent, extorquentes, tristem rusticorum sortem affligebant. Tum præfecti quoq; ipsi, sine ullâ justî, aut æqui, observantiâ, miseros exagitabant: &, si arma capienda pro tutelâ regni forent, pedem domo non moventes, priùs bonis spoliatos, hosti porrò trucidandos objiciebant, Ad hæc mala, accedebat rerum omnium

omnium summa caritas : & cum eâ pestis ingens, quæ in homines, pecudesq; , pariter desæviebat. In hunc modum Sviciadum annis aliquot affligitur, quiescente lætâ semper pace Daniâ, Bergis in Norvegîâ tumultus surgit, anno *clj. cccc. LIV.* Quidam Olaus Nicolai, vir equestri dignitate, novas res moliri visus; & superbîâ nondum cuiquam usitatâ, uxor ejus in navigij sui velo regni insignia gerere ausa. Ipse verò, mercatores, eâ in urbe mercaturam exercentes, divexare : naves, mercibus onustas, diripi jubere : & ad crimen aliorum, idem exemplo, si non jussu, facientium connivere : mercatores, qui indigna pati sese quererentur, irridere. Quam ob rem, cum, præter damna, etiam ludibrium ferre se viderent, mox querelam ad regem deferunt. Atq; is cùm respondisset, nullo modo hominis se insolentiam approbare, sic responsum illi sunt interpretati, tanquam non invito eo futurum esset, si quid fortè gravius ei eveniret. Itaq; , cùm modum ille insolentiæ, ac superbiæ, nullum poneret; arbitrati mercatores, non se regem offensuros, si, vim toties inferentem, semel tandem ulciscerentur : cum, in urbe tunc agentem, circumstunt, & injustè erepta sibi reddi postulant, ille, initio nil benignior; sed, ut crescere numerum tumultuantium, & audaciam, animadvertit; nec se amplius parem esse : ut periculum evitaret, in Brigittæ monasterium vix evadit. Aderat ipsi episcopus urbis; &, placare seditionem cùm blanditiis, tum auctoritate, nisus, planè

D

nil

*clb. cccc* nil proficiebat. Rogabatur, ut abire animum induceret; nec fortunam hominis adeò scelerati suam faceret: cumq; , nimis casum amici miseratus, non fecederet; speraretq; , populum ei propter se parsurum esse, injecto in monasterium igne, utrumq; exurunt. Interim sub rege Carolo Sveci graviter, *clb. cccc* uti dictum, vexabantur. Et ingenti cum exercitu insuper eos Christianus invadebat, anno *clb. cccc. lv*, *clb. cccc* & Elsburgum expugnabat. Inde, anno *clb. cccc. lvi*, *lvi*. ne in Scaniam porrò irrumperent, arcem Denesholmum munit, & præsidium imponit: ac, congressus aliquoties magnà illos clade afficit. Nec multò post, sequente anno, Grenum copias in Oelandiam ducere jubet. Isq; gnavus, expedità statim classe, insulam petit: & appellens, insulani, qui advenienti sese opponebant, profligatis, ad Bornholmum, unicam eà insulâ arcem, castra ponit. Quàm continuâ verberatione postquam adeò graviter concussisset, ut perfractus pluribus in locis murus jam ruinam minaretur, pacem obsessi petiere. Ac concessâ illa fuit, eâ lege, uti, rebus suis salvis, inde exirent, nec quid ampliùs efferrent: si quis contra facere ausus, capite lueret. Ita arcem Grenus capit, & thesaurum in eâ magnum: quem seposuisse ibi pridem Carolus, ad gerendum contra Christianum bellum, ferebatur. Iam recuperatâ Oelandia, cùm inferioris Sveciæ magnam partem Christianus occupasset, proceres regni, animis jam pridem à Carolo alieni, invitante tunc fortuna, mox in illum inclinare. Inter hos loannes

annes Salistæus erat, summus toto regno præsul, pariterq; ut dignitate ita genere excellens: cui offensæ plures causæ. Nam, materno ejus avo Nicolao, injuste capto, non contentus tam insigni contumeliâ, plurimarum quoq; arcium, quam tenebat, præfecturam, etiam equitum tribunus, neq; regiam dignitatem consecutus, eripuerat: auxeratq; contumeliâ, rex creatus; & Orebroënsē arcem, paulô ante ipsi traditam, ac Nicopiensē inde, item ademerat. Et, cum pater Benedictus, post Christophori decessum, Ianicipiæ regni gubernator lectus, in conventu, quem Stocholmi habitum commemoravi, à regnorum trium fœdere, sub reginâ Margeretâ constituto, recedendum non censeret; contra nitens, eligendum esse regem, totis viribus contenderat; & suffragiis plurimorum, vi, aut fraude, occupatis, ipse solum invaserat. Ad hæc Caroli insolentia, potestate pro libidine abutentis, accedebat. Itaq; occulta primum odia, mox palàm habet: &, consilio cum suis communicato, regno deturbare statuit. Quod dum agit, Christianus classē instruit: &, ductore Magno Greno, in Finlandiam transmittit. Ea cum Viburgum urbem, ejus regionis caput, vento prospero appulisset, miles, postquam exscendisset, sine morâ oppugnatam faciliè capit. Inde in arcem adiacentem se convertit: ac, dum acriùs repugnat, ignem injicit, & exurit. Quæ cùm accepisset Carolus, & videret, potiozem regni partem, in quâ spem potissimùm suam, ac fiduciam,

cl. cccc

LVI.

D 2

collo-

*CL. cccc* collocaverat, Christiani in potestatem pervenisse;  
*LVII.* seq; adeò in periculum amittendi universi adduc-  
 tum esse: proceres Stocholmum evocat. Qui cùm  
 illuc convenissent, ipse Nicolai Sturæ nuptias cele-  
 brare instituit. Hisq; actis, eum accedens archiepi-  
 scopus, damnum, quod in mari pridem, prælio cum  
 Danis habito, acceperat, resarciri sibi petit. Quod  
 cùm ægrè admodum ferret, iræ præceps, primò,  
 non se obligari ad solvendum, respondere: inde or-  
 dinare quosdam è senatu, qui negotium discepta-  
 rent. Atq; isti, cùm, examinatâ causâ, secundum  
 archiepiscopum pronuntiasent; ille, valde indigna-  
 tus, palàm iudices malæ fidei accusare: nec judi-  
 cium dedisse ex æquo, aut bono, sed privato suo af-  
 fectu. Ita postquam discessissent, mutuâ utrinq; of-  
 fensâ, faciliè prudentiores prævidebant, brevi fore,  
 ut res illa aliquem tumultum daret. Neq; mora; Ca-  
 rolus adesse militem die constituto jubet, in Oelan-  
 diam ducturus: quam pro rege Christiano Magnus  
 Grenus obtinebat. Statim etiam archiepiscopus co-  
 pias parat: ac paratis, aperit, quid agicaret. Caroli  
 præfectum, Haquinum, Svenonis F. comprehendi,  
 & Salistam, arcem suam, abduci jubet. Inde, majus  
 templum ingressus, collegij sodalibus ad se vocatis,  
 ad altare summum accedit; atq; ibi, coràm iis, cùm  
 sumpsisset vestem sacram, & ornamenta dignitatis,  
 mox, in genua provolutus, preces fundit. Quibus  
 dictis, ponit vestem, arma capit: & edicit, non se an-  
 tè positurum, quàm antiquum regni statum, quem  
 à Ca-

à Carolo perturbatum omnes scirent, reduxisset. cl. cccc  
 • Quin postridie, scripto ad valuas templi affixo, LVII.  
 testificatur; non se tantum fidem in Carolum,  
 & obsequium omne, exuere; verum etiam mani-  
 festum deinceps hostem profiteri. Ac præterea,  
 per libellos criminatus, plebem, quæ mandato ejus  
 arma ceperat, & primarios item quosdam ordinis  
 equestris viros, contra ipsum concitatos, ad se  
 traxit. Quæ Vpsalia cum egisset, properanter Ene-  
 copiam, & Arosiam, facto itinere, illic quoq; præ-  
 fectorum, civiumq; animos tentat: qui se, Caro-  
 lum pertasi, conjungere Arcem verò Arosiensem,  
 cum præsidium tueretur, ideoq; obsideret, Caro-  
 lus ex Ostrogothiâ, quo exercitum convenire om-  
 nem jusserrat, ocijus Nicopiam tendit: atq; , capto  
 ibi Erico Absalonis, malæ fidei suspecto, nil cuncta-  
 tus, copias Strengenesam ducit: hinc Arosiam mo-  
 turus, præfulemq; inopinatò aggressurus. Verum  
 ille, per exploratores certus, ut præverteret, missâ  
 statim obsidione, summâ cum celeritate Carolo  
 obviam proficiscitur; at, priusquàm adventus sui  
 nuntius adferri posset, diluculo eum apud Stren-  
 genesam occupat: urbem irrumpit, militesque  
 adhuc dormientes opprimit, Carolus verò, ad  
 tumultum excitatus, suis capere arma jussis, cum  
 occurreret, vulnere accepto, quanquam longè mi-  
 litum numero superaret, fugam capit: ac pugnan-  
 tes acriter suos, & à fugâ revocantes, turpiter dese-  
 rit. Quæ re illi animadversâ, seu victoriam desperan-



*Id. cccc* LVII. tes, seu pugnare, rege suo fugiente, non ulterius cupientes, ocijus & ipsi in fugam se conjiciunt: ac Stocholmum, Carolum insecuti, petunt. Archiepiscopus, nil cunctandum arbitratus, ut recenti adhuc clade consternatum porro etiam percelleret, mora castra properè Stocholmum ducit, & arctissimè urbem cingit. Carolus, cùm nemo obfesso opem ferret, neq; civibus item fideret, clam thesauro omni regio apud monachos Franciscanos occultato, suo in navem comportato, nullo quicquam suspicante, nono regni sui anno, sub initium mensis Martij, acerrimo frigore, in Borussia excedit; & Gedanum, impetratâ fide publicâ, sese recipit: atque ibi per exilij annos septem commoratur. Rex Poloniae Casimirus, cui foederatus erat, arcem dedit, in confinio regni sui, quæ familiæ sustentandæ necessaria exhiberet: & hanc tenuit, donec Sveci revocarent. Stocholmenses, cognito discessu Caroli, urbem dedunt: & mox arcem etiam præsidarij. Cujus rei postquam fama dimanasset, procures Sveci, qui in Daniam profugerant, sine morâ in regnum redeunt. illicoq; ad Christianum ablegantur oratores; qui & statum ei Sveciæ nuntiarent, & ad regnum capeßendum invitarent. Christianus, vacuo per discessum Caroli regno Sveciæ, non cunctandum sibi ratus, ocijus instructâ classe, multis regni utriusq; senatoribus comitatus, sub initium mensis Maij illuc tendit. Cumq; in Stocholmi  
por-

portum appulisset; senatores, qui frequentes huc convenerant, & adventum Christiani expectabant, ubi advenisse eum acceperunt, mittunt, qui adventum primum gratulentur, inde capita quædam offerant, libertatem, & antiqua privilegia, atque constitutiones regni Sveciæ concernentia; quibus si subscribere vellet, promptos sese, ipsum sibi regem capere. Ille itaque, nil iniquum Svecos petere animadvertens, postquam lectis subscripserat, solenni pompâ primo in urbem, inde in templum, atq; arcem, universis fausta omnia acclamantibus, à senatu est deductus, ubi dum res regni ordinat, variè querebantur Sveci: isti, bonis se à Carolo exutos; isti, injuriâ affectos: omnes vim, superbiamq; , accusabant, & , ab eo fraude circumventos esse, ut arma contra ipsum caperent; non, ut patriam, quod jactabat, servitute, quæ tunc nulla planè erat, liberaret: sed ut rerum solus adeò potiretur. Christianus, universos perbenignè consolatus, bono esse animo jubet: & tutelam pariter cunctis, ac justiciam, pollicetur. Mox Moraften sese confert; ubi, postquam sese ipse in leges regni sacramento obstrinxisset, rex solenniter à proceribus, qui frequentes illic aderant, salutatur. Hinc Upsaliam profectus, ad XXIV. Iunij; à Ioanne Salistæo archiepiscopo coronatur. Hunc in modum Sveciâ recuperatâ, in Norvegiâ, ejus quoque regni insignia petiturus, iter capit; ac, Nidrosiam advectus, summâ omnium gratulatione excipitur:

&amp;

15. cccc.

LIX.

& XXIX. diem mensis Iulij coronâ quoq; ab archiepiscopo insignitur. Post quæ cum in Daniam regressus esset, anno proximè insecuto diem obiit sine hærede Adolphus avunculus, dux Slesvici, comes Holsatiæ, ac Stormariæ. Et cum quidem de ducatu Slesvicensi, quem in feudum ille olim à Christophoro Bavaro acceperat, nullum omninò dubium esset, quin coronæ iterum Danicæ ipso jure jungeretur; de Holsatiæ, ac Stormariæ, comitatu, planè controversum fuit. Nam & feudum Imperij esse; & ad stirpem masculinam, genere proximam, pertinere videbatur. Ac supererat Otho, comes Scouvenburgicus: filiiq; ejus octo, Adolphus, Ericus, Ernestus, Bernardus, Otho, Henricus, Antonius, Ioannes. Hi defunctum agnatione, quamvis longâ contingebant: Christianus, ex sorore nepos erat. Anceps diu hîc nobilitas; & in regem multi adeò propendebant, defensorem quæritantes: alij rursum, in Othonem Scouvenburgicum inclinabant: ob majorum in eam terram beneficia, & quod è virili stirpe censeretur. Hanc ob causam cum nequicquam aliquoties convenissent, & jus suum rextueri armis velle præ se ferret; tandem, operâ potissimum Arnoldi, episcopi Lubecensis, cui pro Cæsare conferendi jus competeret, comitatu Christianus rex donatur: cum Othonem priùs comitem, filiosq; quadraginta tribus millibus aureorum persolutis, ut juri suo renunciarent, induxisset. Inde etiam Gerhardo, ac Mauritio, fratribus suis,

fuis, de succensione illâ pari jure contendentibus, altera quadraginta millia se pollicitus daturum, plenè deniq; sibi universum acquirit, anno *11. cccc. lx.* Cumq; mox solenni ritu omnes ad obsequij fidem sacramento obligaret; & Hamburgum, Stomariæ urbem antiquissimam, maximamq;, advenisset: fidem dare cives non detrectant quidem, sed, ne jusjurandum ipsi exhibere cogerentur, deprecantur. Tum ostendunt veterem suam, ac majorum, observantiam; non obstringi, nisi solis verbis, solitam: & hanc pluribus privilegiis muneratam. Orant insuper, satis sibi esse duceret, quod majoribus suis fuerat. Itaq; motus rex benignus, animiq; moderati, non iniquâ oratione, acquievit: eâ nihilominus lege, ut quocunq; demum tempore, sive ipse, sive successores sui, jusjurandum postularent, sine morâ, aut exceptione ullâ, exhiberent. Inde ad Reinesfeldensē monasterium, in Holsatiam, se recepit. Hic dum agit, Lunæburgensis senatus, cum, subductis rationibus, animadverteret, civitatem ære alieno premi; neq; ad salinas suas, quibus salus publica ferè constaret, conservandas, sat ærarium facere posse: ut necessitati suæ subveniret, multa templis, ac cænobiis, per injuriam ademitt. Id episcopi Sverinensis pariter atque Lubecensis, postquam ægrè adeò ferrent; & tutelam cleri sui suscipientes, quererentur, hunc in modum rebus suis multum detrimenti dari, nec proficerent tamen quicquam, deferunt rem ad Pontificem:

E

qui

*cl. cccc* qui sacrorum ipsis usu, dum ablata restituerent,  
*LX.* interdicat. Id cum fieret, magnus illico tumultus totâ urbe est exortus. In patricios, & senatum, plebs insurgere: ac mutare magistratum, additis viris sexaginta, qui invigilarent pariter, ne res publica aliquid detrimenti caperet. Sed in illos itidem mox concitata, rursus dejecit, & prioribus dignitatem suam reddit. Ad exemplum, mox Lubeca, & Hamburgum, vicinâq; urbes alia, perturbari; & ubiq; cives à senatu suo, clam, aut palam, dissidere: dum censurâ pontificiâ si gerendum morem censerent, illi negant. Et Ioannes, Episcopus Verdensis, itidem sacris à pontifice prohibitus, quod clam in Lunæburgenses propenderet, regem Christianum adit; & sollicitat, ut se inter civitatem, & Episcopos nominatos, pro sequestro interponat: & dissidium, diu sat continuatum, magno partium damno, dirimat. Qui cum mox, responso accepto, rediens per urbem Hamburgum veheretur; pueris eum petulantius luti lapidumq; jactu incessentibus, penè etiam de curru, magno adspectantium risu, deturbantibus: missio nuntio, de illatâ in subiectâ ipsi urbe contumeliâ, regi queritur. Sed, querelam cum is insuper haberet, irâ plenus, illico armatos mittit: qui colonos Hamburgensium, Albim flumen accolentes, *cl. cccc* diu exarent. Verum anno insequente litem totam  
*LXI.* rex composuit, in canobio Reinefeldio: arbiter sumptus, cum Episcopis, Lubecensi, & Suerinensi.  
 Hinc;

Hinc, promissam ut pecuniam Scouvenburgico, *cl. cccc.*  
 fratribusq; exsolvere posset, tributum indicit Slesvi- *LXI.*  
 censibus, & Holsatis. Quâ de causâ cum nonnulli  
 dictarent, colligi hanc summam posse è thesauro  
 regis Caroli; quem is, Sveciâ profugiens, in cano-  
 bio, quod Stocholmi, apud fratres prædicatores oc-  
 cultasse ferebatur: mox in Sveciam trajiciens,  
 quosdam ex his evocatos compellavit. Qui cum diu  
 pernegassent, tandem extorsit, ut depositum fate-  
 rentur, proderentq;. Per id tempus, cum in Sveciâ  
 reperiret Marium Fregenum, pontificis Romani  
 legatum, qui, in causam expeditionis Turciæ pro-  
 mulgatis indulgentiis, pecuniam maximam colle-  
 gerat; partem ejus dari sibi, cum Schismaticis vicin-  
 is pugnaturus, postulavit, & accepit: reliquam, in-  
 clusam vasis, Lubecam avehere permisit. Ibiq;  
 postea, cum captivum accepisset, per legatos deti-  
 neri suos jussit. Qui securus annus fuit, ejus seculi *cl. cccc.*  
 sexagesimus secundus, litem dedit, inter Gerhar- *LXII.*  
 dum, & Mauritium, regis fratres; cum uterq; comi-  
 tatum Delmenhorstium sibi asserere conaretur:  
 tanto animorum ardore, ut in bellum res erumperet.  
 Ac Gerhardum, rex fovebat, quamvis postea in-  
 gratum. Cumq;, rebus gravioribus, & potissimum  
 bello Svecico, impeditus, opem ferre laboranti mi-  
 nimè posset, Gulielmum Brunsvicensem, & Mona-  
 sterienssem episcopum, ut hîc vicem suam obirent,  
 per legatos imploravit. Pro Mauritio, Bremenfes, &  
 Hoiani comites erant. Gulielmus, qui gratificari regi

*cl. cccc* cupiebat, cum Gerhardum obsideri Delmenhorsti  
*LXII.* comperisset, arma in obsessores capit. Qui id gnari,  
 castra movent: & occurrunt, ad Siburgum. Acre  
 diu, variumq; , prælium commissum fuit: ac tan-  
 dem Victor Guilielmus, comites Hoianos capit, ali-  
*cl. cccc* amq; armatorum item manum. Verum anno inse-  
*LXIII.* quente, in Verdenfi civitate, lis dirempta: & capti-  
 vis liberatis, interveniente rege, Delmenhorstum  
 in Mauritium transfertur. Qui mox tamen, vitâ  
 fungens, id Gerhardo fratri tradidit. Dum hæc  
 fiunt, in Megapolin profectus, principes vicinos e-  
 vocat; qui deinde cum Vilsnaci, claro veteris Marc-  
 hie oppido, convenissent, illuc quoq; se recepit.  
 Ac Lubecam cum transiret, atque cives, velut pa-  
 rum confidentes, anxie custodiam adhibuissent,  
 proconsulibus, extra urbem honoris causâ dedu-  
 centibus, vanum ipsorum metum videns expro-  
 bravit. Quæ hîc acta, clam fuerunt. Vulgò credi-  
 tum, de Vandalicarum urbium magnitudine, ac  
 potentiâ, quam iniquis ferè oculis principes adspi-  
 cere soleant, coercendâ agitatum. Verum, fædus  
 tantum ictum, de jungendis contra eas omnes ar-  
 mis, si cui è fæderatis, ob quamcunq; demum cau-  
 sam, ipsæ unquam bellum inferrent. Neq; enim ani-  
 mus Christiano erat, vim inferre: sed cavere, ne ad  
 Carolum, quem jam arma, ad recuperandam Sve-  
 ciam, comparare intellexerat, se adjungerent. Ubi  
 in regnum rediisset, oratores Lubecensium accessse-  
 re; postulantes, *ut antiqua in regnis ejus privilegia fir-*  
*maren.*

*marentur. Simul questi, damna multa, & injurias, mercatoribus suis illatas, cum in mari, à piratis; tum in regnis etiam suis, à præfectis. Quibus ille respondere; si qua, ipso nondum rege, passi forent, horum culpam sibi non imponi posse: de piratis qua obtenderent, aut præfectis, cum incerti illirei, nec in potestate essent, temerè crimen memorari, quod nec ipsum quisquam ad se pertineret. Sed deinceps curaturum, ne quid jure queri possint: & eorum privilegia sarta tecta esse velle. Sic dimissi, recessere. Inter hæc rebellionem Sveci incæptant; indignantibus proceribus, regni sui præfecturas, sibi jure committendas, tanquam minus certâ in regem fide essent, Danis dari: vulgo verò, absentiam regis accusante; per quam nec jus ferè unquam diceretur, & præfecti pro libidine agerent, ferrentq̃, omnia. Tum, abduci extra regnum opes publicas, atq̃, iis pro arbitrio Danos uti. Eadem querela fuerat item de Christophoro Bavaro; & hæc Svecis prima desciscendi causa. Et profectò, non pro cæterâ prudentiâ ab utroq̃, rege factum. Quippe hæc regnorum lex est, ut per proceres indigenas unumquodq̃, gubernetur: & in fide se eorum acquiescere rex ostendat. Si præficiat peregrinos, detrectare ferè obsequium cives solent: ac, si fidem in dubiùm vocet, ad perfidiâ irritantur. Christianus, ut comprimeret tumultum, per initia nondum validum, ire in Sveciam instituit: classẽ instruit, & militiæ Danicæ, Holsaticæq̃, florem imponit. Cum Stocholmum appulisset, quidam eum, homines infesti maximè, ut circumvenirent astu,*

cl3. cccc  
LXIII.



*clj. cccc* accedentes, Salistæum, regni antistitem primarium, & conspectæ in ipsum fidei, per calumniam accusant, velut omnis mali auctorem: ac futurum, esse ajunt, in maturè provideret, ut, quemadmodum pridem Carolum, ipsum quoque regno exigeret. Hæc fingeant, ut, si rex, indignitate rei motus, quod futurum prævidebant, Salistæum comprehenderet, aut suspectum porro haberet, consanguineos, toto regno potentissimos, ad sumenda in eum arma concitarent. Princeps optimus, nimiam crudelitatem, quam plerunque, ut quis bonitate præstat, ita maximè laborat, dum existimat vera dicere delatores, in suspensionem adducitur. Quam ut porro confirmarent, etiam libellos spargunt, famam viri innocentis magis quoque impulsuros. Ac traducunt, tanquam regis proditorem: quique hoc conatu omni moliatur, uti Carolum, ab exilio revocatum, restitueret. Denique tantum efficere, ut consiliis eorum callidissimis se permittens Christianus, nihil tale agitari suspicatus, comprehensum mox in Daniam transmitteret. Summa erat ejus viri in regem fides, summa merita: neque regno dejici Christianus poterat, nisi prius hoc remoto, qui consilia factiosa unus maximè impediret. Itaque ab eo primum subruendo initium factum, ut minore post negotio ipse rex everteretur. Quare, cum id effecissent, inchoatas

choatas jam insidias persequuntur : & amicos  
 capti accedunt , incitantque in vindictam. Non  
*ferendam injuriam esse , quæ ad omnes pertineret :*  
*ac tentari in Salistæo , quid passuri ipsi essent. Nul-*  
*li dubiam ejus fidem , meritumq; ; & , si sanguinis*  
*communis nullâ curâ afficiantur , saltem viri inno-*  
*centiâ moverentur : cujus si periculum spernant ,*  
*idem omnes aliquando subituros. Quare , si con-*  
*stare sibi deinceps dignitatem vellent , arma cape-*  
*rent , Carolumq; ab exilio revocarent : & in reg-*  
*num , pridem ereptum , restituerent. Quod si fa-*  
*cerent , suum exemplum omnes incolas sine dubio*  
*secuturos. Neque mora , arma sumunt : & cum*  
*iis passim incolæ. Iamque aperta rebellio erat ,*  
 & in regem incursatur : qui , commissio acri  
 prælio , diu ancipiti , tandem victus , classent  
 repetit , & in Daniam enavigat. Fâ in pugná  
 multi ex regiis cecidere , multi capti : ne-  
 que pauci , dum in naves fugam capiunt , tre-  
 pidatione nimia , aquis merfi. Sveci , post vic-  
 toriam illam etiam magis alieni à rege suo , fi-  
 dem in eum , & obsequium , planè exuunt. In-  
 super Dantiscum mittunt , ubi Carolus tunc age-  
 bat : & ablatum antè regnum rursus offerunt.  
 Isque , nil cunctandum ratus , post exilij annos

septem,

- cl. cccc* septem, ocijus in Sveciam redit: magnâ ab iis, qui  
*LXIII.* à partibus ejus steterant, gratulatione exceptus. Verum nulli, alternante dein fortunâ, gaudium diuturnum fuit. Ipse enim, dum illorum fluxam iterum in se fidem experitur, sponte suâ regno cedit: vel hoc uno in postremo vitæ actu celebrandus, quod, ambitionis potens, etiam contemnere sese regnum posse omnibus testatum faceret. Christianus, cum in Daniam rediisset, fraudem, quanquam serò, agnoscens, libertatem Salistæo mox restituit; &, injuriam ut compenset, summo in honore habet: inde in Sveciam remittit, cum honesto comitatu. Vbi, rursus offensus Carolo, pristinum in regem affectum conservavit. Hæc cum ita gesta essent, Pius pontifex, ejus nominis secundus, anno proximè insequente, concilio Mantuæ generali convocato, cum ad bellum contra Turcas principes cunctos excitare conaretur, Christianum, cujus virtus singularis, animiq; magnitudo, & peritia armorum, famâ jam illustri esset, minimè sibi negligendum existimavit. Itaq; legatum mittit, & ad arma conjungenda exhortatur. Sed, implicito rebus suis Christiano, frustra hæc pontificis legatio  
*cl. cccc* fuit. Anno proximo, Gerhardus, alter Christiani  
*LXV.* frater, cum Mauritius decessisset, in Holsatiam recepit: ac pecuniam, pro renuntiatione sibi debitam, ad quam fratris, jam defuncti, etiam pars accessisset, exhiberi postulavit. Aberat longius Christianus, in extremo regni limite, rebus gravibus occupatus.

patus. Neq; inter Holsatiæ proceres quisquam erat, *cl. cccc*  
qui pecuniam expenderet, aut cum eo regis nomi- *LXV.*  
ne transigendum existimaret. Hinc Gerhardus,  
astu sibi agendum ratus, arces, in quas divertebat,  
sensim occupat, & in suam fidem cogit; dein pro  
comitatus se gubernatore palàm gerit, pronâ plebe:  
cui, nobilitati adversus, se benigniorem semper ex-  
hibuerat. Proceres verò, vim opponere non ausi,  
cùm consilia contulissent, rem per literas regi nun-  
tiant. Is, quid moliretur frater, postquam accepit,  
rem periculosam ratus, etsi maximis regni rebus  
impeditus, reditum parat. Ac respondet, se venire:  
& Chilonem, ad negotium componendum, conve-  
nire omnes velle. His comitiis, jus Gerhardus suum  
urgere; & aut terræ partem aliquam, aut pecuniam,  
quæ promissâ, flagitare. Æqua postulare visò, post-  
quam literæ cautionis, & fidejussores dati, res com-  
posita in præsens fuit: ac Gerhardus Delmenhor-  
stum, rex in regnum se recepit. Quo negotiis ite-  
rum Svecicis occupato, continere se Gerhardus mi-  
nimè potuit, quin recurreret in Holsatiam, & mu-  
nitiones rursus comitatus occuparet; ac in illis ar-  
cem, urbemq; , Rensburgensem: Quam Doro-  
thea, vidua Adolphi ducis, dotis nomine posside-  
bat. Quæ injuriam cùm principibus consanguineis  
questâ esset, atq; hi ad Sigismundum Imperatorem  
detulissent, missi ab eo duo comites Hennebergici,  
ut rem universam inquirerent, & componerent.  
Illi verò, cùm Lubecam advenissent, & Gerhardum

F

isthuc

flb. cccc

LXV.

isthuc ad se evocassent, stitit ille quidem sese, verum, ut desisteret captis, ac Dorotheæ urbem, arcemq; , restitueret, nec auctoritate Cæsaris, neve ratione ullâ, impelli potuit. Quod regina cum acciperet, non ulterius viduæ injuriam ferens, pro dotalibus istis bonis aureos ei bis mille, & ducentos, repræsentat : annuosq; in futurum, quo ad viveret, octingentos pollicetur. Hunc in modum postquam res transacta esset, & Gerhardus Delmenhorstum rediisset, mox Bremensibus bellum infert : qui quod mercatoribus suis inter viam merces varias, nullo persoluto pretio, ademisset, præsulem in illum suum concitârunt. Quo ipso tempore, cum Dorothea, vidua Adolphi ducis, è Thuringiâ rediret, quò profecta visendorum amicorum causâ fuerat, comitemq; itineris sui Ernestum Honsteinium haberet, virum illustrem, ac cognatione junctum : Benedictus Alcveldius, è primoribus Holsatiæ, manum illi, in certâ causâ, injicit, & captivum abducit. alij ajunt, quod sine vllâ fide publicâ, quam vir nullo modo hostis non petendam existimaverat, accessisset. Dorothea, apud regem quæsta est, *se in eius ditione, quem cum fratribus in mariti Adolphi aulâ educasset, nihil tale metuisse; neq; dubium habere, quin memoria beneficij, gratiaq;, ipsi constet: itaq; enixè orare, uti hominem innocentem, quem è sua secum domo via comitem eduxisset, esse liberum juberet. idq;, si non meritis in ipsum suis, at communi peregrinantium juri daret.* Justa hæc oratio erat: itaq; captivum rex dimittit.

mittere jubet. Verùm ea rerum tunc conditio erat, clb.cccc  
 vt non, nisi promissis priùs quatuor aureorum mil- LXVI.  
 libus, libertati redderetur. Dorothea verò, cùm  
 Rensburgo, vbi in sequentem vsq; annum egit,  
 virum equestris dignitatis præfecisset, in Thurin-  
 giam recessit. ac Gerhardus, in Holsatiam reuersus,  
 Frisios, astu circumuentos, ostensis literis, quas à  
 rege fratre sese accepisse jactitabat, ad præstandum  
 sibi fidei iuramentum mox pellexit, quod ut regi  
 gnarum fuit, acriter per literas objurgat eos; & ac-  
 cusat leuitatem, quod ad dominum alienum, sine  
 voluntatis suæ certiore testimonio, transiissent.  
 quibus postquam parum sese profecisse animaduer-  
 tit, indignatus, cum Dorotheâ vxore, & selecto  
 comitatu, in Holsatiam proficiscitur. cumq; illis Se-  
 gebergum peruenisset, statim habito delectu, mi-  
 litem ciuitatibus imperat; tum Lubecâ, & Ham-  
 burgo, auxilia petit: quæ submissâ, sine morâ. A-  
 nimus erat, armis fratrem, sæpiùs seditiosum,  
 cõercere: quamvis tamen, dissuadente id senatu,  
 qui committi, illo imprimis tempore, fratres, non  
 censebat è re publicâ, mox sententiam mutavit.  
 potiusq; visum fuit, ad reddendam antè actorum  
 rationem euocare. quod vt factum, ille, conscien-  
 tiâ anxius, consilium cum suis capit, quidnam fac-  
 to vsus foret. tandem placuit, vt fraternæ beneuo-  
 lentiae se permitteret. itaq; paruo comitatu, regem  
 adit. cui modestè postquam sese excusasset, is, vt  
 erat amans fratris, & naturâ perbenignus, non tam

CL. CCC

LXVI.

rigidè animadvertendum ratus, subsistere Segebergi jubet, donec redeat, & custodiam clam apponit: ipse se Chilonem confert, ad indicta hîc comitia, cum Dorotheâ vxore. Interim Gerhardus illic diligenter asservatus, sub custodiâ tam occultâ, vt nec ipse captum sese intelligeret. & Dorothea regina, prudens fœmina, cum discederet, regem maritum ad comitia secutura, blandè abiens compellat; *ne tederet paulum illic, dum reverteretur frater, commorari: nam mandatum, ita uti haberetur, ac si Delmenhorsti esset.* Inter ista, in conuentu Chilonensi rex pertrahat de pecuniâ, quæ Gerhardo debebatur, persolvendâ; placuitq; , in certum tempus dispertiri. atq; sic Holsatiam ille missam faceret, nec reverteretur vnquam: eo quidem, quo aduenerat pridem, animo. Frisij verò, qui, per fraudem circumuenti, se Gerhar- do obstrinxissent, dicto denuò Christiano sacramento, in gratiam recipiuntur. verum tamen mox à fide recessere. Nam Gerhardus, altero ab hac transactione anno, siue revocatus clanculum, siue suâ spe excitus, posse rem præclarè geri, per absentiam Christiani, in limite Sueciæ occupati, nauigo Husium appellit: militem vehens, bellicumq; instrumentum, cum silentio exscendit, propereq; loca opportuna munit, antè quàm ad regem nuntius perueniret. Frisij, perfidiam iterant: &, à rege desciscentes, cum Gerhardo se coniungunt. extruunt munitiones; quæq; bello necessaria, ociùs parant: ac rebellio gra- uior priore fuit. Christianus, postquam nuntium ac- cepit

cepisset, reprimendum fratrem ratus, ante quàm morâ longiore vires sibi compararet, firmaretq; illico, delectu habito, & auxiliis, uti pridem, Lubecensium Hamburgensiumq; accitis, rursus in Gerhardum movet. Qui, adventu intellecto, fugam capit, & evadit: indulgente Christiano, qui elabi, quàm prehendi, fratrem mallet. Ita depulso Gerharo, comprehensi principes rebellionis, capite luunt. Vnus horum, Henningus Lupus, in Dithmarsiam profugit: nec multo post ob insolentiam interfectus, non estugere poenam potuit, quam meruerat. Interim Carolus, à proceribus regni Sveciæ, contra fidem, Christiano regi datam, revocatus; certus, illum non passurum, Sveciâ sese per rebellionem ejici, communi-  
re sibi principatum satagit: orans suos, quando ultro revocassent, ut in fide, & obsequio, perseverent. Tum auxilia undecunq; per legatos item parat; & nonnullos è primatibus regni Daniæ, qui in limite habitabant, ad se pellicit: inter quos Ivarum Axelium, magnâ virum dignitate, & potentiâ: Soluisburgi, & Lilloi, in Hallandiâ præfectum. Is, insensus Christiano, cum affinitate Caroli, tum repulsâ quoq; fratris, qui episcopatum pridem Othoniensem obtinere non potuerat, postquam arces, quas jam dixi, com-  
meatu, ac præsidio, munivisset, & obsequio renuntiat, & ad Carolum palàm transit. Quibus rebus Christiano nunciatis, nihil ille prius duxit, quàm movere in Hallandiam: ne firmato per absentiam suam hoste, spe impunitatis captâ, plures ad defectionem

cl. cccc.

LXVI.

cl. cccc

LXVII.



*clj. cccc* tionem traherentur. itaq; vere insequente, magnis  
*LXVIII.* copijs coactis, postquam eò appulisset, vt nutantes  
in obsequio retineret, & perculsos confirmaret,  
præsidia vbiq; locat. inde castra arcibus luari admo-  
uet; & ex ijs Soluisburgum, proximo autumno re-  
*clj. cccc* cipit: sed Lilloum, in sequentem vsq; annum ob-  
*LXIX.* sidionem tolerauit. ac tunc demum expugnatum,  
solo æquatur. Istis in Hallandiâ gestis, & recupera-  
tis his munitionibus, Christianus, cùm in Suecos  
rebellantes, Carolumq; reuocatum, proficisci sta-  
tuisset, ne legitimo successore regnum Daniæ care-  
ret, si quid fortè humanibus sibi in hac expeditione  
eueniret, filium suum Joannem, annos jam duo-  
decim plus minus natum, in conuentu Scanien-  
si, ante Lundiam, loco regibus eligendis dudum pro-  
prio, summo procerum consensu, ad diem VI.  
mensis Junij, regem designari curat. per quod tem-  
pus, cùm Islandiæ præfectum, grandius vectigal  
fortè extorquentem, mercatores illis Angli occi-  
dissent, irritato eâ cæde in gentem vniuersam ani-  
mo; tum quod donativum item, proauo materno  
Henrico, Holsatiæ comiti, nomine militiae debi-  
tum, necdum tunc solutum esset; quatuor eorum  
naues detinet, capit, & impositas merces distra-  
hit. Hinc Vandalicis mercatoribus, qui in Angliâ,  
ingens malum concitatum. quippe capti, ac carce-  
ribus mancipati, & rebus omnibus spoliati, graui-  
ter affligebantur; cùm insimularent Angli, ipso-  
rum instinctu Christianum hæc egisse: neq; persua-  
deri

deri sibi paterentur, non commune ijs quicquam cum Danorum rege esse. mox in bellum res erumpit: quod, cum multa passim damna Angli acciperent, vix componitur. Hinc in Sueciam classem armat. quæ cum nauem Lubecensem, plurimis onustam mercibus, ceu hostilem, quod è Sueciâ adueniret, alteramq; è Liuoniâ, invasisset: Lubecenses, mox commercia suspendunt, & legatum ad regem mittunt, qui erepta reddi postulet. sed, cum id, distractis multifariam mercibus, fieri nullo modo posset, nequicquam legatio fuit: cautum tamen, ne deinceps damnum vllum paterentur. In Sueciâ duæ arces erant, quæ obsequium in regem retinebant. has Ivarus, de quo paullo antè dixi, magnâ comparatâ manu, oppugnare est aggressus: sed, præsidio validissimè repugnante, & immisso à rege auxilio, discedere ab obsidione coactus fuit. cumq; postea, ignominiâ irritatus, Daniam ipsam armis peteret, ibi se felicius pugnaturum ratus, rex, accepto rei nuntio, in campo Herlingo, ad Elinsburgum, ei occurrit. Diu acris pugna fuit; & victoriam in principio pugnans fortiter Ivarus satis dubiam faciebat: sed postremum, inclinante eius acie, in fugam actus, totum secum exercitum traxit. Dani verò, fugientes persecuti, magnam stragem edidere: captis, & occisis, plurimis. Fracti eâ clade Sueci, ne rex copias promoveret, & in totum porro regnum impetum faceret, pacem petunt: Sueciam offerunt, Carolumq; se honestâ aliquâ transactione-

cl. cccc.  
LXIX,

cLj.cccc

LXIX.

actione amoturos pollicentur. Eam in rem mox Lubecam affuturos, qui cum plenâ potestate, de communi omnium procerum consensu, hoc negotium tractarent. Si eodem rex venire non grave-  
tur, se sperare, faciliè controversiam diremptum iri. Ideò verò Lubecam ad conventum destinare; quod, ob mutua gentis utriusq; odia, neutro in regno locus dari tutus possit. Rex, ut pronum in pacem animum testaretur, accipit, quæ offeruntur: arma ponit, & in Daniam regreditur. Vbi cùm res ordinasset, Gerhardo fratre, & episcopis item tribus, plurimisq; regni procerum comitatus, Lubecam tempore constituto proficiscitur. Sveci, diu expectati, postquam tandem accessere, ventum adversum causati, moram æquo longiorem excusarunt. Ut conventum aliquoties, nil effectum tamen fuit: certis Svecis, quanquam id dissimularent, ad obsequium non redire. Etenim sic statuebant; faciliè se mediam inter duos reges libertatem tuituros: si potentiam Christiani formidandam Caroli objectu frangerent, Caroliq; insolentiam rursus metu Christiani coercerent. Itaq; mox, re infectâ, discessere. Dum autem illi expectantur, rex querentes damna accepta terrâ pariter mariq; mercatores benignè admittere, & audire; ac, putato uniuscujusq; damno, partem ejus ære præsentè sarcire: de cætero verò cavere, Chilone urbe, atq; arce, pigneratâ. Quod à Lubecensibus admodum callidè actum: uti portu ejus urbis, qui id temporis, ob commercia  
omnis

omnis generis, multò celeberrimus erat, potirentur. ideoq; , constituto paullo pòst ibidem loci publicano, pecuniam, ex mercimonijs more prisco redire ad senatum solitam, ipsi totam intercepere. quâ de re cùm Chilonenses apud regem quererentur, ita eum permoverunt, ut mox & redimeret urbem, & senatui restitueret. Sueci, rege sic deluso, postquam domum abiissent, Christianus, non ferendam sibi contumetiam ratus, comparatis propere copijs, rursùm Sueciam tentavit; summâ hie-  
*clj. cccc.*  
*LXIX.*

me, cùm venturum nemo crederet: itinere, in montosâ planè regione, transitumq; tantùm angustum exhibente, difficillimo. quod cùm Sueci acceperissent, in paludes, atque silvas confertissimas, cum vxoribus, liberisq; , sese abdunt: & munitiones struunt, densâ arborum concæde. Christianus, postquam, eos insecutus, ad Tyemediam vsq; siluam peruenisset, statim insidias Petrus Oxius deprehendit. itaque cohortes aliquot levis armaturæ mittit; & nonnullos è peditibus, qui explorent: hostiumquè numerum pariter, & consilium speculentur. Sueci verò, cùm deinde impetum in munitionem Dani facerent, sine vllò sanè negotio propulsantes, plurimos interfecere: & , mox etiam erumpentes, atque in latus incurrentes, cùm non parvum item numerum cecidissent, mox regressi, intrâ munimentum sese recepere. ita, cum suorum clade, rex recedere coactus, partim asperitate hie-  
*clj. cccc.*  
*LXX.*

mis, partim pabuli inopiâ, copias demum reduxit.

615. cccc

LXX.

Vix hæc gesta, cum è vitâ excessisse Carolus annuntiatur. quo defuncto, rursum proceres, de constituendo illi successore agitantes, discedere. Salistæus, alijsq; reuocandum Christianum; alij, obniti pertinaciter: & Suantonem, Caroli è sorore nepotem, quem is moriens designasset, eligendum existimare.

615. cccc

LXXI.

Christianus, cui Sueciæ vindicandæ tempus opportunum esse videretur, magno vndique militum collecto numero, & instructâ in portu Lubecenfi classè, eò tendit. vbi postquam appulisset, Brunchebergum, editum ad Stocholmum montem, statim occupat: positisque ad radices eius castris, urbem obsidione cingit. Sueci, quod desperent armis, dolo obtinere posse, animum inducunt. itaq; suspensum eum per blanditiam detinentes, moras neunt: dum, absumpto comœatu, & redactò ad extremam inopiam milite, minimo suo discrimine, fractos viribus, animisque, integri ipsi inuadentes, debellant. Sensit dolum, quanquam serò, Christianus: nam, consumpto penè omni comœatu, Dalecarlos, qui fortissimi inter Suecos censebantur, aduentare nuntiatur. ac vix aderant, cum erumpunt oppidani: atq; à fronte regem inuadunt, Dalecarlis contrâ tergo imminentibus. Rex, vt erat animo magno in periculis, & intrepido, ocyus ordinatâ acie, suos ad virtutem hortatur, & alacriter pugnam init. anceps diu prælium fuit; ac rex ipse cum gregarij militis instar, quàm fortissimè dimicaret, sagitta, ab hoste immissa, dentes anteriores duos ei excussit: &, in fau-

fauces vsque penetrans , adeò inhæsit , vt deinde non minore cum periculo , quàm dolore , extracta fuerit. itaque fatiscentem aciem porrò impellentes Sueci , tandem vincunt , & ingentem stragem edunt , multi cæsi ; multi , dum in classem suam fugâ euadere comituntur , aquâ mersi : neque pauci etiam capti. Christianus cum reliquijs domum repetit ; neque ex eo tempore quisquam vltra in Sueciam molitur : siue bellandi pertæsus ; & parcendum deinceps sanguini subditorum arbitratus , cuius potissimum rationem bono principi habendam sciret : siue cum animo suo reputans , regna quæuis fato dari , & auferri : denique etiam , vt , fortunâ adhuc integrâ , quæ corrumpi clade aliquâ maiore planè poterat , ius in regnum illud suum hæredi illibatum traderet. Itaque otio , & quieti , sese dedit : animoque ad pietatem applicato , ædibus sacris , & egenis , ac inualidis , multa passim elargitur. sacrorum antistites , partim summâ liberalitate fouet , partim etiam magno in honore habet ; eos maximè , quos doctrinâ eminere intelligeret ; multis illud , in non erudito Principe , demirantibus. Post hæc , etiam Romam ire , voti reus , animum inducit. & adiungit sibi comitem , Ioannem Saxonem , Læwenburgicum ; principesque , ac præfules , extraneos alios : cum è suis ditionibus , nobilissimo quosque genere , viros centum quinquaginta. Iter incipit ineunte Ianuario ; ac , profectus Segebergo , in-

c13.cccc

LXXI.

c13.cccc

LXXII.

c13.cccc

LXXIII.

*cl. cccc* ter viam Imperatorem Fridericum III. adit, Ro-  
*LXXIV.* tenburgi tunc agentem. à quo exceptus honorificè,  
 & pro regis tam potentis dignitate, post sermonem  
 de regnorum suorum statu, ac cæteri orbis Christia-  
 ni, de Dithmarsis mentionem illi injicit: *esse in suis*  
*ditionibus, intrâ Imperij Romani fines, gentem admodum*  
*ferocem, finitimis gravem, nulli principi subiectam, &*  
*libertate usurpatâ insolentem. eam sibi, quando non sit è*  
*re publicâ, populum sine principe agere, subjici peti:*  
*tum Holsatiæ, ac Stormariæ, comitatum, ac Dithmarsia*  
*regionem, in ducatum commutari.* Nec grauatus Im-  
 perator, annuit amici regis postulatis; &, extincto  
 vetere comitatus titulo, ac ducatu ex tribus illis di-  
 tionibus vno facto, regi hunc, solenni in talibus  
 more, confert: literisq;, in rem istam requisitis,  
 donum firmat. His acceptis, iter institutum vrget:  
 &, magnificè passim exceptus ab Italiæ Principibus,  
 vrbibusq;, mense Aprili ineunte, Romam venit.  
 Summum tunc pontificatum Sixtus IV. obtinebat;  
 qui regnorum trium regem potentissimum, cuius  
 fama iam aduentum anteuerterat, obuiam misso  
 Cardinalium senatu, summo cum honore excipit,  
 & hospitium in palatio suo tribuit: ac, sermone ali-  
 quoties collato, plurimis eum donis ornat. Inter  
 quæ ex auro rosa: tantum maximis principibus,  
 quorum sibi gratiam obstrictam cuperet, dari soli-  
 ta. Atq; hæc reversus postea in sacello ædis summæ  
 Roschildensis, ad australe latus sito, dedicavit. Insu-  
 per, cum literarum dignitatem, quamlibet in doc-  
 tus

tus ipse, apud animum reputaret; & obscuram cæ-  
 terarum rerum gloriam, sine literarum luce: com-  
 mittendum non putavit, quin, per hanc occasio-  
 nem, erigendæ in suâ Daniâ Academiæ potestatem  
 à pontifice impetraret. Idem sibi ante ipsum Eri-  
 cus X. proposuerat: & licentiam à Martino V. Papâ,  
 annis antè quatuor & quinquaginta, obtinuerat.  
 Verum bella, mox exorta, & tumultus, rem præcla-  
 ram protraxere: ut virtuti Christiani laus hæc, qua-  
 si fato quodam, reservata videatur. Vorum quoq;  
 de visendâ terrâ sanctâ, nuncupaverat: sed hoc eum  
 papa Sixtus liberavit. Inde, dies unum & viginti in  
 urbe commoratus, domum redit. Et, Alberto  
 marchione, cujus è Ioanne fratre neptem sibi uxo-  
 rem duxerat, in itinere salutato, cum appropinqua-  
 ret Rheno, evocatis ad se ducibus, Frederico Brun-  
 svicensi, Magno Megapolitano; & comitibus, Iaco-  
 bo Ruppino, ac Gerhardo item fratre, gravem illam  
 controversiam, inter Carolum Burgundum, qui  
 Novesium eo tempore obsidebat, & Coloniensem  
 ecclesiam, componere nisus, cum conatus frustra  
 esset, tandem in Daniam regreditur. Vulgò credi-  
 tum ideò ipsum ad Burgundum deflexisse, ut cum  
 eo fædus iceret, ad Vandalicas civitates post id bel-  
 lum junctis viribus oppugnandas. Per id tempus  
 in Norvegiâ Berga civitas, in certum unde, aut quo  
 modo, capto incendio, penè tota conflagravit:  
 adeò grassante flammâ, ut vix eripi quicquam pos-  
 set. Anno proximo, ad struendam Academiam, cui

clb. cccc  
LXXV.



*Ab.CCCC* rei priuilegium Romæ pridem à Pontifice impetra-  
*LXXV.* uerat, animum vertens; cùm dispiceret de loco, ad-  
 uocatis in consilium senatoribus, urbem Hafnien-  
 sem legit: ratus, Musis neque dignius domicilium  
 dari posse, quàm in ipsâ Regum sede: nec commo-  
 dius, quàm in vrbe regni primâ, vbi omnia vitæ  
*Ab.CCCC* commoda abundarent. Quo peracto, cum bienni-  
*LXXVI.* um summâ in quiete egisset; & Ioanni, filio suo,  
*Ab.CCCC* regni hæredi, matrimonium circumspiceret: è  
*LXXVII.* Saxoniâ id petendum arbitratus, mittit ad Erne-  
 tum ducem, ac septemuirum Imperij, Albertum,  
 episcopum Lubecensem; Ericum Oxium, aulæ præ-  
 fectum: & præpositum Hamburgensem, Albertum  
 Clitizingum. hi, mandata exsequentes, cum Chris-  
 tianam, Ernesti filiam, sex & decem annos natam, in  
 vxorem regis filio petijissent, per honestam oratio-  
 nem faciliè obtinuerunt. itaq; mox illam Albertus,  
 marchio Misniæ, sponsæ patruus, cum episcopo  
 Mersburgensi, & magnifico comitatu, anno prox-  
 imè infecuto, Rostochium deduxit. vbi exceptus à  
 supremo regni antistite, Ioanne Brostorio, & pri-  
 matibus viris alijs, ordinisq; senatorij, inde in aduer-  
 sam Falstiam mox deducitur: atq; hinc in Sialandi-  
 am. in quam postquam appulissent, Christianus,  
 cum equitibus quingentis, venientes honorificè  
 valdè excepit, Hafniamq; sic deduxit. vbi porro ex-  
 tra urbem obuiam procedens sponsus, cum equiti-  
 bus trecentis, eodem vestium colore, post amplex-  
 um sponsæ suæ, reliquum eius comitatum perbenig-  
 nè

nè salutauit. atq; inde in urbem, & arcem, itum fuit: cl. cccc.  
 moxq; in primariâ aede, ad diem VIII. Id. Septem- LXXVIII  
 bris, confirmato matrimonio, nuptiæ magnifico  
 admodum apparatu celebratæ. acti & equestres  
 ludi: quibus Marchio Albertus, sponsæ, vti dixi,  
 patruus, magnam laudem reportauit. Post hæc no-  
 uæ Academiæ, cui ante tres jam annos locus Haf-  
 niæ designatus, & interea etiam paratus fuerat,  
 curam repetens Christianus, dat mandatum Petro  
 Alberto, ut futuros Professores convocaret. qui,  
 cum iussu perfecisset, annò proximo vniuersos in- cl. cccc  
 troduxit: & inauguratio facta est ipsis Iunij Kalen- LXXIX.  
 dis, coram rege, & episcopo Roschildensi, item a-  
 lijs præsulibus, ac nobilitate regni. Quibus actis,  
 mox Rensburgum, Holsatiæ urbem proficiscitur; ac  
 Dithmarsos conuenire illuc iubet: & legatos Lube-  
 censium, Hamburgensiumq; vocat, cumq; conue-  
 nissent omnes, Friderici Imperatoris literas pro-  
 mens, petit; ut *Dithmarsii obtemperent: ac coniuncti*  
*cum Holsatiâ, & Stormariâ, se deinceps ducem agnoscant.*  
 Verùm illi, respondere: *male doctum Imperatorem, ali-*  
*ena clargitum. sibi terram suam esse; & dominium, tem-*  
*porale pariter ac spirituale, ad Bremensem Archiepisco-*  
*pum pertinere: ab eo tempore, quo, Dithmarsie ultimo*  
*comite decedente, Hartwico ipsos, archiepiscopo Bremen-*  
*sium, Fridericus, nominis istius primus, subiiecisset: &*  
*deinde in illius potestate permansisse.* Regerente Chris-  
 tiano, ex eo die saepe dominum mutasse; *Daniaque*

ali-

**elb. cccc** aliquando, sub secundo Waldemaro; aliquando, Holsatiæ  
**LXXIX.** comiti paruisse: atq; his contra dicentibus, etiamnum  
 præfulem illum præfectos ipsis imposuisse, quæ res planè do-  
 minatum testaretur: neq; se passuros esse, ut à domino tam  
 vetusto separentur; nec contentionis ejus finis esset:  
 tandem illis annum indulgere placuit, intra quem,  
 quod è re suâ videretur, consultarent. Inter ista,  
 asperatus Christianus, præter solitam mansuetudi-  
 nem, multa inclementius agere: quodam etiam è  
 nobilitate primâ in exilium ire jussit. Qui mox, ad  
 Albertum ducem Megapolitanum profugus, mor-  
 bo ex dolore animi comparato, Gustrovij, ubi se-  
 dem fixerat, diem obiit. Ejus filij variè placare re-  
 gem, sed nequicquam, tentaverunt: neq; recipi in  
 gratiam, nisi à Ioanne filio, post annorum plurimo-  
 rum intervallum, multâ propinquorum opera, po-  
 tuere. Iræ adeò pertinacis, in mansueto aliâs rege,  
 causa latuit: cum nonnulli, atrox quoddam viri fa-  
 cinus; alij, linguæ inconsultam libertatem offen-  
 disse existimarent. Post hæc nobiles Holsatiæ, qui  
 debere sibi regem prætendebant, Segebergum evo-  
 catos, literas exhibere jubet, quibus ipsum sibi obli-  
 gatum dicerent: ut cognosceret, in quem usum,  
 quonam loco, item tempore, expendissent. Quas  
 cum illi protulissent, separatâ inter se usurâ ac sorte,  
 hæc promissâ, illâ verò denegatâ, universa æris sui  
 alieni documenta abolevit. Quendam ferunt, in  
 dignantem, ita se rejectum esse, petiisse, ut admitti  
 ad regem posset; cumq; non admitteretur, vi sub-  
 moto

moto ianitore; in cænaculum irrupisse, & inuen-  
tum ibi regem accessisse: rum pecuniam vbi, &  
quando, expendisset, declarasse; ac pericula memo-  
rasse, quæ pro ipso bellis Suecicis adiisset: insuper, ab ho-  
ste captum aliquoties, ingens libertatis pretium soluere  
coactum esse. quod si nunc, pro homine ignoto, & obscu-  
ro, expellatur, nec benignum sibi regem experietur; in-  
iuria, quam pateretur, calum pariter atq; terram sese  
testes vocaturum. Hæc constanti ad eò animo cùm di-  
centem Christianus animaduerneret; ac fiduciam  
verborum veritatis testimonium certum interpreta-  
retur, blandè virum allocutus, bono esse animo  
iuber: & pecuniam, in tempus quoddam distribu-  
tam, pollicetur. Quibus in Holsatiâ actis, cùm in  
Daniam rediisset, Ioannem Brostorpium, regni  
præsulem primarium, cum nonnullis è senatu,  
Halmstadium in Scaniam mittit: vbi & de renouan-  
do reginæ Margarætæ fœdere, & de ipso in regnum  
rursus admittendo, cum legatis Suecis ageret. ac in  
fœderis negotio, facilè Sueci consensere: in recipi-  
endo eo, dissidebant. tandem isthuc inclinarum,  
ut Ioannem, eius filium, quem consortem regni  
Danici iam fecisset, regem Sueciæ designarent: &  
pollicerentur regnum, simul atq; è vitâ pater Chris-  
tianus excessisset. His peractis, & soluto mox con-  
uentu, breui interiecto tempore, Lundiam Ioan-  
nes venit: atq; illic à Brostorpio archiepiscopo an-  
te urbem, loco ei rei proprio, repetito iuramento,  
iterum rex, summo populi applausu, salutatur. Vtq;  
festum

clj. cccc  
LXXXI.

festum hunc annum habuit, ita proximum gaudio, & luctu, varium. Quippe, ad secundum diem mensis Maij filio auctus, Christiano, regni postea hærede, ad vicesimum pridem eiusdem, patrem amisit. Diem ille arce Hafniensi obiit, anno regni tricesimo tertio; ac sepultus est Roschildæ, in sacello, à se exstructo, in australi templi latere: in quo & Christophorus Bauarus, cui successerat, cumulus. Erat princeps, nullis quidem imbutus literis; quod & meritò in tam magno rege papa Sixtus IV., cum religionis causâ, uti dixi, Romam viseret, mirabatur: sed, in Deum pietate, & iustitiâ, animiq; magnitudine, moderatione, fide, armorum gloriâ, munificentia, nulli principum secundus. Gothiam extorsit Sueciam quoq; ipsam subiugavit: tum Holsatiam, ære maximo redemptam, Daniæ addidit. Hinc Dichmarsiam, quanquam planè refragantem, cum Holsatiæ, ac Stormariæ, comitatibus, ducis nomine sub imperium suum accepit. In toto verò eius regno, annis tot administrato, nihil adeo est quod culpes; quàm, quod archiepiscopum Vpsaliensem, ac primatem regni Sueciæ, Ioannem Benedicti F. Salistæum, tam præclerè de se meritum, nimis temerè delatoribus aurem præbens, dignitate deturbavit: &, captivum in Daniam missum, aliquamdiu indignè habuit. Sed hoc regum ferè factum est; ut, fortunâ eminente, cum periculis non exiguis, plurimisq;, sint expositi, omnia sæpè, etiam tuta, metuentes, faciliè, quod timent, credant: & præcipi-

cipites crimina, nec cōgitata, vlciscantur. At delictum nihilominus emendavit; cū deinde, exploratā eius viri innocentia, agnitāq; suā culpā, perbenignè, maximoq; cum honore, priscae libertati reddidit: & ostendit, infelicitate potius, tam excelsae posteritati quasi propriā, quā malitiā, se peccasse. Liberos ē Dorotheā vxore quatuor sustulit; Olauum, in primā aetate mortuum: Ioannem, in regno successorem: Fridericum, Slesuici, & Holsatiae ducem; ipsum quoq; , post nepotem ē fratre, regem: & Margaretam, Scotiae regi, Iacobo IV., elocatum: cui dotis loco data, prater caetera, insula Orca-des; sed hac lege, vt redimere liceret Daniae regi cuiuscunq; , quouis tempore.



H 2

IOAN-

IOANNIS MEVRSI  
HISTORIÆ  
DANICÆ

Liber II.

Qui complectitur regnum,  
IOANNIS.

**P**ostquam diem Christianus obiisset, Ioannes filius regnum adiit. Quando verò Sueci pridem, à fœdere trium borealium regnorum recedentes, mortuo Carolo, Canuti F. nepotem eius, Stenonem Sturam seniore, regno Sueciæ præfecissent: legati à proceribus Daniæ missi ad illos, petierunt, ut ipse, cum proceribus regni alijs, convenire Halmstadium vellet, ad consilia, de communis illis rege eligendo, conferenda. Oppidum id est Hallandiæ, prope ipsum Sueciæ limitem, constitutum à reginâ Margareta, ut deinceps trium borealium regnorum proceres, mortuo rege, illuc ad constituendum successorem convenirent. Steno, cum legationem accepisset, ut ambitiosus erat, quique regno quidvis etiam posthaberet, quanquam nihil sanè minus cogitabat, quam Halmstadium proficisci, tamen ne, quæ animo

mo agitabat, proderet, blando vultu, tempestiuè  
 adfuturum se, responderet. sed, cùm tempus præsti-  
 tutum aduenisset, vri seriò à se agi fidem faceret,  
 iter init. verùm, vt Aluastrum venit, ac, recolligen-  
 di sui, aliquam ibi moram ducit, morbum vehe-  
 mentem simulat: quem ne quisquam fictum esse  
 existimaret, sici pariter & inedia semet conficit. &  
 ut porrò omnem fraudis suspicionem amoueret,  
 optimatibus, qui cum eo illuc venerant, sigillum  
 ipse suum tradit; simul rogans, quando, ne Halm-  
 stadium iret, valetudo prohiberet, illi tamen se con-  
 ferre eò vellent: quæq; de communi rege proceres  
 trium regnorum constituerent, ea vt sigillo suo  
 confirmarent. verùm illi, qui in speciem tantùm  
 ista dici scirent, accepturos se negarunt: & mox  
 etiam dilabentes, re infectâ, domum quisq; redie-  
 runt. Hæc cum Danis nuntiata, ipsi, vnà cum Nor-  
 uegis, qui in fædere persistebant, electionem,  
 Halmstadij superiore anno factam, ratam habentes,  
 Ioannem omnes vno ore regem dicunt. mox Ca-  
 lundeburgi etiam proceres regni, quibus vrbium,  
 arciumve, demandatæ præfecturæ, fidem suam  
 cuncti sacramento obstringunt. Fratrem habebat,  
 & hunc vnicum, Fridericum: cui vt, defuncto pa-  
 tre, ditionum paternarum quædam pars assigna-  
 retur, comitia Chilone indixit. quò frequentes cùm  
 venissent, de Slesuici successore, & Hollatiæ, ac Stor-  
 mariæ, quos ducatus iure sibi hæreditario Christia-  
 nus acquisierat, diu consultatum fuit. Aderat



**CL. cccc** Dorothea illic, vidua defuncti regis: quæ affectu in  
**LXXXI.** Fridericum, multo magis quam Ioannem, propen-  
 debat. Et, Holsatis arbitrantibus, quando duo regna  
 amplissima Dania, ac Suecia, quanquam hæc jam defecis-  
 set, in Ioannem recidissent; æquum esse, ut Friderico inte-  
 gri ducatus cederent: Slesuicum quidem, instar feudi,  
 unde regno obnoxius deinceps foret: Holsatia verò, ac Stör-  
 maria, in regnorum tam insignium compensationem quan-  
 dam: illa id probare valdè, & vrgere. Sed regni pro-  
 ceres, sic censere; quando duo illa regna non successionem  
 certâ, verum electione variâ, in quemcumq; transferren-  
 tur, & Ioannes fortuito hæc teneret, non iniquum existi-  
 mandum, ut Fridericus aut Noruegia sibi regnum totum  
 sumeret, inq; vicem integros ducatus eos fratri traderet;  
 aut, si illud displiceret, factâ distributione, quantâ æqui-  
 tate posset, sorte fratres inter sese partirentur. Sed sen-  
 tentiæ huic alij aduersari; assentes, ejusmodi diuisionem  
 litium, ac bellorum item, quæ ex illis nasci solent, fo-  
 mitem perpetuum fore. Fratribus in præsens quidem rectè  
 consuli: verum, postquam vitâ ipsi excessissent, tum ne-  
 potes semina dissidiorum maximorum habituros. Con-  
 tra optimates regni, cum contenderent, si id fortè  
 aliquando eueniret, facile componi posse; reginam, &  
 Senatam Holsaticum, in sententiam tandem suam  
 pertrahere. Quippe sic existimabat prudens fœmi-  
 na; incerta admodum regna esse, & precaria quodam  
 modo, quæ electione obtingerent: ac stabilia demum ea,  
 quæ hereditate accepta, ad posteros transmitti possent. Et  
 experta ipsa erat; cum non ita multò antè Sueci, fi-  
 dem,

dem, quam dedissent coniugisuo Christiano; exu-  
entes, bellum graue, & per istud mala plurima, in  
his oris concitarent. Ea propter de sententiâ dece-  
dens, ac testata, *utrunq; sibi filium esse, & aequali carita-*  
*te*, in æquales item partes diuidi ducatus petiit; par-  
uam inde inter fratres de Noruegiâ controuersiam  
fore: cui rei, quotquot aderant optimates, assense-  
re. Sed quàm rectè nouo regi, & regno Daniæ, con-  
suluerint, qui ducatum Slesuicensem, sub Erico Po-  
merano separatum, nec recuperari, facilem, vixq;  
per Adolphi mortem restitutum, iterum tunc dis-  
iungendum censuerunt, iudicent prudentes rerum.  
Quæ Chilone dum geruntur, procures Holsati qui-  
dam, à Christiano pridem in exilium acti, ut in eius  
rebus dixi, deprecantibus amicis, mox conciliati re-  
gi, revocantur: redditaq; illis bona, fisco addicta.  
Rex Ioannes, alteram ducatum duorum partem  
suo iure consecutus, alteram tutoris nomine, fra-  
tris vicem administraturus, accipit; &, in Daniam  
reuersus, regni insignia sibi petit. Quæ in tertium  
vsq; annum nihilominus dilata; siue, quia noui re-  
gis mores prius explorare procures vellent: siue,  
quia existimarent expectandum, donec Sueci, qui  
secesserant, iterum coniungerentur. Interim verò,  
vt ingenti beneficio suos sibi deuinciret, cum ducatu  
Slesuicensis vrbes penè vniuersas, atq; arces, vec-  
tigaliaq; regni oppignorata intelligeret; ad Holsati-  
am, & Stormariam, mortuo Adolpho duce, ab Otho-  
ne Scouenburgico coëmendam: vt exsolueret pa-  
tris

cl. cccc  
LXX XI.

*clj.cccc* tris debitum, & redimeret pignora, subditis to-  
*LXXXI.* to regno suis pecuniam in hanc rem imperat. &  
 Holsatiæ optimatibus cum Rensburgum, tum  
*clj.cccc* Flensburgum, conuocatis anno proximè insecuto,  
*LXXXII.* inter alia summo omnium consensu id obtinuit, vt  
 pro vomere vnoquoq; bini aurei penderentur. Hæc  
 pecuniâ, cæterâq; , quam è regno comparauerat, ,  
 vrbes, arces, vestigaliaq; cuncta, quæ Holsatis pig-  
 nori data, sic redemit, vt omnino vniuersis satis-  
 faceret, neque quisquam iniuste sibi quicquam  
 ademptum quereretur. Verùm, quia rex tutelam  
 fratris sui eo tempore gerebat, de pecuniâ eadem,  
 & ducatuũ item distributione, tanquam nimis  
 inæquali, ingens postea inter fratrem, filiumque  
 Christianum, lis exorta est: de quâ suo loco dicam.  
 Porro Daniæ senatores, postquam regem in regni  
 curas toto animo incumbentem animaduertunt,  
 coronam etiam, quod distulerant iam in tertium à  
 defuncto patre annum, deferendam illi censent.  
 itaq; Hafniam euocatus vniuersis regni ordinibus,  
 etiam Noruegiensibus, ac nonnullis è Germaniæ  
 principibus, confluentibusq; vltro ad solennitatem  
*clj.cccc* tantam vrbium maritimarum oratoribus, ipso Pen-  
*LXXXIII* tecostes festo, quod in diem XV. Kal. Iunii incide-  
 bat, in primariâ vrbis æde, à supremo regni antisti-  
 te, cum Christianâ, vxore suâ, coronatur. vbi ante  
 summum altare cum nonnullis mox equestrem  
 dignitatem, vt in talibus vsitarum, contulisset,  
 magno in arcem comitatu est reductus. Aliquot  
 tunc

tunc dies acti inter epulas, & equestres item ludos. *cl. cccc*  
 Per quod tempus Lubecensium, & Gedanensium, *LXXXIII*  
 oratores, ac Iacobo Comite Oldenburgensi, tunc  
 piraticam exercente, ac multa damna civibus suis  
 inferente, apud regem conquerentes, coerceri vi-  
 rum petunt: simul etiam priuilegia, à prioribus Da-  
 niæ regibus variè data, confirmari. Isq; , vt priuile-  
 gia quidem confirmaret, facile animum induxit;  
 quanquam eius facti postea, cum ingratitude  
 eorum summam bello Suecico comperiret, pœni-  
 tudo illum cepit: sed, vt in Iacobum absentem, in-  
 dictâ causâ, quicquam durius statueret, minimè ad-  
 duci potuit. Siquidem, priusquam mare infestum  
 redderet, isthoc se facturum esse, missis literis, cer-  
 tos fecerat: quod ereptam sibi arcem Delmenhor-  
 stum operâ ipsorum diceret. At Iohannes, regni  
 Daniæ iam coronam consecutus, mox Noruegiam  
 classe petit, & Asloiam appellit. quâ in vrbe, rebus  
 regni ordinandis, aliquamdiu commoratus, ter-  
 restri itinere Nidrosiam abit: vbi, summâ gratula-  
 tione exceptus, coronâ quoq; , ad vicesimum diem  
 Iulij, decoratur. Quo peracto, in Daniam redit. Hic,  
 quibusdam ad bellum Suecis, quod à fœdere Marga-  
 retæ defecissent, inferendum incitantibus, facile  
 aurem præbuisse, in Dorothea ipsum mater revo-  
 casset. illa enim, vt erat animi planè moderatæ fœ-  
 mina, & prudentiâ supra sexum suum excellens, se-  
 dulò monere filium: *ne cum gente inconstanti, quæ*  
*promissum patri obsequium, & obstrictum iuramento, vix*  
*sep-*

cccccc septennium tenuisset, armis experiri vellet. quippe  
 LXXXIII etiamsi vinceret, & iurare in sua eos verba denuò im-  
 pelleret, nihilominus admodum incertum fore, virum fi-  
 dem, quam parenti violassent, ipsi seruaturi essent. Itaq;  
 quietem amaret; & contentus gemino regno, parceret  
 suorum sanguini, ac futurum fortè esse, vt, defectio-  
 nis radio, ac pudore, siue malis intestinis fatigati, vl-  
 trò ad antiquum sœdus reuertantur: melius fidem ser-  
 uaturi, quam, non ullis armis acti, verum suo animi  
 motu, tunc obstringerent. His reginæ matris moni-  
 tis acquiescens, quàm diu quidem illa vixit,  
 nullum in Suecos bellum mouit. Intereà verò reg-  
 ni Daniæ primates, omni curâ in reducendam ad  
 fœdus Sueciam incumbentes, missis sæpè ad proce-  
 res eius regni literis, vt concordiam, & decretum  
 Margaretæ, pro virili restituerent, adhortari non  
 cessabant. & id tandem effecere, vt Sueci ad reg-  
 norum vnionem sarcendam inclinarent, & Calmar-  
 niam eo ipso quoq; anno, ad diem III. Id. Novembris,  
 conuenirent. Quo cum Daniæ item proceres adue-  
 nissent, plurimaq; ad concordiam conseruandam in-  
 ter sese contulissent, Sueci capita quædam profe-  
 runt, quibus si rex stare vellet, nullam in ipsis moram  
 fore, quin coronâ etiam Sueciæ decoretur. Inter  
 ista callidè Steno, qui tunc regno toti præerat, vt pro-  
 missa eludere posset, inseruerat; *vti debitum quale-  
 cunq; patris Christiani solueret, tum conuentus vt Cal-  
 marnia æstate proximâ haberetur: atq; hic statuere-*

tur, cui potissimum borealium regnorum Gothia, clxxxccc  
 qua tunc Dania suberat; & Schordalia, ac Swertonia, Lxxxiii  
 subiaceret. Quæ Joannes etsi minimè admissurus  
 putaretur; nec passurus, ut electio sub conditio-  
 ne fieret: aut ut Gothia, belli iure acquisita, ite-  
 rum in quæstionem vocaretur: tamen cum, con-  
 cordiæ sancientiæ causâ, procures Stenoni quædam  
 concessissent, etiam ipse acquieuit. Atque ita vno  
 omnium consensu Sueciæ rex salutatur. Quibus  
 actis, postquam omnes discessissent, Steno, in Sue-  
 ciam reuersus, cum spe suâ excidisse se videret,  
 ac Ioannem quod futurum non putârat, postquam  
 in proposita capita consensisset, regem declara-  
 tum esse: fidei negligens, quâ se pridem in con-  
 uentu tam solenni obstrinxisset, & obsequium  
 promissum ipse exuit, & complures item alios,  
 quos naturâ factiosos didicisset, ambiendo, lar-  
 giendo, supplicando, ad se trahit. & ut facinus  
 specie honesti legeret, culpam in Ioannem con-  
 fert: quasi ille neq; soluere patris debitum statu-  
 isset, nec permittere, ut de Gothiâ procures sen-  
 tentiam ferrent. sed vtrunq; quàm à veritate esset  
 alienum, ipsi quoq; Sueciæ primates viri, quibus  
 aliqua honestatis, fideiq; suæ, ratio habebatur,  
 & Stenonis animus ambitiosus notus erat, faci-  
 lè intelligebant. Itaque eum accedentes, sapius  
 obtestabantur, debitum Ioanni regnum, & promissum,  
 ne quid porro interuertere conaretur: neue existima-  
 tionem ipse suam, procerumque ceterorum, perditum  
1 2
iret.

*clb. cccc. iret.* sed incassum laborabant. Annus proximus  
*LXXXIV* summam rerum caritate, fame, peste, Daam gravis-  
 .  
*clb. cccc* simè afflixit: ut dimidia amplius parte homines pa-  
*LXXXV.* riter ac iumenta toto regno interirent. Qui sequu-  
*clb. cccc* tus, admodum tranquillus fuit; nec Ioannes per  
*LXXXVI* hunc quicquam omnino passus, neq; fecit: verum,  
 qui excepit illum, læta aduersis temperavit. quippe  
 filium Christianum, annum agentem ætatis sex-  
 tum, postquam sibi, regni procerum consensu, suc-  
 cessorem designasset, animumq; ad quietem, & in  
 eâ ordinationem rerum, applicare statuisset, pacis  
 cupido causam belli Galli, Angli, atq; Scoti, obiece-  
 runt. Nam piraticam exercebant; Daniæq; merca-  
 tores, quos in mari deprehenderent, bonis suis spo-  
 liabant. Cuius rei cum querelæ ipsi crebræ afferren-  
 tur; isq; in Galliam, Angliamq; missis liceris, de in-  
 iuriâ questus esset, ac nequisquam exposulasset: ju-  
 stam adeò querimoniam insuper haberi cernens,  
 regni sui senatores Hafniam vocat, in commune  
 consulturos, quicquid ad stabiliendam publicam  
 quietem regni pertinere videretur. Qui, frequen-  
 tes postquam illuc conuenissent, & consilia de nego-  
 tio grauis adeò momenti contulissent, visum fuit,  
 iusto bello latrocinia coërcere: & petendæ ipsis pa-  
 cis, quam proteruè recusassent, sic necessitatem im-  
 ponere. Nec cunctatus, classem parat; milite, com-  
 meatu, implet: addit duces, militiâ nauali claros,  
 sub parente Christiano, Pytchehorsium, & Pinin-  
 gum. Ac successum tam felicem bellum habuit, ut  
 mox

mox hostes per legatos pacem petere sint coacti cD. cccc  
 His confectis ex sententiâ, iterum Hafniam senato- LXXXVI  
 res conuenere. Agitatum est de Gothiæ præfecturâ:  
 quam Iuarus, Alexij F. olim sibi à Christiano deman-  
 datam, obtinebat. Is, & genere, & auctoritate, excel-  
 lens inter Suecos, postquam coniugem duxisset Ca-  
 roli Canuti filiam, quem, deiecto Christiano, reg-  
 num Sueciæ inuasisse memorauimus, meritò suspectus  
 erat, inclinati etiam in Stenonem animi. qui cum,  
 contra quàm Calmarniæ promiserat, regiam sibi  
 dignitatem vindicare decreuisset, minimè sanè qui-  
 eturus credebatur, antequam in potestatem insu-  
 lam hanc redeuisset. Itaq; visum; & periculo ob-  
 uiam ire, & à præfecturâ eum remouere. Ac Steno  
 quidem, qui perspectum sat haberet, quantum, ad  
 gerendum cum Ioanne bellum, in hac insulâ situm  
 esset, blandè cum Iuaro agere, ut Gothiam, ac Fin-  
 landiam, quasq; alias tunc gerebat præfecturas, per-  
 mutare cum nonnullis Sueciæ arcibus animum in-  
 duceret: & efficere tandem etiam, adiutantibus hic  
 amicis, ut Finlandiam, quamuis agrè, ipsi traderet.  
 quâ potius, cum ambitioni suæ necdum satis fac-  
 tum esset, ut Gothiam quoq; ab eo impetraret, ip-  
 se illuc proficiscitur: & promissis quàm amplissi-  
 mis cum nequicquam permovere studuisset, eundem  
 amicos adhibet, & nauare operam iubet. Sed Iua-  
 rus, quem Finl. n. diâ iam extortâ offendisset, ut Go-  
 thiam quoq; traderet, nullo modo adduci potuit.  
 quippe animo reputabat, contra quàm rex, proce-



cl. cccc.  
LXXXVI

resve, expectarant, se in verba Christiani, cum primatibus regni Sueciæ, iuruisse; ac, post mortem Olai fratris, pignori illam ab eodem accepisse: tum in filium Ioannem, regem Sueciæ cooptandum, consensisse. Quem affectum confirmante insuper Stenonis odio, mox Stocholmi, in conventu regni procerum, cum nonnullis, quorum animos in Ioannem propendere exploratum ipsi erat, id enixè agitabat; ut, Stenonem ab affectato temerè regno submoventes, fidem, quam Ioanni obstrinxerant, semel tandem liberarent. Et hoc quidem tantà sanè vehementia conabatur, ut verborum libertate cum Stenonem, tum fautores eius omnes, graviter exasperaret; Steno etiam, ut reprimeret aduersarium, atrocinita objectaret, quæ in Gallos, atq; Anglos, pridem is exercuisset: quare illud effecisset, ut, quæ illis damna dederat, ea incolis regni Sueciæ vniuersis rursùm expectanda essent. Ac profectò isto crimine adeò certè eum pressit, ut periculum non exiguum compararet. Quanquam neq; ille cederet, atq; palàm minaretur, nisi aliter porro secum agere vellet, novos breui se in Sueciam hospites introducturum, nempe Russos. Tandem, post sat longam altercationem, amicorum interventu, inter se conciliati: ac Stenoni regni Sueciæ gubernatio, idq; Iuaro assentiente, iterum permissa fuit. Quæ cum ita gesta essent, Steno, nil Iuaro fidens, licet reconciliato, in proposito de cogendà in potestatem suam Gothià perseverans, cum Calmarniam, magno suæ factionis

cl. cccc.  
LXXXVII.

ed. 27

c 1

nia

nis comitatu, excurrisset, eum ex Oelandiâ insulâ, *cl. cccc. lxxxvii.*  
 quam & ipsam obtinebat, ad se vocat. Verùm postquam, aliquamdiu expectatus, non veniret, in Oelandiam trajiciens, missò nuntio, aduentum indicat, & colloquium ejus poscit. Cumq; ille etiam tum cunctaretur, generum suum, Aruidum Trollium, & Ioannem Achonis, mittit: qui persuadeant, ne colloquium detrectaret. Istis quoq; operæ irritis, arcem cingit; præcipitq;, ita arcem obsidere, ne eaderet: pœnam etiam minatus, si elabi paterentur. Verùm frustra cautio fuit; & Iuarus, cum præsidium ordinasset, nocte proximâ clanculum ingressus scapham, Gothiam petiit. Quæ in Daniam postquam nuntiata essent, anxium habuere regem, ne Iuarus, ut Finlandiâ pridem cesserat, nunc eâ imprudentiâ Gothiam traderet. Ftenim sic statuebat; si hanc insulam, quam à Valdemari IV. tempore Dani possedissent, etsi semel ab Alberto Sueciæ rege occupatam, interuerti pateretur, non duntaxat regni illud detrimentum, verùm etiam ignominiam suam fore. Itaq; re in senatu agitatâ, placuit, non tantum Iuaro eam præfecturam adimere, sed & Suecis, si promissum exhiberent, bellum inferre. Quo decreto, statim rex delectum agere & classem navium quadraginta expedire, copias in Gothiam suas, sub Frico Othonio duce, transmissurus. Huius rei postquam nuntium procures Sueciæ accepissent, metuentes ne, prætextu insulæ eius vindicandæ, rex in ipsos vires universas duceret, & opprimeret. *impa-*

*cl.cccc* imparatos, vt procellam imminantem euitarent;  
*Lxxxvii* prauertendum censuerunt. itaq; cum conuenis-  
 sent, visum pluribus; *vt Ioannes, iuxta acta Halmsta-*  
*diana. & in Sueciam vocaretur, & habenas regni accipe-*  
*ret:* alij contra contendebant, *minimè committen-*  
*dum esse, ut, quantumuis rebus asperis, se defererent: aut*  
*extraneum potius sibi, quàm indigenam, regem caperent.*  
 ac sententia horum obtinuit. Mox, in Gothiam cùm  
 Ioannes appulisset, Iuarus, siue fidei memor, siue  
 odio in Stenonem, vtrò portas venienti referare;  
 vel, vt alij sunt auctores, exspectantem ad Dracho-  
 ram regem adire: insulamq; ei suam, & arcem, tra-  
 dere. Quà receptâ, & præsidio confirmatâ, ac præ-  
 fecto nouo imposito, Ioanne Holgero; cum Steno-  
 nem Boringholmum, insulæ Oelandiæ arcem, ob-  
 fidere, & obsessos grauiter premere, intelligeret,  
 ocius opem ferre statuit. Cumq; illuc appulisset,  
 consilij incerti obsessores, ad Stenonem, tunc Cal-  
 marniæ commorantem, & euentum exspectan-  
 tem, literas mittunt: ac, quid facere ipsos velit,  
 vtrum porro vrgerè obsidionem iubeat, an omitte-  
 re, suscitantur. Verùm ille, vbi regem, cùm ingenti  
 adeò belli instrumento, copijsq; aduenisse intel-  
 lexit, non iam rebus suis fidens, per legatos eum  
 rogat; *vt colloquio diem, & locum, constitueret: sepa-*  
*ratum iussa facere, neq; etiam dubitare, quin magnali-*  
*bus regni ceteris idem omninò facile sit persuasurus, si ve-*  
*nire in conspectum, atq; coram verba facere, patiatur.*  
 quod Ioannes postquam ipsi concessisset; ille, dato  
 mox

mox colloquio, breuiter rebellionem excusare: & c. cccc  
 quo minus voto eius hactenus satisfactum esset, ut Cal- LXXXVII  
 marnia conuenerat, eam procerum regni culpam potius,  
 quàm suam, dicere. nam regnandi legem sibi ab illis dari:  
 neq. tam, quod ipse velit, quàm quod istis videatur, facere  
 posse. Inde fidem sacramento rursus obstringit: & pro-  
 mittit, operam se daturum esse, ut exemplum quoq. suum  
 tota Suecia imitetur. Rex, qui rerum nouandarum  
 cupidum Stenonem sciret, & potentiâ apud Suecos  
 eminentem, vti magis virum sibi deuinciret, con-  
 trouersia inter ipsum, & Iuarum, ei arbitrium per-  
 mittit: efficitq.; vt, composito mox negotio, Steno  
 Oelandiæ præfecturam, idq. Iuaro concedente,  
 obtineret. Sed hæc actu à Stenone acta esse, vti re-  
 gem imminentem à proposito sibi bello dimoue-  
 ret, impetumq.;, morâ aliquâ callidè interiectâ,  
 frangeret, postea compertum fuit. nam, reuerso in  
 Daniam rege, simul loqui suis datum, in contraria  
 cuncta iuit. quippe animis iterum in spem liberta-  
 tis, vt vocabat, concitatis, rerum summam denuò  
 deferri sibi procurauit: ita totum se componens,  
 vt, cum omnibus modis clanculum regiam sibi po-  
 testatem vindicare conaretur, palàm tamen fidem  
 in regem retinere videretur. quod vt regi nuntia-  
 tum, scribit ad senatum Sueciæ, hortaturq.; vt in fi-  
 de perseverent, & electionem factam primùm Halmstadij,  
 viro adhuc patre suo Christiano, hinc Calmarnia, eo mor-  
 tuo, confirmatam, suffragijs consentientibus, porrò ratam  
 esse velint; nec perfidia tam insignis notam sibi inuri si-  
 nant:

613. cccc nant: simul Deum vereantur, qui periuros grauitè vlcis-  
 LXXXVII ci soleat. Famam rei, totum orbem peruasuram: & conui-  
 tio posteritatis uniuersa obnoxios fore, non se totam gen-  
 tem arguere, sed paucorum culpam scire: quos si ipsi com-  
 prehensos noxa dedant, aut castigent, ex officio futuros.  
 Pace, & otio, nihil sibi prius esse: atq; cunctos vitæ suaræ  
 rationes eò sese relaturum, ut tranquillam eam agere, procul  
 bello, voluisse, & regnorum publicæ tranquillitati ante  
 omnia studiose, cognoscatur. Quam tam bonam voluntate-  
 tem ne turbarent, aut creptum ipsi rent. In hanc sen-  
 tentiam multa sæpius à Ioanne ad Suecos scripta, ve-  
 rum nullo operæ fructu; cùm Stenonis illi instinctu  
 rem de die in diem semper protrahendo nihil aliud  
 conarentur, quàm suspensum ut perpetuò tene-  
 rent, & ab armis capeßendis, quæ timebant maxi-  
 613. cccc moperere, submouerent. Inter hæc, exortâ Otho-  
 LXXXIIX niæ controversiâ, cùm, ad eam componendam, o-  
 peram Ioannis regis Olaus, abbas Soranus, im-  
 plorasset, isq; summo regni antistiti, Ioanni Broc-  
 storpio, rem mandasset, ille, negotium subterfu-  
 giens, se ab eo excusauit, & in regem id reiëcit. Sed  
 historia eius rei uniuersa paullò altius reperenda est.  
 613. cccc. Anno 613. cccc. LXXIV., cùm rex Christianus Romæ  
 LXXIV. pietatis causâ ageret, quidam è comitatu eius, ipso  
 ignaro, aut conuiiente, clam pontificem Sixtum  
 adeunt, & exponunt; esse Othoniæ, in Fioniâ, mo-  
 nasterium & S. Canuti, quod Canonicis secularibus  
 à fundatione primâ propriè dicatum esset: verum, à  
 Canuti cæde, exturbatis possessoribus, monachos  
 illud inuasisse. Itaq; enixè rogant, ut excedere eos iu-  
 beat

beat: & antiquis, ac legitimis, possessoribus restituere. Sixtus, qui id Christiano non inuito fore crederet, dat diploma postulatum, quo cænobio, per iniuriam occupato, emigrare monachos iubet: ac canonicis, quibus olim eripuerant, illud reddere. Ac reuerſi, istud vulgant: & cænobium, olim suum, sine ullâ morâ reperunt. Monachi, re inopinatâ consternati, supplices Dorotheam reginam primum, inde ipsum regem orant, obsecrantq; , ne cænobio, à maioribus concessio, ejici setam indignè patiantur. Sed, edicto potiore, quo & sacris interdictum pontifex pronuntiabat, si quis se opponere auderet, cedere coacti, in æumnis longè maximis annos totos quatuordecim vitam egere. Cùm Dorothea regina, ad exemplum conjugis sui Christiani, tum defuncti, Romam etiam ipsa ire, pietatis ergò, instituit: terram quoq; Palæstinam aditura, in Sarracenorum metus à proposito abduxisset. Cuius rei postquàm fama spargeretur, adeunt Soranum abbatem, & Schoffensem: simul orant, quando nunc occasio futura esset, per reginæ matris iter, quod hæc Romam ad pontificem advocabat, adiuuare ordinis sui restitutionem velent. Illi, minimè à negotio alieni, cùm consilia inter se communicassent, Matthiæ Lupo, qui reginæ à sacris erat, pecuniæ summam non exiguam largiuntur, ac persuadent; ut is, siquidem reginam comitaturus Romam esset, restitutionem illorum apud Innocentium VIII. tunc pontificem, procurare ne graueretur. Ac profectò, postquam Romam advenisset, nil cunctatus, rem exequitur. Insuper regi-

*clj.cccc* na quoq; operam nauat, atq; preces suas iungit.  
*LXXXVII* *quamquam ante annos aliquot, à pontifice Sixto IV, coniugis sui Christiani interuentu, sub aterna maledictionis pænâ dictum esset, ne Othoniensis sedis cathedralis praesens status deinceps vnquam à quocungq; mutaretur: tamen se, & regem filium, maximopere exoptare, vt in pristinum ea statum reducatur.* Innocentius, non iniquâ postulari à reginâ arbitratus, non grauâtè annuit petitioni. itaq; Mathiae Lupo dat diploma, quo præceptum: *vt canonici, qui, instructo malè Sixto, monasterium S. Canuti occupauerant, monachis, quos per iniuriam eiecissent, illud redderent si parere recusarent, sacris sibi omnibus interdictum scirent.* Itaq;, *quamquam* ægrè *admodum*, res peracta: & canonici monasterio, ante annos quatuordecim occupato, excessere, postridiè Idus Decembres *clj.cccc. LXXXIX.* Quæta erat & regina, quâ iniuriâ à Stenone affecta esset: qui Orebroensem arcem, propter nuptias donatam, per vim ipsi eripuisset. itaq; in hanc rem etiam literas dat ad Stenonem Innocentius, quibus mandat; *vt reginæ Orebroum sine ullâ morâ reddat: nisi faciat, sacris secludendum fore.* Has reuerſa statim ad Stenonem mittit: qui in Russos tunc profectus, postquam eas accepisset, pontificis Romani minas nihil fecit. Annis aliquot post hæc per quietem actis, rex in phrenesin delapsus, simul atq; ad mentem sanam rediisset, cùm Stenonis dolus magis atq; magis elucesceret, literas ad eum scribit, ac senatum regni Sueciæ vniuersum, postulatq;: *semel tandem, sine*  
*ver.*

*verborum ambage, aut fallaciâ, testarentur; anne ea, c13. cccc*  
*in qua vivo patre Halmstadij, hinc Calmarnia, inde etiam XCIV.*  
*in Oelandiâ, conuenissent, rata vellent.* His acceptis,  
 Steno regni optimates Stocholmum conuenire iu-  
 bet: & consilio prius cum suis collato, inde alijs, in  
 Ioannem regem pronis, non tam quærit, quidnam  
 respondere debeat, quàm affectum singulorum cal-  
 lidè explorat. Placuit meliori parti; *tandem regnum,*  
*quodiam tertium promississent, idq; cum iureiurando, in*  
*Ioannem transferendum.* Inter hos Iacobus erat, regi-  
 ni Sueciæ summus præsul; qui tam acriter hanc sen-  
 tentiam tuebatur, vt verborum libertate odium in  
 se Stenonis concitaret: qui palàm quidem pacis stu-  
 dium præ se ferre videbatur, clàm tamen, cum to-  
 tâ suâ factione, hostilia omnia agitabat. neq; dee-  
 rant, qui sine ullâ simulatione, ac fuco, rem agen-  
 tes, cum Iacobo se coniungerent; quin apertè eti-  
 am dicerent, *nisi Steno, ea qua Ioanni dudum promissif-*  
*set, quamprimùm impleret, à regno amouendum esse,*  
*& in ordinem cogendum.* Alij, contrarijs inter se sen-  
 tentijs dissidentes, ad arma, more gentis suæ, pro-  
 uocabant. Verùm parti potiori, ita visum; *nullo*  
*modo regni Sueciæ coronam Ioanni denegari posse, ac con-*  
*uentis standum esse; sed indici iterum comitia publica o-*  
*portere, quibus dennò de captibus, ad electionem regis per-*  
*tinentibus, à regnorum senatoribus primùm Halmstadij*  
*constitutis, ageretur.* Placuit etiam, *vt Calmarnia, v-*  
*bi secunda super hâc re comitia fuerant, conuenirent.* Hoc  
 decreto, Steno, præsules, cæteri q; regni proceres,  
 K 3 quid



*clj. cccc.* quid egissent, statim nuntiant; simul petunt, ut in  
*xcv.* proximum mensem Iunium, ad XXIV. diem Ioanni Baptista  
 sacrum, mittat suos, plenâ potestate instructos, & Norua-  
 giæ senatum eodem vocet. Ac, capitibus accuratè exami-  
 natis, & consensu approbatis, liberum futurum ipsi, quan-  
 documq; animum inducturus esset, se in Sueciam conferre,  
 ad accipiendum regni diadema. Verùm postquàm tem-  
 pus illud immineret, iterum morbum fingens Ste-  
 no, mittit nuntium Calmarniam, qui & valetudi-  
 nem significaret, & absentiam excusaret. Quâ de  
 causâ cùm comitia in Nouembrem proximum dila-  
 ta essent, ingruente eo tempore, rex Ioannes, qui  
 spem certam de concordia sancienda concepisset,  
 mittit eò summum regni Daniæ præfulem, Ioan-  
 nem Brocstorpium; Ericum Othonium; Paulum  
 Laxmannum, aulæ præfectum; Eschildum Geuæ-  
 um, regni equitum tribunum; ac plures alios, ple-  
 nè instructos: ipse cum octodecim nauium classe,  
 paullo pòst subsequitur. Ac delatus Egefundam,  
 consiliarios, in Espesundensi portu commodum  
 tempus expectantes, ad se vocat. Qui cùm, uti iussi  
 erant, conuenissent, vna nauium regiarum, incenso  
 puluere tormentario, siue fulmine, siue fortè, in in-  
 certo est, conflagrauit; remigesq; dum restinguere  
 ignem cupiunt, malè habiti alii: fumo euestigiò suf-  
 focati; alii, flammâ vstulati, vix per biduum vitam  
 planè miserandam protraxere: alii deniq;, cùm in  
 mare se præcipites deiecissent, aquis hausti, periire.  
 Ad hoc malum, aliud accessit maius. Nocte proxi-  
 mè

mè insecutâ orta valida tempestas, itâ classẽm vniuersam dissipavit, vt, quo loco quæq; esset, nulla nauium sat compertum sibi haberet. Ac, sedatâ tempestate, postquam classis iterum in portum suum conuenisset, nulla est inuenta nauis, quæ non esset quàm grauissimè afflicta. Vna, in quâ regia supellex erat, literaq; rem documenta alia, quibus regi in conuentu hoc maximè vtendum erat, vado alibi illisa, aut submersa, nunquam postea est conspecta. Præcessere hæc signa bellum; quod mox captum, ob Stenonis contumaciam, in his borealibus regnis formidabiles tumultus excitavit: & civilis sanguinis vtrinque plurimum effudit. Postquàm verò rex Calmarniam, & regnorum Senatores, conuenissent, frustra laboratum fuit. Aberat Steno, animosus, ob afflictam tempestate classẽm regiam: & conuentum, quem indixerat, negligebat. Tandem, cùm aduentum eius ampliùs mensẽm exspectassent, literas mittit, quibus nuntiat; *per se integrum regi fore, sine pacem inter regna facere velit, sine nolit. Nil se hic præscriptum cupere.* Vnde cùm rex sat deprenderet, aliud omninò nil Stenonem agere, quàm vt astu coronationem suam impediret, dimissis iis, qui conuenerant, retrò pedem in Daniam refert. Vbi postquam bello Suecos aggredi constituisset, ac Stenonem cum Vandalicis ciuitatibus ante proximum quinquennium, vti supra memorauimus, fœdus pepigisse sciret, vt cùm alterâ tantum parte de hinc negotium sibi foret, inducias triginta annorũ pollicetur, si à fœdere hoc recederet.

cIs. cccc.

xcv.

cederet. Verùm Steno, qui potentia illud suæ munimentum non exiguum reputabat, cùm id facere grauaretur, ne egisse nihil tamen, aut oblatam temerè conditionem tam honestam reiecissee videretur, de vnus tantum anni inducijs agere animum induxit: quas legati nihilominus concessere. Qui simul reuersi essent, Russi, vt Ioanni regi fæderato contra Suecos opem ferrent, magno agmine in Finlandiam irrumpentes, incendijs passim, cædibusq; cuncta implent: & occisis quotquot arma contra ferrent, arcem Viburgensem obsident. Quam cùm frustra aliquoties oppugnassent, non paucis desideratis, cum prædâ regrediuntur. Nuntiatâ hâc Russorum irruptione, pœnitere Stenonem cœpit, quod inducias triennales, à Ioanne pridem oblatas, reiecissee. consilio tamen pro re capto, scribit statim Lubecensibus, vt Ioannem, quantum possent, distinerent; ac, conscriptis ipse copijs, in Finlandiam magnis itineribus tendit: vbi Russos, frustra arce Viburgensi oppugnatâ, recessisse intellexit. Itaq; milite in hyberna distributo, & præsidio limitaneo constituto, pedem refert in interiorem Sueciam: cum maiore mox exercitu primo vere reuersurus,

cIs. cccc.

xcvi.

& acceptam cladem vlurus. Verùm Russi, nil cunctandum sibi rati, vt Stenonem anteuertent, mense proximo Februario, magnis viribus per Careliam in Tauastiam irrumpunt; & itinere octoginta miliarium, obuia quæq; igne, atq; ferro vastant: hominumq; supra septem millia cædunt, Hinc celeritate

tate eâdem, quâ aduenerant, se recipiunt, Steno, cl. cccc  
 cùm maioribus copiis, quas interea collegerat, in xcvi.  
 Finlandiam reuersus, ut iam recessisse Russos intel-  
 lexit, relicto in eâdem exercitu, duces præficit,  
 Suantonem Nicolaium, Ericum Trollium, & Ste-  
 nonem Tursonium; præcipitq; , ut ibidem redi-  
 tum suum expectarent: vimq; , si irrueret hostis,  
 propulsarent: si quiesceret, non inferrent. Ip-  
 se, in Sueciam profectus, copias maiores cogit;  
 sed, dùm à præsidio regis circa fines distinetur, per  
 æstatem insequentem diu à ducibus, quos relinqui-  
 rat in Finlandiâ, expectatus, postquam minimè ad-  
 ueniret, hi, consiliis inter se communicatis, sub Au-  
 gustum desinentem in Russos mouent. Quorum  
 ubi regionem ad nouam vsque Naruiam pergrassati  
 essent, atq; arcem Ivangradum expugnassent, ocius  
 reducunt copias in Finlandiam; idq; magnâ adeò  
 celeritate, uti recessisse priùs, quàm venisse, sit com-  
 pertum. Post hæc tandem venit Steno, cum auxi-  
 liari milite; qui, quæ gesta à Suantone, cæterisq;  
 item ducibus, ut accepit, iterum in Russos ire cupie-  
 bat. Sed, Suantone ob hiemem iam ingruentem re-  
 fragante, ideoq; in Sueciam potius redeundum  
 contendente, iræ vtrinq; exarsere; quæ vix proce-  
 rum aliorum interuentu, anno proximo, in comi-  
 tiis regni publicis, mense Martio celebratis, deleni-  
 ripotuerunt. Inter ista & Dorothea regina, Christo-  
 phori primùm, inde Christiani vxor, cùm utroq; in  
 matrimonio pariter & viduitate annos quinquag-  
 L gin-

15. CCC  
XCVII.

ginta vnum exegisset, diem obit; ac Roschildiæ, in mariti Christiani monumento, sepelitur. Post hæc iterum monitus Steno, vt se vltro gubernatione, regni abdicaret, quo & suam & aliorum procerum, fidem liberaret, neque tunc induci potuit; ac respondit, *se non tantum à proceribus, verum etiam à plebe, principatum accepisse: nec, si maximè vellet, eum, illà non consentiente, exuere posse.* Quin & magno equitatu, quem reliquerat in Finlandiâ, ad custodiendos fines, euocato, regnum obequitans, dignitatem se tueri certum ostendit. Adeò nempe nemo ferè imperio cuiquam vnquam volens cedit: & cupiditas dominandi vix cum vitâ etiam ponitur. At Ioannes, conuocato Hafniam senatu regni, filium suum Christianum, sedecim ferè annos natum, iterum regem designari ab eo curat: simul & decernit bellum, in Stenonem. Inde exercitum conscribit copiosum, è Germanis, Gallis, Anglis, & Hispanis; adiutantibus cum Alberto marchione Misnensi, tum principibus vicinis: quibus latum, per occasionem istam eâ hominum colluie liberari. Nam conduxerat pridem Magnus, dux Saxonie inferioris, ut Hathleriam, ac Vorfaciam, imperata detractantes, coerceret: veriùs latronum manum, quam legitimorum militum. Hi in Sueciam aucto- rati, prædâ potiùs quàm stipendiò, cum in Daniam aduenissent, rex maturè expeditionem agitat, auxilia fæderatos poscit, ac Noruagos item iubet, quàm ingentibus queant copiis, impetum in Sue-

Sueciam facere, loca bello opportuna occupare, & latissimè excurrentes omnia depopulari. Ipse, classe in Calmarniam præmissâ, copias terrestres ducens, per Hallandiam in Suecorum fines tendit. Ad diem XI. Kalend. Sextileis ad Calmarniam classis applicat: & Ioannes ante mœnia eius urbis castra metatur. Quæ cum grauitè premeretur, neque Steno opem ferret, oppidani ad regem mittunt, qui deditionem spondeant, si & vitam, & fortunas, sint illæsas habituri. Quæ rex postquam promississet, quanquam essent, qui contrarium suaderent, mox primores ciuitatis ad se vocat: &, accepto iuramento, vniuersis dat præteritorum veniam. Inde, effusâ ciuium magnâ multitudine, præeunte sacroq; ordine, introductus, cum res urbis ordinasset, validum præsidium in arce locat. Quibus ad Calmarniam gestis, qui præfecti classis erant, in Oelandiam nauigantes, arcem Boringholmum capiunt, & præsidio eam firman. Cuius rei cum rex nuntium accepisset, prospero successu lætus, iubet suos loca proxima, quæ deseruissent incolæ, deuastare, ut ad veniam postulandam citiùs ceteri cogerentur. Inde vltèriùs progressus, nullum ipse populi finem facit, antequàm egressi siluas suas Sueci, in quas metu se abdiderant, veniam rebellionis diuturnæ precarentur. Id cum in interiorem Sueciam perlatum esset, consternati metu incolæ ad Stenonem se recipiunt; obsecrantque, *ut consuleret vitæ, ac fortunis, omnium seq; populi consensu rerum summam*

613. cccc *nam, publicæ salutis causâ, quam ne temerè suâ nunc ambitione pessum daret, consecutum meminisset.* Per id tempus is Iacobum antistitem Vpsaliensem, quod Ioanni clam fauere cognouisset, obsidebat. Verùm ille, de consilio Stenonis certior factus, arcem Stegam in eventum qualemcunq; commeatu, & præsidio, communierat. Erat & cum eo Suanto, vir supremæ auctoritatis, qui & ipse regi addictus, illuc cum plerisq; aliis se receperat. Quæ rex postquam accepisset, vt periculo homines sui studiosos liberaret, fert auxilium laborantibus. Iam obsessi in necessitatem hanc adducti erant, vt non vltra sustinere hostem possent: verùm Steno, qui aduenientem regem expectare non auderet, deferens obsidionem, motis properanter castris, copia Stocholmum transfert. Inter hæc Noruegi, vt iussi, magnâ manu in Suecorum fines ruunt; & Elsburgum, arcem permunitam, obsident: ac post multam arduamq; oppugnationem capiunt: simul totam eam oram ad deditionem cogunt. Rex, tam prosperâ rerum famâ incitatus, ne Stenoni spatium recolligendi sui daret, cum exercitu vniuerso magnis itineribus Stocholmum petit, urbem regni maximam, & munitissimam; atq; in Brunchonis monte, vbi ante annos aliquot pater eius Christianus, castra locat: alteram verò vrbis partem, mari cinctam, classe obsidet. Atq; ita terrâ pariter mariq; acriter obsessos premit, velites subinde immittens, vt Stenonem, intrâ mænia latitantem, ad conferendam manum eliceret.

ret. Verùm ille, imparem se pugnae gnarus, clam ad Dalecarlos mittit, inter Suecos gloriae fortitudinis primos: edocetque, quo nunc patria in discrimine versaretur. Exaggerat potentiam hostis, & ferociam; qui in illud totis viribus incumbat, uti regno occupato, omnes incolas seruituti manciparet. Vnam tantum superesse civitatem, qua excludere ausa fuerit: hanc si etiam potitur, de communi libertate actum esse. Planè unam huius sortem, atque regni uniuersi: quod consistere, hanc cadente, minimè possit. Itaque publicam libertatem in virtute suam sitam cogitarent; ac venirent, quantam possent multitudinem, & in castra impetum facerent: vrbe se ab altera parte egressurum, & in terga repugnantium inuasurum. Neque dubium habere, quin, fortunam paulum modo adspirantem, qua audentes ferè adiuuare soleat, aut, direptis hostium castris, eos omnes planè sint profligaturi; aut ita fracturi saltem, ut continuando bello post id tempus vires non sint suffectura. Quibus verbis facilè gente bellicosam excitata, statim regi nuntiatur, esse eam in procinctu. Itaque sine ullà morà conuocatis belli ducibus, rem exponit: neque consultum videri, ut expectent, donec illi aduenirent, & à fronte ac tergo pariter, arduo & ancipiti loco, dimicandum sibi foret; minore negotio separatim adhuc hostem vinci posse. Quà de causà, in periculo tam praesenti, ne se ipsi destituerent, sed virtutem animi solitam adhiberent. Placuit ergò, Dalecarlis, antequàm ad castra veniant, totis copiis obuiam ire: quibus casis, aut fugatis, mox victoria in proclui sit futura. Accùm staret hac sententia, copiosiore cenà se reficere militem



c15. cccc.  
xcvii.

litē iubet: atq; ad iter, sine strepitu ineundum, simul ac daretur signum, apparare. Ipse, rebus pro arbitrio ordinatis, præmittit equites, imperatq; , ut se paullū extra castra præstolentur. Mox silentio, ne, quid ageret, per sentiscere hostes possent, cum pedicibus subsequutus, se coniungit: ac diluculo, quā venturos esse Dalecarlos nouerat, se obuertit. Vix illuxerat, cū ab iis, quos præmiserat speculatum, nuntiatur, in propinquo hostem esse. Itaque subsistens paullū, alacer suos cohortatur, *ut virtutis meminisse antiqua uelint. Quippe aduenisse tempus, quo, si fortiter præliantur, bello, alias diuturno, ac grauissimo, paucis horis finem imponant.* Inde hostem rectā ducens, ad Rodensem pontem occurrit. Acre prælium committitur. Magno Dani impetu in hostem eunt; nec minore cum virtute Dalicarli se tuentur. Tela verò, quæ Schitas linguā patriā appellant, non directè, verū in sublime mittunt, ut in præliantem hostem desuper cadant. Quibus fauciat Dani, prælio excedere cogeantur: aut traiecti, in ipsā acie concidebant. Nihil autem illis ad virtutem deerat, præter solum equitatum; quem si item habuissent, certè dubiam victoriam Danis facere potuissent: Quorum equi nuda latera inuadentes, postquam dissipassent ordines totam aciem profligauerunt. Edita strages ingens fuit; adeoque cæsi ferè vniuersi: pauci fugā euasere. Dani, nullā ex occisis prædā captā, statim à pugnā in castra sua reuertuntur, signa hostium præferentes. Quæ  
cūm

cùm inde crexissent, idq; Steno è speculatoribus accepisset, ratus, Danis profligatis, Dalecarlos, quos auxilium allaturos exspectabat, castra eorum occupasse, ocijus effusus vrbe, neque acie, ordinatâ, tanquam ad amicos properat. Sed, cùm propius accessisset, contra atque existimabat, hostes esse est expertus. Quippe Dani, quam adhuc à recenti pugna fessi, in turbatos, ac perculsos, impetum faciunt: eos fugant, & ad ipsam vrbis portam persequuntur. Multos inter fugam cædunt; multos & præcipites in mare agunt, & in his Stenonem ipsum: qui, nisi nauicularius à periculo tam præsentis liberasset, cum quamplurimis suorum suffocatus periisset. Ut victoriæ, ad Rodensem pontem partæ, fama increbuit; Sueci, qui Stenonis partes hætenus secuti erant, vltro regem accessere: & rebellionis crimen deprecari, sua omnia, seq; ipsos, ei in manum tradidere. Quæ in urbem postquam nuntiata essent, Steno, tot jam cladibus fractus, ac cogentibus, qui in vrbe secum erant, nuntium ad regem mittit, & colloquio locum petit. Rex, quantumvis fame se redigere in potestatem suam posse ciuitatem sciret, tamen facilem se præbet, nuntiumq; dicere Stenoni iubet; *longè sibi gratius futurum fuisse, si hanc mentem ante effusum vtring, sanguinem habuisset: nihilominus, quo testatum cunctis faceret, se hoc bellum suscepisse, non ut perditum iret subditos, sed seruaret, indulgere, ut extra urbem fide publicâ ad se veniat.*

Cùm

cl. cccc Cùm venisset, accusare rex Stenonem; *quod, neglecto*  
 xcvii. *iuramento, non necessitate actus, sed libidine dominandi,*  
*se, suosq; in discrimen longè maximum adduxisset, Steno,*  
*fese excusare; neq; suam culpam esse, sed suorum: qui in-*  
*nitum ad id bellum impulissent.* Inde aliæ querelæ, de  
 utrinq; dato damno: ac decretum denique fuit, vt  
 post triduum in S. Claræ monasterio, propè vrbem,  
 conuenirent. Vbi postquam de conditionibus pa-  
 cis denuò agitatum esset, tandem Steno, proceresq;  
 qui cum eo illic aderant, se, ac sua vniuersa, vrbem  
 item, & iura regni, regi tradunt. Postero die, por-  
 tas pandunt; & effusi vrbe omnes, regi obuiam iue-  
 re. Antecedere sacer ordo: ac plerique cereos ac-  
 censos ferre. Cumq; regem excepissent, faustâ ac-  
 clamazione, ac tubarum, & Campani æris, sonitu,  
 primùm in templum introducunt: ibique sacrâ re-  
 peractâ, mox in arcem comitantur. In quâ post-  
 quam confedisset, Steno, ad genua prouolutus, co-  
 ram regni vtriusq; senatoribus, ius castrense, quod  
 appellant, illi tradit. Quo accepto, surgere iussum,  
 rex hortatur, ut deinceps fidem seruet: quæque in  
 id usque tempus admisisset, clementissimè condo-  
 nat. Tum &, vt securè porro viuere inter suos pos-  
 set, quos grauissimè in administratione regni of-  
 fenderat, decreto sancit, ne cuiquam rationem ge-  
 sti principatus reddere teneretur. Hæc Octobri  
 mensa gesta. Mox Nouembri, ad XXV. diem, ordi-  
 nibus Sueciæ vniuersis euocatis, à Iacobo, summo  
 eius regni præfute, regium diadema accipit: cunctis  
 pro

pro se, ac posteritate suâ, in verba regis iusiurandum exhibentibus. Quæ cum ita acta essent, rex conuiuio splendidissimo Suecos proceres excepit; diesq; aliquot festos egit, variis ludis, ac spectaculis: idq; impensè operam dedit, ne omninò quid omitteret, quod ad oblectandos eos, aut conciliandos sibi, pertinere existimaret. Post hæc, cùm primates Sueciæ vrbe discessuri essent, aiunt regem, more sibi vsitato, à cibo sumpto cum familiaribus suis colloquentem, quæsiuisse; ecquid Sueci satis dignè, ac magnificè, habiti esse viderentur: & conuiuio anne quicquam defuisse iudicarent. Vbi cunctis conticentibus, aliquem, Germanum gente, regi magis cæteris familiarem, ob nauatam eo bello insignem operam, respondisse: *Vnum equidem, rex, si pateris, ego defuisse censeo.* Cumq; rex interrogaret, *hoc quid esset:* nempe, aiebat, *postquam omnes quàm lautissimè excepisti, spiculatorem aduocasse te oportuit, qui in veste holosericâ, humi stratâ, eos gladio feriret; ut, perfidiâ suâ dignam pœnam nacti, cæteros exemplo terreant, ne deinceps datam regi suo fidem violare unquam ausint.* Quo responso rex obstupefactus planè, deiectisq; in terram oculos, cùm conticuisset paullùm, mox, attollens rursus oculos, hominemq; toruè intuitus; *ego verò malim,* inquit, *te cum hoc consilio tuo, tam immani, hinc ad cornos relegari: quàm ut ego tanto scelere innocentiam meam faciem; aut hoc regnum, liberâ electione mihi debitum, detestandâ adeò crudelitate partum, aut firmatum, eam.* Cum hoc dicto, sedq; surgens in conclaue se re-

CLX. cccc  
xcvii.

*clj. cccc* cepit: neq; eum ex illo tempore vllâ gratiâ est dig-  
*xcvii.* natus. Vox egregia, & præclaro adeò rege certè dig-  
 na ! sed indignus Steno erat, toties perfidus, cum  
*clj. cccc* quo eâ lenitate ageretur. Initio anni, Daniam re-  
*xcviii.* petit; eoq; per quietem acto, redit proximo in Sue-  
*clj. cccc* ciam, cum vxore, filioque Christiano: quem Stoc-  
*xcix.* holmi, in conuentu regni publico, tertio die Pente-  
 costes, à proceribus regem nominari petiit. Quod  
 & sine exceptione omnium consensu factum; tra-  
 dito, pro more veteri, regio planè apparatu, regni  
 Sueciæ vexillo. Nec id tantum; verum & Christianæ  
 coniux Sueciæ regina dicta: & coronâ, regni insigni,  
 exornata. Quin & publicæ in rem eam literæ  
 datæ; à Iacobo, præfule Vpsaliensi, & Stenone;  
 quibus hanc electionem Christiani omnium con-  
 sensu ordinum, & consilio etiam deliberato, factam  
 esse testarentur: insuper pollicerentur, se inuiola-  
 tam eam in perpetuum habituros. His peractis, rex  
 Ioannes, constitutis qui in Sueciâ suo nomine sum-  
 mam rem administrarent, mox in Daniam reuertitur,  
 ac Stenonem secum abducit. Quem, vt sibi deuinciret,  
 & fidelem deinceps redderet, muneribus & multis afficit,  
 & præclaris: inde in Sueciam remittit. Sed profectò,  
 apud animum, ad maliciam obstinatum, idem valent  
 beneficia, quod iniuriæ; & irritant, non obstringunt:  
 planè vt nonnulli morbi per remedia asperantur.  
 Ita Steno, nihilo in regem æquior, qui tot eum beneficiis  
 ad præstandam sibi fidem, mutuumq; item affectum exhiben-  
 dum

dum obstrinxisset, cum reuersus domum esset, vetera in ipsum odia præ se tulit: adeo se pridem victum, ac deiectum de fastigio, quod inuaserat, ægrè ferens; vt ad belli, infelicitèr à se gesti, mentionem indignabundus barbam velleret, ac vix lacrymas contineret. Ioannes, sumptis semel armis, & bellare, & vincere, suetus, cepit bellum in Dithmarfos agitare: quod Dorothea regina, eius mater, fœmina virilis animi, pariterq; pacis studio, & prudentiâ, antecellens, donec viueret, omni curâ impedierat. Ac nonnulli è proceribus animum eius, velut certâ spe victoriæ, accendebant. Malo admodum consilio; & Ioannes, quod aggreditur imprudenter, vti ferè vsu venit, multò infeliciùs gerit: ac translata aliò arma postquam minus benè occupat, dat Stenoni, quam caprabat, rebellandi occasionem. Verùm prudens rerum princeps, quisquis hostem debellatum, & inprimis, propter fluxam ante fidem, meritò suspectum etiam, continere in officio deinceps volet, nunquam illi metum eripiet: sed parata ad formidinem arma habebit, quæ ostendet è propinquo. Belli autem, de quo dixi, capefendi, illa ei causa erat. Donârât patri Christiano, Romam pietatis ergò inuisenti, vt in eius rebus antè memorauî, Fridericus Imperator, nominis illius tertius, istam terram nulli domo subiectam; sed ecclesiæ Bremensis, si quandoque vrgeretur, dominatum prætendentem: & à multis antè seculis Daniæ regibus, quibus subdita olim fue-

**cl. cccc** rat, rebellantem. Ac domare is statuerat: verum,  
**xcix.** isthæc cogitantem, mors inhibuit. Itaq; non negli-  
 gendam imperij amplificandi occasionem adeo iu-  
 stam arbitratus, re cum fratre Friderico, Holsatiæ  
 duce, communicata, ni submitterent se Dithmarsi,  
 vi subicere sibi statuit. Sed prius, quàm id incipiat,  
 per legatos ad obsequium blandè inuitat. Quo con-  
 stanter denegato, quanquam essent, qui, tranquilli-  
 tati publicæ consulentes, exhibendum id suade-  
 rent, mox denuntiant: *quando principem recusarent,*  
**cl. l.** *hostem sese habituros.* Inde, initio Februarij, arma in-  
 fert, sibi admodum funesta, & ingloria; fratrem su-  
 um Fridericum secum trahens, & lectissimam iu-  
 uentutem, è regnis suis, ac Germaniâ circumiectâ:  
 quâ non ita pridem Sueciam debellauerat. Ad vi-  
 cum Hamam, in confinibus Dithmarsorum, ali-  
 quamdiu commoratus, copias auxiliares expecta-  
 uit: vt nimirum, ostenso belli apparatu, hostibus  
 terrorem incuteret. Et profectò, postquàm copiæ  
 expectatæ aduenissent, tantæ omnibus videbantur,  
 vt Dithmarsos, rebus suis diffidentes, arma statim  
 abiecturos, atq; pacem petituros, nemo non persua-  
 sum haberet. Neq; dubitari poterat, quin futurum  
 hoc fuisset, si ad manum conferendam ordinatè  
 irum esset. Sed, quæ res victorias ferè maximè im-  
 pedire solet, nimius contemptus hostium, causa  
 exitij Danis fuit. Etenim, cùm ad exiguam terram  
 illam, vix in septem milliarium longitudinem ex-  
 currentem, atque fossis intercisam, Sueciæ vastissi-  
 mum

mum regnum, montibusq; editissimis, & paludibus  
 atq; lacubus profundissimis, inuium penè, & inac-  
 cessum, compararent; facile se, & suorum nullâ cla-  
 de, subiugare eam posse existimabant. Quin, vic-  
 toriam sibi certam promittentes, antequàm vicis-  
 sent hostem, spolia distribuebant; neq; illud, quod  
 potissimum debuissent, apud animum reputabant:  
 Martem belli partibus communem esse, & euen-  
 tum nusquam minus respondere. Multi è nobili-  
 tate, non induti vllis armis, verum aureis monili-  
 bus exornati, ac si non ad pugnam irent, sed aut e-  
 pulum, aut opima sine prælio spolia reportaturi,  
 prædabundi incedebant: ac plerique, ad manu-  
 bias è deuicto hoste domum auhendas, currus suos  
 adducebant. Etiam pars magna ciuium, ac volo-  
 num, qui ad bellum hoc prædæ studio vltro vene-  
 rant, cum pecuniæ vim ingentem, tum sigilla affe-  
 rebant: vt quæcunq; vili pretio, quod in talibus vsi-  
 ratum, coemissent, eorum omnium emptionem,  
 literis statim, ac sigillis, confirmarent. Adeoq; opes  
 sibi quisq; amplas proponebat: sed pericula, & in-  
 certos belli casus, nemo animo perpendebat. Quin  
 complures regni præcæres, avaritiâ, & ambitione,  
 cæci, huc amentia deuenierant, vt, priusquàm in  
 militiam istam proficiscerentur, sacerdotia regni  
 quæque opimiora, quæ mox hostibus profligatis,  
 vt aiebant, domum reduces inuasuri ipsi essent,  
 inter sese partirentur. Et iam, nullâ verecundiâ, se  
 abbatum, aliisq; dignitatum ecclesiasticarum titulis



Ab. B.

salutabant. Verùm homines vācordes, vbi prædam expectabant, ibi vitam pars eorum non exigua amittere: vt non inconcinne postea dictum fuerit, nullo prælio tantum abbatum, capitumq; sacra-  
torum, cecidisse, quantum hoc Dithmarsienfi. Insuper primates quoq;, qui in castris regis erant, diffidebant. Nam quibusdam, duplicere nimia cupiditas regis; arbitrantibus, si euentus eius votis in Dithmarsiam, vt in Sueciam, respondisset, ne sic quidem finem armis positurum ipsum esse: & iturum in Vandalicas ciuitates. Atq; nouis hinc molestiis, & periculis, exsurgentibus, post ærumnas belli plurimas, & labores exantlatos, nunquam sese ad quietem peruenturos metuebant. Alij, quos bello Suecico, per rigorem disciplinæ militaris, siue re quâcunque aliâ, offendisset, occulto in ipsum odio, sublatum è medio, perditumq;, cupiebant: idq; ita claudesinò, vt insidias, nisi puer indicasset, vix deprehensurus fuerit. Et Danorum quidem exercitus, hunc in modum se habeat: at Dithmarsis, pro fortunâ animus, & cura, erant. Reputabant, imminere sibi hostem, trium regnorum potentem; perpendebant molem belli, & periculi magnitudinem: paucis sibi cum quatuor plurimis dimicandum. Cuncta secum agitant: atq; circumspiciebant, ne omninò quid negligerent, quod curatum oporteret. Deniq; & consultabant, quomodò hosti, etiam tum à deuictis pridem Succis insolenti, se opponerent. itaq;, versato in omnes dartes animo, visum fuit; vt nec oppido

do Meldorpio, non ab arte, neq; à naturà loci, sat munito, se includerent: neu cum hoste æquò loco pugnam inirent: Sed, desertis locis aridis, ad Holsatiam objacentibus, quando planè equitatum nullum haberent, cum coniugibus, liberisq; in interiora loca, quæ paludibus, atq; fossis, æstuariis, & aggeribus, tutiora; vel in Butzam item insulam, quam reciprocatio maris ambientis muniebat, se reciperent; ac tormenta, commeatum, quæq; alia belli instrumenta essent, huc conferrent. Etenim Dithmarsia tota oppidum munitum in se nullum habet: sed, depressiore solo, eoq; molli, ob vicini maris æstum, æstuariis, & aggeribus, exundationi obiectis, atq; fossis, & paludibus, intercisa, satis vndiq; munita est: incolæq; si quis bello eos petat, patefactis acrepente emissariis, agros omnes aquis implent: vt immensi stagni speciem, quoquouersum circumspectas, terra interior vniuersa, aquis supra eam existentibus, præ se ferat. Inde fit, vt peregrini, viæ ignari, ac regionis, inundatione factâ, aut hære vno in loco compellantur, aut, si moueant, in occultas passim fossas se præcipitent. Incolæ verò, longo vsu viam etiam latentem cognoscentes, longis, contis, in hunc vsu comparatis, facile fossas transmittentes, impetum in hostem faciunt, non minore agilitate, quàm si in planitie aliquâ dimicaret: ac celeritate eadem, quoties opus est, resiliunt. Quibus rebus nil deterritus à proposito rex Ioannes, vbi, copiis contrahendis, vti dictum, se ad Hammam aliquamdiu ostendisset, ac moturum illas esse simulac-

*cl. Is.* simulasset; à Dithmarfis, qui sub eo militabant, per latentem in aquis viam in vicum Winterbergum ductus, ipsis Idibus Februarij, quosdam illic nuptias celebrantes opprimit: quibus cæsis, aut fugatis, mox Meldorpium progreditur, & non difficulter capit. Vnde qui profugiebant, perdita cuncta divulgabant. Et hæc fama quàm celerrimè adeò dispersa fuit, vt postridiè per Vandalicas, ac vicinas, nationes planè ita euenisse crederetur: & Dithmarsi, tanquam in summâ desperatione rerum constituti, pars in Butzam fugiendum, pars deditionem esse faciendam existimarent: & equitatum, quem exiguum in Germania conscripserant, nulli amplius externo confidentes, procul agmine remouerent: omnes verò adeò consternati essent, vt quid agerent, aut quid caperent consilij, incertam haberent. Quod si rex diutiùs se aliquanto in oppido continuisset, credebatur, ultro hostem, abiectis armis, pacem petiturum fuisse. Sed, refecto illic milite, mittit, qui, quo loco hostes confedissent, ac consilij quid cepissent, explorarent. Quibus partim interfectis, partim, qui reuersi erant, huntiantibus quæ acceperant, ipse ad diem XVII. Februarij, relicto in oppido præsidio, infelici valdè auspicio castra mouet. Erant, qui id dissuaderent; siue quod is dies vulgò in nefastis haberetur, ideoq; ad rem prosperè gerendam inauspicatus videretur: siue quod, mutato derepente aere, gelu, quo constricta terra, iam remitteret: atq; viam pugnaturis non duntaxat

impeditam, sed & lubricam, adeoq; inæquitabilem c. 13. 13.  
 penè fecerat. Quâ de causâ hortabantur, *ut differre*  
*pugnam vellet: quâ cum anceps admodum futura esset,*  
*morâ aliquot dierum, sine suorum discrimine, debellatum*  
*hostem iri.* Sed tribuni prætoriani, quibus plurimum,  
 ob præclaram Suecico pridem bello operam, tri-  
 buebat, in contrarium propendebant; ac dicebant  
 vno ore, *rerum benè gerendarum tam præsentem occasio-*  
*nem minimè negligendam esse: cateroquin mox futurum,*  
*uti gelu paullo magis remittente, glacièq; infirmatâ, aut*  
*solutâ, ac per id ereptâ hostes innuadendi facultate, domum*  
*inglorij redire, nullo operæ suæ pretio, cogerentur.* Itaque,  
 consilio horum collaudato, iterum rex exploratum  
 quosdam mittit; quos Dithmarsî interceptos cæ-  
 dunt omnes, præter vnum, gente Frisium: hunc ser-  
 uatum indicare sibi cogunt, quam viâ regij ven-  
 turi essent. Ex quo postquam comperissent, He-  
 mingstadium destinari, viam impeditam valdè, &  
 angustam, nocte pugnam præcedente properè ef-  
 fosisâ terrâ, agere, ac fossâ, muniunt: & præsidij item  
 aliquantum apponunt. Tum vicinis quoq; locis,  
 atq; hosti oportunis, quia fidem exploratori non  
 omninò adhibendam existimabant, idem faciunt.  
 Quarum rerum rex ignarus, infelici planè die, cælo  
 nebuloso, ac turbido, copias in hostem ducit. Ante,  
 ibant milites prætoriani; cates, ad tegendas fossas,  
 pluteosq; præferentes: illos, reliquus peditatus:  
 istum, equites sequebantur. Hinc impedimenta  
 erant. Tormentorum vna pars, à fronte trahi: alte-  
 ra,

*cl. 12. 1.* ra, à tergo sequi. In hunc modum, per angustam sanè viam, & vtrinque fossam septam, rectà in hostem tendebatur. Ac, cum iam prætoriani aliquatenus processissent, & periculum iam sequentibus euasisse viderentur, equitatus, conferto ob angustiam agmine, ocius vestigia premit; nullum hinc discrimen ratus, ubi copiarum pedestres sine negotio transissent. Cumque mediam usque viam peruenisset, ponè sarcinis, & tormentis, ita interclusus erat, ut, si isthoc usus foret, sine incommodo evidenti retrocedere non posset. Hinc Dithmarsii, qui se hactenus ante aggerem continuerant, cum viderent, hostem, loci iniquitate circumuentum, non se expedire posse, primum excussis tormentis, tela in eum iaculantur. Ac initio, aliquandiu eminus pugnatum fuit; mox, cum largus imber caderet, mixtus grandine, madefcentibus tormentis, nec incendi iam facilibus, cominus pugnari captum. Et Dithmarsii, effusi aggere, in viæ exitu Danis se objiciebant, ne prodire in apertum campum possent, atque illic copias suas explicare: ausi & in primos ordines impetum facere, ad tormenta, si perumperent, euertenda. Dani contra, quanquam repentino insultu, & iniquitate loci premerentur, tamen summâ vi anniti, uti, propulsato hoste, ex angusto illo loco in planitiem adiacentem peruenirent: velut, eâ occupatâ, magis facilem, ac periculosam minus, dimicationem essent habituri. Itaque fortiter pedes facere; & acuere virtutem, cum periculi magnitudo, tum  
ini-

iniquitas item loci: è quo neque sibi exire, neque equiti liceret, nisi per submotum hostem ferro viam aperiret. Verùm tamen, quanquam per subiectos pluteos viæ partem difficiliorem exegerant, neque longo interuallo à planitie arcebantur: nihilominus adeò arctus locus erat, vt nec aciem explicare, neque commodè præliari, nec procurrere in hostem, propter aggerem oppositum, neque locum equitatu dare possent. Quâ re admodum impediti, capto in arenâ consilio, extenso, quantum angustia loci permittebat, in vtramque partem agmine, includere hostem, & in aggerem impetum facere, incapere. Sed Dichmarsî, ocijus inductis copiis vniuersis, acres in aduersos ruunt: nec minore Dani animo vim excipiunt. Et, fortissimè dimicantes, simel iterumq; hostem propulsatum in fugam vertunt. Qui recolligans tamen sese, rursum eos in angustias, quas euaserant, retrò agit. Dani, luto & pluuiâ madidi, frigore insuper obrigebant; at Dichmarsî, mirâ agilitate corporum, quam in intersectâ fossis regione longo vsu comparauerant, contis, in hoc apparatis, huc & illuc circumlati, faucios in circumiectam fossam egerunt: inde, eâdem agilitate retrogressi, quoties opus, tela Danica quàm facillimè vitauere: Danis contrà, arcto in loco condensatis, & in luto crurum tenus obhærentibus, non tam facilè Dichmarforum item tela declinantibus. Quibus faucij, neq; acie excedere, neq; in locum tutiorem efferri poterant.

*cl. 13.* Ad hæc mala, ventus quoq; accedebat: qui contrarius, & vapore, fumo, pluuiâq; mistus, ita ora oculosq; infestabat, vt prospicere nihil possent. His incommodis, & vulneribus, impediti, multis etiam interfectis, & in fossas præcipitatis, tamen diu resistentes, nil virtute suâ indignum committebant. à fronte enim, occisorum cadaueribus; à tergo, impedimentis septi: quæ, in latus per tumultum pugnae obuersa, retrò cedere cupientibus valli instar obstitere: & incluso equitatu nulla neque dimicandi, neque se recipiendi, copia erat. Insuper, ab utroque latere fossâ cinctus, neutram iu partem commouere sese poterat. Hinc exortâ primùm trepidatione, mox consilium, animumq; perdidere. Et, incerti quo se vertant, dum periculum pleriq; deuitare incautè volunt, partim in fossas prooluuntur; partim, necdum stricto ferro, in angustia à commilitonibus suis obteruntur: & inglorij, sine specimine fortitudinis villo cadunt. Quo prætoriani territi, primi omnium fugam capiunt. Ac cum reliquus peditatus his succederet, atque hosti se objiceret, immittentibus vndique Dithmarsis tela, clamor ingens, strepitusq; formidabilis, excitatur: & sollicitum illud maximè quemq; habet, quo se pacto extricare ex angustiis istis possit. Coarctati in vnum omnes, grauiter tumultuantur; fremituq; & vociferatione, tum equorum quoque hianitu, plena omnia. Quibus rebus magis animosus hostis, vehementius connisus, vndique circum-

ventos

uentos premit; ac, prostrato peditatu, acriter inequitatum, qui victoriam solus adhuc morabatur, statim inuadit: missis etiam, qui, apertis emissariis, aquam immitterent. Quâ re factum, vt, tellure aquis vndiq; ingruentibus coopertâ, scrobium discrimen omne, ac fossarum, antea conspicuum satis, breui temporis momento tolleretur. Inde equi, densis telis impetiti, quasi in furorem acti, & excutere sessorum, & in pedites incurfare. Post hæc summa trepidatio tota castra occupauit: neq; Dani vllâ amplius spe victoriæ tenebantur. Qui impedimenta aggressi, ea euertere; & quâ venerant, viâ, euadere nitebantur. Quod dum strenuè moliuntur, milites, quos rex Meldorpij in præsidio esse iusserat, subuenisse laborantibus, exitumq; aperuisse interclusis memorantur. Eoq; facto, omnibus in fugam effusis, plurimi, in illâ obtriti, integri occubuerunt: multi etiam, à Dithmaris persequentibus interfecti. Ac tam magna strages fuit, vt per fossas, obtritorum, aut cætorum, cadaueribus oppletas, multi clade elaberentur. Dithmarsii, hostem superasse non contenti, variè in profligatum etiam sæuiunt; semianimes labris, naribus, auribusq; amputatis, obtruncantes: ac iam cæsos repetitis sæpè ictibus confodientes. Deniq; vix sepulturam, & hanc tantum peditatui, largiuntur: in equites asperiores, vltimum iis pietatis hoc officium non concedunt. Numerus intersectorum, ignoratur; aliiq; alium tradunt: at pleriq;, ad quatuor millia cecidisse sunt auctores. Inter illos, duo



cId. Id. 1. comites Oldenburgici; Adolphus, & Otho: ac trecenti sexaginta è nobilitate alij. Capta signa longè plurima, & tormenta vniuersa. Rex, cum fratre Friderico, & reliquiis, in Holsatiam concessit; vbi suos, perbenignâ oratione consolatus, adhortatur; *ne, ingenti quanquam clade, nimium demittant animos. Neg, enim hostis se virtute victos, sed iniquitate loci, ac tempestate; quam arcere, aut compescere, non humana potestatis esse scirent: & errare, qui in bello prosperos euentus semper expectarent. Certum sibi, breui denuò hostem cum maioribus copiis adoriri, & acceptam cladem ulcisci.* Nec ingrata, aut inualida regis hæc oratio erat: & in spem erigebantur vniuersi, fore, vt non multò pòst suorum cædem vindicarent. Ac constabat illi animus; iamq; nouas sibi copias comparare statuebat: cùm, quorundam interuentu, tandem pax est constituta. Quæ obtinuit inde vsque ad annos quinquaginta nouem; post quos, repetito bello, Fridericus, eius nominis II. Ioannis huius è Friderico fratre pronepos, gentem eam fregit planè, ac subiugauit: vt dicemus, cùm ad illa tempora perueniemus. At in Sueciâ iterum exortæ turbæ: & mox bellum subsequutum est. Steno enim, quem deuictum pridem illic summæ rerum rex præfecerat, vt rescuiuit, prælio eum à Dichmarfis, gente exiguâ, superatum, veluti pudore actus, quod, amisâ libertate, se, & regnum, dedere coactus esset, res moliri nouas capit: non iam vltra beneficiorum memor, quæ tam multa, atq; magna, nuper adeò acceperat.

perat. Sed initio, callidè consilia celans, literas ad regem mittit, quibus orat; *ut quamprimùm proficisci in Sueciam velit, per exiguo comitatu, ad levandos sumptu incolas, quando rerum necessariarum omnium caritas solito maior esset: se in finibus affuturum, atq. illic venientem excepturum. Nam negotia multa esse, nec exigui momenti, quæ præsentem ipsum poscerent. Agitari simultates perquam graves, inter se & optimates, ob decretum, tam benignè sibi indultum; insuper, à Russis iterum bellum Sueciæ imminere: cui quanquam pares essent, tamen hic consilio eius opus esse.* Ac de simultatibus, sanè verum erat. Quippe Sueci, quos in principatu suo quàm gravissimè diu exauerat, & in his Iacobus quoque, regni Sueciæ summus præsul, Romam miserant: qui decreti in Stenonis gratiam à rege facti, ne quis ipsum gesti antea principatus, vti dixi, reddere rationem cogeret, à pontifice antiquationem peteret. Quà deinde impetratâ, exstiteret, qui iniuriarum agerent; aut, accepta damna questu, æquam horum compensationem poscerent: alij, perfidiæ eum; rursus alij, reperundarum postulabant. Ac per hæc interdum in discrimine vitæ præsentissimo constitutus, manus certè violentas nullo modo euasisset, nisi regis reuerentia, & obsequium, tenuisset. Rex, omninò nil sinistri suspicatus, ac Stenonem bonâ fide agere censens, postquam cum proceribus deliberasset, statuit primo quoque tempore, vti postulatum erat, cum exiguo comitatu se in Sueciam conferre: ne, vocatus

*clb. Ib.* tus si venire detrectaret, Sueci sibi occasionem re-  
*clb. Ib. r.* bellandi inde caperent. Accingit itaq; se itineri, primo vere; coniuge suâ, & ministris quàm paucissimis, comitatus: obuiusq; in regni finibus, vt promiserat, Steno occurrit, cum cateruâ hominum audacissimorum, & patrare quiduis certâ. Nuntiat, pacata omnia; quod & rex, progressus vltrâ, verum comperit: admodum lætus, quod, conciliatis partibus, atq; rebus ex sententiâ constitutis, mox in Daniam rediturum se speraret. Interim Steno, iam adductum in insidias regem cernens, mittit literas quoquouersum, ad eos procures, quos addictos sibi maximè, & auersos à Ioanne, satis exploratum haberet: operam eorum clam implorat, atque orat, vti circumspectè agant; ac cum armis, si res postulet, præsto adsint. Rursum aliis mandare, vt siluestribus in locis, & remotis, clandestinò plebem conuocatam arment. Quæ Stenonem agitare cùm familiâres regis comperissent, monent sedulò, *vti eum obseruaret, & insidias caueret: nisi faceret fore: vt opinione suâ citiùs circumuentus tolleretur.* rex, qui fidem non haberet, nec inducere animum posset, vt Stenonem scelus in se concepissè tantum crederet; tamen illis admonere, & obtestari, vt habere, sui rationem vellet, nullo modo desinentibus, tandem victus, aurem præbuit: ac, cùm obseruare eius actiones diligentius incæpisset, vera esse, quæ amici retulissent, deprehendit. Itaq; cùm vires iustas, quibus sese tueretur, non haberet; nec consultum existimaret,

stimaret, in auctorem insidiarum animaduertere: *cl. Is. 10. 11.*  
 quod tutissimum videbatur, rem dissimulat; atq; ,  
 vt euadere posset, causas fingit, ob quas sibi festinatò  
 in Daniam redeundum diceret. Itaq; Stenonem iu-  
 bet currus sibi præparare. Atq; ille, sine morâ iussâ  
 facit: non obsequio, verùm quod consiliis suis ex-  
 sequendis tempus sese opportunum nactum crede-  
 ret. Emisis itaque suæ factionis ducibus, clàm ex  
 agris tria circiter hominum millia ocijs conuocat,  
 cum mandato, vt in curribus rectè secum arma fe-  
 rant; hisq; eosdem, quos emiserat, duces tribuit:  
 præcipitq; , vt, quâ regi in Daniam transeundum  
 esset, vndiq; vias obsiderent; &, ad lacum nigrum  
 currus expectantem, noctu per tumultum inuade-  
 rent. Ipse, ne prodicionis alicuius apud quenquam  
 in suspicionem incurreret, nunquam quoquam ab  
 eius latere concedebat. Cuius rei rex per suos cer-  
 tior factus, cùm, obsessis viis omnibus, quâ in Da-  
 niam iter esset, interceptum se cognouit, exituq;  
 prohiberi, consilium in arenâ capit; & Stocholmum  
 cum vxore, eâdem nocte, quâ patrandum scelus e-  
 rat, magnis itineribus petit: ac vigiliâ noctis primâ  
 eam intrat. Steno, cùm insidias non processisse,  
 animaduerteret, spe se suâ excidisse indignatus, clàm  
 de regis comitatu se subducit. Rex, Stocholmum  
 vt euasit, mox senatum, & nobilitatem regni, ad se  
 vocat; qui frequentes cùm venissent, præter solos  
 coniuratos, ac Stenonem, eorum ducem, quos fla-  
 gitij destinati conscientia, ne auderent conuenire,

O

de-

**CL. L. 1.** deterrebat: rex seorsim missis ad Stenonem literis, monet eum, *ut & ipse ad comitia adesse velit*. Verùm ille respondere; *se paratum isthoc facere, sed acceptâ fide publicâ, atq; obside: aliter, non tutum sibi arbitrari*. Post quæ rex, præfatus quædam in senatu, de perfidiâ Stenonis, blandè compellatos singulos rogat; cum ex eo die, quo habenas regni Suecia gubernare primum ceperat, quicquam contrains, aut aquum, vel antiqua privilegia, consuetudinesq; regni, commisisse videretur: tum, an gravis cuiquam publicè, aut priuatim, existisset: aut, abusus potestate, perperam rem publicam administrasset. Quod si quis illarum rerum meritò insimulari eum posse existimaret, se paratum respondere, atq; etiam regno cedere. Quin senatum univèrsam iudicem capere, eiq; quidvis statuendi liberam potestatem facere. Hæc dicentem cùm audirent, mori omnes, porrò cupientem loqui interpellant; graniter dolore sibi, quod, perfidiam unius omnibus communem esse, suspicari videretur. Tum hortantur; *uti bono animo esset: sibi à fide, & obsequio, etiam contra Stenonem, non discedere deinceps certum*. At rex, ut Stenonem de se quericantem coràm audiret; studioq; ac comitate, potius quàm armatâ manu, perduellem ad obsequium reduceret: datis publicæ fidei literis, quas petierat, iterum eum ad se vocat. Quas cùm ille accepisset, gnarus, regem in ciuitatem cum exiguo comitatu peruenisse, ipse cum maiore multo, ac Suantone, Henningo Gaddio, Canuto Alfonso, aliisq; factionis suæ sociis, & equitibus septingentis, mox

mox aduenit. Et, priusquam aduenisse rex rescisceret, ædibus munitioribus occupatis, consilium eius accuratiùs perpendentibus, meritò suspectus fuit, quod acceptâ fide publicâ, aduenisset, non tam ad colloquium amicum regis, quàm, ut locis opportunis, atque adeò medio foro, contra eum castra sua collocaret. Quâ re cognitâ, rex, quo propiùs iam periculum imminere animaduertit, eò magis providendum sibi ratus, ita res in arce ordinat, uti, si rebellionem manifestam, ac vim etiam intentare, Steno auderet, propulsare eum posset. Tum Stenonem ad se vocat: ac proferre, si quid accusaret, iubet. Cumq; ille, tutum isthic non videri, sine obside, responderet; atque rex, cui bonâ fide agere certum, non grauâtè hunc concederet: postquam tandem accessisset, comparatâ oratione, se nullius sibi sceleris conscium, ait; sed, cum inimici ipsum apud regem traduxissent, idè clam secessisse, ut, in tuto collocatus, suam ei innocentiam approbaret. Nec mirandum cuiquam esse; si, priusquam se suspitione tantâ liberasset, minimè fuisset ausus ad iratum regem accedere: quâ in re si quid imprudens offendisset, id ut sibi ignoscatur, etiam atque etiam petere. Non se hominum coercere linguas posse, ac pro suo ferè arbitrio quemq; loqui: caterum non ulli culpæ se affinem, id illasâ conscientiâ affirmare, in proclini. Quin, pro dignitate regis, & salute, quiduis promptum facere, ac pati: unum verò etiam aliis regni Suecici optimatibus aliquantum displicere, quod Calmarniense pactum non omni-

clo. 15. 1. *nò seruaretur. Hic interrogante rege, quâ in re id violatum existimaret? regerebat; arces regni, fidei indignarum committendas, Danis, aut Germanis, datas. Id peccatum si emendet, nihil reliquum magnopere, quod vel ipse, aliiue, queri possent: ac futurum, ut deinceps omnium sibi fidem obstringat. Atque hic consensus cæterorum fuit; gratiæq; illi ab vniuersis actæ, cùm iustitiam, rum clementiam, temperantiam, ac mansuetudinem collaudantibus: & testantibus, illud sibi summum sanè votum esse, ut incolumis diutissimè regnum teneat. Nec se regem alium cupere: nec carere eo faciliè, sine magno suo damno, Sueciam posse. Et orare ob hanc causam, ne, suspectâ hominis vnius fide, temerè fortè ab inimicis accusati, eundem affectum vniuersis esse crederet. Interim, quo tutior foret, in salutem suam incumberet, & præsidium adhiberet; se paratos quandocunq; videretur, præsto ad auxilium esse: nec tueri incolumitatem ejus, quanquam certo vita sua cum periculo, destitutos. Rex, senatu collaudato, cùm Stenonem cupidum nouarum rerum, atq; regnum affectantem, & auctoritatis magnæ inter suos cognouisset; neq; posset, quin suspectum nihilominus porrò haberet: verbis pluribus hortatur, ut, in fide, & officio, toties iam desinisset deprehensus, semel tandem perseveret. Omnes verò, ad conuiuium suum vocat: neque quicquam prætermittit, quod ad animos in amore, & obsequio, confirmandos pertinere existimaret. Verùm frustra humanitas fuit; neque Steno modum ambitioni suæ, ac consiliis turbulentis, ponere potuit:*

tuit. Et paullo pòst, cum aliis item factiosis, quorum primus Suanto erat, per præsidia sua audax, quibus urbem in potestatem redegisſe videbatur, iterum nobilitatem concitare in regem cœpit. Quique in arcem ipſe aſcendere, niſi dato priùs obſide, recuſauerat, mox, contemptum manifeſtum præ ſe ferens, ab eo petit, vt in urbem ad ſe veniat, & conſilium ad negotia quædam conferat. Sed ſuperbiam hominis rex indignatus, partim & inſidias agitari gñarus, intra arcem ſe continuit, nec prodire in urbem voluit. Quare incitatus Steno, huc & illuc curſitare: ac conſilia, ſemel capta, porro vrgeret. Rex, quo ſeſe, velut contra hoſtes ſuos, tueretur, communiri arcem iubet. Inter iſta, cùm regina, fœmina in primis pia, aliquando ad audienda in vrbe ſacra deſcendendi veniam à rege peteret; rex, qui ſuos antea prohibuiſſet vniuerſos, quod inſidias vereretur, reſpondere: Si ad hoſtem ire velit: id licere; ſed, ſi eo comitata reuertatur, fore, vt non admittatur. Quo reſponſo, poſtquam mœſta diſceſſiſſet, & in lácrymas erupiſſet, rex à fletu abſtinere ſtatim iuſſam, in templum deduci mandat. Cumq; eò deſcendiſſet, ocijùs conſcenſo muro, tormenta locis opportunis, & præsidia, paſſim collocari iubet: vt, ſi fortè, quod futurum præuidebat, reginam Sueci magno numero comitantes, vnà intrare niterentur, fortiter repellerentur. Poſt peracta in templo ſacra, cùm regina regredi in arcem vellet, Sueno ac Suanto, perbenignè conſalu-



*cap. 12. 1.* tant: & ceu eam ex officio deducturi, mediam ambo prehendentes, magno numero comitantur. At, cum arcem accessissent, militemq; in muris cernerent, aditu prohibitorium, subsistentes, ac reginam dimittentes, illicò indignabundi, & grauia quæque comminati, urbem repetunt. Inde Sueno mox excedit; & in loca tutiora cum venisset, nullâ vltra simulatione vsus hostem sese manifestum profitetur; ac sollicitare regni singulos primates incipit, horariq; ut renunciarent regi. Conciones pluribus in locis habet: quibus graviter, ad inuidiam odiumq; concitandum, debacchatur. *Non id temerè factum esse, quod Stocholmi in conventu procerum publico ad eò sese diligenter rex purgauerit, animosq; item omnium beneuolentiâ simulatâ deuincire studuisset. Ita enim cum naturâ, tum industriâ, comparatum; ut, quibus se imparem inpresens videat, blanditiis tam diu teneat, donec, armis comparatis, viribusq; confirmatis, eos improniso opprimat. Ac, nunc tempus aduenisse, quo libertas regni Suecia, nisi eam armis vindicare auderent, planè peritura esset.* Insuper consilia regis, illa valdè salutaria, & ad pacem, ac concordiam, pertinentia, passim apud credulam plebem per calumniam traducit: præfectorum quoque eius auaritiam, & crudelitatem, exaggerat, querimoniâ etsi fortè non iniustâ, tamen nimiam. Tum respicere Noruegiam iubet; quæ, cum Daniâ postquam fædus iniisset, priscâ libertate exuta, in extremam seruitutem miserè deiecta esset; etiam iusiurandum poscit, quo promitterent vniuersi,

uerſi, in commune conſulturos, quod ex uſu regi-  
ni eſſe exiſtimarent. Quibus rebus concitatis paſ-  
ſim animis, ſubito tumultu orto, vndique ad arma  
itum: ac Stenonem bona pars nobilitatis, ad pe-  
riculum commune, vt credebant, patriæ ſuæ, de-  
pellendum, ducem petere. Ad hanc Suanto ſe  
adiungere, vir primariâ inter proceres dignitate:  
& Stenonem, ſatis per ſe incitatum, magis etiam  
inſtigare. Steno itaque, ſuo ingenio dominandi  
cupidiſſimus, pronis adeò animis tumultuanti-  
um, vindicandæ, vt vocabat, contumeliæ dari oc-  
caſionem ratus, neque eam negligendam, denuò  
inuadit regnum, bellum parat. Atque illud vt  
legitimum videretur, ad diem Calendarum Au-  
guſti conuentum Aluaſtri indicit. Quò cùm Suan-  
to, cæteriſq; factioſi, conueniſſent, ad Ioannem,  
etiam tum Stocholmi agentem, ſuo omniumq; no-  
mine literas mittit, nuntiatq; ; *hoſtem ſe deinceps  
fore, & ad bellum capeſſendum à ſuis cogi: qui tyrannidem præſectorum, quos præter ius, atque fas, impoſuiſ-  
ſet regno Sueciæ non vlteriùs tolerandam, vindicare ſta-  
tuiſſent.* Rex, acceptis illis literis, cùm Stenonem rur-  
ſum fidem exuiſſe intelligeret; & ſe neque bello pa-  
rem, nec obſidioni item tolerandæ, animadu-  
teret: cedere furori certus, reginam grauidam, vt  
in regno regni ſucceſſorem pareret, relinquere  
in arcem cum præſidio; ipſe verò, cùm nonnul-  
lis regni Sueciæ proceribus, quos conſtanti in ſe fi-  
de exiſtimaret, in Daniam recedere ſtatuit:

mox

*cl. l. l. i.* mox cum iustis inde copiis reuersurus, ac Stenonem manu armatâ in potestatem reducturus. Quæ eum sic constituiſſet, ciuibus in concionem aduocatis, multa de Stenone queritur: *quod, oblitus fidei suæ, & iuramenti, bellum iterum moueret. à quo, toties perducilli, quidnam expectandum esset, neminem se adeò rerum imperitum arbitrari, quin id satis intelligeret. Sibi in Daniam proficisci certum esse; ac, parato iusto exercitu, ad liberandam ab obsidione urbem, quàm celerrimè reuersurum. Quin, ne quicquam de affectu suo in ipsos dubitarent, pignus se in arce certum, uxorem grauidam relicturum: ac vicissim cupere ex ipsis scire, quid de illis polliceri sibi debeat.* Illi, cùm consilium regis accepiſſent, primùm enixè rogare, *ne deferere ipsos vellet; neque enim arbitrari, has Stenonis vires esse, ut perficere capta possit: quin futurum, ut, elanguescente primo furiosa plebis impetu, armis suâ sponte positis, veniam rebellionis iterum petitum veniat.* Cæterùm, perseverante in proposito suo rege; nec, præsidio tam exiguo, obsideri se passurum, affirmante: fidem omnes obstrinxere, *se mansuros in obsequio, neq; hostium ullo metu, aut periculi magnitudine, defecturos.* His pro concione actis, rex postridie Daniam nauigio petit. Fiusq; abitu multo iam ferocior Steno, arces regni, quas præsidio communitas rex tenebat, recuperare animum inducens, primùm orebroum tendit: irâ in præfectum eius, Ioannem Flasterum: quod is Haraldum, Plattingum, antea Norreschogensi præfecturâ à se donatum, cùm gubernatorem regni Sueciæ ageret,

ret, in furcam egisset. Itaq; , recuperatâ post continuam oppugnationem arce, ignominiosam mortem hominis amici ulturus, Falsterum captum Arbogam duci, &, in vincula coniectum, ad supplicium aliquod grauius asseruari illic iubet. Quo peracto, mox Stocholmum castra mouens, arcem id obsidione vtrinque cingit; cumq; armis expugnare sese posse desperaret, astu aggressus, sat feliciter perfecit. Quippe, immisis ad primarios quosdam ciues, & auctoritate validos, qui largitionibus eos, ac promissis luculentis, ad dedendam sibi urbem permouerent, benè opera successit. Atq; illi, spe maioris libertatis, quam prolixè Steno fecerat, primùm occultè, inde palàm res moliri nouas ausi, non reginæ vllâ vltrâ comitate retineri in officio potuere: consulesq; , ac nonnulli consularis dignitatis, paullo pòst in castra egressi, vt de pace cum Stenone ineundâ consultarent. Quâ in re dum occupantur, incendium, incertum vnde, magnum in ciuitate exortum est. Ideoq; trepidatione subitâ, vt in talibus vsitatum, raptis statim armis ciues cùm in foro conuenissent, mox validiore flammâ procurentes, portas ciuitatis petunt: ac Stenoni, foris cum armatâ manu expectanti, eas pandunt. Qui irrumpens, & præsidia locis opportunis ponit; & concurrere, ad incendium exstinguendum, ciues iubet, oppido sic potius, arcem, ac reginam in eâ, porrò obsidet. Atque, aliquot cohortibus in vicina loca misis, plebem in præfectos regios, regni arcibus impositos,

P

passim

*cl. 13.1.* passim concitat : quosq; illorum comprehendit, graviter excruciatos, in suorum aspectu necat. Inter illos & Falsterum ; quem arbogæ, vti dixi, in tormenta exquisita asservatum, eo tempore maximâ crudelitate Svecis discerpendum dedit. Ita verò Steno Sævijt ; quo & poenæ immanitate metum ceteris incuteret, & sævitiâ aliorum suæ factionis principum hoc exemplo incitaret. His in Daniam perlatis, vlcisci quidem rex suorum indignam eadem cupiebat ; sed terrestris expeditio, sine classè, nihil profutura erat : atque illam apparare, hyems ingruens non sinebat. Igitur cunctante rege, atque classi instruendâ idoneum tempus expectante, Steno, occasione usus, graviter sævire in eos, quos in regem propendere intellexerat. Interim Regina arcem, amissâ urbe, quàm fortissimè tuebatur : & , vt etiam capiendâ spem eriperet, tantquam cibo abundante, quanquam fame nihilominus fatis magnâ laboraret, & , absumpto com meatu universo, reliquum nil præter carnem equinam haberet, egregio astu obsessorem eludebat. Etenim suam pinguem unam asservari, ac, diebus semper aliquot interpositis, identidem produci in vallum ; tum & vinculis constringi, juguloq; cultrum veluti feriendâ intentari, imperabat : quæ dum fierent, ejulante in maiorem modum sue, vt facillimè exaudiri in urbe posset, conjecturam oppidani faciebant, nec dum illic fame ullâ, aut inopiâ com meatus, laborari. Atque ita, quando arx munita  
adco

adeò armis expugnari haud posset, obsidionem in *cl. Is. I.*  
 biennium protraherat. Elapsà hyeme, rex Elizabe- *cl. Is. II.*  
 tham filiam Ioachimo, marchioni Brandeburgico,  
 Imperij Septemuiro, dat uxorem: nuptiaq; cele-  
 brata cum illustri apparatu, ineunte mense Majo.  
 per quæ postquam fama ejus laborare incapisset,  
 ac si, conjugè neglectâ, quæ Stocholmi obsidebatur,  
 aliò animum transtulisset; adeò nihili falsum hunc  
 rumorem fecit, ut, purgandi sui causâ, nunquam  
 quicquam contrà dixerit: nec hoc nomine delatos  
 redarguerit, aut severius unquam in eos animadver-  
 terit. Eodem tempore, monachus quidam ordinis  
 Hierosolymitani, Hermannus nomine, gente Da-  
 nus, à pontifice summo missus, in Daniam venit;  
 populares ad militiam, contra Turcas capessen-  
 dam, hortaturus: sed Ioannes, cum & ipse hostes  
 Svecos rebellantes domi haberet, nec Vandalicis ci-  
 vitatibus satis fideret, apud Iulium pontificem, cur  
 auxilia eo tempore nulla mitteret, per legatum se  
 excusat. Quæ dum fiunt, Steno, nihil sibi actum  
 esse ratus, nisi etiam Norvegos ad rebellionem im-  
 pelleret; missis literis, nuntiisq; libertatem sempi-  
 ternam, onerumq; publicorum immunitatem,  
 pollicetur, si communia secum arma sumere in re-  
 gem velint. Atque illi, mentione libertatis, quæ dul-  
 cissima est mortalibus, ad defectionem illecti, coe-  
 unt primùm, ac deliberant: hinc, Canuto Adolpho  
 duce, magnæ auctoritatis viro, tandem etiam Sve-  
 cis se conjungere statuunt. Quæ rex postquam acce-  
 pisset,

*cl. l. ii.* pissēt, in Noruegiam ablegat Ioannem Ibsonum, episcopum Rōschildensem, & Henricum Crummedicum: qui expostulent cum Canuto, quod à fide in regem suum descuiisset. Hi nauigio profecti, cū in portum Eggerhusium appulissent, Canutum ad se fide publicā accersunt: &, accensi criminatione mutuā, cū vtrinq; incaluisset, incertum an mandato regis, interficiunt. Quam ob eadem post exortā controuersia, factum fuit, vt cadauer per duodecim annos totos insepultum seruaretur. Paullō ante etiam Paullum Laxmannum, aulae regiae praefectum, & auctoritate quoq; excellentem, quidam Ebbo Strandifonus, & Biorno Anderfonus, Hafniae, ex arce regiae venientem in ciuitatem, in ponte alto, quem appellant, contrucidant. Primum Ebbo, occurrentem stricto pugione inuadit; &, inflicto in pectus vulnere, procidentem, è ponte in subiectam fortè scapham dejicit, ne spes vitae superesse vlla posset: insuper insultat caeso; ac, quemadmodum Salmo ipse diceretur, nempe primā nominis istius syllabā piscem illum denotante, in aquis potius, quā in terris, degere cum oportere, per ludibrium impropere. Eā eadē perpetrata, percussores, nullo illos persequente, extra urbem effugerunt; quā re factum, vt rex vulgo, si non auctor, saltem conficius putaretur: quod, in vrbe cū adesset, percussores comprehendi non curauerit. Atque ille, etiamsi nullum omninō magistratum se superiorem agnosceret; tamen, ne objiceret quisquam, quod,

quòd, cùm ipse reus esse crederetur, suâ in causâ partes iudicis desumpsisset, in Imperij Electores compromittit: ac, quod illi censuissent, eius deinde confirmandi cameræ Imperialis assessoribus plenam potestatem facit. Ad hæc etiam literas addit: quibus cædis eius culpam ab Ebbone, & hæredibus, in se, Daniæq; reges successuros, transtulisse fateretur. Verùm aiunt, adeò illum huius mox sententiæ pœnituisse, ut, iam morte propinquantē, sapius nomen Laxmanni ingeminare audiretur. Inde, vere ineunte, classē parat, liberandæ vxōri suæ: quæ iam huc redacta erat, ut diutius tolerandæ obsidioni, sine nouo comœatu, & præsidio, par non esset. Id cùm Steno rescuisset, quod iam dudum intermiserat, denuò se ad arcem oppugnandam vertit: sed, obsessis non minore fortitudine repugnantibus, rursus destitit. At, cunctante nimis rege, atq; vento aduersante retardato, cùm non vltro tolerari fames posset, ac præsidium vniuersum deditionem flagitaret; metuens regina cogi, nisi sponte morem gereret, incolumitatem suam, & suorum liberumq; in Daniam discessum pacta, tandem se, arcemq; dedit: post obsidionem arctissimam, paulò minùs annos duos, constantiâ in sexu isto multò magis admirandâ, toleratam. Verùm Steno, qui iam toties fidem regi fefellisset, nec reginæ hanc seruauit. Nam ex arce descendentem, neque fraudem, aut perfidiam, suspicantem, manū iniectâ, in cænobium Aluastrum captam abduxit, atq;



65.57.111

illic in sequentem annum tenuit. Ex præditiis  
 eius, qui initio mille erant, noningenti morbo, è  
 corrupto cibo, aut inediâ, comparato, periire. Vix  
 deditio facta erat, cum rex, suis subuenturus, classẽ  
 applicat. Qui, vt urbem, atq; arcem, conjugemq; in  
 Stenonis potestatem pervenisse intellexit, graviter  
 affectus animo, suam partim tarditatem, partim ad-  
 versam tempestatem, inculcare, inde, ad senatum reg-  
 ni tunc præsentem missõ nuncio, cum is non admit-  
 teretur, indignatus, naves suas retrò ducere: ac repe-  
 tere Daniam suam, ampliorẽ mox exercitum pa-  
 raturus. Sed, Vandalicarum urbium levitatem cum  
 perspectam sibi haberet, veritus ne, quod futurum  
 iam prospiceret, in Svecorum partes irent, ac cum il-  
 lis se jungerent, primũ id curandum statuit,  
 vti eas à consilio hoc averteret. Et, quantumvis ani-  
 mo ab ipsis alieno esset, quod Stenonem ad rebel-  
 landum impulisse crederentur: tamen, ne quid pri-  
 or eas lace ssisse, aut dedisse inferendo bello causam  
 videretur, stabilire pacem voluit. Itaque Lubecam  
 mittit Ioannem Caluum, præfulem Othoniensem,  
 cum duobus è nobilitate aliis, ac senatui exponit; *qui-  
 bus dolis, & insidiis, à Stenone, contra fidem iurejurando  
 obstrictam, pridem in Sveciã propè circumventus esset:  
 quibus nisi cum Deus manifestò eripuisset, planè futurum  
 fuisse, vt, nefario scelere oppressus, prius caderet, quàm  
 illius in se machinationes deprehendere potuisset. Eum ve-  
 rò non contentum, insidias semel posuisse; insuper, palàm  
 perduellem, contra fidem, quam nunc toties adiuraverit,  
 Sveciam*

*Sveciam in se universam, & Norvegiam, concitasse. Deniq, c15 Is. 118*  
 ne intentatum quid relinqueret, positus ad Stocholmum ca-  
 stris, vrbe prius, inde arce, occupatâ, etiam reginam ux-  
 orem, quæ discessum sibi liberum pacta fuerat, non minore  
 cum perfidiâ detinere, quibus causis cum in bellum neces-  
 sarium compellatur, quo & suis in discrimine tam presenti  
 opem ferat, redigatq, in potestatem perduelles; orare sese,  
 id largiri regis amicitia velint, ut interea conquiescant:  
 nec Stenonem commeatu, aut armis, juvent. Quod si  
 dandum ipsi putent, gratiam vicissim eius sibi obstrictu-  
 ros esse; neq, illum quicquam item omissurum, quod ad  
 dignitatem eorum, commodumve, pertinere existima-  
 rent: contra vero, si quos commeatum Svecis, resve alias  
 necessarias, importantes deprehenderit, hostium loco ha-  
 biturum. Ad hæc ita Lubecenses responderunt.  
 Causam eam ad se minimè pertinere, non placere sibi qui-  
 dem contumaciam Svecorum; sed iniuriam regi ab iu-  
 dem factam vindicare, nullo modo in suo potestate esse:  
 itaq, viderent ipsi, quonam pacto ulciscerentur. Se, ob-  
 noxios neutri parti, mercaturam exercere: idè neq, liberâ  
 navigatione interdicere quenquam posse. Quo responso,  
 postquam satis appareret, quidnam animis Lube-  
 censes agitent, oratores, quæ præterea iussi erant,  
 porrò exponunt, & discedunt. Neq, multò post le-  
 gatus à Iacobo IV. adest, Scotiæ rege; isq, primùm  
 Lubecensibus, hinc Vandalicis quoq; aliis civitati-  
 bus, quæ legati pridem Danici exposuerant, ea ipse  
 item refert: herum suum Ioanni avunculo, contra Sve-  
 cos perduelles iusta arma capienti, opem ferre statuisse. Ac  
 proinde civitates illas omnes monitas velle, ne in Sveciam  
 quic-

15. 15. III

quicquam inferant, quod rebellionis gentis confirmanda v-  
 sui vllie esse possit. Si qua contra quid auderet, eam hostis loco  
 fore. Atq; huic responsum fuit; postquam merces, & pe-  
 cunias, ac negotiationis sua socios, toto illo regno haberent,  
 maximâ suarum rerum se iacturâ affectum iri, si commer-  
 ciis vstitatis excludantur: tum iniq; secum agi, si fortunis  
 istis suis, ob discordiam vtriusq; eius regni, evertantur. Ad  
 hæc etiam, se cum Suecis planè nil commune habe-  
 re, persuadere conabantur: cùm constaret nihilo-  
 minus, anno seculi præcedentis nonagesimo cum  
 Stenone hæc conditione fœdus iniisse, vt pars neu-  
 tra, absque voluntate alterius, ac consensu, pacem  
 cum Ioanne rege vllam faceret. Rex, legatis mox  
 reuersis, postquam animum Lubecensium cognouisset,  
 naues statim aliquot armat, & in mare Balti-  
 cum mittit; ac præfectis harum mandat, prouiderent,  
 ne quid Suecis rerum necessariarum Lubecenses, aut Van-  
 dalica ciuitates alia quauis, apportarent: naues verò, qua  
 id facerent, vniuersas interciperent, ac in proximum  
 quemq; regni portum abducerent: & intactas asseruarent,  
 dum de voluntate suâ certiores facti essent. Neq; mora,  
 statim mare obsidetur: Suecicaq; merces vehens  
 nauis quædam Lubecensis, Rigâ è Liuoniâ veniens,  
 intercipitur. Quod Lubecam vt perlatum, illicò tu-  
 multuari, ac vociferari, ciues; non ferendam vim Da-  
 norum; quaq; iniuste abstulissent, bello repetenda esse. Se-  
 natum ad iniurias ciuium nimis diu conniuere: non factu-  
 rum, si priuatim res ipsius rex inuaderet. Et is quidem ad  
 suscipiendum bellum, quod ex fœdere tenebatur,

in-

inclinabat: sed, ærario nimis tenui, rem gerendam per legatos potiùs existimabat: itaq; mittit, qui restitui nauem interceptam petant: hisq; rex responsum dedit. *Nolle se cum Lubecensibus, aut Vandalicis item alijs civitatibus, simultatem exercere, nedum etiam bellum aliquod incipere; ac testatum sat fecisse, cum, legatis pridem missis, indicauerit, se euadere non posse, quin cum Suecis bellum gerat: & orare hanc ob causam, ut antisper suam in gratiam regno Suecia abstinere.* Quà in re non tantum postulatis suis nullo modo acquicuisse, sed ferociùs respondisse. Quod an sat prudenter fecerint, & conuenienter tempori, nil iniquum expetenti, ipsis id dijudicandum se relinquere. Non dissidium cum Vandalicis civitatibus ullum velle: sed, quæ sui nunc fecissent, de quibus conquererentur, id futurum, nisi Sueciâ abstinere, per legatos, quos neglexerant, monuisse. Itaq; si vel deinceps facere postulata velint, nauem suam, & res omnes illibatas, redditurum; atq; mandaturum suis, ne posthac committere quid tale ausint: contra verò, si persistant in proposito, non duntaxat, quæ adempta iam querantur, minimè restitutum iri, sed maiora etiam damna porro accepturos esse. Ad hæc, scire sese Lubecenses velle; quæ priores Dania reges olim ipsis privilegia concessissent, idè indulta esse, ut honorem regno haberent, idq; contra vim hostilem qualemcunq; adiuvarent: non ut illud, se cum hostibus coniungentes, impugarent. Ac, si pergant, facile futurum esse, ut hac ipsa, ceu ingratæ, & indignæ, adimantur. Hoc responsum cum Lubecam allatum esset, statim cives arma capienda clamant: sed senatus

Q

mo-

c. 10. 10.

III.

moderatioꝛ, cætera omnia priùs experiri statuit. Missis itaq; alijs atq; alijs literis, cùm nil rex pro expectatione ipsis responderet, tandem se ad bellum parat; ocyusq; militem legit, naues instruit: idque festinatò valdè, vti regem præueniret, qui & ipse mox promptissimè se vicissim ad mox affuturum hostem propulsandum præparabat. Sed, dum pariter vtrinque magno animorum impetu bellum agitant, Fridericus, dux Slesuici & Holsatiæ, regis frâter, medium se rebus componendis inserit, ac Lubecam paruo comitatu abit. Verùm operam princeps optimus omnem lufit: obstinatis Lubecensibus, atq; ea postulantibus, quæ promittere, sine regis voluntate, neque vellet, neque posset. Acta aliquot diebus, magno ciuium tumultu, causa fuit, sed nequicquam. Tandem illud constitutum, vt, si regi videretur, ac quo ipse loco vellet, iterum ad rem eandem peragendam conuenirent. mittitur ad regem quidam ex primoribus Holsatiæ: qui & acta Friderici, & postulata Lubecensium, explicaret. ea autem ista erant. *Lubecenses multis causis regno Suecie abstinere omninò nolle; inde liberam nauigationem cupere, & accepta à regibus Dania priuilegia sarta scéta conseruari: denig. nauem, & ablata bona, reddi. qua si rex promittere velit, arma posituros esse: si recuset, qua iniuste pridem ademerit, bello mox repetituros.* Sed verborum hâc ferociâ rex in primis magni animi multo magis irritatus, misso statim nauium maiore numero, diligen-

ligenter mare totum obseruare suos iubet: & cauere, ne quid regnum detrimenti à Lubecensibus vsquam capiat. rum auxilia à confœderatis regibus Galliæ, Angliæ, Scotiæq; & principibus vicinis, sibi petit. ac quantumuis, præter regem Scotiæ, Iacobum IV, per sororem Margaretam tam sibi affinem, socerumq; Ioachimum, Electorem Brandenburgicum, nemo quid suppeditaret; tamen animi, sparsâ apparatus famâ, Lubecensibus cecidere: ita vt classem, penè instructam, intermitterent; militemq; iam collectum, exauctorarent. regij verò, vt iussi erant, mare arctè obsidentes, seduloque excubantes, & maiorem indies formidinem hosti incussere; & alteram quoq; earum nauem, quæ in Sueciam contendebat, interceptam, in portum proximum abduxere. Post hæc Scotiæ rex Iacobus, quod non ita multo antè ciuitatibus Vandalicis sefacturum indicauerat, naues duas, benè instructas, regi affini contra rebellantes Suecos auxilium laturas mittit: ac septemuir Brandenburgicus peditum item aliquot signa. Hinc Noruegiam coercere, quam ad arma Sueci pridem concitauerant, postquam rex constituisset, cum senatu rem communicat. qui sententijs cum inter se dissideret, visum fuit, vt à Friderico fratre, partem sibi eius regni vendicante, auxilium posceret. in quam rem cum nil legati impetrassent, quod, contentus suâ in ducatibus sorte, Fridericus de Noruegiâ non magnopere laborare videretur; constitutum, vt totius regni curam

c. 15. 15.

III.

rex suscipere: copiasq; illuc mitteret, sub ductore Christiano, filio suo. Atq; is, mandato patris obsequutus, cum Alsoiam processisset, iussis hinc subsistere copijs, variâq; excursionem in hostem factâ, Hermolaum Hudfadum cepit, perduellionis ducem: ac damnatum, ad Bahusam rotæ imposuit. Nec multo post, cum missa à Stenone auxilia profligasset, & Canutum Caroli F. qui ducebat, cecidisset, mox Noruegiam vniuersam ad obsequium redegit. Quo peracto, belli molem Christianus vniuersam in Suecos vertit: &, exercitu in illorum fines ducto, Losam urbem expugnatam, cum dirupisset prius, mox incensam solo æquauit. Inde Elsburgum, & Orstunum, arces propè adiacentes, circumfedit. Præerat his Ericus Frici; isq; , aduentu Christiani intellecto, cum nec sat munitum sese ad vim propulsandam sciret; nec instructum comœtu, ad obsidionem aliquam longiorem tolerandam: rebus, quantum angustia temporis permittebat, ordinatis, se periculo subduxit. Christianus, vt maiorem Suecis proximis metum incuteret, veniam præstidarijs, dedere sese vitâ saluâ cupientibus, denegavit. Quâ de causâ, cum salutem desperarent, & extrema quæq; sibi expectanda animaduertent, clam emittunt noctu nuntium, qui Stenonem de suarum rerum statu vniuerso certum faceret: &, ni properè subueniret, actum de se, arcibusq; istis, diceret. Quæ cum Steno accepisset, vt periculo tam præsentis suos liberatum iret, ceterosq; , metu hosti-

um

um consternatos, confirmaret, statim magnum pedum pariter equitumq; numerum ex agris cogit. His Achonem Ioannis F. gentis Ostrogothicae praesidem, ducem imponit: qui per saltus, atq; rupes, aëre caliginoso, obliquatis itineribus, in Danorum, hostem nullum exspectantium, ante Elsburgum improvise castra irrumpere constituerat. Cumq; iam non longè abesset, ac cum suis consultaret, quo in loco castra hostium maximè adorienda viderentur; eminus pascensem equos rusticum quendam conspicatus, missis aliquot equitibus, ducere eum ad se iubet: si quid fortè de castrorum Danicorum statu scire ex ipso posset. At is, equites in se irruentes videns, ac ne caperetur metuens, illicò conscenso equo, vix ad Danos fugâ euasit. Quem citato cursu in castra venientem cum vidisset Canutus Thymæus, iuuenis claro loco natus, è familiâ Christiani, advocatum, quid nouarum rerum ferret, & quid adeò properanter adueniret, percontatur: atq; is, vt animo erat consternato, magnam hominum armatorum multitudinem, quam vix equo concitato effugisset, in propinquo esse ait. Ac Canutus, quæ acceperat, sine morâ ad exercitus ducem refert. Fortè pridie Elsburgenses se dediderant, & in arce Christianus eâ nocte somnum ceperat; atq; illud tempus erat, quo excubiæ ferè commutari solent: & nocturnis iam digressis, quæ succederent diurnæ, necdum adhuc stationem occupauerant. Itaq; priusquam conuenire Dani, & locum capere, aut, quam



cl. l.  
III.

propè hostis esset, scire possent, Sueci, densâ nebulâ tecti, iam ad ipsa castra erant; & excelsum iuxta montem, ac præsidio, ob digressas, vti dixi, inde excubias, destitutum, ocepauerant: vnde, quidnam Dani gererent, facile prospicere poterant. Acho, qui maiorem in castris, quàm sperauerat, solitudinem animaduerneret, plurimis adhuc, vt diluculo, dormientibus, neq; hostem omninò vllum exspectantibus; ratus, etiam Christianum, quod de arcis deditione nihil planè acceperat, somno in castris indulgere: vt virtute, ac non dolo, se cum hoste experiri velle ostenderet, canere tubicinem iubet. qui, miratus id mandatum; *atqui; inquit, dux illustris, non nunc classico vllò opus: sed silentiò potiùs inuadendus hostis, & victoria in proclini est.* Verum is mandatum iterat; malum quoq; , ni pareret, comminatus: *neq; enim filium regis, & nobilitatem tantam, aliter quàm Marte aperto adoriri, æquum, aut decorum, esse.* Quippe vir ingentis animi, quanquam peditatu carens, quem reliquerat in viâ, festinantem sequi inualidum, solo sese equitatu profligare hostem posse existimabat. Itaque, cum classicum tuba cecinisset, impetu in castra facto, magnam initio Sueci stragem edidere: antequam Dani, somno suo experrecti, hostem aduenisse scirent. In tumultu isto Acho, cum equitibus nonnullis castra obequitans, incidit fortè in tentorium Othonis Rudij, cum quo somnum eâ nocte ceperat Andreas Bilius. ac Rudius quidem, equitatu vniverso; Bilius,

dius, tormentis præerat: stirpe ambo nobilissimâ. c. 15. 15.  
dumq; Rudius cum Achone manum conferit, mu- III.  
neris sui memor Bildius, in periculo repentino, cum  
se inde expediisset, ocius ad tormenta abit. Rudi-  
us verò, alijs mox atq; alijs, ad suppetias accurren-  
tibus, hostem è tentorio expellit. quo ad suos re-  
currente, signifer Danus, quod præceptum in e-  
iusmodi casu erat, in mediâ castrorum areâ derepen-  
tè signum tollit. quo conspecto, concurrentes il-  
luc Dani, & ingenti statim numero, facto agmine,  
hostem alacres inuadunt, contrucidant, dissipant-  
que: ac regium item signum capiunt. Propulsatis  
autem hunc in modum Suecis, atque vindicatis  
castris, Christianus, interfecto, quia pertinaciter  
admodum repugnasset, milite præsiuario, incendi  
arcem vtramque iussit: ac, cum agmen vniuersum  
in Ostrogothorum fines perduxisset, ferro eos, atq;  
flammâ, populatus, mox in Scaniam reuertitur.  
Posteâ Andræ Bildio litem mouit Otho Rudius;  
quod is ipsum, irruentibus in castra, & tentorium  
suum, hostibus, turpiter deseruisset: quod exag-  
gerante illo, adeò vtrinque animi exarsere, vt paca-  
ri intercessione vllâ amicorum non potuerint. ita-  
que, delatâ tandem ad regem causâ, is pronuntiat;  
*nequiquam peccasse Bildium, qui non metu, aut proditio-*  
*ne aliquâ, socium deseruisset, sed ad munus obeundum*  
*decessisset: oportere, uti suum in bello locum unus-*  
*quisq; teneatur: seduloq; illud curet, ne officio vsquam de-*  
*sit.* Per id tempus Otho Rudius, Bahusæ præses, ar-  
cem

cem Olsburgum, structam à Succis, ad defensionem agri adjacentis, ac præsidio non exiguo communitam, clâm de nocte, quæ natalem Seruatoris antecedit, stratagemate quodam cepit. Postquam sciret, more olim iam recepto, milites præsidarios passim in arcibus pridie istius festi largiùs se inuitare; ille suos sub vigiliam noctis primam arma capere, & indusia, quibus sese internoscerent, linea superinduere iuber: atq; sic Bahusâ egressus, summâ cum difficultate, per exstantem altrè niuem, ad Olsburgum nocte intempestâ venit. Vbi postquam excubias nullas animaduertit, cunctis intus compotantibus, mœnia scandit: & oppressos vniuersos inter vinum, ac somnum, capit, aut occidit. Præfectus arcis, vix in turrim fugâ euasit: quam cum fortiter in sequentem vsq; diem defendisset, ac spes nulla liberationis esset, tandem quoq; in Rudii potestatem venit. Qui, abductâ insigni prædâ, & captiuis, cum successum rei omnem, & pericula, quæ in expugnandâ arce adiisset, regi postea memorasset; is, virtute, & industriâ, perbenignè collaudatâ, arcem, & adiunctum agrum, ipsi, ac deinde hæredibus, in perpetuum possidendum, liberali manu donat: literasq; quibus hanc donationem deinceps ratam esse velle testaretur, scribi iuber. Quæ & postquam aliquamdiu latuissent, post Eschilli Bildij mortem, regni equitum tribuni, in eius scrinio reperiæ, demum ad hæredes veros rediære. Ostrogothi, pauldò post Elsburgum captum, in Ericum Erici F. quem, præ-

præfectum arci vtriq; , cùm diffideret rebus suis, se periculo subduxisse, supra dixi, mirum in modum læuierunt; accusantes, quod. propenso in Danos animo, præfecturam reliquisset: ac dixisset, *rectè istud accidisse, quòd in potestatem eius arces hæ redactæ essent, ad quem iure pertinerent.* Quà de causâ, impetu in eum facto, crudelissimè lancinatum conciderunt: frustra obnitente Achone, qui, in humi stratum diu corpore suo procumbens, & iacentem protegebat; &, vt innocenti parcerent, plurimùm obtestabatur. Lubecenses, postquam de Suecorum clade accepissent, naues sex è grandioribus, benè instructas, submisere: quæ, secundo vento vsq; , sine vlllo impedimento, felicissimè mox Stocholmum appulerunt. Postquam verò Steno, cæsis, aut in ordinem redactis, passim regiis præfectis, iterum sibi arces Svecicas subiecisset; videretq; omnia ardere bello: vt recuperare posset etiã reliquas, atq; tempus ad id sibi necessarium callidè consequeretur, de reginâ, quam captiuam etiã tum detinebat, dimittendâ cogitare secum capit. Quæ dum agitat, Raimundus Cardinalis, à pontifice legatus, iubilæum per Germaniam vniuersam prædicabat; ac discordes ditiones ad concordiam reuocare satagebat: vt, pacato inde orbe Christiano, bellum Turcis, hostibus nominis Christiani infestissimis, inferretur. Ille, siue à Lubecensibus aduocatus, siue animi sui motu, etiã Lubecam venit. Cumq; primum ingressus esset, pòmpâ sacrorum solenni totâ

R

vrbe

619. 19. 111 vrbe institutâ, inuocare auctorem pacis deum cepit, ut negotium adiuuare, & consilia salutaria partibus inspirare vellet. Inde literas ad Ioannem regem scribit; postulatq; , ut legatos, plenâ potestate instructos, ad constituendam pacem inter ipsum ac Lubecenses, designaret, mitteretq;. Rex, cum literas accepisset, etsi ægrè induceretur, tamen, sibi persuaderi à suis passus, præfûli Othoniensi, & cuidam è nobilitate Holsaticâ, dat negotium. Ad hoc ipse Cardinalis aduocare principes vicinos duos; Fridericum, regis fratrem, & Magnum Megapolitanum: tum ecclesiastici ordinis alios quosdam, gerendæ rei peridoneos. Magno initio tumultu agitata causâ fuit; clamitantibus sine intermissione Lubecensibus, liberam se, iuxta vetera privilegia, navigationem cupere: neq; adduci ullo sanè modo posse, ut omittere eam velint. Et imprimis postulare, ut illata pridem damna sarciantur. Ad qua alij respondere; non idcirco nauigandi libertatem, ac privilegia, à Danorum regibus concessa esse, ut per illa auctis opibus, & potentiâ, reges ipsos, benè adeò de se meritos, oppugnant: quin sciendum illis esse, idcirco se hæc beneficia accepisse, ut vicissim, quandocumq; usus foret, officia redderent. qua cum ipsi, perduelles adiuuando, maleficiis nunc compensent, non iniquè regem facere, si cum hoste conspirantibus privilegia sua adimat. Quod si postulatis eius acquiescant, Sueniciag, abstinere animum iuducant, dum rex armis rebellantes coercuerit; non duntaxat privilegia recepturos, verum etiam, si qua damna accepissent, ea ipsum vel

*vel cum favore redditurum; atq; sic acturum esse, ut, cl. l. III*  
quàm optimè secum actum, sint fassuri. Hæc cum  
animos Lubecensium etiam magis asperarent; per-  
indignum visum fuit, eos regis postulatis, longè  
æquissimis, tam præfractè repugnare: neque ha-  
bere honorem vllum Cardinali, aut principibus  
euocatis, summâ curâ dissidentes ad concordiam  
reuocare annitentibus: atque ea proponentibus,  
quæ ex re ipsorum esse, & honore, æquis animis  
meritò videri possent. Ideoq; à negotio, frustra  
hactenustentato, discedendum statuebant: rati fo-  
re, quod non multò post euenit, vti pacem, quam  
nunc adeò obstinatè recusarent, tandem, bello fa-  
tigati, vltro peterent. Id cum exploratum habe-  
ret Cardinalis, viros quosdam consulares, quos in  
pacem proniores animaduernerat, seuocatos ad-  
hortatur; *ut, quocung; modo possent, suis suadeant, ne*  
*consilia temeraria pertinacius tuerentur, sed fideliter è*  
*re publicâ consulentes sequerentur: animoque reputa-*  
*rent, quàm periculosum esset, hostem multo viribus*  
*superiorem & conditiones pacis non iniquas offerentem,*  
*irritare.* Sed, cum neque ita se proficere quic-  
quam intelligeret, animo commotus paullum, vt  
reprimeret factiosos, palàm edicit; *se missurum in*  
*Sueciam esse, qui reginam è captiuitate suâ mox edu-*  
*ceret: tum & Suecis, nisi ad obedientiam regis priscam*  
*reuertantur, sacris omnibus interdiceret.* Quibus mi-  
nis cum sedatiores essent, tandem in hoc convene-  
re; *ut, quemadmodum Cardinalis, ita suos ipsi quoq; orato-*

clj. lxxiii res ablegarent, qui cum Suecis de reginâ liberandâ per-  
 tractarent: inde peterent, ut legatos ad Augusti diem de-  
 cimum Sundam mitterent, quò & rex missurus esset: atq;  
 porro de capitibus istis agerent. Nempe, ut rex Lubecensi-  
 bus, pro illatis pridem damnis, octo millia aureorum repræ-  
 sentet; & quas eius classiarij naves illis abstulissent, quasq;  
 superessent merces, restitueret: tum & priscis priuilegijs  
 frui sineret, si à Sueciâ abstinerent. Quicquid porro que-  
 rerentur, in Holsatiâ suo tempore per legatos commodè  
 transactum iri. Octo verò illa aureorum millia, Fridericus,  
 dux Holsatiæ, præfulesq; Othoniensis, Lubecensis, Slesui-  
 censis, ac pleriq; Dania & Holsatiæ procures, exhiberent:  
 idq; nisi die constituto facerent, Lubeca omnes euocati com-  
 parerent, neq; vrbe, nisi debito persoluto, egrederentur.  
 Quibus rebus ita gestis, non grauâtè Lubecenses  
 Sueciam petunt, cum legato Cardinalis: qui, cum  
 primùm in senatu de reginæ liberatione egisset,  
 perbenignè est auditus. Quippe Sueci, qui jam in-  
 dies exspectabant, ut Ioannes manu armatâ coniu-  
 gem suam reposceret; nisi darent sponte suâ, vi ean-  
 dem erepturus: dimittendæ occasiones, sine re-  
 demptionis pretio, vestigabant. Itaq; cum acqui-  
 rescerent, ingerunt se Lubecenses; iterumq; com-  
 pellatis de eâdem causâ Suecis, petunt insuper, ut,  
 quo loco statuissent, quoq; tempore, oratores suos  
 mittant, cum consiliarijs regiis de constituendâ pace  
 locuturos. Quæ cum Sueci se facturos recepissent, è  
 coenobio Aluastro, in quo contra datam fidem hæte-  
 nus custodita fuerat, à Stenone in Hallandiam deduc-  
 ta &

ta&Halmstadij aliquantisper commorata, à primariâ Scania nobilitate, magno eam cum honore extipiente, usq; ad fretum comitata est. Quo traiecto, occurrens filius Christianus, cum lectissimâ iuventute, Hafniam porrò deduxit. Lubecenses eius liberatâ gloriâ sibi palâm vendicantes, gratiamq; apud regem eonomine singularem inituros se sperantes, Hafniam prosequerantur : verùm, aliquamdiu ibi commorati, adeò non gratiam ab eo ullam retulerunt, vt ne quidem in adspèctum sint admissi. Steno, postquàm à reginâ discessisset, Ienecopiam reversus, circitèr natalem Christi, repentinâ morte obiit : quam celatam in aliquod tempus, ne in Daniam referretur, Suanto volens, clam cadaver Stocholmum deferri iussit. Inde, longâ disceptatione habitâ, aliis Ioannem in regnum reuocandum, aliis gubernatorem nouum esse eligendum contendentibus, ad XXI. diem Ianuarij Suanto, equitum tribunus ad id tempus, regni deinceps gubernator constituitur. Inter hæc regina redux, verso ad pietatem animo, velut Deo gratias ob liberationem actura, monasterium vnum Hafniæ strui curat; alterum Othoniæ destinat, postquam diem obijisset exstruendum, idq; ex his ipsis ædibus, in quibus defuncta esset : vtrunq; autem, in sacrarum virginum vsum, S. Claræ dedicatum. Inde Sterneburgum abit, voti causâ; atq; ibi filiam Elizabetham, Marchioni Brandenburgico pridem nuptam, cùm Stocholmi obsideretur, ad se vocat : cuius cùm se mox colloquio oblectasset, ad

R. 3

mari-

cl. l. c.  
iv.



*cl. 12. 12. 12.* maritum regem redit. Quæ dum fiunt, Suanto, Sue-  
 ciz gubernationem adeptus, statim se pro hoste ge-  
 rere, & Calmarniam obsidere : insuper Henningum  
 Gadium in Oelandiam, ad Castellum Boringhol-  
 mum oppugnandum, cum armatâ manu mittere.  
 Vtrunque locum rex præsidio satis valido commu-  
 nieratiam ex eo, quo in Sueciâ regni insigne diade-  
 ma accepisset. incitabat & Suantonem, quod, Io-  
 anne cum Vandalicis ciuitatibus occupato, commo-  
 dam gerendæ rei occasionem nactus esse videretur :  
 quamquam sanè, ipso semper nova auxilio  
 submittente, spes hæc cum frustra habuit. At Ioan-  
 nes, animaduertens, bellum Suecicum longius fore,  
 quàm sperauerat ; & Bornholmum item insulam,  
 atque arcem Hamarensensem, plurimum momenti  
 habere, ad Suecorum excursionem in mare Balticum  
 prohibendam : sedulò in id incumberebat, uti, quem in  
 modum Gothiam, sic & illam in potestate suâ haberet.  
 itaque, cum in archiuis inuenisset literas quasdam  
 Nicolai, archiepiscopi Lundensis, quibus ille testaretur,  
 se hanc arcem, insulamque, à Valdemaro IV rege accepisse,  
 repenti, quandocunque id liberet, redditurum : à Birgero,  
 eius loci tunc antistite, cœu successor Valdemari,  
 ideoque iure in se deuoluto, reddi sibi postulauit.  
 quod dum agit, Lubecenses, concitatis in se Megapolitaniis,  
 cum nequaquam duplici se bello pares satis scirent,  
 pacem à Ioanne petunt, obtinentque. iubebantur  
 Segebergum oratores suos mittere : atque ibi res tractata,  
 istis legibus. *Nihil ipsi, neu Vandalici*

*dalica civitates, ad continuandum bellum Suecia suppeditarent. tum Suecorum naves ullas; sine merces, suis portibus, urbibusve, ne reciperent. Suecos, istic appellentes, comprehenderent: ac, dum ipse constitueret, quidnam factum illis vellet, detinerent. naves, regijs occurrentes, demissis velis, cursum sifterent; literasq; & merces suas, inquirendas exhiberent: iterum mox dimittenda, si nil rerum Sueciarum vehere deprehensa essent. deniq; erepta naues, quaque superessent merces, redderentur. Atque has conditiones Lubeeenses accepere; & promiscere, etiam se effecturos, ut iisdem mox subscriberent Danis, Rensalienses, ac Rigenses. quanquam illud frustra fuit; ijs istud recusantibus, ac negantibus: approbandum socijs id civitatibus uniuersim, quod priuatim Lubeeenses, in rem suam pacti essent. Quibus actis, denuò in Suecos rex exercitum ducit, Scaniae confinem oram quam grauissimè affligens. quâ calamitate pariter ac secessu Lubeeensium, qui seorsim pacem sibi impetrauerant, motus Suanto, proceresque regni alij, sibi quoq; pacem petere statuerunt. itaque legatos mittunt, postulantque; ut Calmarniam, ad XXV. Iunij, rex adesse illis velit. quod si facere non detrectet, se sperare, rationem inuentum iri, quâ regnorum ruptam toties concordiam stabiliri tandem aliquando possent. Rex, quantumuis nihil minus constituerat, quàm Suecorum, qui iam toties fidem suam sefellissent, postulatis aurem dare: tamen, cum legatus Scotticus, qui ad pacem adiuuandam tunc aduenerat, intercederet, passus est se permoueri. Postquam verò dies pridem ad*

c. 13. 14.

c. 13. 15.

ad

ad negotium pertractandum constitutus aduenisset, rex Calmarniam se recepit; quò legatus quoq; Scoticus; & Noruegiæ senatores, tum legati Electoris Brandenburgici, ducum Megapolitanorum, aliorumq; vicinorum, & Vandalicarum vrbium, conuenere: soli Sueci, qui conuentum postulârunt, minimè comparuere. Cùm, sat diu expectati, non venirent, rex ablegat, qui citarent, monerentq; ; *ne committant, vt negotium adeò graue, borealibusq; regnis vniuersis salutare, verbis tantum, ad fallendum comparatis, agitare videantur: itaq; adesse velint, & tranquillitatem publicam suis etiam consiliis adiuuare.* Ipsos beneficij loco hac comitia petiisse, se benignè concessisse: quæ in prasens si contemnunt, notam sibi leuitatis, nullo modo excusandæ, sempiternam inuituros. Cogitarent, suam hîc existimationem verti: cuius tantum ferè habere quisq; soleat, quantum fidei. Nil legati potuere; nisi, vt venturos se pollicerentur: quanquam tamen ne sic quidem præstitere. Itaq; rex, nequicquam ipsis expectatis, cùm ludibrio se haberi animaduerneret, conuocatis Daniæ pariter ac Noruegiæ senatoribus, literas Svecorum profert, quibus illi fidem suam obstrinxissent. Quibus lectis, cùm constaret vniuersis, Succos neq; fidei suæ, toties datæ, neq; etiam literarum, vllam planè rationem habuisse; ac præterea, iam iudicium aliorum de se subterfugiendo, reos sese perduellionis esse, absentia suâ manifestò testarentur: ne in causâ ipse propria iudicare voluisse videretur, senatores, quos iam dixi, sententiam rogat.

gat. hi pronuntiant, cum Siemone, tum Suantonem, aliosq; , qui his literis subscripssent, perduelles, famâ, & bonis, excidisse. quam sententiam, ne in gratiam ita suam protulisse viderentur, Maximiliano Cæsari, quanquam ei non subiectus, porro disquirendam mittit. isq; , ritè examinatis rebus omnibus, in iudicio prolatis, & probauit, & in suo quoque Imperio promulgauit; illic quoq; , tanquam à se lata esset, ratam eam esse volens: eamq; in rem diploma edidit, ad secundum diem Octobris anni proximè insecuti. His peractis, rex sententiam typis primum excudi curat; inde, exsequi eam cupiens, bona damnatorum omnia, quæ in Daniâ, aut Noruegiâ, fisco addicit: literas quoq; Imperatoris per Vandalicas ciuitates omnes publicari iubet, & edicit; *ne quid rerum necessariorum in Sueciam deinceps mittant: neu stipendia illis faciant, aut commercia vlla habeant, si post-hac in regno Dania priuilegia sibi sua facta recta esse velint.* Sueci, acceptâ tam insigni contumeliâ, cum se tanquam perduelles, atq; reos maiestatis, per Imperium vniuersum iam traduci intelligerent; pudore acti, vt opprobrio se eximerent, regem Hafniæ adeuntes, iterum de impetranda pace agunt: sed, cum toties fidem suam fefellissent, vix inducias, atque has in paucos menses, acceperunt. Quæ dum fiunt, Lubecenses, pace iam cum Megapolitanis factâ, noui contra Daniam belli occasionem quæsiuerunt: inuidiâ in regem moti, cui felicius, quàm optauerant, res cum Suecis successisset. Itaq; , vt impedi-

cl. l. 1. 1.

cl. l. 1. 1.  
VI.cl. l. 1. 1.  
VII.

S

dimen-

c15. 15.

VII.

dimentum aliquod transfuersum obijcerent, contra pacta, pridem inita, non Suecorum tantum naues, atq; merces, clam in portus receperunt; sed subsidiorum etiam quicquid poterant submiserunt. ac, cum naues tradi sibi, iuxta pacta, rex exigeret; vrbium Vandalicarum eas esse, respondebant. Quibus rebus nuntiatis, rex præfectis classiarijs rursum mandat; *providerent, ne quid siue Lubecenses, sem Vandalica vrbes alia, fraudis facerent.* Itaq; captæ naues multæ, & in portus proximè adiacentes ductæ, venditis vili pretio mercibus, magnum Hafniæ, ac Malmogiæ, incrementum attulere. Quæ vt postea Lubecenses, & Vandalicæ ciuitates, acceperunt; mittunt, qui cæptas naues reddi sibi postularent: quibus hoc responsum datur; *quando ipsi contra pacta Suecis merces submisissent, eas iure captas esse.* Quà de causâ iterum tumultuantes Lubecenses, arma possunt: verum, bellum dissuadentibus, qui prudentiores erant, paullulum conquievere. ne deseruisse tamen idè Succos viderentur, clam confirmant, illis animum: ac præsidium, quæq; alia belli instrumenta essent, pollicentur. His promissis incitatus rursum Suanto, ante finem induciarum, quas non ita pridem à rege satis anxie postulauerat, factâ in Blegingiam irruptione, arcem Lycham capit, diripit, & incendit: ac cum prædâ properè in Sueciam redit. quod vt Seuerinus Norbius, classis regiæ præfectus, intellexit, in Finlandiæ portum inuectus, omnia vicissim ferro, ac flammâ, perdens,

-nomib

c

Caf

Castelholmum, igne iniecto, æquat solo: tum & Stenonem Tursonum, vnum è primatibus regni, cum vxore suâ capit, & in Daniam cum ingenti prædâ abducit. quâ re plurimi optimates, sanguine Stenoni iuncti, cum propinqui sui vicem, ac tot item aliorum, deplorarent, iterum sibi annitendum existimarunt, vt negotium denuò pacis ageretur. Neq; tunc auertit animum rex benignus: quanquam meritò, tam multiplici offensâ, alienus esse posset. itaque comitia complura habet; Helsinburgi, & Vorbergi: inde Hafniæ, & Malmogiæ. ac inducias rursus admittit, in vndecimum Nouembris; eâ lege, uti regem ipsum Sueci vel acciperent: vel afferrent rationes, propter quas prohiberentur. quas afferre si non possent, tum aut ipsum, aut filium eius Christianum, quem Stocholmi, annis aliquot elapsis, regem ipsi vnanimiter appellassent, patris loco Suecia gubernatorem constituerent. aut, si neutrum horum vellent, tredecim marcarum Holmensium millia quotannis penderent: operasq; militares, quotiescunq; poscerentur, exhiberent. Calmarnia insuper, & Oelandia, tum adiunctæ illis arces, quas præsidio communierat, porrò in eius potestate permanerent: integramq; ipsi esset, per induciarum tempus, nouo eas commeatu, ac præsidio, magis etiam firmare. quicquid verò harum rerum fieri vellent, id Malmogia per legatos ante diem III. Kal. Octobris declararent: interimq; interdictum; quo vetuerat, ne res vllas necessarias quisquam in Sueciam importaret, nihilominus seruaretur. Quo edicto certè Suecas, Lubecenses, sociasque ciuitates,

cl. 15.  
vii.

in angustiam hanc redegit, vti fame partim acti, partim armis superati, pacem petere cogerentur. Sed, cum dies constitutus aduenisset, neq; Sueci, vti pactum, comparerent; rex, delusum se ab illis indignatus, denuò, Decembri mense incunte, in Westrogothiam arma mouet: ac, direptâ incensâq; vrbe Losâ, & abductâ magnâ prædâ, mox in Scaniam reuertit, quibus Suanto intellectis, vt vlcisceretur cladem, rege in Daniam regresso, ipse in Scaniam excurrit; ac vicissim vrbem Weum, obuiasq; in illo tractu arces quasdam, diripit partim, & incendit: spolijsq; opimis quans, nil cunctatus, retrò in Sueciam copias ducit. inde oratores mittit, postulatam; *vt conuentus, qui Malmogia pridem indictus, ad vicesimum quartum diem mensis Iunij, anni proximè insequentis, repetatur: babeaturq; seu Calmarnia, sine etiam Scheris Suecicis: loco ita nuncupato, quod angustum illic mare rupes facerent, hic regnorum trium procures nouam pacem constituerent, in perpetuum valituram; eamq; in rem captiui viring, luerentur, & dissidiorum auctores dederentur: quæq; pars conuentis istis stare nollit, ante proximi Decembris diem quintum & vicesimum alteram certiore faceret.* Neque rex hæc recusabat; nisi quod Calmarniæ comitia haberi vellet. Sed Vandalicæ ciuitates ne hanc quidem pacem diu ratam esse voluere. nam, vt Suecos suo exemplo confirmarent, primi bellum Lubecenſes inchoârunt; quinque nauibus, omni rerum necessariarum copiâ instructissimis, Reualiam in Liuoniam missis: vbi commutatis mercibus,

ac

ac cum Suecis nouo fædere clandestinò constituto, priùs domum reuertuntur, quàm ad regem fama rei perueniret. qui quantumuis admodum indignaretur, temerè adèò ruptam pacem, quam vix pridem multis precibus impetrauerant, tamen id dissimulandum in præsens duxit; dum, quæ porrò agitent, intelligeret: ac, quid sibi in hoc negotio statuendum, circumspiceret. Illi verò, nil cunctati, anno proximo, in consilio persistentes, naues octo in Sueciam mittunt. quod rex postquam intellexit, cum senatu rem communicat. quippe sic existimabat, *suâ illos lenitate, ac conuiuentiâ, contumaciores fieri: quasi metu, potiùs quàm pacis studio, cunctaretur.* placuit itaq; hunc contemptum vindicare. Quà re ita constitutâ, mox profectus in Holsatiam, cum pertrahere in societatem belli fratrem Fridericum vellet, alieno eius animo, quod cum Lubecensibus ipse pacem recens inijsset, non successit hoc consiliu. inde, vt magis iure se, quàm armis, experiri velle, omnibus testatum faceret, causam arbitrandam offert: ac significat, *iudices capere, archiepiscopum Lundensem, & episcopum Roschildensem; tum senatum Hamburgensem, ac Luneburgensem: ad hæc Anglia item regem, aut Imperij si quem Electorem mallent: quibus quicquid videretur, ratum se deinceps velle.* placuitq; Lubecensibus in principio hæc conditio; & accipere eam sese, missis literis, sunt testati: sed, sententiâ mox mutatâ, à proposito recessere. idq; solùm aliquorum interuentu constitutum; vt pax quidem in ducatibus seruaretur, sed cum reg-

cl. l. 3.  
vii.

cl. l. 3.  
viii.



clb. Is.

VIII.

nis bellum esset. Quæ cum ita se haberent, rex ab Angliâ, Scotiaq; , auxilium nauale petit; tum vt mercatoribus quoq; Lubecensium, quotquot intrâ regna sua deprehenderent, & eorum bonis omnibus, manum iniiciant: se propediem missurum, qui cum illis iure agant. neq; cessant Lubecenses; & firmandis rebus suis, nuntium ad Imperatorem Maximilianum mittunt, obtinentq; : vt is literas ad Germaniæ principes daret, iuberetq; , *in tutelam Lubecensium, contra regem excubare: nec permittere, vti in stipendium eius milites ulli ditiones suas transcant.* quin ad regem etiam scribit, postulatq; , *ne commercia Lubecensium, qua in mari Baltico ipsi hætenus libera habuissent, vlllo modo impediret, aut turbaret.* sed hæc Cæsaris intercessio, Galliarum regis operâ, irrita fuit. Asperatis in hunc modum partium vtrinq; animis, rex, vt nauigatione Lubecenses prohiberet, & commercia impediret, apparatis rebus omnibus, nauium viginti quatuor classẽ instruit: ac præfectis dat mandatum, *vt, inuerti Trauemundam, Lubecensium ad Traua fluminis ostium portum, prouiderent, ne in urbem rerum necessariarum aliquid importaretur.* Ea res non parum animos Lubecensium perturbauit, vti, ceu obsessâ vrbe, concurrentes, in tumultu arma poscerent; cùm non multis post diebus, naues, quas Reualiam missas paullo ante memorauimus, rerum omnium ignarâ, iuxta Danicas appulere: quæ, in eas inter Dassium & Wernoum facto impetu, facillè omnes expugnassent; nisi, prædæ nimia cupiditate, in prætorio-

toriam incurrentes, tresq; alias minores, quas cepere, ceteris effugiendi potestatem concessissent. Quibus hunc in modum gestis, classis regia, captas naues secum abducens, domum abit. contra verò Lubecenses, vt acceptum nuper damnum repararent, Danos omnes, nautas, atq; mercatores, tunc in vrbe deprehensos, statim arripiunt, & obstringunt vadimonio, ne discedant inde prius, quàm, soluto pretio redemptionis, abeundi potestatem impetrassent. His in Daniam nuntiatis, rex vicissim omnes toto passim regno Lubecenses, & eorum bona, detinet; inde edicit seuerissimè, *ne Lubecam post id tempus quisquam quicquam importare, aut commercia illic ullahabere, ausit: qui contrarium admisisset, capite, & bonis, lueret.* Lubecenses, cum & suos passim à regge detineri, & edicto tam severo Danos vrbe prohiberi, accepissent; literas ad regem mittunt, & dimitti mercatores suos petunt: quibus ille respondere; *si iniuriam incapisse sese ipsi faterentur, liberosq; in regnum Danos, quos iniuste detinebant, redire sinerent, tum se id facturum esse.* Inde, ad confederatos sibi reges datis literis, de iniuria Lubecensium grauitè queri: moxque Sueci, qui proscriptiorem Cæsaris animo iniquo ferrent, vt honorem, quo priuatos se videbant, repararent, rursum in Daniam ablegant, pacem à rege oraturos. qui cum ipsum Helsingburgi adiissent, eam accipiunt: illis legibus, quæ Vorbergi dictæ erant. Quibus gestis, cum in Sueciam rediissent, Suanto ira oratorum acta in-

ta in-

c10. 15.  
VIII.

ta inuertit in senatu, vt in bellum denuò suorum animos concitaret. cumq; graui rerum necessariorum egestate premeretur, Lubecenses, sociæq; ciuitates, auctumno proximo naues bellicas octodecim, panno, sale, mercibusq; item alijs, quibus maximè indigerent, oneratas submiserunt. quæ Stocholmum cum feliciter peruenissent, ac retrorsum se reciperent, ortâ graui tempestate, quinque ex ijs grandiores periere; ceteræ, amissis armamentis, pars dantis cum appellentes, ibi hiemem exegerunt: pars vix domum sunt reuersæ. Cuius rei postquam fama in Daniam allata esset, rex, in tantâ consternatione omnium, rei prosperè gerendæ occasionem datam ratus, ocius triginta naues, remigumq;, ac classiariorum militum, magnum in ijsdem numerum, versus Trauemundam mittit. qui cum, vento aquilone paullo vehementius flante, portum vrbis, sicut iussi, minimè intrare possent, sinum maris, cui à nouâ ciuitate nomen datum, subeuntes, postquam illic exscendissent, pagos aliquot Lubecensium populati, cum ingenti inde prædâ Olde sloum se recipiunt; vbi dum expectant hostem, si fortassè is erumperet, Lubecensibus commouere se non ausis, vrbis Trauemundæ ciues, solis octo scaphis vecti, naues aliquot onerarias, nullo tunc præsidio tutas, capiunt partim, aut incendunt: & his actis, sinè vllâ suâ clade urbem repetunt. Tandem, motis inde castris, postquam Dani domum suam rediissent, rex Ioannes ab Anglorum & Scottorum regibus confæderatis, scriptis literis, iterum  
auxi-

auxilium nauale petit: tum & postea, ipsis ad hæc c13. 12.  
 conuiuentibus, toto vtriusq; regno per præconem VIII.  
 palàm edicit; si qui nauta, militesve, ad nauale contra  
*Lubecenses bellum, & eorum fæderatos, suâ fortunâ ge-*  
*rendum, comparare sese vellent, ut quamprimum, mare*  
*Balticum ingressi, piraticam liberè exercerent: habituros*  
*non duntaxat liberos omnes Dania portus, verùm ipsum*  
*quoq; regem, horum quæ in Lubecensium detrimentum,*  
*perpetrassent, defensorem.* Id Decembri desinente ac- c13. 13.  
 tum fuit: moxq; tanta piratarum multitudo mare IX.  
 Balticum infestauit, vt non tantùm Lubecensibus,  
 fociisq; ciuitatibus, sed & Suecis, interclusum illud  
 fuerit. Quæ in mari dum geruntur à piratis, clas-  
 sem etiam rex instruere, eamq; in Finlandiam mit-  
 tere, ducibus Seuerino Norbio, ac Tilemanno Gise-  
 lio. Atq; illi, commodâ tempestate vsi, postquam  
 istuc appulissent, militemq; exposuissent, vrbe[m]  
 Abonem, sede episcopali insignem, populati, cum  
 ingenti inde prædâ mox in regnum reuertuntur.  
 Quibus malis acti Sueci, vti se, suosq; omnes, à di-  
 reptionibus istis liberarent, Hafniam legatos mit-  
 tunt, qui decretum, pridem Helsingburgi factum,  
 reuocarent. Ac Ioannes, quanquam toties rebel-  
 lantibus, fidem habendam non censeret, tamen  
 regni vtriusq; optimatibus, id suadentibus, acquie-  
 uit. Itaq; induciæ datæ, in has leges; *Suecia proceres*  
*ex reuditibus eius regni Ioanni regi annis singulis tredecim*  
*marcarum Holmensium millia penderent: eamq; summam*  
*in Calmarniensis arcis circa desinentem Iunium, sine morâ*  
T ulte.

cId. Id.

ix.

ulteriore, exhiberent. Idq̄, facerent, donec de consensu regis, procerumq̄, aut Ioannem Sueci solio, de quo per vim deturbauerant, restituerent; aut, si illud potius vellent, filium eius Christianum, quem Stocholmi anno cId. cccc. xcix. unanimiter elegissent, regem facerent: conuentum verò in Suecia limite, ubi mare inter rupes coarctatur, loco admodum opportuno, celebrarent. Ac, si proceres regni Suecia ad xxiv. Iunij hunc conuentum esse vellent, eà de re ante Domini natalem regem certiore facerent: quod vicissim à rege fieret, si is fortè impeditus ad conuentum illò die adesse haud posset. Neg. tamen prorogationem istam summæ rei quicquam detracturam esse. Actum autem illic iri, de negotiis, litibusq̄, & petitionibus regis, regni Suecia optimates, ceterosq̄, item incolas, concernentibus; tum de arcibus, Bornholmo, ac Calmarniâ, insulâq̄, item Oelandiâ: porrò & nobilium bonis, passim in Daniâ publicatis. Arcibus verò, insulâq̄, qua iam dicta, cum aduectione liberâ, vti & euectione, rerum necessariarum, regem fruiturum esse, dum conuentus finem suum consequatur. Contrâ reditus, & possessiones omnes, qua pertineant ad Calmarniam, arcem pariter oppidumq̄, in Suecia procerum potestate deinceps fore. Bona verò, ad Oelandia monasteria, & ecclesias, pertinentia, illuc reditura esse: ac mansura, dum conuentus finiatur. Ac, quàm diu bellum foret inter regem, & Lubecenses, Suecia incolas qualescunq̄, nec auxilium allaturos, neq̄, quicquam subuecturos, antequàm in regis gratiam reuertantur. Inter ista, regem classiariis suis, & militibus, edicturum, ne quod ultra Suecis damnum dare auderent, neu commercia quoque eorum inturbent. De-

niq̄,

*nique, dum hæc aguntur, si rex fortè vitâ excederet, c. 15. 15.*  
*Christiano, eius filio, ius in Sueciam vniuersum, quod 1X.*  
*electione liberâ nactus esset, integrum, & illasum, fo-*  
*re.* His capitibus pax statuta: sed non diu rata  
 fuit. Quippe anno insequente Lubecenses, ac ple- *c. 15. 15. x.*  
 raq; foederatæ ciuitates, vt, quæ acta inter regem &  
 Suecos erant, perturbarent, bellum, pridem palam  
 gestum, regi indicunt, ad diem Maij XII. in quod sa-  
 men nullo modo consensere Hamburgenses, non  
 se causam iustam habere protestati. Sed præcipientes  
 odio suo Lubecenses, postquam Suecos de consi-  
 lio certiores reddidissent, nullo auxilio Sociorum  
 expectato, statim post indictum bellum, cùm rex  
 nullam etiam tum irruptionem pertimesceret, na-  
 uium sex bellicarum classe instructâ, mare Balticum  
 infestant. Vbi postquam ad Gessoram cum excu-  
 bitoriiis nauibus regiis tribus aliquamdiu dimicaf-  
 sent, tandem, sese subducentes, Langelandiam cur-  
 su celeri contendunt. In quam vbi exscendissent,  
 &, incensis villis proximis, hæc atque illac grassa-  
 rentur; insulani, raptis armis, occurrentes, forti-  
 ter eos propulsant: tum, ad ipsas vsq; naues perse-  
 quentes, sepositam in littore prædam rursus ex-  
 torquent. Rex, quo suos tueretur, naues Gallicas,  
 Scoticasq; , & Anglicanas, in mari suo deprehen-  
 sas, detinet, & bello parat. Quod dum lentius  
 molitur, Lubecenses, expeditâ rursus classe, cir-  
 ca Iunium ineuntem, Monam insulam inuadunt.  
 Hanc tenebat regis nomine Andreas Bildius; vir

M. J. P. 1515

T 2

Vt.

elo. 13.

x.

vt genere, sic virtute militari iuxta præstans. Qui cum hostem aduenisse accepisset, statim insulanos cogit: rum & tela, commeatum, quæq; ad vim propulsandam, aut obsidionem etiam tolerandam, necessaria, in oppidum, & arcem Stegam, oppido coniunctam, infert. Muros quoq; ocyus reficit: & cuiq; , si ad urbem oppugnandam accedat hostis, stationem suam assignat. Quin & magnam copiam feruentis aquæ, ac permistæ calce picis, oppidanos intra moenia in lebetibus, & caldariis, apparare item iubet: vt mulieres, senes, pueri, quos seu ætas, siue sexus, à militia prohiberet, in oppugnantes ea effunderent. Ita rebus intra urbem ordinatis, exscendere in terram hostes sinens, suos intra vallum cohibet. Hostes, metum esse rati, summâ cum securitate excurrentes, cuncta ferro, ac flammâ, vastant: inde, ad oppidum accedentes, oppidanos, tanquam non prodire ausos, ad conferendam manum provocant. Qui cum sese nihilominus continerent, illi, multò audaciores, mox contemnere etiam eos planè incipiunt. Itaq; inuadunt urbem magno impetu: ipso duce Storterbolio, vt exemplo incitaret, præeunte. Subire vallum conabantur: ne tormentis, si quæ essent, lædi possent. Proruebant sine ordine, tanquam vrbe sine negotio potituri. Id præfectus cum videret, dato signo, illicò tormenta explodit: inde in vallum enitentes, quibus id mandatum erat, aquam effundunt feruentem, ac permistam calce picem. Quare postquam multi caderent, tandem, animum



animum despondentes, caeso duce Storterbolio, pedem ipsi retulere. Oppidani, fugientes, insecuti, plures etiam trucidarunt: accurrente passim ad eandem adiuuandam magnâ ex agris multitudine, cuius domos ipsi incenderant. Quarum rerum cum rex nuntium accepisset, mittit illicò, qui praefecto, & insulanis, pro virtute, atq; fide, gratias ageret; tum memoriam rei tam praecclare gestae sempiternam sibi fore pollicetur: insuper praefectum monet, ut excubias toto littore, sicut olim usitatum, deinceps ordinet, ne iniuriae porro faciles opprimi ab hoste possent. Hâc in Insulâ nouâ clade nil deiectionis Lubeenses, Langelandiam iterum tentare statuunt: sed, ut pridem, propulsati, cum ne exscendendi quidem, nisi cum ingenti strage, copia esset, in mare Balticum deflectentes, classem ad Elsingoram sistunt. Cumq; excursionem illic etiam prohiberentur, undiq; munito littore, & praesidio excubante: postquam aliquot tormenta, nullo oppidanorum damno, explosissent, naues quasdam onerarias, ante urbem sine custode fluctantes, partim incendunt, partim capiunt, & abducunt Trauemundam. Vbi dum, exiguâ adeo operae pretio, aliquantisper commorantur, copias maiores sibi collecturi, classiarii in tumultum proruperunt; ac senatum de suscepto temere in regem bello accusantes, missionem flagitarunt: quidam etiam postulârunt, ut direptio, praeter sumptum, ac stipendium, toto regno libera permitteretur. Quam tamen mox senatus indulgeret, non



c13. 15. x

blanditiis nihilominus, aut promissis, permoueri potuerunt, vti denuò nauigationem in Daniam infestandam instituerent. Postquàm verò Lubecensibus, sociisq; ciuitatibus, res pro voto non succederet, aliud consilium capiunt. Itaq; legatis missis, rogant Suecos; *quando mari minus prosperè hætenus bellum gestum esset, vti terrà hostem innaderent: se, quod possint, omni ope, & consilio, adiuturos: nec in mari intereà quicquam cessaturos.* Hanc legationem Sueci, more suo, pronis animis acceperunt; & Achonem, cum equitibus septingentis, in Hallandiam immisere. Cuius nuntiato aduentu, Tucho Crabbius, vir nobilitate generis, & peritiâ rei bellicæ, inter primos, cum proceribus Scaniæ reliquis, iussu regis ocyus collectis copiis, sese objicit. Antequàm verò arma conferat, consilia hostis, numerumq; copiarum, explorandum sibi censet. Itaque Tordonem mittit, rusticum quendam, Achoni notum, cui pridem operam eandem dederat, in prodendo Scaniæ statu. Is Achonem, cum exercitu occurrentem, properè adit, & salutat; tum precatur fausta omnia, ac sperare de successu benè iubet: facile hostem, si matura, opprimi posse. Acho, vera cum memorare ratus, quantà potest mox celeritate vitur: interim Tordo, clam dilapsus, recipere se ad Tuchonem, nuntiatq; hostem in propinquo esse; & itinere festinato, parum ordinato agmine, commere. Quo audito, Tucho suos, pabuli parandi causâ palabundos, statim cogit: hostem;

vbi

vbj primùm occurreret, aggressurus. Tum deliberat, quonam illud loco faciat : vtrum in aperto campo aduentantem operiatur, an verò incautum inuadat. Erat media inter vtrumq; exercitum silua; & in hac profunda vallis, riuo quodam intereissa : hîc subsistere Tuchoni, & hostem expectare, placuit. Acho, inordinatâ acie, inter primos siluam ingreditur : cumq; in vallem peruenisset, Tucho, classicum canere tubicinem iubens, impetu in eum facto, pugnam orditur. Acriter certatum vtrinque, æquo aliquantisper Marte : donec mox Laurentius Frostius, Birgeri filius, summi Daniæ antistitis, vir equestri dignitate, & strenuitate, clarus, dimicantem in læuo cornu Achonem inuadit, &, adactâ in aduersum hastâ, sternit. Quo cadente, consternati cæde ducis sui cæteri, statim in fugam se conjiciunt : in quâ à persequentibus Danis multi cæsi, plures capti : plurimi, siluæ beneficio, euasere. Achonis cadauer inquisitum, & repertum, ante Helsinburgum arcem, in monasterio illic sito, tumulatum. Abducta inde signa aliquot militaria, vnâ cum vexillo regni : quæ mox Hafniam allata, cum captiuis, læto vultu rex accepit. Et, virtute singulorum collaudatâ, gratiisq; item actis, proximâ dominicâ die, præferente regni Suecici vexillum Tuchone Crabbio, qui & prælio eo ductor quàm fortissimè sese gesserat, & captiua signa abduxerat, pompam ex arce in primarium templum duxit : ac, peractâ re diuinâ,

615.15.x. uinâ, gratiisq; pro victoriâ tam egregiâ Deo dictis, suspensa è fornice capta signa, ceu opima ex hoste spolia, dedicauit. Suecos verò, vt hanc cladem audire, tantus illicò metus cepit, ne in regnum totis copiis Dani irruerent, vt Antonium Tursionum ad Georgium Baalium, Russiæ principem, ablegarent, qui inducias sexaginta annorum peteret: ne, vtrinq; hostibus septi, tantò grauiùs premerentur. Contrà rex, cum imparem se nauibus adhuc sentiret, vndiq; tot in se hostibus concurrentibus, à confederatis regibus, Galliæ, Angliæ, Scotiæq;, emptas magno ære naues Hafniam traduci iubet: atq; ipse, ne cessaret, domi intereâ duas parat, multo opere munitas, vt telorum nullâ vi aut lacerari, aut perfringi, faciliè possent. Insuper & in Lolandiâ arcem Engelburgum struit, vndiq; circumfluo mari: vt refugium insulânis ea esset, contra Lubecensium, & sociarum ciuitatum, incurSIONem. Naues rex cum exstruxisset, id potissimùm accurauit, vt instructas milite iuxta, ac commeatu, mox in hostem educere posset. Item, edictò renouato, grauitèr vetuit, ne è subditis suis quicquam commeatum Lubecensibus, aut eorum fæderatis, vllum afferret: si quis contrà admisisset, is delictum capite, bonisq;, lueret. Quâ re factum, vt Lubecenses, atq; Sueci, breui tempore rerum necessariarum egestate quàm grauiSSimè laborarent. Cui malo id incommodi accedebat, vt non tantum nihil Dani, edictò regio prohibente, importarent: verum etiam, si quæ ipsi aliunde apportari curauissent, ea om-

omnia classiarum, qui per mare iussu regis excubabant, sæpe intra urbium portus, in conspectu habitantium, interciperent. Porro, cum Suecorum cladem, in Hallandiam pridem acceptam, Lubecenses rescivissent, pacatis illico militibus, aliquamdiu iam in urbe tumultuantibus, denuo iis contra regem opem suam pollicentur; postulantque, quoniam terram non successerat, ut navale etiam bellum adiuverent, quo communem sibi hostem melius superare possent: cuius vires, quæ paullatim incrementum capiebant, ni celeriter frangerentur, mox ex æquo uniuersis merito formidanda essent. Sueci, qui Calmarniam Suantonis iussu contra pacta obsidebant, interfecto duce Achone, ac deletam magnam copiarum partem, cum periculum partim suum, partim sociarum urbium, animaduverterent, nec se diu tutos fore, admittere promissa ciuitatum auxilia non recusant: mox deliberant, de legatis ad senatum Lubecensem amandandis, qui de belli ratione in commune consultarent. Inter ista Lubecenses, non cunctati, dum legati aduenirent, adiutantibus foederatis ciuitatibus, navium sex & viginti classem mittunt: ac præfecto dant mandatum, ut, cum primum Suecis sese coniunxisset, impetum in regem faceret. Hic, cum classem mox soluisset, ac Bornholm propinquaret, sistit cursum: & ablegat, qui in Insulam exscenderent, & indicerent tributum, nisi grauius incolæ infestari mallent. Qui cum illud denegassent, mittit aliquot cohortes, prædam acturas.

cl. l. 12.  
x.

ras. Insulani arma sumunt, & in littore occurrunt; & exscensione quidem prohibere, quantum possunt, annituntur: sed, nec in numero, neq; apparatu, pares, interfectis primo prælio nonnullis, in interiorem insulam se recipere sunt coacti. Vbi dum, incensis pyris, more patriæ vsitato, hostium aduentum indicant, atque suos vndiq; ad pugnam cogunt, longiùs progressi hostes, pagos quosdam iuxta littus populati, & abductâ in naues prædâ, in Calmar-niensem sinum iter institutum capiunt: quò cum classem appulissent, Suecis, arcem eius vrbs obsidentibus, promissa pridem auxilia ferunt. Qui, ne focis decssent in periculo communi, naues paucas, quas instructas tunc habebant, sub ductore Henningo Gaddio, Lubecensibus submitunt: plures etiam pollicentes, postquam urbem expugnassent. His acceptis Lubecenses, mox Blegin-giam prætervecti, pagos littori adiacentes igne exurunt. Hinc delati interiores sinus maris Baltici, Suecis sese coniungentibus, in Lolandiam appellant. Vbi cum cohortem vnam exposuissent, quàm latissimè se diffundere, & clamore omnia implere iubent, vt perculosos metu incolas dissiparent: & efficerent, ne coire in vnum auderent. Mox, cum copiis vniuersis exscendentes, Nachscouium oppidum, nec præsidio, nec munitione firmum, improvisò inuadentes, populantur, & incendunt. Nec religio monasterium, illic adsitum, tuebatur. Incolæ, clamorem hostilem audientes, cum in-

cen-

cendia item passim, & direptiones, cernerent, consilij inopes, trepidant primò fugiuntq;: mox, hortantibus, quibus paullo maius animi robur erat, diuturnitate belli comparatum, colligunt se, & arma capiunt. Interim, coactâ prædâ non exiguâ, dum ad naues hostis properat, fortè rumor increbescit, aduentare classem regiam. Quo perculsi, ita quique properanter nauem petunt, metu ne intercludantur, vt, quò expeditius fugerent, magnam prædæ partem abjicerent. Cumq; in naues euasisent, duces suos circumstantes, vno ore omnes iubent, vt Lubecam se reducant. Graua quæque comminantes, nisi statim illud faciant. Neque illis confirmare animum potuit, quod sub isthoc ipsum tempus naues aliquot onerariæ Lubecensium commearum, ac mille militum supplementum, apporarent. Etenim, cum hâc occasione duces persuadere conarentur, vt Fioniam, rebus omnibus necessariis abundantem, incursarent, prædâ illinc sine periculo luculentam abducturi, iterum clamore incondito se Lubecam abduci postulant: ac, si nolint, sese vim facturos esse, palàm edicunt. Itaq; Lubecam redeunt. Interim Sueci per legatos denuò cum Lubecensibus de gerendo deinceps bello consilia agitant. Quâ de re cum inter ipsos conuenisset, vti viribus coniunctis terrâ pariter mariq; simul hostem impugnarent, Lubecenses hos legatos ineunte mense Octobri octo nauibus reduxere. Cumq; eos ad Bornholmum, tanquam nullum amplius periculum

*cl. l. x* foret, dimississent, regiæ occurrunt totidem: quæ cum illis diu acriter præliatæ, ægrè tandem nocte interueniente dirimuntur. Ac, quantumvis æquo satis Marte dimicatum esset, Lubecenses nihilominus, non tentare belli aleam vltra ausi, noctis eius beneficio in vicinos Sueciæ portus se recipiunt. Dani verò, postquam hostem aufugisse postero die animaduertunt, rati, quod res ipsa erat, in Sueciam cepisse fugam, quâ celeritate possunt, insequuntur. At, cum nusquam apparerent, verso inde in Gothiam cursu, atq; ibi pauca quædam cum præfecto colloquuti, Hafniam redeunt. Ac tum demum Lubecenses, reditum iam tutum nacti, ipsi quoq; domum suam circa brumam petierunt. Proximo deinde vere, magnis iam acceptis damnis, nullam educere classem ausi, ciuibus tumultuantibus, ac fortunam belli iterum experiri cupientibus, liberam in regni incolas prædam iis permisere. Itaq; Cunradus quidam, cui Regulo cognomentum, cum nauigia sibi aliquot speculatoria instruxisset, oneraria, ac vectoria, ampliùs triginta capit, aut exurit. Quâ de re cum quererentur apud regem, quorum id detrimentum erat, is, suorum damno motus, ut excursionem hostem prohiberet, mense Maio, nauium viginti elasse comparatâ, sub Ioanne Holigero, occupare Trauemundam, & exurere omnes illic naues, iubet. Sed, cum Danos imminere comperissent Lubecenses, quicquid ibi nauium erat, è portu in interiorem vrbis sinum subduxere; vbi tutiores essent, ac defendi faciliè possent. Itaque direpto portu, & incensis

cenſis ædificiis ſuburbanis, ſinus omnes maris Baltici diligenter Dani explorant; ac Vandalicarum vrbiũ mercatores, vbicunq; deprehenſos, intercipiunt: bonis horum inter ſeſe diſtributis, aut viliffimo etiam pretio venum datis. Quin maiora quoque auſi, in Viſmarienſem portum inuadentes, naues quatuordecim capiunt; inde, in terram deſcendentes, domos omnes uſq; ad portas ciuitatis, igne iniecto, ſolo æquant: ciuibus ſe intrà mœnia continentibus, nec prodire ad pugnam auſis. Quibus ita illic geſtis, Warnemundam mox petentes, priuſ eò deferuntur, quàm cognoſci famâ poſſet, quò in loco res Viſmarienſium eſſent. Et, expoſitis ocyùs copiis, Warnemundam primo impetu diripiunt; hinc vlteriùs progreſſi, & agros paſſim populati, magnâ ad littus prædâ actâ, pagos plures Roſtochiienſium igne exurunt: nullo facto prædæ, & incendiij ſine, antequàm Roſtochiienſes, fumum è mœnibus circumquaq; conſpicati, arma ciuibus imperarent. Qui dum ſe ad pugnam parant, comportatâ in naues prædâ, Dani retrò pedem ferunt, & in Rugiam devehuntur. Vbi factâ ad Iaſmundam exſcensione, ac præfecto proſtigato, qui cum paucis ſe obiecerat, Stralfundeniũ pagos vaſtant. Qui, ad famam huius rei, vt auxilium laborantibus ſuis ferrent, ſtatim pedites octingentos, modicumq; equitatum, cum tormentis aliquot bellicis, in inſulam tranſmitti curant; eâ ſpe, dum ipſi à fronte hoſtem occupant, fore, vt præfectus inſulæ cum ſuorum aliquâ manu tergum inuaderet: ſed, iam illo



et. 13.  
xi.

profligato, postquam soli dimicarent, nec auxilium insulani, quod sperârant, vllum ferrent, pugnae impares, mox in fugam se conjiciunt: in quâ intercepti multi, & occisi. Tum tormenta quoque omnia, sarcinæq; , in victoris potestatem peruenere. Multi quoque, cùm ad naues trepidatione summâ se recipere, nec ad has admitterentur, metu imminentis hostis, in mare se præcipitantes perierunt. Hunc in modum dum Vandalicæ ciuitates diuexantur, Sueci, aliquamdiu liberi ab hostili incurssione, recuperare, quæ amiserant, animum inducunt: vt sic tandem plenam sibi libertatem vendicarent. Itaque, post obsidionem annorum aliquot, cùm Calmarniam recepissent, Bornholmum etiam in Oelandiâ circumfederant. Quâ de causâ classis regiæ præfectus, profligatis Stralsfundensibus, cùm è Rugiâ discessisset, in Oelandiam, opem obsessis laturus, properauit. Præfecerat Bornholmo rex Othonem Rudium, clarum belli: qui Canutum fratrem suum, Hierosolyma pietatis ergo petens, substituerat, eâ lege, ne cuiquam, nisi regi, arcem commendatam traderet. Quam ob rem, defuncto Othone in itinere, cùm de morte eius fama afferretur, Canutus, vt seruaret fidem, quam obstrinxerat pridem fratri, iam in arcem, metuens obsidionem, se receperat: Atque eò secum adduxerat Petrum Vrium, antea arcis Hafniensis sup-præfectum, cui præfecturam arcis rex mandauerat. Verùm ille, quia plurimos è præsidio Hafniæ graui-

ter

ter offendisset, parum obsequij pronos habuit. Hâc de causâ, superuenientibus Suecis, quos firmandæ obsidioni Suanto miserat, Canutus, cum præsidio inclusus, dissidentes adhortatur, ut priuatam offensam suam rei publicæ condonarent: facile hostem propulsari foris posse, si concordēs intus forent. Hinc paratis, quæ ad repellendos Suecos opus essent, oppugnationem exspectat. Dederat iis duces Suanto, Henningum Gaddium, Bremum Oestrium, & Ericum Abrahamum. Tolerata in quintum usque mensem obsidio; à vicesimo quarto Iunij, ad Nouembris diem quintum & vicesimum: cum rex, in Vandalico bello occupatus, nullum intereâ comœatum, aut auxilium, laborantibus submisisset. Itaque, exhausti viribus, siti pariter & inediâ postquam aquâ semisalsâ, ac farinâ crassiore, aliquandiu vitam vtcunq; sustentassent, necessitate impellente, liberum discessum pacti, arcem Suecis tradidere. Alibi quoque eo anno est pugnatum. Quippe in Gothiam occidentalem rex Ioannes copias pedestres misit; quæ, progressæ scarâ vsq; latè agros deuastârunt: & occisis plurimis indigenarum, domum cum ingenti pædâ redierunt. Cum intereâ regni gubernator Suanto nihil contra conaretur: nisi quod submitteret equitum turmam vnâ, quæ palantes passim Danos comœatu, pabuloq; prohiberet Lubecenses, moti damno sociarum ciuitatum, quod à Danis, vti iam commemoratum, accepissent, cum hæ opem implorarent, naues

**cl. l. xi** naues omnes grandiores, è naualibus productas, ocyùs reparant, instruuntq;. Sedecim vniuersæ erant; quæ progressæ, ad Iasmundam cursum sistunt: expectantes octo dies, donec Stralsundensium naues aduenirent. Quibus nimium cunctantibus, nec ad tempus præstitutum venientibus; mox Bornholmum se recipiunt. Vbi itidem dum aduentum earundem præstolantur, duces copias exponere, & agros populari iubent. Quo peracto, & abductâ pecorum magnâ multitudine, nuntioque eius rei ad regem allato, ille statim classem parat: imperatq;, vt quamprimum hosti ad Bornholmum occurrat. Duces illi dat Ioannem Holigerum, Seuerinum Morbium, Tilemannum Giselium, ac fortissimos quosq; alios: ita tamen, vti summa præfectura penes Holigerum esset, virum animi magnitudine, ac peritiâ rei bellicæ, præter cæteros excellentem. Ille, ventum commodum nactus, cum soluisset, nono Augusti mensis die classem hostium conspicatur. Itaq; hortatur suos, vt intrepidi pugnam inirent contra illos, quos iam toties deuicissent. Cumque, eo hæc dicente, clamor nauticus tolleretur, atque omnes postularent, pugna sibi signum dari; sponderentq;, ita se gesturos esse, vti nec degenerasse à virtute gentis suæ, nec spem eius fefellisse, dici possent: ne pugnandi ardor morâ elanguesceret, propius in hostem aduectus, se ad dimicandum parat. Inde naues suas ordinat, & maiores in vtroque cornu locat; inter illas, mediocres: reliquas,

quas, post has constituit, ad ferendam, si quæ laborarent, opem. Tum, quæ quamq; sequi debeat, & quæ cui subuenire, dat mandatum. Neq; cessant Lubecenses: & productam ocyus classem hosti opponunt. Primi impetum Dani faciunt; quem exceptum Lubecenses diu quàm fortissimè sustinent. Cumquæ eorum naues quinq; fauciis multis, & occisis, grauiter laceratæ essent, incitati, non seruato vltra ordine maiore audaciâ, quàm prudentiâ, hostem inuadunt, ac promiscuè præliantur. Moxeodem quoque modo Dani pugnant: & vtrinque non industria militari, sed virtute, dimicatur. Maximâ diei partetelis eminus res gesta: cum Danorum vna naus propius in hostem fertur. ad quam postquam opprimendam magno impetu plures ruerent, circumuentam faciliè capiunt. Quo conspecto, Dani, vt hanc contumeliam vindicarent, magno animi ardore in hostilem classem irruunt, vincere, aut mori, certi. Neq; diu resistere Lubecenses; ac salutem fugâ sibi quæsiuere: in quâ etiam intercepti penè omnes cæsi penitus fuissent, nisi densæ ingruentis noctis tenebræ fugientes insequi prohibuissent. Etenim dux classis regis Holigerus, non se credere maria ausus cum receptui cecinisset, tanquam victor, locum capit, è quo ipsi profugissent: & ibidem diem expectat. Qui cum postea illuxisset, rursus profugum hostem quærit: quem nequicquam aliquamdiu quæsitum cum non posset inuenire, in eundem locum redit. Vix peruenerat, cum tres Stralsundensium naues quas hic

cD. 15.

XL

expectasse antea Lubecenses memoravi, procul aduentare vident. Illi, quiescentibus Danis, &, quò cursum instituerent, expectantibus, sociorum classem esse arbitrati, propè adnauigant. Sed, cum hostem esse cernerent, retrò versi, fugam institunt. Insequuntur ocyis Dani: atque duas naues capiunt, tertiâ vix elabente. Hæc dum ad Bornholmum gerunt, quædam Hollandorum classis, & Liunioniâ reuertens, fugientibus Lubecensibus inter Reschouidam & Heilam fortè occurrit. Erat nauium ducentarum quinquaginta: ac duntaxat quatuor bellicæ his adiunctæ, quæ deducerent. Cumq; antiquæ de commerciorum iure in has orientis partes controuersia, inter Hollandos, & Vandalicas ciuitates, nec dum tunc dirempta esset, iusta iniuriæ inferendæ causa visa est, quam occasio inuitabat. Itaque eam inuadentes, totam capiunt, dissipant. Quatuor bellicæ, impares pugna, ad Bornholmum, vbi regia classis stabat, se subducunt, & ad Heilam Lubecensibus acta nuntiant. Quibus cognitis Holigerus, conuocatos statim suos iureiurando obstringit, ad recuperandam prædam, aut ad mortem oppetendam. Nec difficile illud erat, apud pugnam suâ sponte postulantibus: & ardentibus propriâ virtute animos, quatuor Hollandorum naues, quæ accesserant, magis etiam incitabant. Itaque cum multo manè à Bornholmo discessissent, meridie ad Heilam veniunt; vbi naues Hollandorum dissipatas, ac plerasq; sine rec-

tore

core fluctuantes, alias adhuc fumantes ex incendio, conspiciantur: & non procul inde classem Lubecensium; qui, ob prædæ magnitudinem insolentes, victis etiam cum superbè insultarent. Ideò visum, propiùs aduehi, atque eam adoriri. Verùm illi, quod instructas bello naues tantùm undecim haberent, cæteris quinque ad Bornholmum miserè adeò laceratis, vt inutiles pugnae essent; nec captiuis, quamuis militem ipsi suum imposuissent, satis fiderent, explicatam toto prius mari classem statim contrahunt, prælium planè detrectantes. Qua re animaduersâ Dani, vt protraherent vel inuitos ad certamen, telis declinantes petunt. Quibus cùm non parum certè laderentur, tela tandem ipsi quoque retorquebant; ita tamen, vt non tam pugnare velle, quàm periculo subterducere sese, ostenderent: fugam, in quâ solâ sibi spem salutis esse cernerent, tempestiuè inituri. Quod ne possent, Dani naues suas explicant, intercludere hostem certi. Verùm, eo animaduerso, Lubecenses, veriti ne circumuenti simul omnes hostium in potestatem deuenirent, ocyùs fugam capeffentes, Trauemundam se recipiunt: paucas tantùm Hollandorum naues secum abducentes. Ac secuti fugientes eos Dani faciliè interceptissent, ni prætorîa classis regia, ruptò fortè pede nautico, in mediâ insectatione cursum sistens, hâc re cæteras item naues, quæ se isto velut signo reuocari

**eb. b. xi.** cari arbitrata, inhibuisset. Mox prætoriam reparata, cum ad Heilam rediissent, sparsas Hollandorum naues colligentes, dominis eas suis reddunt, quos desertis pridem iis metu hostis fugientes excepissent. Quanquam sanè multæ ex his desideratæ; partim incensæ à Lubecensibus, aut abductæ: partim quoq; à mercatoribus, dum pugnatur, fortè interuenientibus, & in fluctuantes eas incidentibus, interuersæ. Post victoriam hanc Dani non duntaxat mare Balticum tutum ab excursione vrbium Vandalicarum præstiterunt; sed, interiores quoque eius sinus perlustrantes, mercatores earundem, vbicunq; deprehensos, inuaserunt: & illorum merces inter se partiti, vili pretio vendiderunt. Quâ re factum, vt; quantumvis gesto per decennium bello, non annonæ tamen vlla, aut aliarum rerum necessariarum, caritas fuerit: quin & contrà, ex allatis toties in regnum spoliis, rerum omnium tanta exstiterit abundantia, quantâ pace quamvis florentissimâ esse potuisset. Anno proximo, Suanto, qui pro rege Sueciæ sese gesserat, diem obiit Arosiæ: nihilo feliciorem vitæ exitum consecutus, quàm decessor eius Steno. Nempe fatum hoc Ioannis regis erat, vt, victor in tam longo ac difficili bello factus, hostibus suis, quos rebelles, perfidosq;, toties expertus esset, quiq; graues admodum seditiones contra ipsum concitassent, superuiueret: atque post proscriptionem, cum infamiâ sempiternâ, sine vlllo suo scelere, Dei manu è medio sublatos cerneret. Mortuo verò Suantone, Sueci, quanquam

**eb. b. ix.  
xii.**

in Ioannem, eiusque filium Christianum, iusiuran-  
 dum suum dederant, nullâ tamen eius ratione habi-  
 tâ; in Stenonem, illius filium regnum transferunt.  
 Inter ista Lubecenses, postquam obfesso vndiq; ma-  
 ri, commeatus destitueret, atque ciues eâ de re apud  
 senatum quererentur, alterutrum faciendum fuit:  
 vt aut aliunde eum procuraret, aut à rege pacem pe-  
 teret. Ac, cum prius minimè possent, alterum præ-  
 standum erat. Itaque, crescente indies magis fame,  
 literas ad regem mittit, postulatq; *locum sibi idoneum  
 dari, & fidem publicam; se habere, qua cum ipso agere  
 velit: neq; frustra, si concedat, operam collocatum iri.*  
 Rex; ad pacem à naturâ, quàm ad bellum, magis  
 pronus; *se Flensburgi breui adfuturum scribit; illuc, se  
 quos velit, mittat: nec periculum ibi ipsis vllum fore.*  
 Mox venere duo consules: qui cum eo de consti-  
 tuendâ pace, pro se, sociisq; vrbibus, clam collo-  
 quium instituere velle dicerent. Quod quantumuis  
 rex grauatè primùm admitteret, cupiens consiliarios  
 quosdam suos adhibere; tamen, ne deesse ipse  
 vspiam paci videretur, tandem eorum postulatis ac-  
 quieuit. Itaque statuto die, cum rex ad colloquij lo-  
 cum, qui in arce Flensburgensi designatus, iturus es-  
 set; gladio suo se accingens, quosdam è familiaribus  
 sequi iubet. Quibus ipsum percontantibus, quâde  
 causâ ita armatus ad colloquium procederet: *quia,*  
*inquit, longâ mihi consuetudine sic iam noti Lubecenses,*  
*ut, inermem me committere ipsis, non consultum puerim.*  
 Hinc cubiculum, in quo illi conuenissent, ingressu-



CL. I.

XII.

rus, ad sequentes se conuertens, subridenti ore ait; vos hic foris paullulum me expectate, dum cognoscam ipse intus, quidnam mihi Lubecenses noui ferant: qui si forte vim intendent, contra duos strenuè solus, quoad poterò, me tuebor: sed si opem acrius pressus, implorauero, tum accurrite, & auxilium laboranti ocyùs ferte. Iocus erat, sed quo tamen non obscurè indicabat, quantum ipse eorum fidei tribuendum existimaret. Mox, finito hoc colloquio, cum ad suos rediisset, ad senatum postulata illorum refert. Inde pax decreta fuit; & commerciorum iis reddita libertas prisca, iis legibus: ut, si Sueci nec Ioannem regem reciperent, neq; filium Christianum; nec quotannis tredecim marcarum Holmensium millia penderent, qua promiserant: tum Ioannem, ad redigendum in potestatem regnum Suecia, adiuuarent. Nullum quoq; eius hostem, aut heredum, urbe exciperent, fouerentue: ac detenta vtrinq; bona, redderentur. Insuper, quocumq; bello, post id tempus commouendo, portus regni Noruegici immunes essent: & commercia quilibet ex occidente libera illic exerceret. Denique, si controuersia deinceps aliquæ inter regem & Lubecenses nascerentur, eas quatuor, huic negotio deputati, discernerent. Sueci, postquam conuenisse inter regem, Lubecenses, & Vandalicas ciuitates, accepissent; viribus suis iam diffusi, ipsi quoq; ad regem oratores mittunt, qui Malmogiæ inchoatas pridem pacis rationes retractarent. Quos rex postquam, repetitâ toties rebellionē irritatus, vix admittere dignaretur; senatorum tandem intercessione & admissi, & auditi, etiam

etiam pacem ; quam petebant ; impetrarunt , eâ c13. 15.  
lege : ut intra vertentem annum ipsum in regnum xii.  
restituerent ; filiumve Christianum , cui pariter omnes  
sacramento dixerant ; patris loco pro gubernatore acci-  
perent : iusq; illi suum in Sueciam ilibatum conserva-  
rent. Aut , si neutrum ex his vellent tredecim marca-  
rum Holmensium millia quotannis soluerent , seu Ioanni ,  
sive filio Christiano : si defuncto eum patri superesse  
eveniret. Hunc in modum etiam eum Suecis tandem  
pax sancita : quam perfidiâ vſitatâ , paullo post  
defuncto rege , denuò quoq; violarunt. Rex , con-  
fecto bello Suecico , & Vandalico ; ac , firmatâ vbiq;  
pace , regno penitus tranquillo ; animus ad pietatis  
opera advertere cœpit. Ac , legato Romam missô  
ad pontificem Ioanne Wolfio , viro sibi ab epistolis ,  
præposituram Othoniensem , quam episcopus eius  
urbis suam fecerat , regiæ iurisdictioni vindicavit ,  
& Andreæ Globo dedit. Franciscanis tria monaste-  
ria struxit : vnum Coagij , alterum Malmogiæ ,  
tertium Halmstadij. Tum enixè item egit per le-  
gatos ad pontificem Romanum , ut initiatus sa-  
cris Christianorum princeps Russiæ in Ecclesiam  
admitteretur , quanquam , morte impeditus , non  
peregīt. Rectam à patre Academiam Hafnien-  
sem variè auxit , ornauitq; , & Stipendia profes-  
sorū luculentiora fecit ; longâ experiētiâ doc-  
tus , in bellorum , ac negotiorum , mole , deesse sibi  
idoneos viros , quibus in legationibus , & negotiis  
regni aliis , vteretur : eosq; deinceps inde legere  
con-

inquit, *regem regum, dominumq; dominantium ! meritò* c15. 15.  
*eum supra omnes potestates, quæ in terris, veneremur :* XIII.  
*qui non ullo telo bellico, machinâve, sed hoc vno elemen-*  
*to, nos inuitos oppido hoc clausos tenet. Igitur, quas*  
*hostibus nostris nunquam dedimus, nunc altissimo, cuius*  
*terrâ, atq; mari, infinita est potentia, vltro victi ma-*  
*nus demus. Huic sit laus, honos, gloria, vsq; in infinita se-*  
*cula. Quibus verbis summam in Deum pietatem*  
*non obscurè testabatur. Subsidente inde aquâ, Ole-*  
*burgum se recepit ; quò mox æger ad vicesimum*  
*quartum diem Ianuarij peruenit : quòd, prolapso*  
*in paludes Tarmicas equo, se nonnihil offendisset.*  
*Vbi dum è viâ fessus, & è casu item languens, se re-*  
*colligit, octauo ab aduentu die, morbo laborare cæ-*  
*pit. Qui cùm indies ingrauesceret, ipse sibi summum*  
*vitæ suæ tempus imminere prædicabat. Eâ re cùm v-*  
*niuersi, quibus salus regis curæ pariter ac regni erat,*  
*animis consternarentur, luctus ingens totâ vrbe ex-*  
*ortus fuit. Verum ille, nihil motus, summâ animi*  
*constantia, & in Deum pietate, ad excipiendam mor-*  
*tem se parabat. Dum versatur in agone, neque longè*  
*ab externâ metâ abest, filium suum Christianum ac-*  
*cerfiri ad se iubet ; ac, præsentibus è senatu regni*  
*pluribus, adhortatur : primùm, ut regnorum omni-*  
*um largitorem, ac conservatorem Deum, atque reges*  
*qualescung; in suâ potestate habentem, ante omnia vene-*  
*retur ; atq; ab eo sapientiam, & consilium, in admini-*  
*stratione regni petat. Deinde, uti regni ordines debito*  
*favore suo prosequatur : nulli per vim quicquam eripiat ;*  
T
sed,

c15. 15. *sed, legitimè regnum exercens, ius ex aquo locupletibus,*  
 XIII. *ac pauperibus, semper dicat. Tum, quos in honore habeat,*  
*homines indigenas legat, non extraneos; nec, novos, sed*  
*prospicit vetusta: nec peregrinorum potiùs, quàm suo-*  
*rum, operà in pace, ac bello, domi, ac foris, vti velit.*  
*Quorum etiam summam fidem, & industriam singula-*  
*rem, aut obsequium, in administrando regno expertus*  
*esset, eos post excessum suum dignè habeat. Ita fore,*  
*ut ad eadem hac præstanda illos sibi quoque obstringat.*  
*Denique, felicem regni gubernationem optat: & su-*  
*preum vale dicit. Hæc cum filio locutus, lacry-*  
*mantibus, qui astabant, vniuersis, maximo cœlorum*  
*regi se commendans, inter horam nonam ac deci-*  
*mam vespertinam, decimo Calendas Martij diem,*  
*obiit; peste, ut nonnulli volunt: vel, ut alij quidam,*  
*febre. Corpus eius, in Fioniam deportatum, &*  
*Othoniæ sepultum est, in cœnobio Franciscano,*  
*quod nunc summum vrbis templum. Regnum tenuit*  
*annos duos & triginta; vixit quinquaginta octo. Im-*  
*minentem sibi mortem ipse sat præfagiebat; itaque*  
*anno ineunte, integrâ adhuc valetudine, Hafniæ te-*  
*stamentum fecit: ac, familiaribus suis multa legans,*  
*plura templis, ad colendum ritè Deum, consecrauit:*  
*pietatem excellentem, quam intento semper studio*  
*exercuerat, etiam supremo illo vitæ actu palàm fa-*  
*ciens. Signa quoque mortem eius præcesserunt.*  
*Condito testamento suo, postquam cum familiari-*  
*bus quodam die hilaritati indulgeret, inter pocu-*  
*la Calendarium è Germaniâ est allatum. In quo*  
 quando

quando referretur, eo anno quendam magni nominis principem moriturum, idq; fortè legeretur, siluisse aliquandiu illum ferunt: mox, silentio interrupto, cum interpellaret nemo, circumstantes percontatum; *ecquem illi ibi principem, cui mors prædiceretur, designatum existimarent?* cumq; omnes respondere cunctarentur, ipsum inde suggessisse; *Ego quidem me non designari puto: valeant somnia, & inepti illius hominis vaticinia: nos speramus vitam adhuc longiorem, summi Dei beneficio.* Alij, & in Christianum filium iocatum ferunt, ac dixisse; *etiam in iuniores principes mortem incurfare: nec atatis ullam rationem habere.* Quin & noctu canum in arce Hafniensi formidabiles latratus sunt auditi, sese quasi in prouocantes irritantium. Ac facelli, quod in arce foribus subinde noctu sponte suâ patefactis, vox audita lamentantis: tum insoliti strepitus alij, magno metu audientes perculere. Denique & sacræ vestes, in facelli summâ arâ, secus atque ædicius eas pridie strauerat, conuolutæ cernebantur. Erat princeps, plurium virtutum laude, maximis quibusq; regibus comparandus: ac, gestarum rerum gloriâ, paucis minor. Bellis, quanquam plura gessit, nusquam victus, si Dithmarsicum exceperis: in quo ducum potius culpam, quàm illius, reprehendas. Summa in verbis eius fides; &, ut ipse diligens promissi erat, ita grauius negligentibus succensebat: facilis tamen, & offensæ, ultra debellatum hostem, nunquam tenax.

clb. Is.  
xiii.

Vnde factum, ut totum eius regnum nihil aliud quam perpetua quasi quædam lucta fuerit cum perfidiâ & Stenonis, & Suantonis, sociorumq; , ac Lubecensium. Quibus, toties ignoscendo, animos, & vires, semper ad rebellionem nouam confirmabat: raro exemplo, nec principibus imitando. Nam in talibus, ut non licet bis peccare, ita neque bis ignoscere: & crudelis est in subditos, quisquis hosti, postea non nisi illorum sanguine rursum coercendo, gratiam delicti eiusdem iterum facit. Sed in eo etiam in regnandi legem deliquisse meritò iudicari potest, quod subactis à se Suecis, contra pacta, Danos suos, ac Germanos, peregrinos, potius præficiendos, quam indigenas Suecos, duxerit: nec eorum in dominatu non ferendam impotentiam tempestiuè compescuerit. Nam gens quæque paullo erectioris animi eo planè est ingenio, ut imperiis suorum non grauaturè morem gerat, externorum irritetur: & cum se de fide eorum dubitare ostendit princeps, eam facile per occasionem exuat. Adde, quod, præfecti externi dum plerunque, debellatis pro libidine dominantes, fas ac nefas iuxta æstimant, pristinam virtutem victi reuocare, & excutere nullo modo tolerandum viris iugum, tandem audeant. Itaque id curare sedulò princeps debet, qui subiectos armis populos retinere in constanti obsequio volet; ut præfectos aut indigenas illis ponat, quorum fidem sibi exploratam habeat; aut suorum dominatum sic coerceat, ut, imperium  
iuxta

iuxta leges exercentes, asperatos clade suâ illorum animos, blandè ac comiter habendo, mox demulceat. Ita demum est futurum, vt eorum voluntates in perpetuum suâ sit in potestate habiturus. Grauitate tantâ erat, vti, dignam magno rege maiestatem præ se ferens, omnibus se venerandum exhiberet: quam vicissim eâ quoq; humanitate temperabat, vt amorem omnium in se subditorum provocaret. Legatos regum principumq; externorum excipiebat honorificè, & expediebat citò; ne, diutiùs commorantes, statum regni explorarent: sæpe dicens, minimè expedire regi, vt legati externorum regni sui arcana discant. Et fauorem subditorum tantum sibi comparauerat, vt, quod cupere se ostenderet, summo omnium consensu consecutus semper fuerit. In delictis puniendis vt seuerus, cum res posceret, ita mirâ comitate animos deliniebat, vt ob istud nemo ab eo tamen alienus esset. Iudicio sic exercebat, vti, cum deliberatio de grauissimis regni rebus haberetur, ad consilia sese eius, velut multò potiora, alij accommodarent. Ac, tametsi à naturâ ita comparatus esset, vt, quid in re quaq; facto opus foret, ipse satis iudicaret; nihilominus, in momenti magni rebus, & sententiam senatorum studiosè perquirebat, & libenter audiebat. Pietatem magnâ curâ semper coluit; Deum assidue veneratus, vti sapientiam sibi, in administrandis regnis necessariam, largiretur: & consilia quoque sua in salutem subditorum fortunaret.

clb. Ib.

XIII.

Quin subinde in colloquio testabatur; non humanâ sapientiâ regna vlla gubernari rectè posse, nisi Deus conservare ea vellet: tum &, frustra regem esse, quamlibet præsidio humano vndecunque instructissimum, ni consilia eius cuncta, & actiones, Deus regat. Atque hanc regis pietatem multis sanè Deus donis cumulavit: omnes eius actiones, & consilia, prospero successu beans. Insuper, quàm diu ipse regnum tenuit, si principium exceperis, tanta frugum, item rerum aliarum necessariarum omnium, copia fuit, vt omninò nil deesset. Quin, Vandalici belli tempore, cum, edicto promulgato, vetitum esset, ne Lubecam commeatum, aut frumentum, quisquam vllum deportaret; plurimis id conquerentibus, ni edictum tolleretur, fore, vt frumenti multum, & commeatus omnis generis, toto regno inutiliter periret; aris autem, ac rerum necessariarum plurimarum, quibus tamen minimè carere possent, si imposita sibi à rege belli onera ferre debeant, magna porrò inopia esset: perbenignè respondere, ac iubere; vt frumentum, & præterea si venale quid haberent, arcibus suis inferrent: pretiumq; apud scribas præsens accepturos esse. Statuerat quidem initio regni, vt nonnulli arbitrantur, paulò grauius clerum premere; non tam suâ inclinatione animi, quàm instinctu aliorum, quibus ille odio erat: verùm, fraude deprehensâ, quod non tam vtilitatis publicæ causâ, quàm priuato suo affectu, quidam ipsi id persuasum voluissent, & sententiam



tentiam mutauit, & humanitate summâ porrò cum  
est complexus. Staturâ erat mediocri, & quadratâ;  
pectore lato, & nonnihil prominente: facie rotundâ,  
ac decentibus item oculis peruenistâ: corpore benè  
compacto, & succulento. Luxum vestium adeò fasti-  
diebat, vt discernere à ministris aulæ suæ vix inter-  
dum quisquam posset: cibo, & potu, frugalis, ad ex-  
emplum antiquorum. Verùm, vbi apparatus, ac  
splendorem, rege dignum, tempus posceret, nulli  
quicquam concedebat: idq; non ad voluptatem, sed  
in amicorum gratiam, facere se aliquando prædica-  
bat. Veste aureâ talari, & hâc cingulo constrictâ, gla-  
dioq; , quem antiquitus vsitatum Dani chordam ap-  
pellare consueuerunt, utebatur: adeò morum pa-  
triæ amans, vt, quantumuis multò exquisitiore ar-  
morum genere vti posset, tamen, ne quis patriam se  
aspernari existimaret, patrio, quàm peregrino, vti  
mallet. In conuiujs, cum bibisset paullo largiùs, pla-  
nè frontem exporrigebat: musicamq; , quâ delecta-  
batur plurimùm, adhibebat. Liberos è Christinâ con-  
iuge, Saxonis Ernesti filiâ, tres suscepit: mares duos,  
Christianum, eius nominis secundum, successorem,  
sed mox regno ob tyrannidem deiectum; & Francis-  
cum, principem egregiæ spei, sed in ipso quasi flore  
Hafniæ peste interceptum, anno ætatis decimo  
quarto: filiamq; Elizabetham, Ioachimo, marchioni  
Brandeburgico, elocatam. Quæ, religionis causâ,  
quam mutauerat, suasu Christiani fratris, qui subin-  
de regno exutus eam viseret, cum, deserto matrimo-  
nio

c. l. l.

XIII.

nio, in Saxoniam profugisset, à Ioanne Friderico perhumaniter excepta, fratre nihilo per id tempus fortunatior, aliquandiu exulauit: donec tandem, post mariti sui mortem, filius eam reuocaret: apud quem, dotalibus acceptis bonis, porrò placidè consenuit, obiitq;.



IOANNIS



IOANNIS MEYRSI

# HISTORIÆ DANICÆ

Liber III.

Qui complectitur regnum  
CHRISTIANI II.

**P**ost Ioannis patris mortem, Christianus, eius nominis secundus, regnum accepit. Qui in ipso statim initio primam illam curam habuit, uti sese contra hostem quemquē externum confirmaret. Etenim credebatur Suecos, repetitā toties rebellione in parentem infideles, neque sibi fidem fore: aut in pace, & obsequio, permanfuros. Insuper Vandalicarum ciuitatum, & imprimis Lubecensium, planē ambiguum fidem esse: nuperā conciliatione quidem partam potius, quā obstructam. Itaque, cum reges Galliarum, Angliarum, Scotiarum foederatos sibi haberet; Fridericum, & Ioan-

Z nem

*cl. l. l.*  
*xiii.*

clj. lō.  
xiii.

nem, Saxones, auunculos: tum Sororium, Ioachimū Brandenburgicū: Maximilianum quoq; Imperatorem, & per hunc Austriacam domū vniuersā, matrimonio contrahendo deuincire animū induxit. Erat huic ex Philippo filio neptis, Isabella: cuius fratres, Carolus, & Ferdinandus, auo postea in Imperio suo ordine successerunt. Eam sibi cū vxorem petiisset, sine negotio, vt mox dicam, impertravit. Atq; ita, raro sanè summi Dei beneficio, illud consecutus fuit, vt potentiā reges Daniæ vniuersos, quotquot vnquam ante ipsum existissent, superaret. Daniam, Sueciam, ac Noruegiam, à parente suo acceperat; Gallia, Anglia, Scotia, fœdere: Hispania, Hungaria, & Bohemia, atque Imperium adeò totum, Belgiumq; affinitate obstringebatur. Tria regna possidebat; sex obnoxia sibi habebat, fœdere, aut matrimonio. Quibus addē, cū Germaniam, tum in eā separatim Marchionatum Brandenburgicū, & Saxoniam: adde Belgij ditiones, decem, & septem. Tanto tamen de fastigio deturbatus, nec restitui tot potentium amicorum ope quitus, actis miserè in exilio annis nouem, septem ac viginti in carcere, in quo tandem quoque obiit, reges, principesq; omnes, sat exemplo suo docuit, modum affectibus imperare: & cauere, ne, præcipientes dominandi, in transuersum rapiantur. Quippe Deus ita regna ordinauit, vt, obsequij fideiq; quantum à subditis reges poscant, tantum quoq; æquitatis, & amoris, illis debeant; nec  
mi-

minorem sibi quoque rationem iuramenti, quo se illis obligarunt, habendam esse arbitrentur. Tum ostendit, se periuria semper quidem seuerissime vindicare; sed potissimum in iis, quos, ad summum dignitatis gradum euectos, in hac terrâ quasi Deos esse voluit. Dolendum verò maximopere, Christianum, nec recentia morientis patris monita, tam præclara, animo repræsentasse: nec, exemplis tot illius incitatum, sibi etiam in virtutem incumbendum existimasse. Sed nimirum non virtutes, vti regna; ad hæredes transmittuntur: ac frequenter vsu venit; vt heroum præstantissimorum filij, à parentum moribus degenerantes, noxæ fiant. Sed nunc regnum eius nobis proponamus. Cùm affinitatem Austriacam maximum fortunæ suæ munimentum, vti erat, reputaret; atque eam toto animo agitarer: quo facilius obtineret, id curandum sibi inprimis ratus fuit, vt, electus pridem princeps, etiam rex crearetur. Neq; sanè conqueuit, antequam id anno insequente fieret, exeunte, mense Maio, coram cunctis regni ordinibus, & legatis vicinarum ciuitatum. Rex creatus, statim habitu peregrino, & exiguo comitatu, Belgium petit: & in eo Margaretam, tunc prouincias pro nepote suo Carolo gubernantem, mox alloquitur: quam, quod antea de hac suâ voluntate missis literis certiore reddidisset, non difficilem est expertus. Atque illa cùm ad Carolum, fratrem amatæ Isabellæ, postea quintum

c13. 13.

XIII.

c13. 13.

XIV.

*cl. l.*  
*xiv.*

tum eius nominis Imperatorem, viam ei præparasset, ex Hollandiâ in Brabantiam iter capit: quò tunc Carolus vix è Flandriâ se receperat. Vbi simul ac Bruxellas, urbem ditionis principem, in quâ aula, aduenisset, & aduentus sui causam Carolo exposuisset, voto faciliè potitur, & in Daniam regreditur: atq; ibi, quæ ad nuptias necessaria, magno studio cuncta parat. Inter ista, ineunte anno

*cl. l.*  
*xv.*

proximo, III. Id. Ianuarij, ortus ingens terræ motus Daniam totam quàm grauissimè concussit. Mox tempestas infecuta ad diem IV. Id. Martij, adeò vehemens, vt pinnaculum summi templi Hafniensis in terram dejiceretur; arboresq; ædificia, & in proximo mari naues, maximè affligerentur: tum & hominum, pecudumq; magna strages ederetur. Rex, qui nuptias agitabat, ad arcessendam sponsam suam miserat Magnum Goiæum, equitem regni tribunum; & Ericum, Nidrosiensem in Noruegiâ archiepiscopum: ac magnates item alios. Qui cum domum iam redirent, ineunte mense Augusto, tanta iterum tempestas classem regiam infestauit, vt vix tandem portum ad Huidoram attingeret, vno ab Hafniâ milliari. Quam ob rem gauisus maximo-perè rex Christianus, cum nobilitatem regni iam tum Hafniam euocasset, illicò legit, qui aduenienti sponsæ honoris ergo obuiam irent. Erant viri, foeminaq; illi equis, hæ carpentis vehebantur: vniuersi splendidissimo apparatu, qui diei tam illustri conueniret. Initio serenum valdè cælum erat, & latitiam

tiam adiuuare videbatur : sed mox nubes condensata, obduxere ; & , in pluuiam vehementem dissoluta, publicam hilaritatem corruerunt : idq; factum nono Augusti. duodecimo, Isabella in maiore vrbis templo coronatur , & regina ab ordinibus vniuersis salutatur : nuptiæq; peraguntur, inter quas relatu illud non indignum, & futuri omen quoddam, memoratur. Multi principes, vt in talibus fieri amat, huc conuenerant ; & in illis Fridericus, dux Slesuici, ac Holsatiæ , Christiani sponsi patruus & mox etiam successor. Is adduxerat inter reliquum comitatum Reffentlovium , virum genere non obscuro, ac peritum iuris, & astrologiæ. Hic, cum fortè cum nobilitate ceterâ compotaret, & dux illac transiturus adueniret, verso ad Danos sermone, qui intererant ; *Surgite, ait, & futuro regi vestro obviam ite.* Illi dictum, tanquam hominis temulenti, magno risu excepere ; sed euentus velut à vaticinante id prolatum mox ostendit : cum, deiecto Christiano, aduocatus à senatu Fridericus, regnum accepit. Postquam celebratæ nuptiæ, vt regina Isabella, neque morum, neque linguæ, in terrâ peregrinâ gnara, alios quoque gentis suæ præter comitatum haberet ; quorum ipsa ministerio, operaq; vti posset : litteras ad Margaretam, amitam in Belgium dedit Christianus ; quibus peteret, homines idoneos sibi ad colendos hortos mitti, quo culinam instructiorem, & palato nouæ nuptæ magis commodam, porrò haberet. Quos cum illa submisisset, rex Ama-

c. 15. l. 5.  
xv.

griam, insulam vicinam Hafniæ, iis habitandam dedit: & nunc quoq; illorum posteri pagum in eâ, vulgò Hollandorum dictum, totum occupant. Quâ re cum maiorem in modum non duntaxat arci suæ, sed & vrbi, necessaria procurasset; vt de toto etiam regno benè porro mereretur, emporium Hafniæ celeberrimum instituere animum induxit. Cuius rei cum permultæ, & hæ graues, illi rationes essent, hæc potissimum mouebatur. incolarum assidua querela erat; merce sibi ad emporia peregrina, cum non leui sæpe damno, deuchendas: quò cum etiam Deo iter fortunante, sat feliciter peruenissent, non licere pretium rebus suo arbitrio constituere: verum potestatem illam vendicare magistratus, aut commerciorum præsides. Qui cum ferè mercaturam ipsi exerceant, pro libidine dominantur: & inuitis rerum dominis, eas existiment. Vnde accidat sæpenumero, vt, quæ vitæ merciumq; cum discrimine, & impensâ non exiguâ exportassent, foris vilius, quàm domi, venum dare compellantur. Præter ista, nec expositas semel merces, si quandoq; infra pretium censeantur, rursus exportari posse, vt maiore domini emolumento alibi ea distrahantur: sed in ciuium tabulata, magno semper conducenda, in aliud tempus, dum inter eâ pretium crescat, deportari oportere. Accedebat, quod frumenti, ac butyri, pisciumq;, & aliarum item rerum, tanta regno copia exportaretur, vt non solum summa earum caritas, esset, sed tenuiores quoq; regni incola fame interdum grauiter affligerentur. His incommodis, aliisq;, vt occurreret Christianus, consilium de constituendo emporio capit. Quam ob rem cum postea



postea exulem inter cetera Lubecenses apud Carolum V. Cæsarem, aliosq; Imperij principes, accusarent, nihil aliud respondit, quàm, *se sic existimasse; licuisse sibi commoda subditorum promouere, quanquam nullâ eius facti à Lubecensibus impetratâ prius veniâ: nec iudicium Imperatoris, aut Imperij ceterorum item principum, detrectare.* Itaq; propositum vrget; & edicto promulgato ~~regni~~ *regni* vniuersi incolas res venales qualescunq; Hafniam deferre iubet. Qui non pareat, aliq; se recipiat, eum bonis venum allatis, capiteq; luiturum. se emporio viros quosdam præfecturum, ac depositurum esse aureorum aliquot centena millia: tum ex cunctis regni sui ciuitatibus locupletiores quosq; mercatores translaturum, & iisdem priuilegia concessurum: neq; omisurum quicquam, quod in rem commerciorum vnquam fore videretur. Sed hoc eius institutum, vti subditis admodum acceptum fuit, sic Vandalicas ciuitates, quarum illud summum detrimentum erat, vehementer perturbauit. Itaq; quantâ possunt curâ, illud agunt, vt, si minimè dimouere à proposito regem possint, saltem, ne effectum daret, quauis ratione impediaht. Nec res ea illum latuit: sed, potentiâ suâ fretus, insuper conatum habuit. Inter hæc legatus à Leone X. summo Romæ tunc pontifice, venit, Angelus Arcemboldus, populo venales indulgentias ferens. Qui cum mox in Sueciam quoq; cogitaret, Christianus, hominem seorsum vocans, rogat, vt Stenonis sibi, Sueciæ gubernatoris, quam nunc petat, animum conciliaret: ac de iure regni litem, inter se & ipsum abortam, vt componeret. Tum declarat, quos amicos illic habeat: quorum operâ, aut consilio, tuto

fatis

*clb. lb.* satis uti possit: orat verò, ne hos prodat. Pollicetur  
*xv.* Arcemboldus curam omnem, & silentium, sed non  
 præstat. Nam in Sueciam cum venisset, ad colloqui-  
 um Stenonis, verba ei Christiani cuncta refert: si-  
 mul & amicos edit, quorum nomina occultari serio  
 ille postulauerat. Quâ futilitate hominis, ita frigi-  
 dam suffudentis, cum pararium amicitia se futu-  
 rum promississet, multa post id tempus mala regno v-  
 triq; euenere. Quippe Steno, qui amicis tot sub-  
 nixum Christianum agrè ferret, in primarium regni  
 antistitem, Gustauum Trollium, aliosq; arcanâ ami-  
 citiâ iunctos, odium sumens, quiescendum non pu-  
 tauit, antequam eos aut è Sueciâ remoueret, aut  
 euerteret. Resq; hæc Stenonem inde, & Gustauum,  
 ac magnates regni alios, qui in regem Christianum  
*clb. lb.* propendebant, sanè grauitè commisit. In sequenti  
*xvi.* verò anno Ioannes Foburgius, scriba regius prima-  
 rius, peculatus, criminumq; item aliorum reus, ac-  
 cusante Torberno Oxio, arcis Hafniensis præside, la-  
 queo punitus fuit. Hic, cum regi aliquandiu ope-  
 ram suam & industriam, approbasset, ita se in gratiam  
 insinuauit, ut rex quiduis postulanti largiretur. Et,  
 quemadmodum euenire ferè solet, ut, fortuna quos  
 ex humili obscuroq; loco eductos in excelsa collo-  
 cavit, ij vix consistere possint; animoq; efferantur, ut  
 ruinâ grauiore mox præcipites deturbentur: ita ille,  
 insolens felicitate, se efferre; cæteros autem, cuius-  
 cunq; demum ordinis, atq; loci, aspernari: insuper  
 nonnullis etiam insultare. In his & Torberno Oxio,  
 arcis,

arcis, ut iam dixi, præfidi, viro inter primos regni: quem familiaritatis indecoræ, cum Columbulâ, Christiani concubinâ, usurpatæ accusatum, in suspicionem primò, & malam Christiani gratiam, dein exitium quoque adduxit. Ipse tamen, vindicante improbitatem eius Deo, Oxio, quem apud regem accusauerat, regis iussu procurante, morte ignominiosâ prior periit. Etenim benignum semper in se regem cum videret, & annuere quibuscumque postulatis; ipsâ eius liberalitate accensus, noua indies poscebat. Quâ re illud tandem effecit, ut tædere inexplēbitis auaritiæ illum cæperit. Inter ista, cum canonicus Roschildensis moreretur, atque ille beneficium hoc concedi sibi peteret, annuit rex, ut solebat; & Roschildiam, quò tendebat, porrò in Cimbriam profecturus, sequi iubet: ibi isthòc, quod petebat, accepturum. Inter viam rex cupiditatem eius inexplēbilem secum reputans, auersari hominem cæpit; tum & odio habere, quod & ipse cum Columbulâ clam consuescere dicebatur: Denique, hâc re potissimum animum exasperante, etiam è medio sublatum cupere. Nam, ut faciliè quem amabat Christianus, & amatum ad honores evehebat; ita offensâ, quamvis parvâ, irritatus, faciliè deiciebat: in amore, odioque, iuxta leuis. Itaque Roschildiam cum aduenisset, scribit Oxio, *ut inquireret in Foburgij, simulatque rediisset, rationes; & in eum, si fortasse non constarent, iure ageret*: literasque has Foburgio ipsi deferendas tradit. Qui cum illas tradidisset, illicò Torbernus eum rationes exhibere suas iubet: ac,

Aa

cum

clō Io.  
xvi.

cūm perturbatæ essent, primò carceri addicit, inde in crucem etiā rapit. Eius rei postquam fama dimanauit, multi collaudare pœnam, velut dignam fastu hominis, non vlteriùs tolerando: multi verò, seu præproperam, ac præcipitatam odio, sugillare. sed hic rumor, Hafniam reuerso rege, conqueuit: donec postea, cūm Columbula repentinâ admodum morte decessisset, iterum excitari capit. Ea mulier, natione Hollanda erat; ac parente suo orba, in Noruegiam, & emporium eius Bergam, pridem venerat, vnâ cum Sigbrittâ matre: quæ, annonâ ibi multò viliorē, huc concesserat, vt facilius tolerare vitam posset. Vbi cūm fixisset sedem, & bellariis, aliisq; istiusmodi, diuendendis aliquamdiu ægrè se sustinuisset, imprudenti commendatione, Erici Walckendorffij, cancellarij, quanquam postea pœnitentis, & mutare cupientis, adamata à Christiano, tunc Noruegiam nomine Ioannis patris gubernante, & in lectum est abducta. Quo cūm postea nihilominus, quanquam ductâ in vxorem Isabel-lâ, tam illustris loci famina, potiretur; idque ad ipsius regis, ac reginæ, & totius adeò regni ignominiam pertinere censeretur, suâ morte, an veneno, è medio sublata fuit. ea res, vt dicere cæperam, consopitos iam sermones, qui de pœnâ scribæ vulgò paullo ante ferebantur, denuò resuscitauit. Quippe passim innotuerat, constitutum à senatu, vt amoliretur probum, regis illam consuetudine in futurum submouere. Nec ferendum enim

esse,

esse, vti foemina peregrina, quæque inops ex Hol-  
landiâ, victus quæritandi causâ, in Noruagiam  
aduenisset, Isabellæ, è familiâ totâ Europâ illus-  
trissimâ oriundæ, formâ quoque, & virtutibus, ex-  
cellenti, æquaretur: si non etiam præferretur. In-  
ter hæc Torbernus Oxius apud regem in suspicio-  
nem venit, ceu venenum procurasset; quod Co-  
lumbula, cum accepta eius dono cerasa quædam  
præmatura comedisset, paullo pòst extincta esset.  
Atque ita vulgò sanè credebatur. Cuius facti post-  
quam sese excusasset, Christianus alio die, quò ma-  
tronas, virginesq;, è nobilitate plurimas inuitaue-  
rat, procedente inter pocula choreasque hilarita-  
te, se conuertens ad Torbernum, fictâ humanita-  
te quærit; *ecquid, ut detulerat scriba, iam suspensus,*  
*cum Columbulâ consuetudinem affectasset? fateretur si-*  
*ne verborum inuolucro, aut ambagibus, veritatem:*  
*quam cur adeò in hoc casu scire cuperet, multas sibi*  
*causas esse.* Aderant multi è primatibus regni viris,  
qui Torbernum nutu, ac signis, admonere, *ut per-*  
*penderet accuratè, quidnam regi, iram callidè per*  
*blanditias occultanti, responderet.* ille, seu non a-  
nimaduverteret, animi simplicitate; seu contem-  
neret, conscientix fiduciâ, neque offensum à se re-  
gem vllò modo arbitratus; rei innoxius, candidè  
inclinationem mentis suæ proficitur: &, *optasse*  
*quidem, eius aliquando copiam sibi dari posse, verùm*  
*nunquam attigisse.* Quod responsum altè adeò  
regis animum penetrauit, ut & mox sermo-

clp. 12.  
xv.

nem abrumperet, atq; vultum immutaret. Hoc, qui aderant, postquam animaduertissent; quidam eorum, qui Torberno hanc ingenuam libertatem exitió futuram esse præuideret, insufurrat illi in aurem: *ista adeò inconsiderata verba non te ego protulisse, verum malum quendam genium, vita tua insidiantem, planè puto. Multò rectius tacuisses: idq; amici tui omnes optaremus.* Rex, dimisso post sermonem hunc Torberno, plenus indignationis recipit se in conclaue, & extrema quæque agitatur. Hinc palatij præfectum, Magnum Goixum, apprehendere eum iubet: & in carcerem abducere. Quo peracto, nil cunctatus, causam ad senatum deferit. Cumq; is pronuntiaret; *noxam sibi non videri, neq; ullam cogitationi pœnam legibus statutam esse; multò grauius excandescens, quod si, inquit, in senatu tot amicos habuisssem, quot Torbernus consanguineos, aliter pronuntiatum sine dubio fuisset: verum, quando illic mihi ius negatum alibi experiendum est.* Postquam itaq; Solbergâ, Hafniæ vicino pago, rusticos aliquot euocasset, proiectis ante arcis portam quatuor in terram lanceis, ad quadrangularem formam, hanc intrare per præfectum illos iubet: & sententiam in Torbernum; antequam discedant, ferre. Qui, seueritate regis pauesfacti, postquam crimen ex præcone accepissent: *Nos quidem Torbernum, aiunt, nullo modo indicamus: sed operibus ipse suis condemnatur.* Quâ sententiâ sic prolata, de supplicio ipse secum protinus deliberare. Idq; ut amicis gnarum, conuenire etiam ipsi: ac, quid fac-

to

to opuseffet, inter sese consultare. placuitq;, uti supplices intercederent, quotquot in utroque sexu toto regno dignitate, gratiaq;, antecellerent. Itaq; in vnum omnes coire; viri, fœminæ, summæ regno vniuerso dignitatis, ac prosapiæ: senatores, & qui extra eum ordinem generis prærogatiuâ, gratiâ, auctoritate eminentes, aliquid apud regem possent. Inter viros, primus erat Arcemboldus, pontificius legatus, tunc è Sueciâ reuersus; cuius maximè rationem, propter cultum, & obseruantiam, debitam Romanæ sedi, ac pontifici, cuius ille tum personam sustinebat, habiturus putabatur: fœminis, regina ipsa Isabella, cuius gratiæ nihil esse negaturus videretur, ducem vtrò se præbebat. Omnes eunt, preces suas coniuncturi; & ad pedes Christiani se prosternunt: supplicantq;, ut Torberno gratiam delicti faciat, quod imprudens admisisset. Addunt fœminæ, pro infirmitate sexus, lacrymas, & eiulatus. Sed immitis animi regem, odiiq; pertinacem, nihil preces lacrymæve, tot illustrium aut virorum, aut mulierum, commouere: nihil gratia prouolutæ ante pedes Isabellæ, nil legati pontificij reuerentia, valere. Moriendum erat misero; nec placari ira regis, nisi eius morte, poterat. itaque optatæ tantum voluptatis, nec perceptæ, imprudentem nimium confessionem capite luit. Certè minimè Torberni factum excusari potest; qui, Forburgio iratus, quod se pridem apud regem clandestinæ cum Columbulâ consuetudinis detulisset, odium suum iuris specie vindicauerat: tum Columbulam

clj. l3.  
xvi.

quoque ipsam veneno sustulerat. Ac, probatio quam deerat, tamen facinus euidenter apparebat. Itaque Deus iustus semper rerum humanarum iudex, & quem nil omninò latet, efferauit mentem regis, vt inuaderet innocentem; & iudicium suum quamuis inscius exsequeretur: pœnâ eâ extra culpam summâ cum iniquitate infligendâ. Sed diuinæ prouidentiae vſitatum, vt in hominum iniustitiâ suum sæpe ius exerceat, & honorem in opprobrio alieno tueatur. Ea res, vſ solent homines, primâ causâ præterhabitâ, in secundam intueri, mouit vehementer omnes, & imprimis regni proceres: qui, abruptum hunc rigorem indignati, etiâ sibi, vel leuissimam ob offensam, extrema quæq; metuenda deinceps esse existimabant. Ergo odia concipiunt: quæ deinde, ipso etiâ magis illa prouocante, tandem in exitium eius erupere. Hæc cum quidam indicassent, metuens seditionem, operam putauit dandam, vt conatum in principio coerceret: &, innoxium quem censebant, iure interfectum ostenderet. Quod dum agit, fortè, qui in muro arcis Hafniensis excubabant, eminus supra suspensi ante annum scribæ caput clarum lumen conspiciantur: quod postridè postquam illi divulgassent, mox ad regis aures venit. isq; statim vigiles, ad se vocatos, rogat, an, quæ visa ipsis narrarentur, vera essent: atq; illis affirmantibus, mandat, si id nocte proxima rursum videant, euestigio ad se nuntient, vt & ipse conspicietur. obseruabant, quantâ possent diligentia; cumq; iterum lumen solitum



tum appareret, regi, vti iussi, referunt. ille surgit, aspicitq; & aspectum, in honorem scribæ vertit: atq; sic interpretatur, ceu Torbernus innocentem suo odio in supplicium rapuisset. itaq; vt se imminem huius culpæ testaretur, è patibulo deductum, honorificè, ac solenni comitatu, introduci in vrbem iubet, & in arêâ summi templi sepeliri. quâ re, in inuidiam Torberni factâ, odia, quæ eius pænâ prouocata exstincturum se sperauerat, magis etiam accendit, idq; ita animum ipsius perculit, vt seueritatis nimie serio tandem, quanquam serò, pœnituerit. Inter ista Caluum, episcopum Othoniensem, & eiusdem cancellarium, Ioannem Andream, in comitiis Hafnien-sibus comprehendit, & in carcerem duci iubet. & hic quidem in Erici Walckendorffij; tunc decani Hafniensis, ædes ductus, iusiurandum illi dedit, non se inde egressurum, antequam à rege gratiam discedendi impetrasset. Vbi postquam aliquot menses exegisset, ac rex sese in Fioniam, ad colloquium cum Christinâ matre habendum, contulisset; nonnulliq; apud eum intercederent, fidem suam desistendo, quandocunq; visum esset, obstringentes; libertati restitutus, & Othoniam regressus, diu illie post id tempus habitauit, nec citatus vnquam fuit. episcopus verò, variis carceribus diu quam arctissimè custoditus, ægrè tandem à Christophoro Oldenburgico, bello contra Danos moto liberatus, exceptusq; à Lubecensibus, qui Christophoro se coniunxerant, pulso è regno Christiano,

mor-

clb. Is.  
xvi.

mortuoq; successore Friderico, à Christiano, nominis illius tertio, numeri suo restituitur. Ac captiuitatis quidem causæ plures ferebantur: inter quas hæc eminebat. Bello contra Vandalos Lubecam missus, cum duobus è nobilitate Holfaticâ, ad constituendam pacem; Ioannem, Christiani patrem, in pecuniæ magnam summam obligauerat: ad iacturam, quam è nauibus mercibusq; interceptis passi erant Lubecenses, compensandam. Quæ cum non soluta esset, mortuo Ioanne rege, eam à filio Christiano Lubecenses per legatos exigebant. Hâc de re dum is consultat cum senatu, æ perquirat in archiuis acta patris, literæ reperiuntur, quibus episcopus testabatur; ita se cum ciuitatibus transegisse, vt illata vtrunque damna inter sese æquarentur. Has secutus Christianus, cum non potuisse obstringi patrem suum in tantam summam existimaret, iure agere cum eo animum induxit. Quâ de causâ cum episcopum Roschildensem, Lagonem Vrnium, arbitrum constituisset, atque is secundum ipsum iudicasset, comprehendi pariter cum cancellario illum iubet: ac seruari, dum promissam Lubecensibus æris summam exhiberet. Ad hoc istud accedebat; cum Othoniæ quidam ex ipsius aulâ cum Christianæ, matris regis, quæ hîc domicilium fixerat, aulicis quibusdam fortè compotarent, & oborta inter pocula rixa esset, aulæ Christianæ præfectum, virum nobilem Holfatum, è familiâ Porsfeldorum, occiderunt, quod cum de mandato eius factum esse crederetur,

ac

ac Christina istud sibi persuasisset ; illa, eadem indignata, filioq; regi quæsta, eum quoque incitauit, uti facti rationem postularet. Per id tempus Leo X. summus pontifex, Laurentio Puccio cardinali, turbidi ingenij viro, cui nimium tribuebat, impellente, missis passim diplomatibus, veniam cunctis peccatorum, atque vitam sempiternam, promittebat; posito pretio, pro delicti cuiuscunq; ratione: ideoq; in prouinciis cum quæstores, tum æraria, ordinauit. quin præcones etiam addidit, qui tam magni beneficij excellentiam apud populum prædicarent: ac, libellis promulgatis, eius rei efficaciam in maiorem modum extollerent. Idq; vbique nimium licentiosè, & potissimùm in Germaniâ, factitabant. Vbi, qui pecuniam illam Romæ à Leone redemerant, in popinis, ganeisq;, nullâ honesti reuerentiâ, tum in aleam, tum turpissimos quosq; vsus, potestatem profundebant. Quod cordatiores multi, & prudentis pietatis, cum indignum existimarent, in Saxoniâ Lutherus, monachus Augustinianus, ac sacrarum literarum in Academiâ Witebergenſi tunc professor, se opposuit; & præconum conciones refutare primùm aggressus, mox ut vanas, impiasq;, etiam damnat: ac pontificis potestatem, quam in diplomatibus illis ipse sibi vindicabat, dubiam facit. Eò deniq; procedit, ut doctrinam vniuersam, tanquam lapsu seculorum viciatam, ad examen reuocaret. Huius rei postquam fama in Daniâ allata esset, Christianus, missis in Saxo-

B b

niam

cl. Io.  
xvii.

niam literis ad avunculos, Fridericum, & Ioannem, eius regionis duces, virum aliquem eruditum, pi-um, ac grauem, mitti petit, quo in regnis quoque suis reformandis vteretur. Quâ re fecit, vt Isabellæ primùm vxori, pro depulso post id tempus supplicanti, absente in Hispaniâ Carolo, opem suam rex Bohemiæ, Ferdinandus; atque ipsi postea Carolus imperator denegaret: ac, quantumuis in comitiis Augustanis ad conciliandam sibi denuò vtriusque gratiam, iterum maiorum cultum amplexus esset, nihil adeò, præter classem, suis copiis instruendam, largiretur. irritatis contra illâ inconstantia ducibus Saxonix, avunculis, & principibus protestantibus vniuersis. Qui, cum antea, optimè in ipsum affecti, strenuò sanè adiuuissent, Cæsare, post concessam classem, ac Ferdinando, nihil vltra conferente, ipsi quoq; miserum destituerunt. Nec offensa foris tantum, sed & domi, ingens fuit: quiq; iam nobilitatem, ob Torbernum interfectum; item clerum, ob captiuum episcopum Othoniensem, vehementer irritasset; magis etiam ordinis eius vtriusq; animos in se concitauit: quod religionem auitam, ne consultis quidem ipsis, immutare statuisset. Itaq; inter se conspirant, & consultant; quomodo autprehendant eum, nihil tale cogitantem: aut profugere regno cogant. Quod postremum vt efficiant, passim spargunt aliquod S. Brigittæ vaticinium; quo perniciēs, aut exilium, Christiano prædicatur. Idq; ita explicabant plures alij; & in his Paulus Eliæ, Carmelita, ordi-  
nisq;

nisq; eius præses, in cœnobio Hafniensi, & Christophorus Raunsbergensis: viri cùm virtutis famâ, tum doctrinæ, illo tempore eminentes. Quos identidem illudendo interrogabat; *quando hac exilium suum prædixisset, an de reditu nil omninò somniasset?* illud porrò, ad fidem eleuandam, addens: *eam, quicquid noctu fortè somniasset, id in literas die postero, ne nil ageret, retulisse.* Quæ cùm ita gererentur, famâ fertur, in Gustauum regni Sueciæ archiepiscopum, Suecos concitatos esse, atq; insidias illi struere: quod is, fidei suæ memor, in electionem regis Christiani consensisset. Et hic monitus, quicquid ad obsidionem tolerandam necessarium, comparauerat, ac præsidio satis valido arcem Stegam communierat: aduocatis, quibus maximè confidebat: vt eorum forti operâ se tam diu tutaretur, dum auxilium Dani ferrent. Fam ob rem Christianus, vt amico, suâ causâ grauius periclitanti, præsto esset, ocyùs classem centum ac viginti nauium, ducibus Seuerino Norbio, Tilmanno Gysselio, & Andrea Moriano, in Sueciam mittit. Quæ cùm illuc prope Stegam appulisset, illicò expositus miles hostem quærit: proximosq; aliquot pagos, igne iniecito, populatur. Cumq; nemo se objiceret, ipsa obsidentium castra oppugnare visum fuit. Quod cùm Sueci cognouissent, nil cunctandum vltra rati, ab obsidione abeunt. Dani liberatâ Stegâ, mox recedunt, & Gustauum secum abducunt. Isq; Hafniæ liberalitate regis per biennium sustentatus, debellatâ post id Sueciâ, auctor fuit, vt

c15. 15.  
xvii.

c15. 15.  
xviii.

cl. d.  
xviii.

in victos, etsi contra datam fidem, tam crudeliter grassaretur. Quod indignum, maximè viro eius ordinis, atque loci. Sed nimirum ægrè, etiam qui se Deo consecrârunt, odia, & iras ponunt: ac faciliùs seculo renuntiatur, quàm affectibus. Sueci interim, postquam Dani recessissent, in ereptum iam Gustauum, quod contra senatum regni in Christianum inclinasset, vehementer invehuntur; & Stocholmi regni ordines vniuersi congregati mox edictum in eum condunt, quo & dignitatem eripiunt, & coniurant: *nunquam se, quam diu viuant, illam reddituros esse: quando ipse, & maiores quoque eius, saepe in Sueciam Danos hostes, cum ingenti regni damno, adduxissent. Id concessum tamen iri; si quid respondere cupiat, fide publicâ ut accedat, abeatq;.* Præter hæc, cum Stega arx, naturâ loci, opereq;, permunita, regni hostibus ad id tempus semper ferè aditum aperuisset uti solo aquaretur, nec deinceps iterum exstrueretur. Tum, si pontifex Romanus, siue eius successores, quicquam contra molirentur, omnes id coniunctis viribus quouis modo prohiberent: nec periculo vllò vitæ, aut fortunarum, unquam sese de proposito dimoueri paterentur. Deniq;, quodcunque crimen, siue illud læsæ ecclesiæ, siue maiestatis foret, siue exceptione vllâ omnibus commune fore. Hoc edictum maximæ calamitatis insecutæ causa fuit. Quippe cùm ad Christianum ea res allata esset, ille, oppidò lætatus, quod cum Suecis iure agendi occasionem nactus esset, dat consilium Gustauo; vti, misso Romam nuntio, de iniuriâ tam insigni apud papam

papam quereretur. Qui, cum illud accepisset, conuocato cardinalium senatu, & querelâ examinatâ, sententiam in hunc modum dicit. *Suecos, quando ab ecclesia vnione recessissent, & illatis summo regni præsuli armis, schismate se polluisent, pœna quoque, in schismaticos usitata, se obnoxios reddidisse: ideoq; gladio percutiendos, atque comburendos esse.* Hanc sententiam, vt quamprimùm exsequeretur, regi Christiano mandat: literasq; huius suæ voluntatis testes, mittit. Non multò post excepta è Sigbritæ ore verba vulgò ferebantur, illa admodum atrocia. Ea post Columbulæ mortem, filix suæ, de quâ paullò ante dixi, ita se in regis pariter ac reginæ gratiam insinuauit, vt consilia de grauissimis regni rebus rex cum hac communicaret, ac sententiam quoque eius ante senatorum poneret. Quâ elata beneuolentiâ, fœmina ambitiosa, eò tandem est progressa, vt in potestate suâ regem haberet; & negotia cuncta regni, quamuis maxima, sola gereret, nec omninò fieri quicquam pateretur, etsi decernente senatu, quod non ipsa ratum priùs habuisset. Tanta denique insolentia eius fuit, vti cuncta pro libidine agitarer; ac proceribus quoque regni quibuscunque, & ordinibus, insultaret: omnia hæc probante rege, aut ferente, & conniuyente. Isq; annus regiam vniuersam luctu, & terrore regnum impleuit. Nam, defuncto Maximiliano Cæsare, rex, & Isabella vxor, cuius ille auus erat, vestem pullam induerunt: & marina quædam bel-

cl. Is.  
xviii.

cl. Is.  
xix.

**cl. d.** lua, admirandæ magnitudinis, in Noruegiâ per id  
**xix.** ipsum tempus capta, dira quæuis portendebat. Ne-  
 que aliter homines cuncti boreales, longo usu ita  
 docti, rem hanc interpretabantur: & secutus proxi-  
 me annus, in quo motum à Christiano bellum Sue-  
 cicum, ac Stocholmi detestanda laniena instituta,  
 minimè vanum à portento metum ostendit. Rex,  
 abolitis antiquissimis laudatissimisque; pariter regni  
 sui institutis, noua planè, & inusitata hætenus, pro  
 arbitrio introduxit: nullo omnino senatorum con-  
 trà dicere quicquam auso. ac tributum primò an-  
 nonæ, inde mercibus, & venalibus rebus ceteris  
 quibuscunq; imperauit; ac constituit, qui per reg-  
 num vniuersum id exigerent: & exacti rationem  
 regio quæstori redderent. Tum præfectos extra or-  
 dinem, quos scultetos appellabat, oppidatim statue-  
 bat; ac patibulum, medio vbiq; foro: quo tributum  
 recusantes, & præfectos quoq; ipsos, si officio qui  
 deessent, ceterosq; item homines sceleratos, coer-  
 ceret. Et hæc cuncta de Sigbrittæ suæ suasu faciebat:  
 quæ, in belgio vsitata, in Daniam inuehere, in me-  
 moriam sui nominis, cupiebat. Hæc res, velut ad  
 malignos compescendos instituta, quanquam vti-  
 lis videretur: tamen, quia noua esset, nec in Daniâ  
 visa vnquam, vel audita, adeò grauiter, ob tributi  
 inusitatum exactionem, animos offendit populi,  
 hætenus in regem proni, vt ex æquo omnibus inui-  
 sus fieret. Neque ea res duntaxat hominum studia  
 auertebat; sed & plura alia erant, quæ Sigbrittâ inci-  
 tante,



tante, indies committebantur: atq; ex illis istud cer-  
 tē non indignum memoratu. Cū in Daniā, vti aliis  
 regionibus, ferē fieret, vt nobilium, ciuiumq; locu-  
 pletiorum, filij ideò scholas sectarentur, quo se illi  
 aulæ aptos, isti mercaturæ redderent, aut muneribus  
 melioribus, quibus ipsi obeundis quæstum ali-  
 quem facere possent; scholis verò, aut ecclesiis, ne-  
 mo animum applicaret: ne & hæ ministris suis tan-  
 dem destituerentur, vsu introductum fuerat, inde  
 à religionis Christianæ apud Danos inchoatæ pri-  
 mo tempore, vt tenuiorum filij, qui in ludum lite-  
 rarium, ad doctrinam libertatem capiendam, dati  
 essent, ad inopiam subleuandam, cibum sibi, resq;  
 alias necessarias, ostiatim corrogarent. illud verò  
 diligenter cauebatur, ne promiscuè qualescunque  
 admitterentur: sed examen præcedebat, & ingenij  
 exploratio. Quiq; sic magistro ludi industriam suam  
 approbasset, vt ecclesiæ aliquando, siue scholæ, ad-  
 iuuandæ spem ostenderet, illum demum, discipli-  
 nâ vberiore imbuendum, retinebant: cæteros à se,  
 ad discendam artem aliquam manuariam, aut rem  
 rusticam exercendam, ablegabant. Ac, dignosci vt  
 reliquâ mendicantium turbâ possent, utebantur to-  
 gâ talari, sic confectâ, vt, suspensâ ex sinistro tantum  
 humero, corpus universum tegeret; neque partem  
 eius vllam nudam sineret, dextero excepto bra-  
 chio: vt sic illâ quoque manu expeditâ stipem acci-  
 perent, & in manticam reponerent. Pileum rotun-  
 dum habebant, circumquaq; duplicatum; cuius  
 pars

clp. 15.

xix.

pars postica longior, corrugata, ac densata, in ceruicem propendebat. Duæ in utroque latere rugæ erant, cæteris magis conspicuæ; quæ significarent ipsis, gentem Danicam, postquam fidem Christianam amplexa esset, bis ad cultum idolorum recidisse: ideoquæ ad spectu harum assiduo commonerent, ut deinceps veram in Deum pietatem, ac doctrinam Christianam, quâ tunc animos præceptores tantâ curâ imbuebant, constantissimè tuerentur. Istos pueros, veste illâ, ex recepto dudum more, victum sibi ostiatim conquiritentes, cum Sigbritta nullo modo ferre posset, fures esse omnes clamat, & sub togis furta sua occultare: ac, nisi ocyùs ad aratra abigantur, fore, ut Hafnia uniuersa furibus mox compleatur. Neque priùs conquieuit, quàm edicto Christiani omnes illi, magno regni, & ecclesiæ, cui inferituri erant, detrimento, ac dedecore, pellerentur. Hæc, & alia istiusmodi, odium populi implacabile in Sigbrittam, concitârunt. Christianus, qui in Suecos graue bellum agitabat, subditis tributum imperat, quale nunquam ad id tempus ulli regum usitatum. iubet singulos omnium regnorum ordines decimam soluere; non duntaxat è redditibus, sed & cunctis facultatibus: tam indignè rigidâ exactione, uti nec quæ incubarent oua anseres, neque quas gestarent plumæ, censui eximerentur: quem & in argento puro uniuersum exhibere cogeantur. Ad episcopos verò regni blandè,

ac

ac demissè, scribit; *vti suos hortarentur, ne in præ-* c. 15. 15.  
*sens bellum in Suecos perduelles cogitantem destituerent,* XIX.  
*aut necessitati eius subuenire grauarietur.* Mittit & Ca-  
 sparum Brochmannum, qui tunc ab epistolis erat,  
 ac procancellarij mox munus gessit, vt rem eam,  
 quanto sanè posset studio, promoueret. Qui & il-  
 lud demum effecit, vt episcopi, quisq; in suâ diæ-  
 cesi, vti morem voluntati regis gererent, aliquoties  
 conuenirent, ac negotium disceptarent. sed consen-  
 su tamen vno responderunt; *nunquam à maioribus*  
*eius quicquam ab ipsis ex hereditate aut à postulatam; ve-*  
*rum tantum èreditibus, quibus beneficio illorum, gratiaq;*  
*fruebantur: id præstare, precibusq; pro felici belli euentu,*  
*ac salute domus regia, apud Deum intercedere, etiam nunc*  
*paratos esse. Orare verò quàm humillimè, vt ecclesiæ li-*  
*bertatem, à maioribus eius semper sartam teetam magnâ*  
*curâ conseruatam, ipse quoq; tueatur: neue grani ad eò one-*  
*re eam premat.* Annuir rex postulatis; & tributi gra-  
 uitatem vt minueret, condonato patrimonio, eâ  
 tantum, quæ ipsius beneficio possiderent, censui  
 subessè voluit: ac quæstoribus imperauit, ne quid  
 aliunde exigèrent. Postquam suis hoc tributum  
 indixisset, sociorum quoque auxilia aduocare vi-  
 sum fuit. Itaque legatos mittit ad Franciscum, Gal-  
 liæ regem, Georgium Schorbergium, Philippum  
 Rotomagum, & Antonium Moguntinum; qui, ne-  
 gotium demandatum felicissimè exsequuti, à Fran-  
 cisco quater mille auxiliares, & tormenta ænea qua-  
 tuor, impetrarunt. Expeditâ Gallicâ legatione, Mo-

clō. lo.  
xix.

guntinus, vt præceperat Christianus, in Hispaniam excurrere, ad affinem regem Carolum; vt solutionem dotis Isabellæ, quæ tercentum millium aureorum erat, procuraret: Scotbergio interim in Picardiâ eius redditum expectante. Cumq; mox reuertetur, ac negotium perfecisset, habito per Flandriam itinere, ambo Antuerpiam, celebre Brabantiaë emporium, petiere: vbi tertiam dotis partem magistratus soluturum se promisit. Quippe inter Christianum Carolumq; sic conuenerat, vti summa vniuersa tripartitò solueretur. Itaque trientem primum tunc Schotbergius secum attulit; alterum mox Ioannes Hofmannus, nauta regius: tertium Tilmannus Gisselius, maris præfectus. quam sint, qui de trientis vltimi solutione planè dubitent. Sub id tempus cum Birgerus, regni Daniæ archiepiscopus, diem suum obiisset, Georgius Schotbergius, qui præclarè obitâ legatione Christianum, antea quoque magnâ apud eum gratiâ, deuinxisset, ipso maximè annitente, surrogatur, Lundenses quidem de collegij sui cœtu Agonem elegerant, virum genere, ac virtute, pariter clarum; sed, Schotbergium postquàm rex ad dignitatem hanc promotum omninò vellet, eius sese voluntati, ipso quoque id Agone concedente, submisere. Decreuerat ordo ecclesiasticus, quod Birgerus, genere obscuro natus, ad hoc culmen ascendisset, ne deinceps ad episcopatum quisquam qualemcunque admitteretur, nisi quem prosapia  
item

item claritudo commendaret. Ac decreti quidem huius episcopis auctores erant quidam è primatibus regni; qui, quod sub Birgero acciderat, indignati, mores suos à plebeiis castigari, ne id liberis quoque suis, posterisq; eueniret, sese mutuò, & episcopos, loco nobili prognatos, instigabant, illud vti secum agerent, vt in posterum dignitatem episcopalem nobilitati vindicarent. Nec episcopi abnuebant; quippe qui, mutationes in ecclesiâ impendere certis signis præuidentes, aliquod sibi contra eas munimentum in re illâ positum existimarent. itaq; in hoc consensere; sed decretum, cum id temporis promulgare non consultum videretur, occulari in occasionem placuit. Schorbergius, summus regni præsul constitutus, Mathiam Marquardum, & Henricum item Langium, Romam mittit, confirmationem sibi à pontifice petituros. Quo sex aureorum millia postulante, nec legatis polliceri tantum ausis, ocyùs recurrere Langius, vt Schorbergio rem referret. Qui, negotio sine morâ expedito, cum redire hunciuberet, Magni quoq; Goyæi iussu, aulæ regiæ tunc præfecti; rum Henrici, abbatis Sorani; & Eschilli, antistitis Anderschouiensis; aliorumque, item regni senatorum, literas dat ad pontificem: quibus petit, vt diplomate pontificio minaretur Christiano, ni Sigbruttam, faminam impiam, & consilia eius cuncta peruertentem, cuius filiam diu antea, in contemptum coniugis sue Isabelle, femina multò illustrissima, magnâ cum offensâ Dei, omniumq; regni ordinum offendicu-

c15. 15.

xix.

lo, concubinam habuisset, remoueret, sacris sese ei interdixit esse. Langius, neglecto officio, literas eas, & mandatum, illicò Sigbrittæ prodit: quæ ad regem statim defert. isq; , vt consilium hoc senatus sui impediret, Romam Langium ablegat; comitemq; illi addit Theodorum, tonsorem suum, hominem summâ auaritiâ, ac libidine, & flagitiis deniq; pluribus coopertum: sed, quod instar omnium virtutum esset, à Sigbrittâ commendatum. Et, Schotbergij odio ardens, quem non tantum dignitate, nuper in eum collatâ, sed & vitâ, spoliatum cupiebat, addit literas ad pontificem, quibus petit; *vt depulso, quem euexerat pridem, Schotbergio, pallio archiepiscopali hunc legatum, Theodorum exornaret.* Idq; facile à pontifice, regem sibi deuincire cupiente, impetrauit. Simul & Marquardum reuocat, ac redire in regnum iubet. Schotbergius, per summam iniuriam sic deiectus, facile tamen à pontifice mox obtinuit, vt & sedes ipsi sua redderetur, &, redacto in ordinem tonsore illo, à Lubecensi ac Bremensi episcopis confirmaretur. Tum &, vt se contra iram, odiumq; Christiani communiret, literas commendatitias illi affert. Quibus motus, cum pontificis sibi gratiam eo tempore necessariam maximè existimaret, presso animi affectu, in speciem benignè excipit; & passurus etiam facile videbatur, vt capefferet destinatam dignitatem, si per alios licuisset. Sed complures è proceribus, atque hi propinqui Agonis, quem Lundenses sibi elegerant, hunc deiectum indignati, minis grauib; hominem deterruere; ita vt

re-

recurreret Romam, & suarum rerum statum ad pontificem referret: qui mox ipsum ad Coloniensem episcopum, ut vicariâ eius operâ vteretur, amandavit. Christianus, postquam insulam Bornholmum magno sibi ad bellum Suecicum, quod iam totus cogitabat, usus fore animadverteret; à Lundenſi archiepiscopo, ad quem ea pertinebat, sibi illam, saltem dum id bellum gereret, dari petit: sed, collegio recusante, cum primores ad se Hafniam euocasset, nihil doli suspicatos, comprehendit, & in voluntatem cogit. Nec Bornholmum tantum extorquet; sed Ahulam quoque urbem, in Scaniâ sitam: tum & plura alia, quæ possidebant. Inde Theodorum suum, de quo paulo ante dixi, illis præfulem constituit: quanquam istâ dignitate, malis artibus comparatâ, minimè diu fruiturum. Quippe qui non multo post, offenso rege, in crucem actus, & in ignem hinc abductus per ludibrium, vitam, quam probrosam egerat, cum infamiâ consummauit. Per id tempus, cum auxiliares copiæ, à Francisco Galliarum rege missæ, aduenissent; & in urbem, iam extraneo diuersarum nationum milite plenam, eas quoque Christianus admisisset; ortâ inter Scotorum ac Germanum lite, & conflictu, ut in tantâ, ac tam variâ, multitudine ferè solet, & vtrinq; totâ gente ad certamen concitatâ, ingens mox tumultus fuit. Quem cum rex, ex arce accurrens; coercere, cum periculo vitæ suæ, quanquam frustra, nisus esset; tandem, quodam, qui sub ipso eius equo latitantem aduersarium interfecerat, noctu ad sup-

c. 15. 15.

XIX.

plicium raptō, vix compescuit. Hanc gregariorum pugnam alij duo illustres viri excepere. Quorum vnus, Iuarus Lungius, gente Danus, ac prosapia nobilissimā; alter, Georgius Tegnagelius, è Germaniā oriundus; vterq; rei militaris laude excellens. Lungius complures annos sub Francisco, Galliæ rege, ac Burgundiæ duce Carolo, aliisq; illustrissimis principibus, militauerat; qui virtutem quoq; eius, atque fidem, aureis catenis singuli honorauerant: hasq; ipse, quoties in pompā regem comitaretur, equi sui collo appensas, velut fidei in tot principes monumenta, ostentabat. Isto nomine satis regi commendatus, vt præterea gratiam eius sibi obstringeret, armaturam, fabre factam, quā è Galliā secum attulerat, muneratur. Tegnagelius, qui stipendia item varia sub principibus multis fecerat, & militiæ clarum nomen comparauerat, cum moliri bellum in Suecos Christianum famā acceperat, ipse quoque Daniam petere, operamq; ad hanc expeditionem offerre, statuit. Ideoq; itidem egregiam quandam armaturam è Germaniā apportauit; regi illam, ad captandam eius gratiam, donaturus. Idquē fecit; & obtinuit commendatione suā, vt rex istam supra Lungij æstimaret. Iam vtrinque æmulatio quædam erat; cum & Lungius, hominem sibi peregrinum, si armorum laude æqualem, tamen non superiorem, anteponi, ægrè ferret: & indigenæ quantumuis Tegnagelius, cui parem sese crederet, nihil esse concedendum existimaret. Et

hæc



hæc res maiorem in modum animos exasperabat : multò magis , quod utrèque peditatus vniuersi præfecturam affectaret. Rex, dissidio intellecto, quemque, quæ donaret, arma induere iubet : atque, hastis concurrentes, experiri, vtra meliora essent : qui vicisset, illum sui peditatus ducem fore. Placuit conditio utriq; & concertant, die, ac loco, præstituto, in coronâ spectatorum frequentissimâ : cùm, impactâ in oculum hastâ, aduersarium Lungius sternit. Qui victoriæ tamen fructum, vitæ paullo post ereptus, non percepit. Dum in aulâ hæc geruntur, Lundenfis ac Roschildensis antistites, de pontificis mandato, in Stenonem, cæterosq; , qui Gustauum, regni Sueciæ archiepiscopum, expulissent, sententiam ferunt, & Gustauo satisfaciendum censent; tum & sacris, dum parent, interdicunt : insuper Christiano mandant, vt vindictam ferro, ac flammâ, persequatur : idq; ipsum sic pontificem statuisse. Christianus, qui iam in procinctu erat, magis etiam hac sententiâ incitatus, illicò coactas copias, sub ductore Othone Crumpenio, viro belli eccellente, trajicere, in Scaniam iubet. Addit classem, benè instructam, quæ finitimos Sueciæ portus occuparet : vt sic eos simul terrâ, ac mari, premeret. Imperat item Othoni, vbi fines Sueciæ ingressus foret, quocunque progrediretur, vti causas expeditionis suæ proclamaret : ac diplomâ pontificium, quo hæc regi mandaretur, ad templorum valuas figeret.

clb. lb.  
xix.

clb. lb.  
xx.

ret. ille imperata exsequi; &, impressione factâ in  
interiorem Sueciam, postquam latè omnia popu-  
latus esset, deficiente commeatu, neque hoste vs-  
quam in prælium prodeunte, domum copias re-  
duxit. Sed regressus, in eunte Februario anni proxi-  
mi, cum maiore multo exercitu, obuium Steno-  
nem habuit. qui, cùm eum viam introitu Sueciæ  
valdè arduam superasse, ac mouere in Oplandos  
cognouisset, Strangenesæ, militem expectaturus,  
paullùm stetit. Interimq; ad Gustauum, quem of-  
fenderat, ne is se cum hoste iungeret, vrbis præsu-  
lem Mathiam, Magnum Grenum, aliosq;, mittit  
ocyus, ad conciliandum sibi viri animum: quippe  
cuius in affectu maximum momentum patriæ si-  
tum esse, nullo modo ignorabat. Is tum Engelhol-  
mierat; vbi eum accedentes orauere, *ne consilia in  
Stenonem, patriamue, capere vellet: neu cum hoste se  
coniungeret.* Atq;, illo protestante, *nihil tale in mentem  
esse; caterùm indignè factum à Stenone, qui, discordiæ  
ipse auctor, neq; sanguinis, neq; patriæ, vllam planè ratio-  
nem habuisset:* illis verò culpam porro deprecanti-  
bus, tandem affirmat, *se iniuriam reip. condonare, neq;  
fidei, aut obsequio, defuturum.* Quo responso latus  
Steno, animoq; confirmatus, obuiam ire hosti sta-  
tuit; ac, cùm pridem peditatum præmisisset, ipse  
mox cum equitatu vniuerso iter init. Cumq; ad Bo-  
uensæ sinum peruenisset, valido ibi è concade-  
densâ arborum munimento excitato, intrâ quod  
consisteret pedes, etiam ipse illic sistit. Inde mittit  
gla-

glaciem exploraturos, an ferendo exercitui, prælioq; committendo, satis ea firma esset. quo comperto, decem millia rusticorum, quos ad limitem defendendum congregauerat, excubare ad concædem illam iubet; ipse in glaciem, ibi hostem obseruaturus, totum equitatum ducit. tum, propinquo vtrinq; exercitu, regiarum copiarum dux Crumpenius in aduersum equitatum explodere tormenta iubet; alteroq; statim ictu crure sauciatus Steno, ipse equusq; conciderunt: tertio disiecti omnes, fugam capiunt, ac Stenonem, quàm grauissimè vulneratum, secum abducunt. qui cùm ad Venerium lacum peruenisset, inter transeundum expirat. Crumpenius, Stenonis fugam expugnandi munimenti occasionem arbitratus, impetum in illud facit: sed, præsidio admodum strenuè repugnante, cum suorum magnâ clade retrò cedere est coactus. hinc Vallesius, Gallici peditatus ductor, postquam pugnam instaurasset, ac in munimentum ipse enisus esset, vt exemplo suos ad virtutem accenderet, cùm fortissimè dimicaret, æquè infelici euentu, vulnere letali accepto itidem repulsus fuit. quanquam neque sic cessatum; & idoneo magis loco, quando hinc non successisset, rursus oppugnare visum. itaq; captiuorum iudicio, ibi inuadunt, vbi assensus magis facilis: capiuntq;, & disjiciunt, vt introitum suis liberum aperirent. inde, profligato hoste, rectâ in Oplandos mouent, & Vpsaliam contendunt: ne, Stenone iam sublato consternatis, noui ad certamen

D d

loci,

clō lō.  
xx.

loci, aut consilij, capiendi, aut recolligendi sese, spatium darent. Quidam è fugâ Strengenesam se receperant, vt, consiliis cum Mathia episcopo communicatis, aut continuarent bellum, &, coactis rursus copiis, hosti occurrerent: aut conditione æquâ pacem peterent, & in eius potestatem sese traderent. Dum deliberant, Dani, sine vllâ morâ castra sua promouentes, porrò in Oplandos tendunt. quod cum Sueci acceperant, variis locis concurrentes, consultabant, quonam modo aditu hostem imminentem prohiberent. Sed consilia frustra erant, cum deesset, qui in hostem ipsos duceret. Conuenere, quidem rustici; sed, militiam detrectante equitatu, & in pugnam sine duce proditurum se negante, quanquam illis pro hæredibus Stenonis præliandum occlamantibus, irritus conatus fuit. Christina, vidua Stenonis, missis literis, à senatu regni petit; vt, indigenis conuocatis, ipsi quoq; arma sumerent. ac, cum ægrè cunctabundum impulisset, visum tandem vniuersas regni vires luerfundam conuocare, atque ibi hosti opponere. quo statuto, conuenire statim iussi, quotquot arma ferre possent, nullo ordinis discrimine, rustici, ciues, nobilesq; ac iam millia multa aderant; cum nonnulli è nobilibus, coram hostem conspicati, territiq; copiarum magnitudine, inter se vociferantur: se, sublato iam Stenone, scire velle, cuius causâ vitam porrò impensuri, aut quo duce vsuri essent. Quâ re consternatis cæteris, cum gubernatoris munus, isto quidem

dem rerum statu, nemo in se recipere veller, equitesq; iam paullatim se subducerent, trepidare, etiam peditatus cœpit. Quèm cùm fugam circumspicere reliquus equitatus cerneret, ipse quoque ocyus Strengenesam fugit: quo primates quidam regni, Temelfoo ab exercitu discedentes, se receperant, vti cum Mathia episcopo de re summâ consultarent. Itaque, dissipatis copiis, quæ, si hostem non omninò remouere, saltem remorari posse credebantur, nihil prius aut Mathiæ, reliquisve optimatibus, qui frequentes huc conuenerant, visum fuit, quàm vt pacem, aut inducias, quibuscunq; demum modis, impetrarent. Iam ad ipsam Strengenesam castra Dani fugientes insequuti, collocauerant: vt cognoscerent, prælium experiri, an deditionem potius facere vellent. Quâ de causâ dat Mathias ad Crumpenium ducem literas, indicatq; ; *esse sibi, que cum eo de constituendâ pace colloquatur: id cùm è re vtriusq; regni putet, vti locum non suspectum designaret, in quem conuenire possent. Nil se magis, procuresq; regni cæteros, exoptare, quàm, vt, sine ullâ cade, borealium regnorum pax antiqua, sapiusq; intercepta, semel tandem in perpetuum sarcitur. Ad has literas respondetur à Crumpenio; se annuere postulatis, & conuentum Vpsaliæ velle; quò venturis liberum comeatum fore: ac concedere undecim dierum tempus, quo itineri se pararent.* Quibus ita constitutis, statim procures toto regno euocantur, vt Vpsaliæ, nullâ morâ interpositâ, die præfinito adsint. Inter primos ade-

clb. lb.  
xx.

rat Mathias, præsul Strengenesius; & Gustauus, Sue-  
ciæ antistes summus: moxq; plures è senatu adue-  
nere. sed, priusquàm quicquam agerent, cum Stoc-  
holmum, vrbs primaria, à Christinâ, Stenonis vi-  
duâ, teneretur; & non pauci etiam ex equestri ordi-  
ne, Christiano aduersantes, illuc sese recepissent; ;  
tum & passim toto regno multi essent, qui, Vpsaliam  
conuenire recusantes, insuper ad arma plebem con-  
citarent, placuit, è gente vtraque ablegari ad Christi-  
nam, qui inquirerent, ecquid ipsa, cæteri; ordinis  
equestris viri, qui cum illâ se coniunxerant, omnia,  
Vpsaliæ constituenda, rata habituri essent. at consilio  
illi statim reclamatum à plerisq; ; assidentibus, *ultrâ*  
*quicquam cum his agere, qui venire ad comitia aduocati*  
*noluissent, planè nihil aliud esse, quàm eorum contuma-*  
*ciam magis etiam confirmare. multò satius, cum Crum-*  
*penio, & adiunctis illi ducibus, de constituendâ pace, in*  
*omne auum duraturâ, nomine totius regni inprasens age-*  
*re: quâ confectâ, qui nunc animos tam praefractè in con-*  
*trarium obstinarent, facile consensuros esse. Quibus mo-*  
*ti rationibus animum Sueci inducere, vt de pace cum*  
*Crumpenio, cæterisq; qui cum eo erant ducibus, a-*  
*giterent. is Vpsaliam tunc aduenerat, & nonnulla mil-*  
*litum lectissimorum in securitatem suam signa ad-*  
*duxerat. antequam negotium tamen inchoarent, vt*  
*Christinæ, aliisq; , qui in eius partibuserant, abun-*  
*danter satisfacerent, mittunt, qui deprecarentur; ne*  
*propositum, adeo regno necessarium, atq; utile, suâ ipsi*  
*contumaciâ perturbare porro velint: quin id potius an-*  
*nitam-*

mitantur, ut ad finem, bonis ciuibus vniuersis exoptatum, CLD. LD.  
 felicissime perducatur. Sed, cum illos nec responso dig- XX ..  
 narentur, serio à parte vtraq; quæ Vpsaliam tunc con-  
 uenerat, agi cæptum. Ac confestim, cum Crumpe-  
 nius regis literas, quibus illi summam rei peragenda  
 potestatem tribuebat, Suecis illas exigentibus osten-  
 disset, pax decreta, in conditiones istas. *Vti Sueci, qui*  
*in fidem Christiani ultro sese tradidissent, ab eodem in gra-*  
*tiam reciperentur. Tum iniuria, si quas illi à Ioannis pa-*  
*tris tempore qualicunq; occasione intulissent, condonata,*  
*si in fide permanerent, sempiternâ obliuione delerentur.*  
*Regni etiam præfectura, atq; fenda, quæ nobilibus hæte-*  
*nus concessa essent, deinceps quoq; in eorum potestate per-*  
*manerent. Deniq; cunctis, singulisq; iura regni vniuersa,*  
*priuilegia, pristina immunitates, ac recepta consuetudi-*  
*nes, seruarentur: neq; quicquam contra iura, à diuo Eri-*  
*co constituta, si obsequium retinerent, sanciretur.* Factâ  
 hunc in modum pace, literisq; à Crumpenio confir-  
 matâ, Dani pariter Sueciq; iterum Christianæ men-  
 tem, ac nobilium cæterorum, explorandam censue-  
 re. Itaque visum, propius Stocholmum accedere: si  
 fortasse ad colloquium extra urbem euocare eam  
 possent; aut in urbem ipsi quoq; ad consilia confe-  
 renda, animosq; leniendos, intromitti. Ergo, Vpsaliâ  
 profecti, quinq; millia armatorum adducentes, cum  
 senatus eâ parte, quæ conuenerat, postquam Spon-  
 gam aduenissent, substitere, & Gustauus summus reg-  
 ni Sueciæ præsul; ac Mathias Strengenesius, summ  
 quisque cancellarium ablegârunt, qui suaderent, ut

cib. 12.

XX.

*prodirent ad colloquium, siue Spongam, seu gubernq, loci vellent: aut, si istudoc recusarent, aliquos suorum admitterent.* Hi cum urbem accessissent, contingentem illam pontem intercisum, adituq; introire cupientes prohiberi, deprehendunt. Quâ de causâ subsistentes, nutu indicant oppidanis, cupere se introritti. Prodit itaq; vir prouectiore ætate, ordinisq; senatorij; ac, quid vellent, percunctatur. cumq; illi, à senatu regni missos, qui tunc Spongam conuenisset, responderent; literasq; ad Christinam, & nobilitatem reliquam, apportare: exspectare eos iubet; se in urbem regressurum, ac Christinæ ipsorum aduentum, ac mandatum, relaturum, ocyusq; cum responso reuersurum. cum hoc dicto, ille abit. cuius reditum dum ad pontem subsistentes præstolantur, Magnus Grenus, qui in partibus Christinæ, è subiecta vrbi insulâ, quam appellant S. Spiritus, in nil tale cogitantes aliquot tormenta explodit: ita vt consulere vitæ, ac recedere, cogèrentur. Itaq; reuersi Spongam, rem renuntiant. Quâ acceptâ, desperantes de conciliatione, domum Sueci concesserunt. At Crumpenius, cum suppetias exspectare Stocholmenfes à maritimis ciuitatibus intelligeret, Stephanumq; item Saxonem ad Elsbnabbium classem habere: vt aut eam interciperet, oppidove prohiberet, totum illud agmen duxit. sed, priusquàm adueniret, gnarus hostis naues altius prouexerat, ne contingere eas posset: eam ob causam, irritus consilij sui, Vpsaliam redit. Vbi cum spem nullam videt, vt Christina, cum nobilitate sociâ,



ciâ, in sancitam recens pacem consentiret; neq; hie-  
me prohibente, obsideri urbem posse: consilio cum  
cæteris ductoribus communicato, in hiberna distri-  
buere copias statuit. itaque pedites Westersaræ mil-  
le locat; qui hanc oram contra Suecos, etiam tum  
rebellantes, atque pacem cum Christinâ recusan-  
tes, tueantur: equites Strangenesæ imponit, qui  
curarent, ne Mathias, loci episcopus, reliquis inui-  
sus maximè, quod in regem propenderet, quicquam  
detrimenti caperet. alios alibi esse iubet; atque  
sedulò providere; ne quid damni paterentur, qui  
in pacem consensissent. Quæ in Sueciâ dum gerun-  
tur, Simon Malius, vir illustri genere natus, & mili-  
tiæ perquàm clarus, cum selectis mille quingentis  
peditibus, per Smalandiam, & Ostrogóthiam, facto  
itinere, regis iussu, ad Crumpénium se adiungit.  
Qui, validior tam insigni incremento, animoq; con-  
firmatior, copias, quas retinuerat, militemq; aduen-  
titium, mox Vpsaliam reducit. Vbi dum hibernat  
ipse, variè tumultus oritur; incursantibus in præsi-  
dia circumposita, & amplexos pacem indigenas, per-  
duellibus. Primi cum vicinis suis Westersaræ cedere  
Danos, aut fugare, conabantur; sed, consilio depre-  
henso, cum se illi subduxissent, & Vpsaliam conten-  
derent, iam progressus Salingsassam, locum insi-  
dis opportunum, subito adoriuntur. Hic pugnatum  
quàm acerrimè; dum victoriam Sueci quærunt, Da-  
ni verò, in discrimen summum adducti, etiam vitam  
vindicare connituntur. Sueci Danos, loci iniquitate  
pref-

clb. lb.

xx.

pressos, vndiq; grauiter inuadebant: illi contrâ, qui præsidium sibi nullum, nisi in virtute suâ, situm animaduvertebant, in apertum campum erumpere ex angustiis maximopere conabantur. Nec virtuti etiam fortuna defuit. Nam, enisi cum ingenti hostium strage, eos dissipatos fugant; duce Olao Petreio, qui tumultum concitauerat, profligato: & Vpsaliam salui euadunt. Nec multò post tumultuatum etiam grauius, duce Lamberto Mathiæ; & in ipsum iam Crumpenium impetum facere visum fuit: quo sublato, cæteros quoq;, variis locis disparatos, profligare, patriæq; libertatem restituere, satis in procliui fore. Itaque Vpsaliam itum; quò cum iam peruentum esset, alloqui Lambertus suos, & virtutem oratione comparatâ excitare: *meminissent, iam pro patriæ libertate dimicandum. Ideò, si unquam alias, nunc se viros exhiberent, ac coniunctis hostem viribus, quantâ possent fortitudine, oppugnarent; quem si victum profligassent, patriam armorum metu, se, uxores, liberosq;, seruitute non ferendâ liberarent: tum Stenonis quoq;, filius, qui, pro patriæ ipsorumq;, libertate fortiter pugnans, mortem pridem oppetisset, vitam, fortunâq;, assererent. Id Christinam admodum enixè orare; qua, nunc viro spoliata, ac præsidio amicorum destituta, cum se nusquam ab hoste tutam animaduverteret, Stocholmum fugere, vnicum tam luctuoso tempore asylum regni, sit coacta. ubi mœrens, ac pullata, supplices ex urbe clausâ tollens manus, ipsos omnes obsecraret, vt, fortunam tam iniquam miserantes, è calamitate summâ, in quam deuolutam scirent, pro virtute suâ eriperent.* Dum Lambertus

tus in hunc modum animos suorum accendit, qui ad urbem excubabant, viso hoste, rem Crumpenio renuntiant. Erat dies, quo memoria Christi crucifixi colitur: atque ille in templo sacris audiendis pietatem exercebat. Itaq; , accepto nuntio, statim egressus, arma capere suos iubet; & educit extra urbem in planitiem, quæ prospectum quàm liberrimum in quascunq; partes daret: acieq; ordinatâ, & ad prædium, sepimento satis valido communitum, stare iussâ, illicò tormenta explodit, velitemq; in hostem mittit. Cælum, densâ nube obductum, solis radios, visum alias perstricturos, occultabat; sed incommodum aliud ortum, quod Danorum ad certamen inendum alacritatem perturbabat. Nam permixtus grandine, pluviaq; , ventus ora illorum infestabat, Suecis tergo obuerso liberis, & ad pugnam nihilominus expeditis. Tum & nix, quæ spissâ humum operuerat, liquefacta, faciebat, vt equorum impeditus vsus esset; cùm, suppositâ eâ soleis, & in pilam rotundatâ, solo lubrico lapsabundi, mox sessorem quoq; effunderet. Accedebat, quod tormenta, pondere suo desidentia, commodè explodi haud possent. Ac iam prælium feruebat; adeoq; læuum cornu, Suecis maximè in hoc ipsum incumbentibus, vehementer laborare, quin & retrò gradum ferre: cùm inexpectatus casus animum vix consistenti, & virtutem, confirmare. quippe miles veteranus, rapto signo de signiferi proximè adstantis manu, quem videbat trepidantem clavis ferreis duobus è marsu-

Ec

pio

cl. Is.

xx

prio suo promptis, illud sudi præcutæ in propinquo  
 sapimento sic affixit, ut avelli perquam difficulter  
 posset: cum inclamat alta voce. *nunc, commilitones  
 mei, hoc est tempus, cum virtutis prisce vestre, ac maio-  
 rum, meminisse vos oportet: nec permittere, uti hostes  
 isto regis nostri signo, nisi cum ingenti cade, potiantur.*  
 Vix finierat, cum vi magnâ Sueci irruunt, & potissi-  
 mum in hoc signum impetum faciunt: verum Da-  
 ni, summâ animi fortitudine obsistentes, editâ  
 non parvâ strage, illud vindicant. diu acerrimè  
 dimicatum est: Suecis pariter, Danisq; quàm  
 fortissimè se gerentibus. Sueci numero supera-  
 bant, ac triginta circiter millia exstitisse memo-  
 rantur, cum vix octo Dani essent: sed & loco, atque  
 vento, æquiore utebantur. Verum Dani, quan-  
 quam tantò pauciores, insuper iniquitate loci, &  
 coeli, premerentur, totis viribus adnitentes, mis-  
 so in hostem equitatu, tandem aciem perrumpunt,  
 dissipantq; fugientes, partim cædunt; partim  
 in horreo, ad siccandos illic lateres iuxta pugnae lo-  
 cum structo, quo confugerant, igne exurunt:  
 partim in propinquum amnem actos mergunt. ce-  
 cidere circiter viginti millia; ac Danorum quatuor  
 desiderata: & in istis Simon ac Siuardus Malij, duo  
 fratres, uti belli laude clari, ita quoque mortis glo-  
 riâ, quam in pugna tam illustri oppetiere. Hac re-  
 pressi clade Sueci, aliquamdiu quieverè; ac inte-  
 reâ Mathias, Strengenesius episcopus, cum equiti-  
 bus, quos Crumpenius Strengenesæ imposuerat,  
 dice-

diocesin vniuersam circumequitans, omnes, qui in Christiani verba iusiurandum dare recusarent, ad sancitam pridem pacem amplectendam porro adigit : anteaſti temporis iniuriarum veniam, & obliuionem, fore spondens. adeoque in senatu regni Sueciæ nemo fuit, qui maiore Christiani regis studio in hoc ipsum incubuerit, vt sub eius potestatem regnum vniuersum cogeret : quamquam ille nimis sanè indignam gratiam virò adeò præclare de se merito mox retulerit. sed malorum ita principum fert ingenium ; vt, obnoxij subditorum beneficiis, cum se impares compensandis ob eorum magnitudinem esse videant, destrui fortunam suam per hæc ipsa arbitrentur : ideoque, ceu offensis asperati, odium pro gratiâ reddant, vindicentq; , quod remunerare nequeant. Stocholmenses, quanquam clade tam insigni pridem acceptâ, necdum fracti, iterum, collectis viribus, ad pugnandum prodierunt ; sed Mathia, regiisq;, ad Teliacum occurrentibus, fusi rursus, ac fugati ; interfecto Ioanne Helbredio, duce eorum ; qui Christina à consiliis, summum quoque in illius gratiâ locum obtinebat. Gondo Gallus, & Eschillus item Godus, ordinis equestris viri, multi alij, capti, ac Strengensam abducti : vbi arctè à Mathia custoditi. Verùm nec sic debellati, literis partim, nuntiisque, sparsos passim factionis suæ focios exhortantur ; *ne in regni libertate asserenda porro cessent : se paratos pro virili opem ferre, nec periculi*

**CL. IO. XX.** *partem ullam detrectare.* Et hi sæpè magnis animis insurgentes, semper tamen repelluntur: quanquam semel, Arnum urbem populati: Iacobum capiunt, regni antistitem supremum, virum clarâ pietate, ac virtute. Quin Vpsaliam quoq; ipsam, quam Crumpenius infidebat, adoriri demum ausi: sed, præsidium cum in armis excubare accepissent, à proposito desistere. Scissâ in hunc modum Sueciâ; illis pacem amplectentibus, illis, in Christinæ gratiam, recusantibus; ac utrisque mutuâ inter se, eâde sævientibus: Christianus, à Crumpenio euocatus, ut hos motus coerceret, vere primo, cum instructâ navium multarum classe, ipse in Sueciam iter capit. verum, quia summo iure experiri, ac Suecorum tot delicta, cum in avum Christianum, inde in Ioannem patrem, tum & in se, sub prætextu exsequendi pontificij mandati, semel tandem seuerissimè vindicare constituerat; quos potissimum è senatu regni sui ad negotium magni adeo momenti adhiberet, reputare secum cœpit. etenim sic statuebat, viros animi mitioris, & amantes æquitatis, quos in istud nullo modo consensuros ipse satis præuidebat, minimè sibi in consilium admittendos: sed quærendos, qui, rigore abrupto præditi, & supplicium approbarent, & pronuntiare auderent. Quod dum agit, indolemq; senatorum secum anxie perpendit, nullos magis aptos censet, quàm Lundensem archiepiscopum, Theodorum; & Ioannem, episcopum Othoniensem. atque Theodorum quidem, multis sanè beneficiis, uti eâ quam tenebat dignitate,

iam

iam obnoxium sibi fecerat; ac Ioannem, faciendum existimauerat. quare captum in Burundiâ, propter causam antea commemoratam, illicò dimitti è vinculis, & adduci in aulam iubet. Isq; cum rex voluntatem ipsi suam exposuisset, libertate, gratiaq; quâ exciderat, restitutâ, maximopere lætatus, fidem illi, operamq; pollicetur. Itaq; cum his duobus expeditionem suscipit, atq; desinente Maio classem ad Stocholmum appellit. quod Crumpenius simul atq; accepisset, cum adiunctis sibi ducibus, ac primariis aliquot Sueciæ senatoribus, qui in pacem consensissent, regem salutatum adit. Cum consilia contulissent, sine morâ urbem obsidere visum. Atq; collocatis castris, inter regem, & maiorem Sueciæ senatorum partem, pax, Vpsaliâ pridem facta, renouata, ac firmata; denuoq; constitutum: *ut iniuria, & offensa, ex quacung; demum causâ ante illud tempus orta, sempiterna obliuioni traderentur. Deniq; quæ duces regij promississent, ea omnia, ceu rex ipse statuisset, rata fore.* Quâdere ne dubium cuiquam esse vllum posset, additæ & literæ regis, fidei monumentum, ac pignus. Rex Stocholmum ita arctè obsidebat, vt omninò com meatus importari nullus posset. quo deficiente tandem, cum obsessi ad extrema adigerentur, adeunt Christinam proceres, qui cum eâ obsidionem tolerabant, ac deditionem suadent. Atq; illa, postquam suos etiam deficere videt, neq; spem auxilij vllam aliunde superesse, agrè quamuis, assentitur: sed hâc lege, vt eandem sibi gratiam, quam obtinuissent illi,

cto. 15. qui in pacem antè factam consensissent, paciscantur,  
 xx. idq; factum ; & Septembris die octavo magistratus  
 extra portam clauēs vr̄bis regi offert, ac solenni iu-  
 ramento in obsequium se obstringit. Quo peracto,  
 vr̄bem ingressus cum selecto comitatu, templum pe-  
 tit: inde, actis Deo gratiis, arcem ascendit. ac, diebus  
 paucis aliquot interiectis, conuocatis regni Sueciæ  
 senatoribus, comitia Stocholmi indicit. qui cum om-  
 nes conuenissent, in Brunchonis adiacente vr̄bi mon-  
 te concionem habere voluit. itaque conuentus die  
 præstituto totum eum milite implet, qui inclusos se-  
 natores veluti coronâ cingerent: ipse locum emi-  
 nentiorē capit, ac Ioannem, episcopum Othonien-  
 sem, verba pro se facere iubet. Is, exorsus altâ voce,  
 initi à rege belli causas refert. Nempe, *regnum iuxta  
 leges ei velut proprium esse; ipsos verò contra illas, item fi-  
 dem, quam & literis obstrinxissent, deliquisse, ac Steno-  
 nem elegisse: sed, his omnibus pace factâ condonatis, non  
 exprobraturum porrò. Alterum esse, multò grauius, quod  
 Gustadum, præfulem Vpsaliensem, regni Sueciæ prima-  
 tem, quia in ipsum, ut debebat, propendere videretur,  
 dignitate suâ exutum, iniquissimè habuissent; cumq; in  
 Daniam is confugeret, arce Stegâ solo æquatâ, contra  
 eum coniurassent: nunquam sese reditum in regnum illi  
 permissuros, neque pristinam dignitatem reddituros:  
 tum, quæ pœna isto nomine cuiquam subeunda esset,  
 nullâ prorsus personarum exceptione, omnibus commu-  
 nem fore. eum verò hanc iniuriam, tam ingentem, ad  
 pontificem retulisse; qui, indignitate motus, Româ ad  
 regem*



*regem literas dederit, quibus omnes fœda aded conu-*  
*rationis socios, in Gustavum restituerent, & illata ei*  
*damna resarcirent, statim sacris prohiberet, ac senten-*  
*tia huius sue exsequutionem ei demandaret. Cuius iusta*  
*ad eam petitioni cum deesse non duntaxat graue foret, sed*  
*periculosum etiam; statuisset ipsum in præsentia causam*  
*istam disceptare; & iniuste oppressa parti opem ferre:*  
*ideoq; nunc cum armis aduenisset.* Hæc, & talia,  
 postquam tandem Othoniensis perorasset, rex,  
 dimissa concione, in urbem redit; ac cognitionem  
 causæ in Kalendas proximi Nouembris dif-  
 fert. Eo die coronari constituerat; itaque ubi  
 aduenisset, cum solenni comitatu templum in-  
 gressus, à Gustavo, præfule Vpsaliensi, coram regi-  
 ni senatoribus, & in hoc consentientibus, conse-  
 cratur. Aderat in hoc conuentu Caroli V. lega-  
 tus; qui affinem sibi regem cum ornari etiam à se  
 debere existimaret, aureum vellus offerebat. ita-  
 que, ad summum altare stante cum coronâ suâ  
 Christiano, leniterq; læuo brachio incumbente, in  
 medium legatus prodit; ac, salute à Carolo V. fau-  
 sta omnia apprecante, nuntiata, accedens propius,  
 vellus aureum, symbolum societatis, toto orbe augu-  
 stissimæ, in quam tunc reciperetur, collo eius, paul-  
 lum caput inclinantis, circumponit. In solenni illo  
 actu, cum equestrem dignitatem Danis tantum rex  
 quibusdam contulisset, nemini Suecorum verò hunc  
 honorem habuisset; idq; eos ægrè ferre, & inter se  
 queritari, intelligeret: *non oportet, inquit, Suecos, quibus*  
*meum*

ca. 15.  
xx.

*mecum acere diu bellum fuit, admirari, si non statim in-  
teriore[m] illos amicitiam adhibuerim, aut, ad aliquem al-  
tior[em] dignitatis gradum euexerim: cum cognoscere prius  
homines, quàm ornare, sit conueniens. Porro, cum co-  
ronam regni accepisset, & præcipuos Suecorum è  
medio tollere statuisset, cum nonnullis, quos in pri-  
mis fidos sibi existimaret, rem communicat, & con-  
siliu[m] eos rogat: quonam modo sic negotiu[m] institueret,  
ut ignaro quasi ipso, & inuito, gestu[m] esse videretur: at-  
que ita sui facti culpam alienam faceret? atq; erant, qui  
seditionem dicerent à militibus concitandam, per quam  
illi ad rapinam, & eadem, ruerent: alij, non tutu[m] id  
existimabant; arrepturis arma quog, sua ciuib[us], &  
victoriam Danis dubiam reddituris. Nihil satius, quàm  
conuiuium instituere; & in arcem euocare, qui nobilita-  
te generis, aut potentiâ, eminerent: ita, specie beneuo-  
lentia circumuentos, in ipsius potestate omnes fore. Pla-  
cuitq; hoc consiliu[m]: quanquam illum, quod sum-  
mopere declinatu[m] cupiebat, culpæ manifestu[m] fa-  
ceret. Itaq, sine morâ proceres, ac nobilitatem cæ-  
teram, cum senatu Stocholmensi, in arcem ad con-  
uiuium vocat. & venerè; quotquot inuitati erant,  
nescij instantis mali. In hilaritate summâ primi duo  
dies acti: tertio Gustauus iussus accusationem suam  
instituere. Isq; datâ fandi veniâ, non iniurias modo  
suas, veru[m] etiâ quas pater, & amici, pertulissent,  
grati oratione refert: incitante ad hæc rege, &, ut  
nihil reticeret, adhortante. qui, audita accusatione  
eius, quid Georgius Schotbergius, archiepiscopus  
Lunden[s]is, & episcopus Roschildensis, Lago Vrnus,  
quos*

quos negotij huius arbitros summus pontifex esse iusserat, statuisent, palàm recitari mandat. Christianam quoque, in iudicium aduocatam, percunctatur; *cur maritus eius Steno tantum in Gustavum odium conce-  
pisset, uti arcem Stegam euerteret, ipsum verò regno ejice-  
ret; atq. in ciectum in super, ne reciperetur unquam, con-  
iuraret.* Ad quæ illa cùm initio perturbata conticesce-  
ret, statim tamen, ab astantibus confirmata, animo  
recepto dicit; *nihil gravius in Gustavum, quàm à cate-  
ris coniuratis, à marito admissum esse: eiusq. rei coniura-  
tionis literas, quibus omnes subscripissent, fidem facere.*  
Rex, audità literarum mentione, quibus sese coniu-  
rati in Gustavum obstrinxissent; cùm afferri eas illi-  
cò imperasset, & allatas mox legisset, lectas retinet;  
ac, discedens è iudicio, duci in custodiam omnes in  
sequentem diem iubet. Simul Nicolao Bildio, tunc  
palatij præfecto, literas tradit; præcipitq.; vt ex-  
cerpta nomina coniuratorum in indiculum referret:  
isq.;, vt iussus erat, statim facit. neque mora; ad No-  
vembriis diem octauum, quo relati in indiculum e-  
rant ordine, omnes è custodià producti in forum ad  
supplicium. Claudii vrbis portas iusserat; &, excu-  
bias dispersitus, imperauerat, vt præfectus provide-  
ret diligenter, ne euadere quisquam posset. Ordina-  
ta ad terrorem cuncta erant, & in magno ciues metu  
versabantur; cùm repente arx aperta, & eductus pri-  
mò Ericus, cuius filius Gustavus postea regni præfec-  
turam est adeptus: tum episcopi, Strengenesius, ac  
Scarensis; inde reliqui regni procures, & senatus op-  
pidanus. duo episcopi, cùm in aream ante curiam,

clj. Is.

xx.

quæ supplicio miserorum destinata, peruenissent, petunt precibus, uti sibi copia sacerdotis fieret, cui peccata confitentes ritè sese expiarent: verum non obtinere. Ioannes Brascius, episcopus Lincopiensis, vir insigni probitate, quidq; causam Christiani diu etiam propugnauerat, cum in forum ductus esset, & ingenua iam procumbere, ac ceruicem percussori exhibere, iuberetur; magnâ animi constantiâ, altâ voce, se infontem, ac iniuriam sibi fieri, protestatus; cum omninò nil proficeret, circumstantes, & supplicio interesse à rege iussos, supplex rogat; *ut sigillum, quod ad coniurationis literas ipse appendisset, demeretur: illic eos clarum innocentia sua testimonium inuenturos.* quod ad regem postquam ij retulissent; isq; fieri, quod petebat, imperasset: sub interiore cera, in occultâ illic schedâ, manu eius scriptum legunt: *quicquid huius admisisset, ab invito expressum esse.* quod cum rex intellexisset, ceu ab aliis circumuentum, & coactum subsignare, liberum pronuntiavit: & hoc vnum æquitatis in iniquitate summâ exemplum dedit. interfecti à carnifice illo die septuaginta; vel, ut alij, quatuor & nonaginta: vim, Gustavo quam intulerant, occulto quodam Dei iudicio, etiam vicissim passi: ac communi omnes pœnâ; sicut ipsi, futurorum imprudentes, pridem vouerant. Neq; isthic furor stetit; trucidatis, qui ad eadē designati, miles in promiscuam plebem, quæ confluxerat ad spectaculum, impetum facit, obuiosq; contrucidat. Hinc, propositâ cum nominibus proscriptorum quâdam tabu-

lâ, etiam domus inuaduntur, & latentes ad carnificinam ciues extrahuntur. Cumq; multi in obscura vrbis loca metu sese abdidissent, ne elaberentur illi, promulgato mox edicto reliquis impunitatem pollicetur. Verum homines, temerè creduli, cum in publicum prodissent, itidem immisso milite obtruncantur. dies aliquot laniena hæc continuata fuit; maximeq; in Ribingianam domum defæuitum: vt, cum cædi atas firma nulla vltra superesset, pueri arriperentur. qui constrictâ, in nodum comâ, è catastâ immaniter suspendebantur: hinc, ceruicibus amputatis, corpora in terram trunca decidebant, capita in sublimi hærebant. Sed in nullum immanitate exquisitiore actum, quàm Ioannem Magnum quendam. Hunc ad crucem, veste omni spoliatum, affixere. in quâ multa proloquutus, Deo innocentiam suam commendabat: multa quoq; de crudelitate regis, ac perfidiâ, querebatur. quæ cum ei nuntiata, membrum viro genitale præsecari, & in faciem pendentis projici iubet. postea transverberatum illi latus, adeò patenti vulnere, vt insertâ per id manu cor quæsitum extraheretur: quod & ipsum in occisi faciem abiectum fuit. deniq;, cum viris vrbem exhausisset, ad rapinas se conuertit; viduasq;, ac pupillos, post maritos, ac parentes, interfectos, bonis item cunctis exuit: nulli rei, sacræ; aut profanæ, parcens. etiam in defunctos sæuiit: & Stenonem, qui in prælio occubuerat, filiumq; eius posthumum, vno eodemq; mense natum simul mortuumq;, extrahi sepulcro iussit, & adduci in conspectum. ac Stenonis quidem corpus, postquam oculos satiasset,

cl. l. l.  
xx.

clj. lj.  
xx.

triasset, etiam, facto nimis sanè inhumano, momordisse sunt qui tradant. Totum triduum præterierat, cum cadauera occisorum, passim in plateis sparsa, ac cruore suo foeda, comportari in forum mandat: vbi postquam illa quoq; satis diu inspexisset, tandem, intercessione episcopi Othoniensis, extra urbem exportata, concremantur, cineresq; dissipantur. Illa datum certè facinus; & quod nulla vnquam atas conticescet: nulla etiam sine horrore, atq; execratione, memorabit. Cum offensam eorum omnium, quæ in avum, patrem, ac se deliquissent, condonasse simularet; subdolè Gustavi causam, quam sub eius quoq; offensis, vti erat comprehensam existimabant, quia non disertè expresserant, separabat: ut in illâ vindicandâ suum odium exerceret. iure quidem, qui iam toties rebellassent, puniendos, atque ita coercendos statuebat, ut deinceps pacem vel inviti colerent, nec moliri tale quicquam, etiam si vellet, possent; sed non ista coercendi, aut decorè in officio continendi, ratio erat: nec, indulta semel veniâ, ac sancitâ omnium præteritorum obliuione, ullam sibi ampliùs vindictæ causam reservauerat. Nunc perfidiâ, ac sauitiâ, geminâ se culpâ obstrinxit; quâ vtrâq; nihil magis neq; Deus, hominesq;, detestantur: neq; principes, quis virtutis, vti debet, cara est existimatio, studio maiore cauent. Neq; diu penam euasit; cum, à Deo solio suo deturbatus, in exilio, atque carcere, reliquum vitæ miser egit: cæteros exemplo suo reges, principesq;, docens, ut su-

pre-

præmum semper numen ricè colant, metuantq; & fortunâ, quantâ possunt moderatione, vtantur: cogitantes, instar vitri eam esse; ac, cum maxime splendet, frangi. Sparsâ huius cædis famâ, cum inuidiam se non posse sustinere intelligeret, vt amoliretur eam, à pontifice, qui sacrorum vsu Suecos prohibuerat, & ipsius quoq; operam ad sententiâ exsequendam implorauerat, per legatum huius rei testimonium sibi petit. Isq; misit mox Ioannem à Potentia, cardinalem; qui legitima inquisitione habita, *nil à Christiano factum præterius*, pronuntiavit. Verùm neque sic querelam hominum de se res pressit. Cumq; se, ac suos omnes, maximo apud Suecos odio laborare animaduerneret, de discessu cogitauit: ita tamen, ne suspicionem fugæ ulli daret. Quam ob rem, præfectis passim constitutis, summam regni, dum abesset, gubernandi potestatem Theodoro, pridem præfûli Lundensi, tunc Scarenfi, pro Vincentio interfecto, demandauit. hinc in Daniam proficiscitur, captiuam Christinam abducens; liberosq;, & matronas aliquot claras; quas reuersus postquam Hafniæ aliquamdiu sub custodiâ tenuisset, mox Calundeburgum transtulit: vnde postea, eo profugo, Fridericus, ipsi in regnum surrogatus, liberâs abire iussit. Abduxit etiam Gustavum, Erici F. quem productum primum ad supplicium memorauimus isq; traditus Erico, equiti Dano, eâ lege, vt, si fortè elabi sineret, multâ nomine sena aureorum millia numeraret; ac cum, tanquam

c/5. 15.  
xxi.

cl<sup>o</sup> 1<sup>o</sup>.  
xxi.

con sanguineus laxiore sub custodiâ haberetur, habitu dissimulato; mox Lubecam, inde in Sueciam evadit. Vbi postea, concitatis Dalecarlis, regios cedit, aut expellit; & Stenonis ductâ filiâ, regni præfecturam capit: velut infra suo loco referetur. In itinere, cum diuerneret apud monasterium quoddam, cui Nouæ Valli nomen, monachos cum suo abbate, quia partem commeatus, ne diriperetur totus, in propinquâ illic siluâ occultauerant, etsi sanè, quantum ipsi, atq; eius comitatu, nutriendo satis esset, reseruassent, post peracta ritè sacra, quibus etiam interfuera, vix degressos ab altari, comprehendi, ac constrictos statim projici in vicinum flumen iubet. Abbas, liberatis manibus, cum in ripam enataisset, nihilominus crudelissimè trucidatur. Vnus tantum monachorum, postquam scribis regiis se miscuisset, orat eos, obsecratq; , vt benignè opem ferant, qui miseri, pallium homini circumjiciunt, pileumque imponunt capiti: tum ad mensam suam adhibent, ac, porrecto attramento, chartâ, calamo, se componere in scribentis habitum iubent. Vix confederat, calamumque in manum sumpserat, cum ingressus militum tribunus illic quærit profugum; cui Casparus Brochmannus, regis tunc procancellarius, *Monachas, inquit, ignoramus: sed, si scribam tibi pascis, aliquem eorum cape, quos ad mensam assidentes conspicaris.* Hoc responso, cum abiret, nec ulterius quicquam quæreret, ille euasit. Nempe, isthoc fœdæ adeo lanienæ vnum deerat; vt infonti

cam



eam sanguine sacri ordinis terminaret: ne non ille, interfectis post episcopos etiam abbate & monachis, de immanitate eius pariter conquereretur. Ita subiugata Sueciâ, cum in Daniâ rediisset, ad affinem, Carolum V. sumptâ veste peregrinâ, est profectus; petiitq; ut deinceps secundum Holsatiam se acciperent, à quo per benignè exceptus, cum non difficulter item postulata impetrasset, festinatò domum rediit. Inter hæc Gustavus ille, de quo paullo ante dixi, è primariâ Sueciæ nobilitate adolescens, quem captivum Christianus secum abduxerat, & Erico consanguineo dederat custodiendum, tempore quo è Daniâ ad Albim flumen agi boues consuevere, ipse quoque, vili veste se amiciens, tanquam bouum agitator, clanculum Lubecam venit: ac, senatui se aperiens, cui tunc contentio cum Christiano magno erat, de vrbs suæ privilegiis, commeatum, & auxilium, quo reduci in Sueciam posset, dari sibi postulavit. Neque ille recusabat; sed, retentâ vili veste, quâ aduenerat, nouam induens, nauem addit, quæ in Sueciam reportaret. Vbi cum ignotus diu, & labore mercenario victum quarens, oberrasset tandem ad Dalecarlos iuit, inter Suecos fortitudine excellentes: & initio cum paucorum amicitiam comparasset, mox in gratiam cæterorum ita se inuauit, ut ad arma vniuersos concitaret. inde, aliis totâ Sueciâ concurrentibus, iustus iam exercitus erat. Cuius dux renunciatus, statim

om-

cl. Id.

XXI.

omnes sacramento sibi obstringit, & in regiones impetum facit; quos obtruncat, aut expellit: & pro regem inter istos Theodorum, insolentiâ, avaritiâ, ac libidine, supra omnes odiosum. Igitur, deficiente totâ Sueciâ, profugus inde Theodorus. Christiano rem renuntiat. Qui, tametsi periniquè hanc rebellionem ferret; & in Suecos expeditionem novam cogitaret, tamen, ob Christinae matris suae obitum, cuius tunc curandum ipsi funus erat, differre in sequentem annum est coactus. Erat ea filia Ernesti Saxonis, Electoris; & Ioanni, huius Christiani patri, ut in rebus Christiani I. retuli, nupta fuit anno *cl. cccc. lxxviii*, annos decem ac septem nata; exactisq; in coniugio annis quinque & triginta, in viduitate octo, obiit sexagenaria: famina ut multis dotibus, quæ fastigium hoc decerent, exornata, sic in primis pietate. Tumulata est Othoniâ, in qua vrbe vitæ sedem vidua ceperat, in cœnobio Franciscano, ad mariti regis latus. Id cœnobium opere, & ornamentis, multò illustrius reddiderat: ac virginibus duo struxerat, S. Claræ dedicata; vnum Hafniæ, & Othoniâ item alterum. Dum exequias matri parat, comprehendi Theodorum, è Suecia eiectum, ac servari arctè iubet; inde quæstioni subijcit: tum, flagitia multa fassum, & ingentia, iterum custodiæ mandat; mox supplicio, quod meruerat, affecturus. Itaque, curato funere ad XXIV. diem Ianuarij, rege peregrè profecto, & Sigbritta, cuius sola commendatione creuerat, item absentiam simulante,

cl. Id.

XXII.

te, ad supplicium producit, collo in laqueum inferto. cumq; in forum peruenisset, ad patibulum; sed non ipsi constitutum, ducebatur. Quod cum lictor, eum recte iniecto trahens, paulum per appositas scalas ascendisset; ad captivum se convertens, per ludibrium, *Satis*, inquit, *in itinere hoc profecimus; aliò progrediendum est.* Tum descendens, versus curiam eum ducit, ubi ignis ingens erat. In hunc illum, scalis illigatum, injicit. aderat præco, qui pronuntiabat causam: &, flagitia eum tanta, ac tam multa, commisisse memorabat, ut pro meritis nulla poena satis esset. Erat Theodorus iste gente Westphalus, arte tonsor; quâ cum Romæ adolescens aliquamdiu ægrè vitam tolerasset, mox in patriam est reuersus. inde in Daniam profectus, cum Sigbritæ per Hermannum, eius fratrem, innotuisset, regi ab eâ commendatus, tantâ statim apud eum gratiâ fuit, ut, prælatis omnibus familiaribus, ad honores quàm amplissimos paullo post eveheretur. In Italiam, quia linguam illic tonsor addidicerat, ad pontificem ablegatus, mox Lundensis archiepiscopus, atque regni Daniæ primas constituitur. Inde, subiugatâ Sueciâ, & Scarensi quoque episcopo, uti supra à me dictum, inter cæteros interfecto, eius item episcopatum impetrauit. Denique Sueciæ etiam prorex, dignitate nimium proteruè usus, semet ipse, & Danorum in id regnum potestatem, nunquam post recuperatam, pessum dedit. Omnibus illustre exemplum, quàm incertæ res humanæ; nec potentiam,

Gg

quam-

cl. b.  
xxii.

quamuis summam, vñquam diuturnam esse, ni virtute, ac prudentiâ, maximaq; moderatione animi, temperetur: atque sic exerceatur, vt in sese exerceri quisque velit. Sed plerunque vsu venit; vt qui, loco obscuro nati, ad honores euehuntur, non tam per virtutem suam, quàm fortunæ, quæ illudere, vult interdum, beneficium, ij mox lasciuientes, nec felicitate suâ moderatè sat vtentes, cunctis graues, sibi noxij, subito deijciantur: planè sicut pilæ solent: quæ, vi alienâ impulsæ, vbi altè ascenderunt, sese in fastigio illo sustinere nequeunt, statim decidunt. Christianus, mense Augusto magnum adducens equitatum, in Holsatiam proficiscitur; ac Flensburgum cùm venisset, Fredericum, eius ditionis ducem, patrum suum, & nobilitatem omnem, Stenderboum adesse iubet. quo cum sine vllâ morâ cum exiguo comitatu Fredericus aduenisset, admiratus, quod amicum ad colloquium rex armatus accessisset. Post salutem vtrinq; dictam, infit statim Christianus; *esse quædam, quæ cum patre, ac nobilitate item vniuersâ; omninò agat: eaq; non tantum ad regni, sed ducatum quoq; commoda pertinere: ad quæ postquam Fredericus respondisset; nec nobilitatem totam conuenisse, neque solitam eâ loci conuenire; ideoq; rem momenti alicuius constituere illic vellet, sine absentium consensu, minimè oportunum fore: sequè à nepote rege postulare, vt hanc libertatem suam boni consulat: regerebat Christianus; si is locus displiceret, Leuensouium capi posse. atque ita, Frederico*

approbante , à colloquio diceſſere. Fridericus tunc Gottorpij nobilitatem ad conuiuium inuitaverat; vbi cū inter ſermonem rem hanc omnem retuliſſet, pariter mirati omnes , quod armatus ad colloquium ducis patrui Chriſtianus adueniſſet, ipſi etiam Chilonem manu armatā convenire , atque inde Leuenſouium ducem ſuum comitari, decrevere. Porrò, vt cognoscere poſſent , an eodem quoque Dani in armis conuenturi eſſent, nocte inſequentem mittunt, qui rem omnem exploraret. Ac, renuntiante eo, itidem armatos fore, ipſi etiam arma ſua attulere. Fridericus ſe Gottorpij continēbat; filiumq; Chriſtianum, qui obiret vicem ſuam, ablegabat; Ioannem Rantzouium , ſi abſentiam forte rex iniquiùs ferret, reſpondere pro ſe iubet: *quia armatus Stenderboi ad colloquium acceſſiſſet, ac ſe eo factò magis hoſtem eſſe, quàm nepotem, aut amicum, oſtendiſſet, non putaffe, propiùs ſibi accedendum.* quod ſi inſuper quædam ditioribus gravia, nec ferenda, poſtularet; *nihil ſe ad iſta reſpondere poſſe, affirmaret: ſed ad principem relaturum, qui idcirco filium ſuum huc miſiſſet.* Cumq; iam ad Leuenſouium, qui eſt riuus quidam exiguus, limes agri Sleſuiceniſis, & Holſatiæ, regem appropinquare Holſati, qui priores huc conuenerant, accepiſſent; illicò conſenſiſſe equis, obuiam eunt. Rex, cū propiùs acceſſiſſet, patruelem Chriſtianum conſpicatus, ociùs adit; &, porrectā priùs dexterā mox e ductum in eundem gladium vibrans, blando vultu:

Gg 2

etiam-

c. 15. 15.

XXII.

etiamne, inquit, ferro vos armati aduenistis? ac, cūn dato tubæ signo equites iam conuenissent, progressus in medium Rantzouius, principem suum Fridericum excusabat, quod non, ut statutum erat, ipse quoque aduenisset. Rex, qui facili animaduerneret, ira conuenisse Holsatos, ut, si quicquam ab illis grauius postularet, planè negaturi essent; per Rantzouium, quem, virtute & prudentiâ eminentem, multum etiam valere auctoritate apud eos satis exploratum habebat, ipsos hunc in modum alloquitur: *nullo modo sibi dubium, quin Holsatis vniuersis innotuerit, quas ob causas bellum inferre Lubecensibus cogeretur: itaque orare enixè, ut consilio, & auxilio præsto sibi esse velint. Quod si faciant, sedulo id curaturum, ne deinceps operæ eos pœnitere sua possit.* Ad quæ, postquam de re paulum inter se deliberassent, per Rantzouium responderunt. *Nec inducere animum posse, nec teneri, ut hostes regni suos facerent: cū potissimum nec auctores laceßendi existissent, nec consilia contulissent.* Ad hæc, si in Lubecenses arma sumant, regi nullo modo utile, sibi perdamnosum fore. Itaq; rogatum cupere, ne, quod iuste recusarent, denegari agrè ferat. Sic conuentus planè ut Stenderboënsis, frustra fuit; & Gottorpium rex discessit, illic noctem habiturus: Chilonem Holsati, vnde venerant, rediere. Rex, Gottorpio discedens die postero, Redensburgum se recipere; quo consiliarios pridem Ioachimi, Marchionis Brandeburgici, euocauerat: ut consilio eorum, operæque, Stenderboi in conuentu, uteretur.

tur. Qui Flensburgum cūm venissent, ibi loci substituere; expectantes, quid rex vellet. Hos cūm ad se Redensburgum euocasset, mox eodem Caroli V. Imperatoris oratores aduenere. Quibus cūm conuentus vtriusq; acta indicasset, iterum à Friderico patruo peramanter petit, *ut Flenbūdā quosdā ē consiliariis, die in literis constituto, mittere vellet? se eodem aliquos missurum esse. & utrinq; ablegati aduenire.* Verū, quia grauiora, quæ tractare iussi erant, viderentur, in id omnes consensere; *ut Borsholmium, clarum Holsatia monasterium, ipsi principes conuenirent, & externos illuc ad se conuocarent; quorum arbitrio, quicquid inter partes esset controversia, seu antiqua, sine noua, tolleretur.* Quædam verò capita erant; & in illis primum istud. *Quod à Carolo Imperatore, asine suo, Christianus singulari indulgentiā privilegium accepisset, quo ducatum Holsatia, aliosq; huic coniunctas, vti ipse Fridericus, ac maiores quoque eius, ab episcopo Lubecensi instar beneficii petere consueuissent, ita eosdem in futurum à Christiano, regibmq; successuris, ipse, & heredes eius, deinceps petere iuberentur.* Qua quantumuis hunc in modum se haberent, tamen, vti controuersia qualicūq; inter ipsum patrumq; qualicūq; causā orta, per sequestros, neutri partium obnoxios, aut suspectos, tolleretur, promptum beneficio renuntiare; eā lege, ut contrarias Fridericus literas petat, impetretq; quibus Carolus privilegium, pridem indultum, reuocaret: seq; nec laturum; agere, nec prohibiturum esse. Alterum, si non componi bellum Lubecense posset, integrum Friderico fore, pacem

c. 15. 16.

XXIV.

clb- 15.  
XXII.

certam constituere, qualis ea sub Ioanne patre erat: seq;  
omnino istud velle, ne suorum quisquam illi quicquam de-  
trimenti ferat: neve irruptionem ullam, impetumve in  
ipsius terram faciat. idq; sese ita cupere, fidem suam istis  
literis obligare. Tertium, quia Fridericus conquera-  
tur, partem sibi, regis filio, in Noruegiâ, tanquam regno  
hereditario, suam tribuendam esse; tum & de tutela pa-  
tris, quomodo eam ille gesserit, cognoscendum: ac deberi  
centum aureorum millia, in ducatus distributione ipsi at-  
tributa: denique, velut iuniori regis filio, etiam sibi iu-  
re aliquid donandum; ut in Daniâ, more dudum usitato,  
consuevisset: ad hac sese respondere. Ut Ioannes, parens  
suus, antea cum Friderico fraire egisset, & in certos arbi-  
tros compromississet, se paratum ad præstandum, quicquid  
iuri, legibusq;, consentaneum censeretur. quin & per  
regnorum Daniæ, ac Norvegiæ, senatores natu maxi-  
mos cuncta archiuorum scrinia diligenter excussurum;  
quæq; illic in rem istam documenta inueniantur, ante  
vndecimum proximi Nouembris diem exhibiturum:  
quæq; ex his debere ipse patruo suo cognoscatur, sine mo-  
râ, aut exceptione ullâ, præstaturum: & negotij uni-  
uersi arbitros fore, Ioachimum Brandeburgicum, elec-  
torem; Henricum, ac Albertum, fratres, duces Me-  
gapolitanos; Boguslaum, item ducem, Suerinensem;  
& Henricum, præsulem Ratzeburgensem: atque hos ad  
diem ante proximam anni insequentis Pentecosten deci-  
mumquartum Segebergam conuenturos, ac sententiam de  
re totâ iuxta æquitatis normam prolaturos: & id operam  
daturus, ut concordia inter partes facta tectâ statuatur.

ant,



aut, benignè si componi haudquaquam possit, iure tunc acturos esse. Si quis verò è principibus memoratis causâ soticâ à negotio pertractando excludatur, & adesse ipse nequeat, hunc consiliarium quendam, plenâ potestate instructum, suo nomine legaturum. ac, pronuntiatum quicquid ab his fuerit, id vtrinq; ratum fore. porrò, ut querele patriui hac concesserit, ita integrum sibi velle, si quid etiam ipse habeat, quod ab illo iure postulare queat, id vtriusque pariter disceptandum arbitris iisdem tradat: qui ex quo, atque bono, itidem de re pronuntient. cum hac cautione tamen, ut, quodcumq; demum fuerit, patruo exponat prius, idq; ante proximum natalem Christi. quicquid verò iudices iidem senserint, ratum fore. quod marcharum Lubecensium undecim millia, qua pro patre Fridericus patruus exposuisset, attineret, eas e mercatu proximo Chilonensi, sine longiore morâ, ac cum gratiarum quoque actione, redditurum. Porrò amplius constitutum; ne ducatum seu Slesuici, siue Holsatia, incolentes, ad alterius loci forum, quam ducatus illi proprium, in quo ipsi habitarent, traherentur: & vtrinq; in suâ quisq; ditione separatam iurisdictionem haberent: quodq; alteruter statuisset, alter quoq; exsequeretur. Sed, quod ad nobilitatem, & antistites, qui in ditione utraq; etiam tum indistincti, in eorum controversiis ius utraq; simul dicerent: quicq; absuturus esset, is praefectos aut consiliarios suos, loci incolas, delegaret. ac quod simul censuissent, illud ratum haberetur: ita tamen, ut ad Caesarem provocatio, more dudum usitato, in Holsatiâ permittatur. Deinde, uti lites omnes dirimantur, in Holsatiâ, iuxta vetera statuta,

clō. Is.

XXII.

ex Saxonici iuris codice, Speculo Saxonix dicto : in ducatu Slefuicensi, qui annexus regno Daniae, iuxta leges Valdemari, eius nominis II., pro recepta consuetudine. Porro, etiam via publica, qua Tritoum, Segebergam atq. Oldesloum ducunt, uti olim, sic deinceps, mercatoribus, ac quibusuis iter illac facientibus, libera exhibeantur : seduloq. detur opera, ne qui eas grassatores insidere, neue infestare ausint, usq. in diem Segebergæ constitutum. Vbi si amicè ipsi inter sese minus conuenire possint, tum & principes, quorum arbitrio reliqua omnia permisissent, quid de eâ re sit. iuris, cognituros, ac sententiam dicturos. Idem publicano fieret, Oldesloi à Christiano constituto. Denique, ut Christianus Friderico remittebat privilegium, quod à Carolo Imperatore de Holsatiâ accepisset, ita rursum Fridericus largiretur Christiano, quicquid sibi pro auxiliis, bello Suecico submissis, deberetur. Tum, sanctitâ veterum iniuriarum obliuione, mutua porro amicitiam, quàm sanctissimè in futurum exercendam, alter alteri pro se, filiisq. suis, & hæredibus, prouiserunt : literisq., in rem eam consignatis, fidem, quam inter se pacti, confirmarunt. Inter ista Lubecenses, & Vandalicæ ciuitates, quæ fortunæ Christiani, ob redactum in potestatem regnum Sueciæ, inuidebant, classem in eum nauium triginta parant. Quæ, ingressa mare Balticum, cum ad Hafniam constitisset, quasi illic militem expositura, postero die Helsingoram se recepit : ac, vastato eo oppido, inde Hafniam reflexit. Christianus tunc Callundeburgi erat; ubi accep-

accepto rei nuntio, sine morâ Hafniam redit: & *cl. B.*  
 per viam insulæ totius incolas ocyûs capere arma *xxii.*  
 iubet. Qui cùm instar decem millia conuenissent, ad  
 Solbergum, proximum ab vrbe pagum, castra po-  
 nunt. Quorum lustrandorum causâ postquam vrbe  
 exiisset, mox Sigbritta, vnâ ancillâ comitata, pedes  
 sequitur. Vixq; ad scholasticorum, quem appellant,  
 lacum venerat, cùm in viâ asssecuti duo milites, be-  
 nè poti, qui ex vrbe castra sua repetebant, eam in-  
 vadunt: &, diffugiente ancillâ, post conuicia etiam  
 vim intentantes, iaciunt in adiacentem, quem iam  
 antè dixi, lacum. Quæ dum fiunt, rex reuertens, ac  
 progressus extra castra, cùm Sigbrittam ita habitam  
 accepisset, equo concitato accurrit; extrahiquè  
 eam iubet, &, in rhedâ collocatam, domum vehi.  
 Sed, periculo huic erepta, aliud, non multò leuius,  
 statim incidit. Etenim, ad portam vrbis cùm venis-  
 set, cohors quædam, quam auxilio Roschildenses  
 regi miserant, ante eam excubabat; &, in rhedâ ve-  
 nientem conspicata, tela multa iaciebat: per quæ  
 vix in urbem euasit. Rex intereâ illos milites, qui in  
 aquam paullo ante eam abiecerant, inquirebat; &  
 inuentos, arcu ferreo, quem tenebat manu, stratos  
 comprehendi, atque in urbem ad custodiam duci  
 iubet: inde, capite etiam plecti. Post hæc rursum  
 castra petit, militesq; adhortatur; *fortes essent, Van-*  
*dalosq; sæpe à maioribus suis profligatos meminissent: &*  
*istius rei signum satis manifestum esse, quod insignia eo-*  
*rumdem regni insignibus interspersa apparerent: eaq; in*  
*Hh illis*

clb. Ib.  
xxii.

illis ipsis, sub quibus mererent, signis oculis representata  
adspicere possent. neq; esse, quare nauium, quas in littore  
conspicentur, multitudine terreantur: qua ad mercatu-  
ram potius, quàm militiam, apta essent. olim quidem  
magnam gentis claritatem exstitisse; nunc distracta in  
diuersas orbis Christiani partes vix reliquias, nullo modo  
formidandas, superesse. itaq; pugnarent strenuè, cum ho-  
minibus, qui commercia exercere melius, quàm arma,  
scirent: ac victoriam minimè incertam fore. ad quæ  
illis acclamantibus; se pro rege, patriaq;, sanguinem  
profundere certos; latus mox in urbem redit:  
utq; occurrere hosti posset, militem, ac commea-  
tum, regno vniuerso imperat. Maximè autem Hel-  
singoræ Vandali infesti erant; quod Ioanne pridem  
rege, cùm id oppidum obsiderent, nullà re præclare  
gestà, abire ab obsidione coacti essent. ideoq; insult-  
antibus oppidanis, etiam minati erant, paulò post  
se reuersuros: ac ludibrium igne, atq; ferro, vlturos.  
quod cùm nunc denuntiaissent; & in proxima quæ-  
què loca oppidani, rebus suis, ac coniugibus, libe-  
risq;, tempestiuè exportatis, diffugissent: mox re  
ipsa præstiterunt, ac, desertum ab habitantibus me-  
tu oppidum incendentes, nullo vltra damno dato,  
cùm in armis conuenisse Sialandos intelligerent,  
domum classem reducere. Christianus, iterum tur-  
bante Suecià, vt reprimeret, conuenire senatores  
ad Callundeburgum iubet. quò cùm cæteri adue-  
nissent, Cimbri, aduersante vento, iam propinqui  
Sialandiæ, repelluntur, & comitiis prohibentur.  
quo comperto, mutat locum; & Arhusiam, Cim-  
bria

clb. Ib.  
xxiii.

briæ urbem, ne fortasse denuò per venti iniuriam  
 arcerentur, eos vocat, ad XXV. diem Ianuarij. sed, cIo. Io.  
 cùm rumor spargeretur, cum exercitu, è Germaniâ XXIII.  
 euocato, aduenturum, atq; belli instrumentum vni-  
 uersum præmisisse; metuentes, ne, quod Suecis ac-  
 cidisset, sibi quoq; eueniret, ad Viburgum coeuntes,  
 & consilia conferentes, arma sua opponenda cen-  
 fuerunt. Rex, vt classem Vandalorum, de quâ dixi,  
 propulsaret, Sialandos concitauerat; qui, ad decem  
 circiter millia congregati, castra sua ad Solbergum  
 collocauerant: ad hæc quatuor peditum externo-  
 rum signa Hafniæ erant, ad præsidium eius vrbis, sub  
 Georgio Hofmanno: equitum verò aliquot turmæ,  
 in Fioniâ, sub comitibus Hoiano & Teckelenburgi-  
 co. Illæ copiæ metum ipsis faciebant; quanquam eti-  
 am, ex quo tempore istam in Sueciâ detestandam la-  
 nienam exercuerat, altè admodum ea res in animos  
 Daniæ senatorum penetrauerat, vt deinceps, quoties  
 Hafniam vocarentur, non nisi cum summo metu, atq;  
 adeo vniuersi, conuenirent. itaq; vt se formidine, in  
 quâ semper versabantur, semel tandem liberarent, ar-  
 ma omnes, ad securitatem suam asserendam, capien-  
 da statuerunt. atq; primò quidem literas, inde fecia-  
 lem mittunt; qui obsequium & renunciaret illi, & de-  
 fectionis causas, satis graues, atq; iustas, vt censebant,  
 coram exponeret, iam tum Vethlam Cimbriæ oppi-  
 dum, rex aduenerat; & Arhusiam, ad conventum,  
 quem indixerat, cogitabat: vbi eum Magnus Muncius,  
 Cimbriæ supremus iudex accedebat. qui, ad mensam

CL. IO.  
XXIII.

inuitatus, vir festiuius, & familiaris etiam, vt exhiberet ipsum, vario sermone tempus inter discumbendum trahit : multa de venationis, ac venaticorum canum, laude fatus. inde surgit, & se clanculum subducit : ac relinquit in fenestrâ literas illas, quibus Cimbri se discedere ab obsequio testabantur. has inventas, & oblatas, cum legisset Christianus, consternatus, accersiri Muncium iubet: sed is, quia clam abierat, reperiri nusquam potuit. Itaque, cum copiis suis, nec indigenis, neque exteris, satis fideret, refert pedem: & Coldingam, urbem Holsatiæ Cimbriæq; limitaneam, sese confert. Ac Olaum Roscrantsium; Magnum Bildium, arcis Coldingensis præsidem; atq; N. Heiderstorpium, summum peditatus ducem; regni sui senatores, qui tunc aderant, ad se vocat: singulosq; percunctatur, quid in tantâ perturbatione rerum faciendum arbitrentur? atque Heiderstorpium quidem, qui sententiam primo loco rogabatur, *aduocandas è Germania copias auxiliares ab affine Carolo V. Imperatore, ac principibus consanguineis*, affirmabat: *quas adeptus, facile in potestatem Cimbros redacturus esset.* Hinc interrogatus Bildius, *duos ordinis senatorij ablegandos ad primates Cimbriæ suadet; qui sponderent, regem ius non recusare: ac paratum sese sistere, dum ab armis discedatur; ac, concessio comitatu, partium securitati consulatur.* Roscrantsius verò, sic existimabat; *cum regina, liberiq; item regij, adeò longè separati, in discrimine manifesto versarentur, horum in primis saluti ipsi providendum esse.* Placuitq; hæc sententia Christiano;

stiano; cui tamen præstitisset, Bildij consilio vti: ac, si C10. 10.  
 reiecissent Cimbri, tum id optimum factu erat, quod XXIII.  
 suadebat Heiderstorpius, vt auxilia è Germaniâ, tam  
 obnoxia, vocarentur. nam vxori, liberisq; , in muni-  
 to adeò loco, apud ciues tam deuotos, vt mox, in ip-  
 sius, gratiam diuturnam, asperamq; , obsidionem to-  
 lerarent, nil periculi planè erat: tum nauigio, quan-  
 docunq; vsus foret, ac quocunq; videretur, euehi po-  
 terant. nunc, qui pridem pellicem vxori suæ præfe-  
 rebat, dum vxorem, liberosq; , regno charios habet;  
 & maritum, atque patrem, potiùs quàm regem, agit:  
 & vxorem, & hæredem regni filium, in quo spes re-  
 cuperandi omnis sita, etiam paullò post amittit. Ve-  
 rùm Deus, qui euertere tantam eius magnitudinem,  
 ac potentiam, apud se constituisset, consilia eius, vti  
 ferè in humanis rebus solet, peruertebat. Itaq; , post  
 hoc colloquium, cum sententiam, vti dixi, Rosen-  
 crantsij collaudasset, rex in Sialandiam properat, ad  
 vxorem, liberosq; . ac, transmissò mari Baltico, cum  
 Ringstadium aduenisset, vbi tunc mercatus erat, con-  
 vocatâ vniuersâ multitudine, flebili oratione, vt inge-  
 nium tyrannorum est, asperum in rebus lætis, & ab-  
 iectum in aduersis, de Cimbrorum motu queritur;  
 adeoq; Sialandos hâc querelâ suâ flectit, vt obsequi-  
 um illi omnes, atque fidem, nouo iuramento obstrin-  
 gèrent: quin & sanguinem pro salute eius fundere se  
 paratos testarentur. Hinc cum Hafniam, vbi vxor,  
 liberiq; , tunc agebant, discessisset, vrbem ingressus,  
 tres ex ordine senatorio hic inuenit; Lagonem epi-

cl. D.  
XXIII.

scopum Roschildensem; Henricum, abbatem Soranum; & Eschillum, antistitem Anderschouiensem. itaq; eos ad se vocat; &, quid isto rerum statu sibi faciendum censeant, sciscitatur: adeò quoq; infra regiam maiestatem se demittit, vt togatus ipse sapè, de negotio eos suo consulturus, multo manè ex arce in urbem, vbi variis quisq; locis habitabant, eques iret. sed hi, cum consilia regis vniuersa explorassent, clam ex vrbe discedentes, ocyùs Callundeburgum se recipiunt: hinc in Cimbriam trajiciunt, ac se coniuratis iungunt. eares spem regis cæteram ita planè conturbavit, vt tumultus coercendi curam, animumq; abjiceret: ac de fugâ capeffendâ cogitaret. & consilium incitabat etiam metus, ne, quod iam rumore vulgi ferebatur, Cimbri, atq; Lubecenses, inter sese fœderati, classe instructâ prohibere conarentur, ne euadere quoquam posset. itaq;, vt anteuenteret, multò magis festinandum existimauit: & viginti è classe regni, quæ in portu Hafniensi semper in quemcunq; vsum præsto erat, naues sumens, auro eas, & argento, regiâq; suppellectile qualicunq;, implere iubet. quin & regni aperto ærario sanctiore, quod Callundeburgi erat, non recludi nisi summâ in necessitate solitum, quicquid ibi iam à multis annis asseruatum, aufert. Denique nullum fugæ suæ adminiculum prætermittit; ita vt pinnacula quoq; templi arcis, ædiumq; totâ vrbe grandiorum, quia inaurata essent, spoliaret. Tum, vt tantò magis se vlcisceretur, etiam archiua regni populatur, priuilegiaq; abducit. inde, comportatis omnibus, & Sigbrittam, maximam malorum causam, quæ



quæ in arcem, vt à ciuium se iniuriâ tueretur, clam confugerat, cistæ includit, & in regiam suam nauem inferri mandat; quam & ipse, cum vxore, liberisque, mox conscendit: postquam arcem, atq; urbem, fidei Henrici Goizæ commisisset, & Vrbanum magistratum nouo sibi iuramento obstrinxisset: breui admodum, ac supremum ad trimestre, cum auxiliis reuersurum se pollicitus. relinquebat & præsidium, præter equites, quorum incerta multitudo, peditum quoque signa quatuor, sub Georgio Hafmanno, qui vir gente Saxo erat, & militiæ per id tempus actæ clarus. Sanè admodum imprudenter Christianus; siquidem facilius, dum possidetur, armis regnum vindicatur, quàm repetitur amissum. nec necessitas fugæ erat, modò metus abfuisset: qui periculum, vbi nullum est, sibi fingit; & exiguum, in maiorem modum auget. nam Noruegia, item Scania, Sialandia, & Fionia, ac Holsatia fidem suam, & obsequium, retinebant: neq; fortè, si mansisset, vnquam exuturæ erant: sed desertæ, ipsæ etiam aliis se adiunxere. integra vbiq; illi ciuium studia, vt quoq; rusticorum: aderatq; militum manus. tum, si portus custodiret, facile ingressu erat insularum prohibere, Balti vndiq; submotos: & in promptu iustæ copiæ, ac instructæ bello naues, ad conatum reprimendum. sola Holsatia, quia Cimbriæ finitima, ad iniuriam opportuna. nec auxilia laboranti peregrina defuissent: quæ tenenti regnum suum, atq; illud quoquo modo vindicanti, quàm depulso, promptiora. quando reges, principesq; vt cadentem sustinere, quàm erigere iam iacentem, est facilius,

*c. 15. 15.* lius, ita malunt, quod minore negotio possunt; siue  
*XXIII.* utilitatis causâ, quod hic reddi aliquando gratiam  
 posse, & impensâ, arbitrentur: siue famæ, cuius in-  
 teresse putent, ne tentasse cognoscantur, quod effi-  
 cere non potuerint: siue etiam, quod aduersa, pari  
 regum atque priuatorum sorte, faciliè miserationem,  
 opem autem vix inueniant. Verùm sua ipse commo-  
 da turpi fugâ cuncta prodidit: quam instituit ad  
 XX. diem Aprilis. ostenditq; etiam tum iram mani-  
 festam Deus; qui, ingenti tempestate fugientem per-  
 sequutus, dissipatâ totâ classe, tres hebdomadas ita  
 grauiter afflixit, vt ad rerum penè omnium despera-  
 tionem adigeret. Tamen, cùm in grauiore, maxi-  
 meq; diuturnos, animi eum cruciatus reseruaret,  
 priùs eiectum in Noruegiam, tandem veriam, Ze-  
 landiæ urbem, appellere siuit. regna amissa variè re-  
 cuperare nisus fuit, sed euentu infelici, & octauo in-  
 de anno, cùm iam classem, in Hollandiâ ab affine Ca-  
 rolo V. impetratam, instruxisset, tempestate rursus  
 in Noruegiam actus, dum Canuto Guldensternio, e-  
 piscopo Othoniensi, anno proximè insecuto impru-  
 denter se committit, qui, quod haud præstare posset,  
 temerè pollicitus erat, in custodiam sempiternam  
 primò Sunderburgum Alsiæ, inde Sialandiæ Callun-  
 deburgum, est abductus. Vbi tandem diem obiit, ad  
 XXV. diem Ianuarij, anno humanæ salutis *c. 15. 15. 118.*  
 ætatis LXXVII. & sic princeps longè maximus, viri-  
 busq; sanguine, & affinitate potentissimus, postquàm  
 miser tribus regnis suâ culpâ excidisset, vix decennio  
 ho-

horum potens, per sex & triginta annos in exilio, aut custodia, vitâ cæterâ inter summos animi cruciatus actâ, mortem, quam optârat sæpè, ægrè tandem consecutus, animam diu infelicem exhalauit. In hoc ipso manum quoque punientis Dei sentiens; qui, quam bonis vitam longam ad prosperitatem quandam temporaneam dat propitius, malis etiam conseruat irritatus ad supplicium. Procul dubio grauem in se iram Dei prouocauerat. Adolescens variâ libidine famam, ac flagitiis, quæ hanc ferè comitantur, corrumpebat; ita vt quandoq; pater indignatus, aduocatum in conclaue, & verbis acribus obiurgatum, etiam verberibus cæderet: donec, genibus aduolutus, ac promittens culpæ emendationem, veniam supplex precaretur. ac, cum neq; sic desisteret; &, identidem in flagitia vñtata reuolutus; nihil monitis, nihil iurgiis, aut verberibus, mutaretur: tandem, in maiorem modum excandescens, neque vltrâ iræ potens, execratus, diris eum deuoueret, Nil parentes euitare studio maiore debent, quàm ne, vitiis liberorum supra modum irritati, diras iis imprecentur: quæ, si iustæ, vires quoq; suas habent, & ærumnis in deuotos importandis multum valent. Ita certè Christianus, primò nequam, postea infelix fuit. qui, vir factus, postquam matrimonij gloriam pellicatu obscurasset, regna quoque per superbiam, & perfidiam, ac crudelitatem, amisit. quanquam sanè, quid in Danos, solio eum depellentes, adeò dignum reprehensione admiserit, si excipias supplicium, de Torberno Oxio

c. 10. 10.

xxiii.

sumptum, nimis rigidum, ac sæuitiæ affine; tum  
 superbiam, & contemptum senatorum, quæ Sig-  
 brittam anteferet, fæminam valdè sceleratam,  
 quæque gratiam, malis artibus occupatam, sola  
 totam possidebat, nil Historia repræsentat. nec id  
 causæ satis erat, quare regnis pelleretur. & maiore  
 metu suo, quàm periculo, angebantur, cum iam pœ-  
 nam Sueciæ tam crudeliter habitæ, quæ se denuò iu-  
 go excusso in libertatem vindicauerat, persentiret. :  
 idq; eum, ad clementius gubernandam deinceps  
 Daniam, satis coercere posset. neque, qui momenta  
 rerum rectè censeat, temerè sanè euenisse existima-  
 bit, quod, occultâ quâdam Dei voluntate, cum obi-  
 ret, mortuo pridem Christiano, patruale, quasi li-  
 ber, etiam si in custodiâ, ampliori dignitate toto reg-  
 no nullum agnosceret: Daniaq; velut tacito quo-  
 dam opprobrio, regem id temporis coronatum,  
 quàm captiuum, non haberet. Verùm Deus, om-  
 nium regnorum arbiter, eum, qui se Sueciâ indig-  
 num nuper, ob perfidiam, ac sæuitiam; Daniâ autem  
 ob superbiam, ipse ostenderat, omnibus deiectum  
 voluit: &, qui animum Danis faceret, metum inie-  
 cit. quo iam dudum inquieti, id quod viri fortes so-  
 lent, semel mori, quàm timere semper mortem, sa-  
 tius existimantes, rem, periculosè ausi, felicissimè  
 perfecerunt. neque Saxones avunculi, nec sororius  
 Brandeburgicus, neq; vxoris item frater, Imperator,  
 Carolus V. vnquam eum restituere potuerunt: neq; re-  
 ges fæderati, nisi per legatos suos, idq; blandè potius

cul-

culpam exulantis deprecando, quàm vim aliquam *cl. 19.*  
 comminando, tentauere. ac Germaniæ quidem *xxiii.*  
 principes, cum, coacto magno exercitu, iam ad Al-  
 bim peruenissent, ipse turpiter destituit: Carolum  
 verò, fortuna. qui, potentiâ cæteros omnes antecel-  
 lens, postquam semel infelicitè rem tentasset, eo  
 capto, & Ioanne quoque filio, quem in spem pater-  
 ni regni aliquando repetendi educabat, eodem tem-  
 pore vitâ functo, adeò conandi aliquid deinceps vo-  
 luntatem abiecit, vt Philippo item filio testamento  
 interdiceret, ne negotium regi Daniæ, ob iniurias  
 Christiano, amitz Isabellæ viro, olim illatas, vllum  
 omninò exhiberet. Regnum se cruentum admo-  
 dum habiturum, statim ipsâ in natiuitate ostendit;  
 cum, porrectâ alterâ manu, alteram contractam in  
 pugillum efferret: obstetrixq; postquam eam expli-  
 casset, sanguine plenam inueniret. quæ attonita,  
 cum Ioanni patri factum retulisset, ipse quoq;, nihil  
 velans, prodigum humani sanguinis filium fore præ-  
 dicauit. alterum item memoratur; quod, priusquàm  
 natus esset, dum eniteretur mater, intrâ vterum eius  
 flere audiretur: manifesto id portento, vitam ipsum  
 peracerbam habiturum, & aliis facturum esse. Nec  
 virtutes tamen planè nullas habuit; ac militiæ cla-  
 rus fuit, actæ viuo adhuc patre, contra Norvegos, &  
 Suecos: quos rebelles ad obsequium reduxit. tum  
 de regno benè meritus, constituto Hafniæ emporio:  
 adeoq;, quàm nobilitati inuisus, tam acceptus ciui-  
 bus, rusticisq;, erat. Liberos ex Isabellâ Austriacâ,

# BENIGNE LECTOR.

*Quia excusus me absente liber iste, ut praeſſe editioni non  
potuerim, negligentia Typographi errata ista irrepperunt: quae  
pro aequitate tuaſ uti corrigas, antequam ad lectionem libri acce-  
das, maiorem te in modum rogo.*

In Praefatione, fol. b.  
Pag. 9. lin. 12. item leg. ita.  
Pag. 7. lin. 4. in leg. ni.

Pag. 8. lin. 9. *Cameracensi*; le-  
ge *Cameracensi*.  
lin. 10. 11. edorerent leg. edocerent.

Pag. 2. lin. 16. CCC. leg. CCCC.  
3. lin. 15. *ſenatuda tum*. leg. *ſe-  
natu datum*.  
10. l. 14. excedere. excederet.  
l. 26. inclinari. inclinare.  
11. l. 24. benignè. perbenignè.  
l. 27. post *muniſſet*, inſere  
verba. temerè omiſſa,  
*classeſſem repetit*.  
12. l. 1. Falſtriam. Falſtriamq;.  
14. l. 3. illis. illic.  
l. 27. conciliatâ. concitatâ  
l. 29. id. in.  
15. l. 17. â. c. (patam.  
16. lin. 18. 19. ocpatam. occu-  
l. 20. conciliati. concitati  
18. l. 21. optimo obedientiâ:  
optimo ab obedientiâ.  
21. l. 19. inſeſtas. inſeſtâ.  
22. l. 11. lueretur. tueretur.  
25. lin. 3. Sueciadum. Suecia-  
dum.  
32. l. 1. diem. die.  
34. l. 4. addictis. additis.  
l. 11. ſi. hi.

Pag. 36. l. 17. videns. ridens.  
37. l. 7. quicquam. quicquam.  
38. l. 4. in maturè. ni maturè.  
l. 11. crudelitatem. credulita-  
te.  
40. l. 25. in Hoſſatiam rece-  
pit. in Hoſſariam ſe rece-  
pit.  
42. l. 19. in certâ. incertâ.  
43. l. 15. illis. illic.  
44. l. 22. nauigo. nauigio.  
46. l. 12. humanibus. huma-  
nitus.  
l. 19. illis. illic.  
49. l. 9. contumetiam. con-  
tumeliam.  
50. l. 3. 4. aliisq; . aliisq; .  
l. 13. deſperant. deſperant.  
51. l. 6. comituntur. commitun-  
tur.  
l. 8. quicquam. quicquam.  
54. l. 14. 15. Chriſtianam Chri-  
ſtinam.  
l. 16. per honeſtam. per ho-  
neſtam.  
Ii 3 Pag. 58.

Pag. 58. l. 5. ille arce. ille in arce.  
 59. l. 1. vlciscantur. vlciscantur.  
     l. 6. posteritati. potestati.  
 60. l. 10. illis. illic.  
 63. l. 7. post fore adde *rata*. quæ  
     vox omiffa.  
 64. l. 20. euocatus. euocatis.  
     l. 26. Christiana. Christinâ  
 65. l. 3. ac. de.  
     l. 25. in. ni.  
 67. l. 19. legeret. tegeter.  
 68. l. 2. Daam. Daniam.  
     l. 17. nequisquam. nequic-  
     quam.  
 69. l. 4. Alexij. Axelij.  
 71. l. 15. eâ. eâdem.  
 72. l. 1. imminantem. immi-  
     nentem.  
     l. 22. fuscitantur. sciscitan-  
     tur.  
 l. 26. magnalibus. magnati-  
     bus.  
 74. l. 5. futuros. facturos.  
     l. 6. cunctos. cunctas.  
     l. 9. studiosè. studuisse.  
     l. 26. dele &.  
 75. l. 17. in. ni.  
     l. 22. aduocabat. adorna-  
     bat.  
 77. l. 25. captibus. capitibus.  
 78. l. 25. *malè habitî alij : fumo.*  
     interpunge in hunc mo-  
     dum. *malè habitî : alij,*  
     *fumo.*

Pap. 80. l. 15. triennales. tricen-  
 88. l. 27. mensâ. menfe. (nales.  
 90. l. 11. Christiana. Christina.  
 91. l. 26. domo. domino. (ciat.  
 92. l. 10. denunciant. denun-  
 93. l. ult. ecclesiastarum. ec-  
     clesiasticarum.  
 94. l. 7. diplicere. displicere.  
     l. 20. habeat. habebat.  
     l. ult. dartes. partes.  
 95. l. 15. acrepente. derepentè.  
     lin. 18. existentibus. exstan-  
     tibus.  
 96. l. 16. incertam. incertum.  
 97. l. 1. inæquitabilem. ine-  
     quitabilem.  
     l. 20. agere. aggere.  
     l. 26. cates. crates.  
 99. l. 16. fimel. semel.  
 105. l. 10. rectè. rectè  
 106. l. 1. rex. etiam.  
     l. 7. cum. num.  
     l. 17. 18. dolore. dolere.  
 108. l. 2. 3. indignarum. indi-  
     genarum.  
 109. l. ult. Sueno. Steno.  
 110. l. 6. Sueno. Steno.  
 111. l. 2. rebus. verbis.  
     l. 27. arcem. arce.  
 112. l. 27. Flasterum. Fal sterum  
 113. l. 27. potius. potitus.  
 114. l. 24. iugoloq. iuguloq.  
 119. l. 18. suo. sua.  
 123. l. 5. dele. tam.



Pag. 124. l. 12. dirupisset. diripisset.

134. l. 11. auxilio. auxilia.

135. l. 8. Sueciarum. Suecicarum.

l. 24. stabiliri. stabilire.

154. l. 3. dele, in, quod omissum

l. 19. sequenti: itaq; restituendum. *delati in interiores.*

156. l. 24. elasse. classe.

l. 26. 27. Lucenses. Lubecenses.

160. l. 14. Morbium. Norbium

l. 23. pugna. pugna.

162. l. 20. Heilam Lubecensibus. Heilam à Lubecensibus.

163. l. 27. regia. regia.

165. l. 8. possent. posset.

169. l. 22. externa. extrema.

177. l. 12. obstructam. obstrictam.

180. l. 17. equitem. equitum.

182. l. 16. existiment. æstiment.

185. l. 11. inexplēbitis. inexplēbilis.

191. l. 21. 22. desistendo. de sistendo.

192. l. 2. numeri. muneris. (næ,

l. 24. Christianæ. Christi-

l. 27. Christianæ. Christianæ.

194. l. 7. ipsi. ipse.

199. l. 12. libertatem. liberalem.

l. 22. 23. vt reliquā. vt à reliquā.

207. l. 4. donaret. donâret.

208. l. 7. viam introitu. viam in introitu.

209. l. 25. iudicio. indicio.

ibid. assensus. ascensus.

214. l. 25. illud. illuc.

215. l. 25. progressus. progressos.

217. l. 21. effunderet. effunde-

223. l. 2. in. ni. (rent.

229. l. 26. primum ad. primum omnium ad.

230. l. 12. degressos. digressos.

l. 20. attramento. atramento.

231. l. 17. magno. magna.

233. l. 18. prælatis. prælatus.

245. l. 10. charios. chariores.

246. l. 21. suppellectile. suppellectile.

247. l. 5. Vrbanum. vrbanum.

l. 10. Hafmanno. Hofmanno.

248. l. 15. veriam. Veriam.

*Non pauca porrò in interpunctione passim*

*vitata: quæ tu sponte tuâ adver-*  
*tes, corrigesq;.*











